

Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.3.5.32/1





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.3.5.32/1



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.3.5.32/1





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.3.5.32/1

Ala. 3/5



Ex Libris Joannis Nenaini
1874






PAVLI MANVTII
IN ORATIONEM
CICERONIS
PRO P. SEXTIO
commentarius,
AD ANTONIVM AELIVM,
POLAE EPISCOPVM.



VENETIIS. M. D. LIX.





2
ANTONIO AELIO,
POLAE EPISCOPO,

Paulus Manutius S. D.

CUM alia multa, quæ uigebant olim,
rerum laudandarum studia perijsse,
atque extincta prorsus esse, dolen-
dum est, Aeli, uir optime, ac doctis-
sime: tum hanc, in qua sitam omnes
uel maximam utilitatem intelligunt,
interpretandi rationem ita amissimus;
ut ex eorum, quibus nostra patrumq;
memoria suam hoc in genere indu-
striam locare studium fuit, magno ac
infinito prope numero, non tamen
ita multos, qui tolerabiles uidean-
tur, qui uero excellant, quam pau-
cissimos, aut fortasse neminem liceat
inuenire. atque huius quidem incō-
modi culpa unde manauerit, expo-
nam. Primum illud in cōtrouersiam
non cadit; quo quidque præstantius,
eo laboriosius, ac difficilius esse. a-
lioqui nihil iam excelleret. quod

a 2 enim

enim consequeretur multi, in eo dignitas non esset, & ex copia uilitas existeret. est igitur in magnis rebus magna, quæ nos ab earum quasi possessiones arcet, cōstituta difficultas. hæc porro simplex nō est, sed in duo genera diuiditur. quædam enim, sicuti existimantur, ita difficilia sunt: quædam, cum non existimentur, tamen sunt. ubi difficultas & est, & apparet; inde multitudo uoluntatem & studium libenter abducit. rem quidem ipsam, quāti est, opinione æstimamus, & uehementer expetimus: magnis uero laboribus & uigilijs ut ematur, nō facile quisquam à seipso impetrat. amat enim hominis natura moderatam quietem, eaq; alitur, & crescit; nimias contentiones, quibus frangitur, & minuitur, recusat. ubi uero facile in speciem aliquid ostenditur, difficultas inclusa latet; cuiusmodi non esse pauca, inanis multorum docuit experientia: eò frequentes, bona spe inuitati, accurrunt; facileq;

3

cileq; ad eas res aggrediuntur, in quibus uel mediocrem operam si ponāt, futurum, ut ex animi sententia succedat, arbitrantur. quos deinde, graui temeritatis infamia, refellit euentus. huius generis hæc est, de qua orationem instituiamus, ratio interpretandi. quis enim est, qui se non existimet Liuium posse, Salustium, Virgilium, ipsum mehercule Ciceronē ita commode explicare, ut desiderari ab eruditis beneq; intelligentibus uiris nihil queat? atque hi, cum in C. Marij, aut in L. Syllæ nomen inciderint; si Marij, aut Syllæ uitam, à Plutarcho sumptam, in sua scripta totam trāstulerint; tum se suas præclare partes absoluisse existimant: cum interim, in quo doctrinæ, quæ paulo sit occultior, appareant notæ, in quo ingenij lumen eluceat, in quo prudentiæ uis, aut iudicij signa cernantur, nihil afferunt. exire uidemus quotidie, à postremi ordinis hominibus factos, speciosis magnaq; pollicenti-

a 3 us

bus titulis insignes , minimi pretij cō
mentarios : quos non modo qui scri-
bunt , falsa de se ipsis opinione dece-
pti , uerum etiam qui typis impressos
edunt , ijs , qui hoc de genere iudica-
re possunt , inconsultis , quodam mo-
do deformant præclara studia littera-
rum , & de posteritate ipsa pessime
merentur . sed cetera , quæ ferenda
non sunt , feramus tamen , ac dissimu-
lemus , sane multa : commentarios ue-
ro illos , qui passim leguntur , in Cice-
ronis orationes , (quem librum ? la-
tinorum omnium facile principem)
grauem inquam illam immensi uolu-
minis molem quis est qui ferre ullo
modo possit ? loca sunt in Ciceronis
orationibus male mendis affecta quæ
plurima : sanari nullum uideas . sunt
ob antiquitatis obscuram notitiam
difficilia : quis est , de tot interpre-
tum numero , qui lumine explanatio-
nis illustret ? denique communia tan-
tum , quæq; omnibus pene patent , ea
sumunt ad explicandum : ex abditis ,
quò

4
quò sine labore & ingenio accessus
non est, doctrinæ fontibus nihil hau-
riunt. contraq; , multa corrumpunt
magis , dum emendare conātur ; mul-
ta exponēdo peruertunt, & pulcher-
rimas sæpe sententias turpissimis in-
scientiæ maculis inquinant. quæ me
ita cōmouit indignitas , itaq; meum
animum , ut uere dicam , miseratio
quædam affecit , quasi ob illatam ui-
ro optimo, egregieq; de litteris meri-
to , Ciceroni , qui Romanæ termi-
nos eloquentiæ longissime protulit,
ignominiam ; ut statuerim, si cum ui-
ta ualetudo , & cum ualetudine oci-
um suppetat, triennium , aut quod
omnino res exiget spatij, in hoc o-
mnium pulcherrimo libro interpre-
tando , studiosorum gratia, consu-
mere : non quòd ego is sim , qui mihi
tantum arrogem , ut alijs detractam
scientiæ laudem ad me transferam :
abest hoc à consuetudine mea , abest
à natura plurimum : sed neque rursus
is sum, qui , cum ceteros probe noue

a 4 rim,

rim, ipse me prorsus ignorē; & qui,
cum alios accusēm propterea, quia
non præstant ea, quæ ab eorum stu-
dio postulantur, ego me, si quid præ-
stare posse mihi uideor, uelim cōtem-
nere. non ita laudem fugio: etsi nec
nimis appetō. alterum stupidæ cu-
iusdam sapientiæ, alterum insanæ am-
bitionis esse uitium semper duxi. ne-
que uero, si quid mihi elegantiori-
bus in litteris assumpsero, longe ad-
modum ab ijs finibus, quos mode-
stia ratio præscribit, discedere mihi
uidebor. scis tu Aeli, pro nostra ue-
tere amicitia, & familiaritate, per
quot annos, quibus laboribus hæc,
quæ ab humanitate nomen accepe-
runt, studia coluerim. sciebat opti-
me omnium, & mihi, cum uiueret,
hoc nomine tribuebat plurimū, Ber-
nardinus Maffeus Cardinalis, meus
ille, in omni mihi uita defēdus, Mas-
feus, Urbis delicia, lepor, humani-
tas, exemplum antiqui officij, flos o-
mnium uirtutum. is amabat hæc stu-
dia

dia mirifice, eaq; quibus poterat re-
 bus (poterat autem plurimis) tueba-
 tur, & fouebat. bene autem de hac,
 quaecunque in nobis est, uel. potius
 quantulacunque est, latinæ oratio-
 nis facultate existimabat: meq; quo-
 tidie, quantum possem ut latine scri-
 berem, urgebat: & scribebat ipse, ut
 scis, luculenter, & egregie. proba-
 bat omnino meum consilium, & ef-
 ferebat maxime, de commentarijs in
 Ciceronis orationes: sed exerceri
 malebat prius industriam meam in an-
 tiquitatibus Romanis, ipso potissi-
 mum auctore institutis. interim, ut
 quasi ex unius partis forma de toto li-
 ceret ædificio conijcere, unam ali-
 quã, quæ specimen ingenij mei præ-
 beret, orationem subiciuis horis ut
 exponendam susciperem, hortatus
 est. ego sumpsi pro Sextio: nec mul-
 tis post eum sermonē mensibus hunc,
 qui nunc in tuo nomine, Antoni Ae-
 li, apparebit, commentarium absol-
 ui. et quod, ille si uiueret, fecissem,

ut

ut hoc ei, quidquid est, muneris de-
ferrem, studio meo cōmotus, illius
uirtute impulsus; idem nunc, iisdem
adductus causis, tecum facio liben-
tissime. nam cum amicitia inter nos
est, quanta inter duos, quorum & uo-
luntates, & iudicia consentiant, ef-
se potest maxima: tum habes uirtu-
tem, non eam, quæ petitur à libris,
quæ uno scientiæ nomine definitur,
sed eam, quæ oritur ex animi præstan-
tia, & multas in se laudes continet,
studium in suscipiēdis Ecclesiæ caus-
sa laboribus, cōstantiam in perferen-
dis; humanitatem in excipiendis ho-
minibus, benignitatem in subleuan-
dis; comitatem in consuetudine fa-
miliarium, grauitatem in congressu
et sermone clarorum tuiq; similium
uiro-um; denique uoluntatis propē-
sionem ad optima quæque singula-
rem. itaque te summus ille artium ho-
nestarum patronus, decus Italiæ, A-
lexander Farnesius Cardinalis in ocu-
lis fert; tibi arcana cōmunicat; tuis
in

in cōsilijs , si quid deliberandum est ,
 multum , si quid perficiendum , in ui-
 gilia plurimum ponit . tu , quo
 apud illum Maffeus olim loco fuit ,
 eodē ipse nunc es : rectissimamq̃ , lau-
 dandarum actionum uiam , obserua-
 ris Maffei uestigijs , ingressus , pergis
 eò fauentibus hominibus , approbā-
 te Deo , ubi debitum ijs , qui bene ac
 laudabiliter uixerint , præmium sum-
 ma dignitas persoluitur . Mouit etiā
 me uehementer illa ratio ; quòd erat
 inter uos coniunctio animorum ar-
 ctissima ; conueniebant sensus , con-
 gruebat uoluntas : præterea simpli-
 ces animi , & puri , nulla simulationis
 arte obducti , nulla inuidiæ aut male-
 uolentiæ labe suffusi . quare , quoniā
 illa Maffei suauitas , illud ingenium ,
 illa uirtus erepta morte , nimium ini-
 quo fato , nobis est ; (tametsi memo-
 riam illius uiri neque mihi mors , ne-
 que omnino dies ulla unquam eripi-
 et) & quando , quæ illius erant par-
 tes in ornandis liberalibus discipli-
 nis ,

nis, eæ translatae ad te uidetur, præ-
clariq; muneris quasi uicarius reli-
ctus es: ego quoque, quod in illum
studij, quod habui uoluntatis, ac be-
neuolentiæ, (id erat tantum, ut acce-
dere nihil posset) totum illud in te
unum, illi quamfimillimum, contuli:
& qui te antea, multis erga me meri-
tis, multis ingenij tui suauitatibus
adductus, unice dilexissem, tamen
id, quod in amore summum uideba-
tur, auctum, cum hoc accessit, etiã
atque etiã, plenissimeq; cumulatum
intelligo. Tibi igitur offero, fructũ
ingenij mei, in orationẽ pro Sextio
cõmentarium, operis uniuersi, quod
maiores à me uigilias postulat, ima-
ginem: quod ipsum, Maffeo promif-
sum, idem tibi, qui eius in locum suc-
cessisti, iam nunc animo dicamus.
uerum hoc serius fortasse præstabi-
tur. de re enim, quod ad me attinet,
cõstitutum est, et, ut uides, aggres-
sus iam sum: de tempore, is, à quo
nostrorum consiliorum pendet euen-
tus,

7.
tus, rerum omnium moderator uide-
rit Deus. habeo nunc in manibus An-
tiquitates. eas nisi pertexuero, nihil
instituire in animo est. pertexere au-
tem ut possim, duo sunt optanda, ua-
letudo, & ocium: quod utrunque,
assiduis annorum superiorum studiis
infirmatus, & rei familiaris cura im-
peditus, nunc quidem magna ex par-
te desidero. accipe interim hoc, quod
adest, argumentum obseruantiae in
te mea; & illud, quod aliquando, ut
speramus, futurum est, suo tempo-
re expecta.

ARGVMEN.

ARGVMENTVM ORATIONIS
PRO P. SEXTIO.

P. SEXTIVS, cum, Lentulo & Metello cos. tribunus pl. esset, omnem vim tribunatus sui ad Ciceronem patriæ restituendum maximo animo contulit. eius conatibus cum P. Clodius, qui Ciceronem urbe expulerat, homo seditiosus, ac turbulentus, obsisteret; factum, ut VIII. kal. Feb. inter eos qui Ciceroni fauebant, et Clodianos magna pugna, armatis utrinque hominibus, committeretur. eo nomine, anno post, Marcellino, & Philippo cos. P. Sextio M. Tullius Albinouus detulit nomen, eumq; lege Lutatia de ui apud M. Aemilium Scaurum prætorē postulauit. defensus Sextius cum ab alijs, tum à duobus præstantissimis oratoribus, Q. Hortensio, et M. Tullio Cicerone, atque absolutus est. itaque ipse Cicero lib. I I. epist. ad Q. fratrem, Sextius, inquit, noster absolutus est I I. id. Mart. & quod uehementer interfuit reip. nullam uideri in eiusmodi causa dissensionem esse, omnibus sententijs absolutus est. Exulauit tamen postea hic ipse Sextius: quo crimine condemnatus, pro certo dici posse non arbitror: puto tamen, quod à Pompeio aduersus Cæsarem stetisset: id quod constare potest uel è lib. V I I. epist. ad Atticum. quidquid sit, certe, nisi post interitum Pompeij, non exulauit. extat epistola, qua ei Cicero consolationem adhibet, lib. V. earum, quæ familiares nominantur.

DE GE-

DE GENERE, ET STATV
ORATIONIS PRO SEXTIO.

CAVSSA P. Sextij, quia continet accusatio-
nem & defensionem, est in genere iudiciali: quia
uero partem habet honestatis, & turpitudinis,
in ea generis parte sita est, quam rhetores du-
biam & ancipitem nominarunt. turpitude pate-
bat in eo; quòd Sextius armatorum multitudine
contra leges in publico usus erat: honestas in eo,
quòd, multis ante uulneribus acceptis, uitam
suam, ne uim iterum eandem pateretur, neces-
sario præsidio munierat. pugnat igitur cum tur-
pitudine honestas: utra uincat, apud iudices quæ-
stio est. Quod ad statum pertinet: cum de nomi-
ne controuersia sit, quia uim fuisse accusator ait,
defensor negat, status est is, qui definitiuus ap-
pellatur. quòd si quis caussam Sextij non ad defi-
nitium, sed ad generalem statum reuocet: hic,
ut quidem ego sentio, non omnino nihil uiderit.
cum enim in ipsam rei naturam diligenter inspi-
cio; facile fit, ut in hac caussa generalem statum
esse putem: quia, cum de Sextij facto conueniat;
quale sit, quæritur, iustum scilicet, an iniustum.
quam generali statu contineri quæstionem nemo
nescit. Et quoniam hic status duas in partes di-
stribuitur, iuridicalem hic agnosco: quia, cum
Sextius æquum & rectum fuisse dicat, præsidium
uitæ aduersus uim comparare; æqui & recti na-
tura

tura quæritur. Rursus, cum iuridicialis in absoluta, & assumptiuam diuidatur: hic, exclusa absoluta, locum habet assumptiua: quia res ipsa per se satis est infirma, sed defensione nititur extrinsecus petita. Assumptiua autem eam partem intelligo, quæ dicitur remotio: quia factum reus non negat, sed crimen à se remotum in P. Clodiū transfert. Cum uero in purgatione tria considerentur, imprudentia, casus, et necessitas: necessitatis partem Sextius assumit: cum se, necessitate coactum, armatorum hominum præsidio usum esse confirmet. quid enim faceret, cum in templo Castoris multis uulneribus concisus, ac pene occisus, uitam non iure & legibus, sed ui & armis aduersus inimicorum audaciam ac furorem tuendam esse didicisset? Est igitur Sextij causæ status generalis, iuridicialis, assumptiuus, ex concessione, cum purgatione per necessitatem. quod si ad Hermogenis doctrinam, sane in hoc genere præclaram, respiciamus: status erit qualitatatis: quia de qualitate rei, utrum iusta fuerit, an iniusta, consideratur. erit autem in qualitate artissimis: quia Sextius uniuersum factum in se ipsum refert, cum se quidem armis usum esse dicat, uerum ob eam causam, quæ iustissima est, ut salutem suam uitamq; seruaret.

DE

DE EXORDIO ORATIONIS.

EXORDIA oratoribus in genere demonstratio libera sunt, in deliberatio & iudiciali non sunt, sed causis deferuntur, & à causarum vi ac natura ducuntur. et quia causarum plura genera sunt: inde fit, ut exordiorum plura quoque genera nascentur. causa Sextij est in genere iudiciali, et est huius generis in ea parte, quæ anceps appellatur. In ancipiti causa, cum honestas & turpitudine sibi invicem aduersentur, à benevolentia sumitur exordium. cum enim, ut dixi, turpitudine & honestas versentur in causa; eaq; iudicis animum diuerse trahant: addendæ sunt vires honestati, quo plus ad commouendum ac persuadendum valeat. sit autem firmior honestas causæ, si cum iudicis benevolentia coniungitur. nam cum iudicis animus, dubia quadam turpitudinis honestatisq; specie dissimiliter affectus, neutram in partem propendeat: facile, si quid ad alterutram accesserit momenti, commouebitur. cum vero inter eas rationes, quæ ad conciliandam benevolentiam valent, minime omnium ea sit imbecilla, quæ à rei persona proficiscitur: nihil enim reo potest esse optabilius, quàm ut ijs, à quibus iudicatur, carus sit: propterea de quatuor locis, unde comparatur benevolentia, eo primum utitur Cicero, qui est omnium utilissimus, maximeq; necessarius. Et quoniam non satis est, si à perso-

B na rei

na rei beneuolentiam quæramus, sed ab ijs ipsis
rebus quærere debemus, quæ inter præclare fa-
cta maxime excellunt: hoc ipsum quoque acutif-
simi orator ingenij & uidit facile, & obseruauit.
nam cum recte facta possint esse quamplurima;
cumq; inter hæc ipsa nihil præstantius habeatur,
quàm de patria bene mereri: optimam ac perfe-
ctissimam comparandæ beneuolentiæ rationē ini-
nit, cum à commemoratione beneficiorum, quæ
Sextius in remp. contulit, orsus est. Iam, cum e-
iusdē generis non omnia beneficia sint: quod erat
omnium maximum, id nominauit. est autem o-
mnium maximum ipsa reip. salus, atque liber-
tas. quam duobus in locis exordij sui Cicero, pri-
mum tectè, deinde aperte, P. Sextij summo stu-
dio summaq; uirtute conseruatam significat: te-
ctè, cum ait; Qui auderent se, & salutem suam
in discrimen offerre pro statu ciuitatis, et pro cō-
muni libertate: aperte, cū illa pronunciat; Vno
aspectu intueri potestis eos, qui cum senatu, cum
bonis omnibus remp. afflictam excitarint, & la-
trocinio domestico liberarint, mæstos, sordidatos,
reos. Et quoniam in defensionibus id primū est,
ut reum subleuemus; alterum, ut aduersarios de-
primamus; ut alteri beneuolentia, alteris odium
concilietur: in hoc exordio & utrunque, &, quo
conueniebat, loco factum est. nam cum reo iam
consulisset in eo, Intueri potestis eos, qui remp.
afflictam excitarint, mæstos, sordidatos, reos:
proxime

proxime intulit, Eos autem, qui omnia diuina,
 & humana uiolarint, uexarint, perturbarint,
 euerterint, non solum alacres letosq; uolitare, sed
 etiam uoluntarios fortissimis atque optimis ciui-
 bus periculum moliri, de se nihil timere. ita, cum
 ex una parte summum Sextij beneficium, ex alte-
 ra grauissimas aduersariorum in remp. iniurias
 constituat; eaq; non disperse, & ex interuallo,
 sed proxime, nulla interiectione commemoret;
 quo res utraque ex propinqua rei contrariae com-
 paratione maior appareat: consecutus est id,
 quod ad absolutionem rei quasi uiam munire
 iam significauimus, ut et honestatem causae iudi-
 cum beneuolentia confirmaret, & turpitudinem,
 odio in aduersarios concitato, ita debilitaret, ut
 cum honestate congressa facile cederet. Est autem
 & illud non uulgaris artificij; idq; ad comparan-
 dam beneuolentiam ualere anti qui rhetores dixe-
 runt; quod, cum maximum Sextij beneficium
 ostendisset, maximum eiusdem incommodum pro-
 ximum demonstrauit. ad illud enim, Qui remp.
 afflictam excitarint, quod amplissimis praemijs
 dignissimum esse beneficium uidebatur, apposuit,
 ad eliciendam misericordiam, Mæstos, sordidatos,
 reos, de capite, de fama, de ciuitate, de fortu-
 nis, de liberis dimicantes. Eodemq; consilio, cum
 de aduersarijs dixisset, Qui omnia diuina & hu-
 mana uiolarint, uexarint, perturbarint, euertere-
 rint, quod erat crimen pœna grauissima notan-
 dum;

B 2

dum; adiunxit, ad commouendam indignationē,
Non solum alacres letosq; uolitare, sed etiam uo-
luntarios fortissimis atque optimis ciuibus pericu-
lum moliri, de se nihil timere. quo facto aducr-
sarijs & odium ex improbitate quæsiuit, qui o-
mnia diuina, humanaq; uiolarint; & inuidiam
ex potentia, quia deinde, alacres letiq; uolitantes,
periculum alijs creent, de se nihil extimescant.

CICE-

II
CICERONIS ORATIO II
PRO P. SEXTIO.

Si quis antea, iudices, mirabatur, quid esset, quod pro tantis opibus reip. tantaq; dignitate imperii nequaquam satis multi ciues forti, & magno animo inuenirentur, qui auderent se, & salutem suam in discrimen offerre pro statu ciuitatis, & pro communi libertate: ex hoc tempore miretur potius, si quem bonum, & fortem ciuem uiderit, quàm si quem aut timidum, aut sibi potius, quàm reip. consulentem. nam, ut omittatis de uniuscuique casu cogitando recordari, uno aspectu intrueri potestis eos, qui cum senatu, cum bonis omnibus remp. afflictam excitarent, & latrocinio domestico liberarent, mæstos, sordidatos, reos, de capite, de fama, de ciuitate, de fortunis, de liberis dimicantes; eos autem, qui omnia diuina, & humana uiolarint, uexarint, perturbarint, euerterint, non solum alacres lætosq; uolitare, sed etiam uoluntarios fortissimis, atque optimis ciuibus periculum moliri, de se nihil timere. in quo cum multa sunt indigna, tum nihil minus est ferendum, quàm quod iam non per latrones suos, non per homines egestate,

B 3 &

COM M E N T A R I V S

& scelere perditos, sed per uos nobis, per optimos uiros optimis ciuibus periculū inferre conantur; & quos lapidibus, quos ferro, quos facibus, quos ui, manu, copiis delere non potuerunt, hos uestra auctoritate, uestra religione, uestris sententiis se oppressuros arbitrantur.

Commentarius Pauli Manutii.

N O N est mihi consilium, in hac oratione explicanda facere id, quod à nimium multis hoc tempore factitari uideo, qui annotandis atque enumerandis figuris, quasi colligendis in littore lapillis, pueriliter occupati, si metaphoras aliquot, metonymiasq; annotauerint, magnum se, ac memorabile præstitisse aliquid arbitrantur: interea neque deprauatis locis medicinam adhibent ullam, & ubi ex intima historia, antiquitatis ue cognitione promendum aliquid est, aut tacent, aut ita se gerunt, ut, eos in rebus Romanis plane hospites esse facile intelligas. ego istiusmodi artificium aut omnino prætermittam silentio, aut per admodū paucis locis strictim & modice attingam, cū alijs de causis, tum quia de hoc toto genere alius mihi locus, aliud ad dicendum tempus constitutum est; quo ea cum studiosis communicare in animo habeo, quæ non de uulgaribus rhetorum hausta libris, sed, duobus eloquentiæ luminibus, Demosthene ac Cicerone, diligenter & accurate inuicem

cem conferendis, obseruata à me, atque annotata, non nihil utilitatis ijs, qui de eloquentiæ laude cogitant, allatura esse confido.

Si quis antea: proprium pene, ac perpetuum hoc Ciceroni est, ut, quas causas defendit, earum euentum ad publicam utilitatem pertinere demonstret. sicut hic statim à principio ostendit; nisi absoluator Sextius, fore, ut uix ullus postea cuius reperiatur, qui se in discrimen offerre pro salute publica uelit. Opibus reip. opes reip. dignitatem imperij nominauit; quod, ubi opes, ibi præmia speramus ubi dignitas, laude commouemur. Comuni: publicam causam cum priuata coniunxit; ut hoc dicat. si quis de statu ciuitatis non laborat; suæ tamen libertatis causa, quam in communi esse inclusam intelligit, ad subeunda pericula, ad repellendos improborum impetus excitetur. Ex hoc tempore: multo enim magis, quam antea, dominatur improbitas. quod ex eo patet, quia P. Sextius, T. Milo, P. Lentulus, optime de rep. meriti, acerbissime uexantur. erant autem rei, de ui uterque, Sextius, & Milo. de Lentulo rogationem promulgauerat C. Cato tribunus pl. ut Ciliciæ, quam regebat, imperium ei abrogaretur. quæ colliguntur in orationis epilogo. Bonum, & fortem: Bonum, ut sentiat; fortem, ut audet quæ reip. ratio postulat. in multis enim recte sentientibus fortitudo desideratur. Sibi potius: qui bonus ciuis

COM MENTARIVS

esse non potest: cum ad reip. boni ciues omnia referant. Vt omittatis: uelim, quæ abierunt, omittatis: spectate, quæ adsunt. Eos: quos intelligit, iam nominaui. Liberarint: me restituto, debilitatis perditorum uiribus.

Sordidatos, reos: reos, de Sextio, & Milone dictum. reus enim Lentulus non erat. sordidatos, & ad eosdem, & ad Lentulum præterea refero. nam, Catonis rogatione de abrogando ei imperio promulgata, uestitum filius mutauit ad misericordiam commouendam. ad Q. fratrem lib.

II. epist. De capite: non de uita, (ciuem enim Romanum nullo crimine, perduellione excepto, interfici licebat) sed, De capite, hoc est de ciuitate. nam de ui damnatos exilij pœna sequebatur. ideoq; capitalis causa dicebatur, & capite dimiusti qui ciuitatem amittebant. De liberis: quibus priuantur in exilium legibus eiecti. Volitare: uerbum hoc securitatem quandam, arrogantia, impudentiaq; coniunctam, significat. sic infra: Cum illa coniuratio ex latebris, atque ex tenebris erupisset, palamq; armata uolitaret. & in Pisonem: Sex. Clodium, qui nunquam antea prætextatus fuisset, ludos facere, & prætextatum uolitare passus es. Optimos uiros optimis ciuibus: optimos uiros, religiosissimos, & sanctissimos, in iudicandis rebus. optimis ciuibus, studiosissimis reip. præclareq; de ea meritis. non est autem eadem uirtus optimi uiri, & optimi ciuis:

IN ORAT. PRO SEXTIO. 13
uis : quod declarat Aristoteles 111. politi-
corum.

ORATIO.

Ego autem, iudices, qua uoce mihi in-
gendis gratiis, commemorandoq; eo-
rum, qui de me optime sunt meriti, bene-
ficio esse utendum putabam, ea nunc uti
cogor in eorum periculis depellendis : iis
potissimum uox hæc seruit, quorum ope-
ra & mihi, & uobis, & populo R. restitu-
ta est. & quanquam à Q. Hortensio, cla-
rissimo uiro, atque eloquentissimo, caus-
sa est P. Sextii perorata; nihilq; ab eo præ-
termissum est, quod aut pro rep. conquie-
rendum fuit, aut pro reo disputandum :
tamen aggrediar ad dicendum ; ne mea
propugnatio ei potissimum defuisse ui-
deatur, per quem est perfectum, ne ce-
teris ciuibus deesset. atque ego sic sta-
tuo, iudices, à me hac in causa, atque
hoc extremo dicendi loco, pietatis po-
tius quàm defensionis, querelæ quàm elo-
quentiæ, doloris quàm ingenii partes es-
se susceptas. itaque, si aut acrius egero,
aut liberius, quàm qui ante me dixerunt;
peto à uobis, ut tantum orationi meæ
concedatis, quantum & pio dolori, &
iustæ iracundiæ concedendum putetis. ne
que enim officio coniunctior dolor ul-
lus

COMMENTARIVS

Illus esse potest, quàm hic meus, susceptus ex hominis de me. optime meriti periculo: neque iracundia magis ulla laudanda, quàm ea, quæ me inflammat eorum scelere, qui cū omnibus salutis meæ defensoribus bellum esse sibi gerendum iudicauerunt. sed quoniam singulis criminibus ceteri responderunt, dicam ego de omni statu P. Sextii, de genere uitæ, de natura, de moribus, de incredibili amore in bonos, de studio conseruandæ salutis communis, atque ocii; contendãq; si modo id consequi poterò, ut in hac confusa, atque uniuerſa defensione nihil à me, quod ad ueſtram quæſtionem, nihil, quod ad reum, nihil, quod ad remp. pertineat, prætermiſſum eſſe uideatur. & quoniam in grauiſſimis temporibus ciuitatis, atque in ruinis euerſæ atque afflicte reip. P. Sextii tribunatus eſt à fortuna ipſa collocatus: non aggrediar ad illa maxima atque ampliſſima prius quàm docuero, quibus initiis, ac fundamentis hæ tantæ ſummis in rebus laudes excitatæ ſint.

COMMENTARIVS.

Ego autem: *commemoratio hæc fraudatæ expectationis ſuæ efficax in primis eſt ad miſericordiam concitandã. In hac cauſſa, atque hoc extremo*

extremo dicendi loco: cum plures eandem
 causam agerent, extremum sibi fere concedi so-
 litum à ceteris dicendi locum, ipse in Oratore te-
 statur his uerbis: Quid ego de miserationibus lo-
 quar? quibus eo sum usus pluribus, quòd, etiam
 si plures dicebamus, perorationem mihi tamen
 omnes relinquebant: in quo ut uiderer excelle-
 re, non ingenio, sed dolore assequebar. Confu-
 sa, atque uniuersa: in qua non de uno aut alte-
 ro crimine agetur, sed de omni statu P. Sextij, de
 genere uitæ, de natura &c. quæ ipsa tamen ita
 agemus, ut, quod ad uestram quæstionem perti-
 net, (queritis autem de ui, & uis in hoc iudicio
 iudicatur) quod item ad ipsum reum, hoc est ad
 ea, quæ reo obyciuntur, crimina, quod etiam ad
 remp. nihil prætermittamus. Grauisimis tem-
 poribus ciuitatis, atque in ruinis euersæ,
 atque afflictæ reip. non est superuacaneum, rei
 publicæ, quia dixerit, ciuitatis: sed est amplifi-
 catio quædam: quia plus est in republica, quàm
 in ciuitate: similiter ut cum dixit, ruinis; cum
 dixisset iam, grauiissimis temporibus. plus enim
 aliquanto significant ruinæ, quàm grauiissima tē-
 pora. et est hoc Ciceroni, ob eximiā ingenij uber-
 tatem, usitatum, maximeq; frequens in oratio-
 nibus ornamentum. Euersæ, atque afflictæ
 reip. plus est, afflictæ, quàm euersæ. nam euer-
 sa non stant, erigi tamen uidentur posse: afflictæ
 uero neque stant, neque, fractis iam ac debilita-
 tis

COMMENTARIVS

tis uiribus, erigi amplius possunt. A fortuna ipsa: amicissima reipublicæ, quæ fecerit, ut, quo anno maxime ciuitas consilio atque ope ciuium optimorum indigebat, is Sextio petendi tribunatus annus esset. quodam igitur modo eius anni laudem & gloriam cum Sextio fortuna communicauit. itaque prius exponam ea, quæ ad Sextium tota referuntur, minime a fortuna pendent. Illa maxima, atque amplissima: quæ gessit in tribunatu, pro salute Ciceronis, lege Clodia exulantis, hoc est, ut ipse accipi uult, pro salute reip. significat enim, sua causa remp. Sextio debere: quandoquidem eam euersam atque afflictam tum fuisse dixit, cum à Clodio pulsus exularet. Et apte, maxima, atque amplissima: ut & maximi momenti, & late diffusa significet. quo modo & in epistola ad Lentulum magna, & ampla negotia nominauit. Summis in rebus: quas in quaestura, & in tribunatu Sextius gessit: quæ infra enumerabuntur.

ORATIO.

PARENTE P. Sextius natus est, iudices, homine, ut plerique meministis, & sapiente, & sancto, & seuerò; qui cum tribunus pl. primus, inter homines nobilissimos, temporibus optimis factus esset, reliquis honoribus non tam uti noluit, quam dignus uideri. eo auctore duxit, honestissimi & spectatissimi uiri, C. Albini filiam: ex qua

IN ORAT. PRO SEXTIO. 15

qua hic est puer, & nupta iam filia. duobus his grauisimis antiquitatis uiris sic probatus fuit, ut utrique eorum & carus maxime, & iucundus esset. ademit Albino soceri nomen mors filiae, sed caritatem illius necessitudinis, & beneuolentiam non ademit. hodie sic hunc diligit, ut uos facillime potestis ex hac uel assiduitate eius, uel sollicitudine, & molestia iudicare. duxit uxorem patre uiuo optimi & calamitosissimi uiri filiam L. Scipionis. clara in hoc P. Sextii pietas extitit, & omnibus grata, quòd & Masfiliam statim profectus est, ut socerum uidere, consolariq; posset fluctibus reip. expulsam, in alienis terris iacentem, quem in maiorum suorum uestigiis stare oportebat: & ad eum filiam eius adduxit, ut illo insperato aspectu, complexuq; si non omnem, at aliquam partem mæroris sui deponeret: et maximis officiis & illius ærumnam, quoad uixit, et filiae solitudinem sustentauit. Possum multa dicere de liberalitate, de domesticis officiis, de tribunatu mil. de prouinciali in eo magistratu abstinentia: sed mihi ante oculos obuersatur reip. dignitas, quæ me ad sese rapit, hæc minora relinquere hortatur.

Com-

COMMENTARIVS

Sapiente: *non loquitur de illa summa sapientia ;
quam qui habet , nullam uirtutem desiderat: (cur
enim adderet, sancto?) sed communem quandam
in rebus gerendis prudentiam intelligit. & , sa-
piente dixit, cum ad rerum actionem respiceret:
sancto, ad ipsius uitam: seuerio, ad domesticam
disciplinam. Tribunus pl. primus inter ho-
mines nobilissimos temporibus optimis
factus esset: considerandum, cur dixerit, Pri-
mus, inter homines nobilissimos, temporibus opti-
mis. non modo enim tribunus pl. Sextij pater fa-
ctus est, sed primus inter eos, qui simul facti sunt;
neque primus modo inter collegas, sed primus in-
ter eos collegas, qui nobilitate florebant: neque
hoc modo, sed etiam temporibus optimis. nam si
et tribunus pl. et primus, & inter homines no-
bilissimos factus esset, nec tamen optimis tempo-
ribus: non ita laudabile uideretur. potuisset enim
& primus, & inter homines nobilissimos tribu-
natum consequi non uirtute, sed malis artibus,
puta ambitione, pecunia, ui. ergo non sine caus-
sa copiosus Cicero. cuius uerba, qui non intelli-
gunt, quod spectent, & quam apte in senten-
tiam conueniant: uerbofum, si diis placet, ap-
pellant. quibus ipsis quia deest, quod loquantur,
aut scribunt; aut, si quid habent, non suppetit
unde ornent: diuitias orationis, inopiae suae conscij,
in alijs ferre non possunt. Reliquis honoribus:
gesto*

gesto tribunatu, petebant aedilitatem, praetoram,
 consulatum, censuram. quos honores pater Sex-
 tij non petijt: qua caussa, ignoratur: sed oratorie
 Cicero conuertit in laudem: quod, eos consequi
 cum posset, moderatione tamen quadam abstinue-
 rit: qui plus in ipsa re, hoc est in recta uiuendi ra-
 tione, quam in honorum specie, poneret. hoc signi-
 ficat, cum ait: Non tam uti noluit, quam dignus
 uideri. Honestissimi, & spectatissimi uiri:
 laudat et familiam, & hominem. honestissimi, ho-
 nestissimo loco nati: spectatissimi, sua uirtute insi-
 gnis. C. Albinus: hic, ut opinor, honores non ha-
 buit, sed senator fuit: ut in quadam epistola legi-
 mus, quae est libro fam. XIII. 241. Hic est
 puer: L. Sextius: ut ex ea, cuius proxime facta
 mentio est, epistola cognoscitur. quanquam Pu-
 blium infra nominat, cum ait, Recita quæso P.
 Sexti. aut igitur in ea epistola Publius, non Lu-
 cius, legendum: aut hic Lucius, non Publius. Hic: qui
 adest in iudicio. paruulos enim filios ad eliciendam
 misericordiam in iudicium adducere moris erat.
 Antiquitatis: magis laudat, quam si tantum,
 grauissimis uiris, dixisset. est enim ad antiquita-
 tem comparatio. quam præstare nostris tempo-
 ribus semper existimamus. itaque dicimus, ho-
 mo antiqua uirtute, antiqui officij: & illud, nihil
 mihi est antiquius, pro, præstantius. Et carus, &
 iucundus: carus, quia filius, & gener: iucun-
 dus, quia bene moratus, & bono ingenio præ di-
 tus.

COMMENTARIUS

tus. Optimi, & calamitosissimi: cur bonitatem cum miseria coniunxit? ut indignum ea calamitate Scipionem ostenderet. Scipionis: Asiatici: qui cum C. Norbano consul fuit. epitome Liuiana lib. LXXXV. Philippica XII. & XIII. ad Atticum lib. IX. Orosius. Massiliam: sic et Milo, qui P. Clodiu interfecit, Massiliam in exilium abiit. Fluctibus: bellis civilibus. & proprie fluctibus, quia, sicut fluctibus iactatur naus, sic bellis civilibus agitatur, & quasi fluctuat resp. In alienis terris iacentem: respondet ad hoc id, quod sequitur: ut ita opponas; in alienis terris, maiorum suorum uestigijs; iacentem, stare. Domesticis officiis: quæ contulit in suos: quæ prætermitto, non quia minima, sed quod illa, quæ contulit in rempublicam, multo pluris æstimanda. Tribunatu mil. tribunorum militarium, inquit Peditanus, duo genera, primum eorum, qui Rufuli dicuntur: hi in exercitu creari solent. alij sunt Comitati; qui Romæ comitijs designantur. Magistratu: κατὰ χρευσικὸν magistratum appellat. tribunatus enim militum honor quidem est, magistratus autem non est: ut in libro de magistratibus docebinus. Abstinencia: cum ceteri militum præfecti prouincias rapinis exhaustire consueissent: unde Scaptius ille in epistolis ad Atticum.

ORATIO.

QVÆSTOR hic C. Antonij, collegæ mei,
iudices

iudices, fuit forte, sed societate confiliorum meus, impediō non nullius officii, ut ego interpretor, religione, quominus exponam quā multa ad me detulerit, quanto ante prouiderit. atque ego de Antonio nihil dico, prāter unum, nunquam illum in illo summo timore ac periculo ciuitatis neque communem metū omnium, neque propriam non nullorū de se ipso suspicionem aut inficiādo tollere, aut dissimulando sedare uoluisse. in quo collega sustinendo atque moderando si meā in illum indulgentiā, coniunctā cum summa custodia reip, laudare uere solebatis: par prope laus P. Sextii esse debet, qui suū ita cōsulē obseruauit, ut & illiquæstor bonus, & uobis omnibus optimus ciuis uideretur. idem, cum illa coniuratio ex latebris, atque ex tenebris erupisset, palamq; armata uolitaret, uenit cum exercitu Capuam; quam urbem propter plurimas belli opportunitates ab illa impia & scelerata manu attēdari suspicabamur; & inde M. Aulanium, tribunum mil. Antonii, præcipitem eiecit, hominem perditum, & non obscure Pisauri, & in aliis agri Gallici partibus in illa coniuratione uersatum. idemq; C. Marcellum, cum is non solum Capuam uenisset, uerum etiā

C se quasi

COMMENTARIVS

se, quasi armorum studio, in maximam familiam coniecisset, exterminandum ex illa urbe curauit. qua de causa & tum conuentus ille Capuæ, qui, propter salutem illius urbis consulatu conseruatam meo, me unum patronū adoptauit, huic apud me P. Sextio maximas gratias egit: & hoc tempore iidem homines, nomine commutato coloni decurionesq; , fortissimi atque optimi uiri, beneficium P. Sextii testimonio declarant, periculumq; decreto suo deprecantur.

COMMENTARIVS.

Quæstor: gesto tribunatu militum, quæsturam petebant: isq; primus in urbe gradus honoris erat. hæc agemus in libro de magistratibus. Collegæ mei: in consulatu: quo gesto, in Macedoniam iuit pro consule: & ex ea reuersus, accusatus a M. Cælio, condemnatus est. in oratione pro Cælio. Sorte: sorte enim quæstores ibant in prouincias. Societate consiliorum: quia cum Cicerone consule de republica, quæ ad patefaciendam & opprimendam Catilinæ coniurationem pertinebant, communicauit, & ad eum C. Antoni, cuius erat quæstor, consilia detulit. ad quem lib. VII. fam. 108. ita scripsit. Si falsa fuerunt, quæ tu ad me, ut ais, detulisti: quid ego tibi debeo? si uera: tu es optimus testis, quid mihi populus R. debeat. Non nullius officii religione:

gione: quia, cum sit quaestoris & consulis maxima necessitudo, uidetur ab officio Sextius discessisse, qui consilia sui consulis alteri consuli prodiderit. uel expone sic. non explicabo quaecunque ad me Sextius detulit: quia contra officium uidear fecisse, si, quae Sextius ad me secreto detulit, ut potius publicae salutis quam consulis sui uoluntati satisfaceret, ea nunc omnia commemorem. De Antonio nihil dico: occurrit suspicioni. nam quod intelligit, ex eo, quod dictum est, posse aliquem colligere, & existimare participem Catilinae coniurationis Antonium fuisse: ingeniose facit, ut hanc suspensionem neque confirmet, ne hominem eum, quem in consulatu collegam habuerit, in exilio satis misere uiuentem, suo testimonio condemnet; neque tollat, ne, quae à Sextio de illius consilijs ad se delata significat, ficta & inania uideantur. propterea, ne obijciat aliquis, ergo tu cum Catilina consensisse Antonium confirmas: ego, inquit, nihil dico, neque participem illius coniurationis fuisse, neque non fuisse: hoc unum dico; si negare uoluisset, se Catilinae participibus haerere; aut saltem dissimulare; futurum fuisse, ut ille metum ciuitatis, & eam, quae de ipso erat, suspensionem aut omnino tolleret, aut certe sedaret. neutrum tamen fecit. & est animaduertendum, quod, cum hic quasi lubrico in loco Cicero uersetur, quia, si Sextij quaesturam laudat, Antonium uituperat; si Antonium excu-

C 2 sat,

COM M E N T A R I V S

fat, Sextij caussam non subleuat; lubrico, ut dixi, in loco constitutus, ad Sextium, cuius periculum agebatur, potius, quàm ad Antonium, inclinât: & cum ait, nunquam illum neque negare, neque dissimulare uoluisse, non alienum à Catilinæ consilijs fuisse tacite significat: aperte non exponit, ne miserum hominem suo testimonio premat, Sustinendo: retinendo; ne longius progrediretur; ne coniuratorum in societatem sese totum daret. est enim hic, sustinere, pro retinere, ut in epistola ad Varronem: Expectabam omnino iam diu, meq; sustinebam, ne ad te prius ipse quid scriberem, quàm aliquid accepissem. & in libro de amicitia: Est prudentis, sustinere, ut cursum, sic impetum beneuolentiæ. & ad Atticum, sustinere equos, sustinere currum. Moderando: ut, si minus eum ad tuendam reip. caussam possem traducere, à studio tamen coniurationis abducerem. hoc est enim, moderando. quo uerbo uitij correctio significatur; ut modus imponatur in ea re, quæ immoderate facta turpitudinem habet. moderatus autem Cicero, quia Macedoniam illi decernendam curauit: ut, cum aris alieni caussa sensissem cum Catilina putaretur, rursus lucri spe ad reipublicæ studium sese conuerteret. quod & Plutarchus in Ciceronis uita notauit. Par prope laus; callide, Prope, addidit: ne Sextium sibi in laude conferat; quod ille quidē quæstor multum rempublicam inuenerit, non tamen

men

men, quantū ipse consul. Antonii: C. Antonii
 consulis, labe coniurationis infecti. Agri Gal-
 lici: Galliae cisalpinæ, quæ ad Rubiconē amnem
 terminabatur. C. Marcellum: non eum,
 qui fuit M. Marcelli, uiri clarissimi, frater, &
 consulatum est adeptus, de quo in oratione pro
 Marcello, & epist. fam. lib. x. sed eū, de quo men-
 tio fit in oratione in Cātulinam. Quasi armo-
 rum studio: quasi & ipse una cum ijs in ludo
 gladiatorio exerceri uellet. nam serui gladiato-
 res, rudes in armis, exercebantur à lanistis in lu-
 do, hoc est in loco, ubi non cedis, sed artis causa
 arma tractabantur. cum igitur Capuæ maxima
 familia, hoc est maximus seruorum numerus, (fa-
 miliam enim pro seruis non semel usurpat Cice-
 ro) in arte armorum ludicra uersaretur: C. Mar-
 cellus, qui eos ad coniuratorum partes cuperet
 adiungere, admiscuit se ad eos, simulato armorū
 studio. Conuentus: sic dicitur de præfecturis.
 erat autem omnis Italia coloniae, municipia, præ-
 fecturae. Patronum: in ditione Romana pa-
 tronos sibi ciues subiectæ urbes deligebant, quem
 quæque maxime probabat. sic Allobroges Fa-
 biorum, Syracusani Marcellorum patrociniū ute-
 bantur. de Capua uero à se consule seruata etiam
 in oratione meminit pro Milone. P. Sextio:
 non satis constat, abundet, nec ne; cum dixerit,
 huic. Nomine commutato: quia Cicerone
 consule conuentus Capuæ dicebatur: tuuc enim

C 3 erat

COMMENTARIUS

erat praefectura; quod legimus in Velleio: cum autem haec oratio est habita, coloni dicebantur, post coloniam C. Casare consule, lata ab ipso lege, missam. qua de re Dio, Appianus, Plutarchus, ipse Cicero. Decuriones: erant decuriones in colonia, quod senatus Roma; dum uiri autem id, quod consules. hos & in municipiis putato fuisse. uideo enim eos cum quatuor uiris coniungi, in epistola libri XIII. scilicet. quatuor uiri porro municipiis, non coloniis, praerant. quod ad Atticum lib. V. & X. constat. Fortissimi, atque optimi: propria, & absoluta colonorum laus. nam & fortes esse debent, ut eum, quod missi sunt, locum tueri possint; & boni, ut uelint.

ORATIO.

RECITA, quaeso, P. Sexti, quid decreuerint Capuae decuriones: ut iam uiriliter tua uox possit aliquid significare inimicis nostris, quidnam, cum se corroborarit, effectura esse uideatur. DECRETUM DECURIONVM: non recito decretum officio aliquo expressum, uicinitatis, aut clientelae, aut hospitii publici, aut ambitionis, aut commendationis gratia; sed recito memoriam perfuncti periculi, praedicationem amplissimi beneficii, uicem officii praesentis, testimonium praeteriti temporis. Atque illis temporibus iisdem

dem cum iam Capuam metu Sextius liberasset; urbem senatus atque omnes boni, deprehensis atque oppressis domesticis hostibus, me duce, ex periculis maximis extraxissent: ego litteris eum Capua accersiui cum illo exercitu, quem tum secum habebat. quibus hic litteris lectis, ad urbem confestim incredibili celeritate aduolauit. atque ut illius temporis atrocitatem recordari possitis, audite litteras, & uestram memoriam ad timoris praeiteriti cogitationem excitate. LITTERAE CICERONIS COS. hoc aduentu P. Sextii tribunorum pl. nouorum, qui tum extremis diebus consulatus mei res eas, quas gesseram, uexare cupiebant, reliquiq; coniurationis impetus, & conatus sunt retardati. ac posteaquam est intellectum, Catone tribuno pl. fortissimo atque optimo ciue, remp. defendente, per se ipsum senatum populumq; R. sine militum praesidio rueri facile maiestatem suam, & dignitatem eorum, qui salutem communem periculo suo defendissent: Sextius cum illo exercitu summa celeritate est Antonium consecutus.

COMMENTARIUS.

P. SEXTI: patet, non esse reum, sed puerum, rei filium: cuius tamen in uoce uirile quiddam fuisse dicit. Officio aliquo: officium refert ad illa tria, uicinitatis, clientelæ, officij publici. est autem inter uicinos, clientes, & hospites, ipso uicinitatis, clientelæ, hospitij iure, in conferendis officijs mutua uoluntas. Vicinitatis: oppidorum: ut, si Arpinates, exempli causa, aliquem Tusculanum, in uitæ aut fortunarum discrimen adductum, decreto commendarent, uicinitate adducti. Clientelæ: ut, si Siculi aliquem è Claudia Marcellorum familia, in periculo constitutum, missis Romam publicis litteris subleuandum curarent. Hospitii publici: erant enim ciues Romani non modo priuatorum hominum, sed oppidorum etiam, ac ciuitatum hospites. non aliqua, inquit, huiusmodi de causa petitum à nobis hoc decretum, impetratumq; est. id enim ualet, expressum: quasi studiosè petentibus concessum: cum hoc sponte cupideq; ab ipsis Campanis factum sit, ad grati animi memoriam significandam. Ambitionis: ut, cum aliquem candidatum officiosè commendamus. Commendationis: quo gratior aliquis sit, bonamq; opinionem nostro testimonio consequatur. Perfuncti periculi: passim dixit: quo scilicet Capua Sextij uirtute ac uigilantia liberata est. Vicem: parem gratiam: quia præsen-
ti

ti officio acceptum à Sextio beneficium remuneratur . Domesticis hostibus : quinque coniuratis , de quibus Salustius , Dio , ipse Cicerone in Catilinam , Lentulo , Cethego , Gabinio , Ceparo , Statilio . Illius temporis atrocitatem : quanam atrocitas , cum iam domestici hostes deprehensi oppressi q̃; essent ? ipse se paulo post exponit , cum ait , Tribunorum pl. nouorum , reliqui q̃; coniurationis impetus conatus q̃; retardati sunt . Tribunorum pl. nouorum : maxime Q. Metellum Nepotem significat : qui Ciceronem extremo consulatus die concionis habendæ potestate priuauit . in quo Plutarchi à visopnotav licet cognoscere ; qui Ciceronem concionandi potestate à duobus tribunis pl. Q. Metello Nepote L. Calpurnio Bestia priuatum esse dicat : cum ea se ignominia ab uno tribuno pl. esse affectum , ipse Cicerone in oratione in Pisonem , & fam. lib. v. confirmet . ut omittam id , quod à Salustio docemur , Bestiam Cicerone consule tribunum pl. fuisse . ut extremis consulatus diebus Ciceronem concione prohibere non potuerit : cum v. Idus Decembris , quod ex Dionysio & Liuiο constat , ultimus tribunorum pl. in magistratu dies fuerit . Metellum autem anno , qui Ciceronis consulatum secutus est , tribunatum pl. gessisse , nemo nescit . Reliqui coniurationis impetus : cum adhuc in urbe coniurationis occultæ reliquie superessent . Catone : qui Vticensis postea cognominatus .
hic ,

COMMENTARIVS

hic, cum audisset, Q. Metellum Nepotem tribunatum esse petiturum, quem de republica non optime cogitare compertum habebat, ex itinere in urbem rediit, ut tribunatum peteret, indeq; perniciosus Metelli collegæ rogationibus aut conatibus obsisteret. Plutarchus, alii.

ORATIO.

Hic ego quid prædicem, quibus hic rebus consulem ad rem gerendam excitabit? quot stimulos admouerit homini studioso fortassis uictoriæ, sed tamen nimium communem Martem belliq; casum metuenti? longum ea dicere; sed hoc breue dicam. si M. Petreii non excellens animo & amore reip. uirtus, non summa auctoritas apud milites, non mirificus usus in re militari extitisset; neque adiutor ei P. Sextius ad excitandum Antonium, cohortandum, impellendum fuisset datus: illo in bello esset hiemi locus; neque unquam Catilina, cum è pruina Appennini, atque è niuibus illis emerisset, atque æstatem integram nactus, Italiæ caulas, & pastorum stabula præclara cepisset, sine multo sanguine, ac sine totius Italiæ uastitate miserrima concidisset. Hunc igitur animum ad tribunatum attulit P. Sextius: ut quæsturam Macedoniæ relinquam, & aliquando ad hæc propiora ueniam.

niam. quanquam non est omittenda singularis illa integritas prouincialis; cuius ego nuper in Macedonia uidi uestigia, non pressa leuiter ad exigui prädicationem temporis, sed fixa ad memoriam illius prouinciæ sempiternam. uerum hæc ita prætereamus, ut tamen intuentes, & respectantes relinquamus. ad tribunatum, quia ipse ad sese iam dudum uocat, & quodam modo absorbet orationem meam, contento studio, cursuq; ueniamus. de quo quidem tribunatu ita dictum à Q. Hortensio, ut eius oratio non defensionem modo criminum uideretur continere, sed etiam memoria dignam reip. capeffendæ auctoritatem, disciplinamq; præscribere. sed tamen, quoniam tribunatus quidem totus P. Sextii nihil aliud nisi meum nomen caussamq; sustinuit; necessario mihi de iisdem rebus esse arbitror, si non subtilius disputandum, at certe, iudices, dolentius deplorandum.

COMMENTARIUS.

NIMIVM communem Martem &c. *latenter significat Antonium consulem non alienum à coniuratis fuisse, qui à pugna prorsus abhorreret. M. Petreii: hic Antonii consulis legatus, ipso Antonio consule absente, quòd ex podagra*

COMMENTARIVS

gra laboraret, Catilinam cum sua manu uicit, ac trucidauit. idem postea Magni Pompeii legatus in Hispaniis fuit, cum duobus collegis, Varro-
ne, & Afranio. ad extremum in Africa cum Iu-
ba rege pugnans, cum quo de mutua cæde consen-
serat, ne in C. Cæsaris potestatem ueniret, occi-
sus est. Excellens animo, & amore reip.
cum ad naturalem animi magnitudinem eximia
quædam uis amoris in remp. accederet. Effet
hiemi locus: hieme non esset bello finis imposi-
tus. Stabula: unde se, suasq; copias alere pos-
set. Quæsturam Macedoniæ: quæstor fuit
Antonii consulis, eiusdemq; Macedoniam pro-
consulari imperio regentis. quam prouinciam
cum haud satis abstinenter administrasset, accusa-
tus, & condemnatus est. ad Atticum libro 1.
pro M. Cælio, in Vatinius, Florus. Nuper:
cum abessem, lege Clodia pulsus. Auctorita-
tem: quia, cum res à Sextio in tribunatu gestas
commemoraret, uidebatur reliquis ciuibus præ-
scribere, quid pro salute patriæ bonorumq; ci-
uium in magistratu esset agendum. auctoritatem
autem dixit, uel quia Sextii, qui præclare tribu-
natum gessisset, uel quia ipsius, qui narraret, Hor-
tensii auctoritas ad excitandos ciuium animos ua-
lere plurimum deberet. Disciplinam: quid ci-
ues P. Sextii exemplo discerent, & in quo se
exercerent. Nisi meum nomen: quia nihil
egit in tribunatu Sextius, nisi de Cicerone reuo-
cando.

ORATIO.

QVA in oratione si asperius in quosdam homines inuehi uellem; quis non concederet, ut eos, quorum sceleris furore uiolatus essem, uocis libertate perfringerem? sed ut agam moderate, & huic potius temporis seruiam, quam dolori meo: si qui occulte à salute nostra dissentiant, lateant: si qui fecerunt aliquid aliquando, atque iidem nunc tacent & quiescunt, nos quoque similes obliti: si qui se offerunt insolenter, & insectantur; quoad ferri poterunt, perferemus: neque quenquam offendet oratio mea, nisi qui se ita obtulerit, ut in eum non inuasisse, sed incurrisse uideamur. sed necesse est, antequam de tribunatu P. Sextii dicere incipiam, me totum superioris anni reip. naufragium exponere. in quo colligendo, ac reficienda salute communi omnia reperiuntur P. Sextii dicta, facta, consilia uersata. Fuerat ille annus in reip. magno motu, & multorum timore tanquam intentus arcus in me unum, sicut uulgo ignari rerum loquebantur; re quidem uera, in uniuersam remp. translatione ad plebem furibundi hominis ac perdit, mihi irati, sed multo acrius ocii, & communis salutis inimici. hunc uir clarissimus, mihiq;

mul-

C O M M E N T A R I V S

multis repugnantibus amicissimus , Cn. Pompeius omni cautione, foedere, execratione deuinxerat , nihil in tribunatu contra me esse facturum .

C O M M E N T A R I V S .

V T eos: jatis patet , Clodium , Pisonem , Gabi-
nium precipue significari . Sceleris furore
uiolatus: his tribus uerbis respondent illa , uo-
cis libertate perstringerem . Potius tempo-
ri: quod postulare uidetur , ut ea tantummodo ,
quæ cum Sextii causa coniuncta sunt , exponat .
Se offerunt insolenter , & insectantur :
duo significat hominum genera , de quibus proxi-
me dixit ; unum eorum , quos latere uellet ; alte-
rum , quos tacere , & quiescere : qui si , inquit ,
non latebunt , sed se offerent insolenter ; non ta-
cebunt , & quiescent , sed insectabuntur ; eos ,
quoad licebit , perferemus . Superioris anni:
quo Cicero lege Clodia pulsus est . Reip. nau-
fragium : recte : nam contra leges tribunus pl.
factus est P. Clodius , & contra leges Cicero ele-
ctus est . leges autem cum negliguntur , quasi nau-
fragium respublica facit . In quo colligendo ,
ac reficienda salute communi : pergit in me-
taphora . nam post naufragium primum dispersæ
res colliguntur : deinde reficitur nauis : nisi si ui-
tempestatis fracta penitus , demersaq; est . Di-
cta , facta , consilia uersata : hæc addidit , ne
extra causam futura narratio uideatur . Ille
annus :

annus: is, quo C. Caesar consul P. Clodium Pulchrum ad plebem traduxit, iratus Ciceroni, quia statim reipublicæ quodam in iudicio paulo liberius deplorauerat. Suetonius. idemq; ipse Cicero significat in oratione pro domo sua. Intentus arcus: quod, quemadmodum arcus intentus sagittam emissurus uidetur, sic ille annus aliquam iniuriam in me coniecturus putaretur. cum igitur ad plebem à Caesare consule traductus est Clodius, tum in Ciceronem tanquam arcus intentus: iniuria uero, tanquam sagitta ex arcu, coniecta est anno insequenti, Clodio tribuno pl. facto, Pisoni & Gabinio consulibus. Mihi irati: quod in ipsum, de incestu accusatum, testimonium dixerat. libro I. ad Atticum, Plutarchus, alii. Multis repugnantibus: Pompeii gratiam aucupatur. cupit enim ei persuasum esse, nullam apud se acceptæ iniuriæ memoriam superesse, cum sibi contra Clodium auxilio non fuit. Cautione, fœdere, execratione: de hoc ad Atticum libro II. sic. Pompeius affirmat non esse periculum: adiurat. addit etiam, se prius occisum iri ab eo, quàm me uolatum iri.

ORATIO.

AT ille nefarius, ex omnium scelerum colluione natus, parum se fœdus uiolaturum arbitratus, nisi ipsum cautorem alieni periculi suis propriis periculis terruisset; hanc tetram immanemq; belluam, uinctam

COMMENTARIUS

uinctam auspiciis, alligatam more maiorum, constrictam legum sacratarum catenis, soluit subito legum uinculis consul, uel, ut ego arbitror, exoratus, uel, ut non nemo putaret, mihi iratus, ignarus quidem certe & imprudens impendentiū tantorum scelerum ac malorum. qui tribunus pl. felix in euertenda rep. fuit, nullis suis neruis. qui enim in eiusmodi uita nerui esse potuerunt, hominis fraternis flagitiis, sororiis stupris, omni inaudita libidine infamis? sed fuit profecto quædā illa reip. fortuna fatalis, ut ille cæcus atque amens tribunus pl. nancisceretur, quid dicam consules? hocce ut ego appellem nomine euerfores huius imperii? proditores uestre dignitatis? hostes bonorum omnium? qui ad delendum senatum, affligendum equestrem ordinem, extinguenda omnia iura, atque instituta maiorum se illis fascibus, ceterisque insignibus summi honoris atque imperii ornatos esse arbitrabantur. quorum, per deos immortales, si nondum scelera uulneraq; iniusta reip. uultis recordari, uultum, atque incessum animis intueamini. facilius facta eorum occurrent mentibus uestris, si ora ipsa oculis proposueritis. Alter unguentis affluens, calamistrata coma, despiciens

spiciens conscios stuprorum, ac ueteres
 uexatores ætatu suæ, Puteali & fœnera-
 torum gregibus inflatus, atque percul-
 sus, olim, ne Scyllæo illo æris alieni in fre-
 to ad columnam adhæresceret, in tribu-
 natus portum perfugerat, contemnebat
 equites R. minitabatur senatui: uendi-
 tabat se operis, atque ab iis se ereptum,
 ne de ambitu causam diceret, prædica-
 bat; ab iisdemq; se, etiam inuito senatu,
 prouinciam sperare dicebat; eamq; nisi
 adeptus esset, se incolumem nullo modo
 fore arbitrabatur.

COMMENTARIUS.

Ex omnium scelerum colluione natus: non
 dissimile illud de eodem, in Pisonem: *Animal*
ex nefariis stupris, ex ciuili cruore, ex omnium
scelerum & flagitiorum impunitate concretum.
 non enim Clodium dicit sceleratis parentibus esse
 natum, sed, multis sceleribus iam commissis, ta-
 lem postremo fuisse, qualē existere, & tanquam
 gigni necesse esset, simile & illud in III. Phil.
 Quid est in Antonio præter libidinem, crudelita-
 tem, petulantiam, audaciam? ex his totus con-
 glutinatus est. Ipsum cautores alieni pe-
 riculi: Pompeium, qui mihi à Clodio cauere uo-
 luerat; cum non intelligeret, ne sibi quidem ipsi
 ab homine omnium perditissimo caueri posse.

Propriis periculis: de quibus in oratione pro

D Milone

COMMENTARIUS

Milone, & in Pediani commentario 86. Vincitiam auspicis: quia, si patricii fierent plebei, contra auspicia uidebatur. quæ cum patriciorum tantum essent, ut & Liuius, & ipse Cicero non semel significat; nimirum, si ad plebem homines patricii traducerentur, interitura auspicia uidebantur, cum, à quibus haberentur, patricij deessent. Alligatam more maiorum: non uetabat lex ulla è patriciis plebeios fieri: sed apud maiores omnino pauci facti erant. itaque Clodio ad plebem transire cupienti mos maiorum obistere uidebatur. Legum sacratarum cathenis: leges sacratae dictæ, quæ in Sacro monte plebis caussa latae sunt. in iis hoc maxime sancitum est, ne tribunatus plebis homini patricio mandari posset. quam ob causam soluisse uidetur eas leges Cæsar consul, cum Clodium ad plebem traduxit, ut deinde, quod factum est, tribunus pl. crearetur. Subito: cur subito? quia, ut ait Suetonius, & ipse pro domo sua, quo die Cicero in iudicio C. Antonii de statu reipublicæ questus est, eo Cæsar consul, cum antea nihil eiusmodi cogitasset, Clodium ad plebem traduxit. Legum uinculis: cathenis, proxime dixit. Exoratus: Cæsaris culpam artificiose in alios transfert. Mihi iratus: hæc uere Cæsarem induxit caussa, ut Clodium plebeium faceret. non enim aliorum precibus exoratus, sed ira incitatus, quia cicero C. Antonium in iudicio defendens, paulo liberius de statu

tu reipublicæ questus erat, Clodium traduxit ad plebem. quod ut ita esse demostremus, recitentur ipsius uerba in oratione pro domo sua. Hora, inquit, fortasse sexta diei questus sum in iudicio, cum C. Antonium collegam meum defenderem, quædam de rep. quæ mihi uisa sunt ad illius miseri causam pertinere. hæc homines improbi ad quosdam uiros fortes longe aliter, atque à me dicta erant, detulerunt. & infra, cum ait: Ipse autem Cæsar, quem maxime ignari homines ueritatis mihi esse iratum putabant, erat ad portas. in oratione autem de prouinciis consularibus non negat Cæsarem sibi fuisse iratum, sed iræ causam dissimulat, & pro uera falsam ponit. Traduxit, inquit ibi, ad plebem inimicum meum; siue iratus mihi, quod me secum ne beneficijs quidem uidebat posse coniungi; siue exoratus &c. Ignarus: quod erat improbitatis crimen, imprudentiæ uitium facit oratorie. nam ut augere culpam in inimicis, sic in iis, quos defendere sibiq; conciliare student, imminuere oratores solent. Scelerum ac malorum: quæ tribunus pl. Clodius patrauit. nam ut omittam de Cicerone pulso, Catone in Cyprum amandato, perniciosissimæ reipublicæ leges ab illo tribuno pleb. latæ sunt: de quibus in hac ipsa oratione menti o fit infra, & in oratione de prouinciis consularibus, & in ea in Pisonem, inque Pediani commentario 74: Qui tribunus pl. hoc ad illud, Hanc

D 2 tam

COMMENTARIVS

tam tetram immanemq; belluam, referri posse
 uideo, tamen, quia non satis cohæret cum supe-
 rioribus, planeq; disiunctum uidetur, uereor ut
 emendatus sit locus: non quòd ex his uerbis men-
 dosum ullum esse suspicer: sed quòd aliquid fortas-
 se desit. Felix in euerenda republica: fe-
 licem uocat, non ad ueritatem, sed ad Clodii men-
 tem ac uoluntatem spectans, tantum enim abest,
 felix ut esse possit, ut miserrimus omnium sit, qui
 pessime de patria meretur. felix igitur, quia con-
 secutus est id, quod uolebat Clodius, ut rempubli-
 cam perderet. Nullis suis neruis: non ad uim
 corporis, sed ad auctoritatem opesq; refert, quod
 indicat subscripta dictio, infamis, nam si infamis
 Clodius; qui potuit auctoritate tantum ualere, ut
 rempublicam euerterit? euertit igitur, non suis
 neruis, sed auxilio consulum, Gabinii & Pisonis.
 Fraternalis flagitiis: quæ flagitia commisit in
 fratrem? multa scilicet, quæ litteris tradita non
 sunt, sed illud maxime, de quo in oratione pro Mi-
 lone ita scriptum est: Appium fratrem, hominẽ
 mihi coniunctum fidelissima gratia, absentem de
 possessione fundi deiecit. Sororibus stupris: tres
 Clodii sorores nupserunt, una Q. Marcio Regi, al-
 tera Q. Metello Celeri, tertia L. Lucullo. de dua-
 bus, Metelli & Luculli uxoribus, à Clodio fra-
 tre stupratis, præcipua significatio est in oratio-
 ne pro Cælio, in ea pro Milone, in Plutarcho, de
 ea, quam Q. Marcius habuit in matrimonio,
 nihil

nihil proprie legi: sed communiter de omnium in-
 cestu patet in epist. fam. lib. 1. & apud Plu-
 tarchum in uita Ciceronis. Omni inaudita li-
 bidine: non hoc ad sorores, de quibus iam lo-
 cutus est, sed ad sacra Bonæ deæ, quæ Clodius in-
 cestu aut uiolauit, aut uiolare conatus est. patet
 historia in epistolis ad Atticum lib. 1. in Suetonio
 in Iulii uita, in Dione, Plutarcho, epitome Li-
 uiana. Cæcus, atque amens: Cæcus mente,
 qui, quid rectum, quid fas piūq; esset, non di-
 spiceret. Nancisceretur: fuit enim fortunæ
 cuiusdam, ut eodem anno duo perditissimi consu-
 les essent, quorum uterque cum tribuno pl. Clodia
 consensit: itaque in oratione post reditum in se-
 natu, Audieram, inquit, e sapientissimo ho-
 mine, atque optimo ciue, & uiro, Q. Catulo,
 non sepe unum consulem improbum, duos uero
 nunquam, excepto illo Cinnano tempore, fuisse,
 quare meam causam semper fore firmissimam
 dicere solebat, dū uel unus in republica esset con-
 sul. quod uere dixerat, si illud de duobus consuli-
 bus, quod ante in rep. non fuerat, perenne ac pro-
 prium manere potuisset. Proditores uestre
 dignitatis? ad iudices, ut ad bonos uiros, be-
 neq; in patriam animatos, loquitur; quorum in-
 tuenda republica omnis dignitas esset posita. Ad
 delendum senatum: acerbo utitur uerbo, ut
 senatum à consulibus prorsus contemptum ac re-
 pudiatum significet. sic infra: Senatum de rep.

D 3 tollere:

COMMENTARIUS

tollere: pro, senatum spernere, eiusq; uoluntatem minime spectare. cum enim Ciceronem senatus defensum uellet; consules oppugnarunt. idem lege in Ciceronem promulgata, cum uestitum mutasset; consules, ut ad suum uestitum rediret, edixerunt. Affligendum equestrem ordinem: spectat ad illud, quod L. Lamiam, principem equestris ordinis, pro salute Ciceronis acerrime pugnans, Gabinius consul in concione relegauit, edixitq; ut ab urbe abesset millia passuum ducenta. de quo in oratione post reditum in senatu, & epist. fam. lib. xi. 205. Ceterisq; insignibus: toga praetexta, curuli sella: quae, praeter fasces, insignia consulum erant. pro Cluentio, & in Pisonem, quae consulatum in urbe summum honorem esse, summamque potestatem significant. Si nondum scelera: alius enim mihi locus ad ea uobis in memoriam reuocanda constitutus est. Unguentis affluens: Gabinium significat, qui ob mollitiem odoratis liquoribus perfundebatur. de quo & in oratione post reditum in senatu, Ille, inquit, unguentis oblitus irrisit squallorem uestrum. & in oratione in Pisonem. Erant illi compti capilli, & mandentes cincinnorum fimbriae. Calamistrata coma: de eodem in eadem oratione. Cur in lustris, & belluationibus huius calamistrati saltatoris tam eximia uirtus tam diu cessauit? & post reditum in senatu, de eodem: Unguentorum odor,

uini

uini anhelitus, frons calamistri notata uesti-
giis. est autem calamistrum tenue ferrum, quo
in cinere calefacto crispantur capilli, unde fiunt
illi tanquam annuli, qui cincinni uocantur. in-
torquebat igitur sibi capillos calamistro Gabinius
consul, mollior, atque effeminatior, quam æ-
tas illius, & eius, quam sustinebat, personæ di-
gnitas ferebat. de quo in ea pro domo sua. Quo
uultu Cincinnatus ganeo patriæ preces repudia-
uit? Stuprorum: Gabinium in pueritia ma-
le audisse præposteræ libidinis uitio, eaq; passum
esse, quæ honeste nominari non possunt, etiam a-
liis in locis Cicero significat, ut in oratione post re-
ditum in senatu sic: Quorum alter à me Catilinā
amatorem suum, alter Cethegum, consobrinum
suum, reposcebat. Et ibidem paulo post: In con-
cionem ascendit, eaq; dixit, quæ, si eius uir Ca-
tilina reuixisset, dicere non esset ausus. Puteali:
Puteal basilica fuit, à Scribonio Libone facta:
ubi caussæ scænebres agebantur. significat igitur,
cum ait, Puteali eorum iudiciorum ministros, ut
scribas, uiatores, rabulas: deinde litigatores ip-
sos addit; cum ait, scæneratorum gregibus. erat
igitur in consulatu inflatus, maximeq; sibi pla-
cens eorum comitatu Gabinius, à quibus antea
magnopere timuerat, cum scæneratoribus immen-
sam pecuniam deberet: concidisset enim graui ære
alieno oppressus, nisi tribunus pl. factus esset. in
quem magistratum, tanquam in portum, persu-

D 4 git:

COMMENTARIVS

git: tum ne à creditoribus appellari posset: (nam magistratum gerenti molestus esse priuatæ rei causa nemo poterat) tum ut legem aliquam in eo magistratu pretio ferret. quod eum fecisse, significatur in oratione post reditum in senatu. apte igitur, & congruenter ad sententiam traducit si multitudinem maris: quòd æs alienum Gabinio fuerit tanquàm mare illud nauigantibus infestissimum, Scyllæ & Charybdis: quo certe obrutus esset, nisi in tribunatus quasi portum perfugisset. crederem autem, illud, Atque perculsus, mendosum esse. neque enim tota horum uerborum structura satis apte cohæret. sententia quidem obscura non est. Ad columnam: puto eos, quibus, unde creditoribus satisfacerent, non erat, ad columnam Mæniæ perductos esse, ut ibi per aliquot horas turpiter & magna cum infamia populo paterent. quam ignominiam ut uitaret Gabinius, tribunatum petiit, & obtinuit. aut igitur hoc, aut illud intellige, ad illam columnam proscribi solita esse debitorum bona. quam rem & in oratione post reditum in senatu satis plane his uerbis exposuit. Qui nisi in aram tribunatus confugisset; neque uim prætoris, nec multitudinem creditorum, nec bonorum proscriptionem effugere potuisset. quo in magistratu nisi rogatione de piratico bello tulisset; profecto, et egestate, et improbitate coactus, piraticam ipse fecisset. Et quoniã, Siciliensis freti mentione facta, de columna subiunxit: Rhegiã colum-

columnam potuit intelligere; quam Plinius ait in Siciliensi freto fuisse: ut, cum Mæniæ significaret, simul tamen ad Rhegiam, similitudinis causa, respiceret: quæ naufragis idem erat, quod Mænia debitoribus: cū ad illam è naufragio proiecti sic adhærescerent, ut ad Mæniæ, fortunis amissis, debitores. Rhegia uero columna dicebatur, quod ab urbe Rhegio non longe distaret. Contemnebat equites R. utpote qui L. Lamiæ, ut iam diximus, edicto relegauit. Ereptum: metu accusatoribus iniecto, aut fortasse disturbato iudicio. De ambitu: ob consulatum non more maiorum, sed pecunia quæsitum. Inuito senatu: sperabat enim, etiam si prouinciâ ei senatus denegaret, fore tamen, ut rogatio à tribuno pl. Clodio, adiuuantibus corruptis hominibus, perferretur. idq; sibi maxime necessarium uidebat esse: qui sine ingentibus rapinis contractû æs alienum dissoluere non posset. de hoc in oratione in Pisonem sic: Gabinium sine prouincia stare non posse: spem habere à tribuno pl. si tua consilia cum illo coniunxisses: à senatu quidem desperasse. Et argute, oratorio more, inducit Gabinium Cicero ea dicentem, quæ, quo tempore habita est hæc oratio, facta iam erant. nam Gabinius, neglecta senatus auctoritate, lege Clodia in Syriam prouinciæ ierat. Se incolumem nullo modo fore: ad rem familiarem, & ad dignitatem refero. nam de utraque actum iri uidebat,

COMMENTARIVS

bat, nisi ad diripiendas pecunias provinciam statim post consulatum habuisset. hoc est, quod dixit in ea in Pisonem, Sine provincia stare non posse.

ORATIO.

ALTER, ò dii boni, quàm teter incedebat, quàm truculentus, quàm terribili aspectu. unum aliquem te ex barbatis illis, exemplum imperii ueteris, imaginem antiquitatis, columem reip. diceres intueri. uestitus aspere, nostra hac purpura plebeia, ac pene fusca, capillo ita horrido, ut Capua, in qua ipse tum, imaginis formandæ causâ, duumviratum gerebat, Seplasiâ sublaturus uideretur. nam quid ego de supercilio dicam, quod tum hominibus nō supercilium, sed pignus reip. uidebatur? tanta erat grauitas in oculo, tanta frontis contractio, ut illo supercilio resp. tanquam Atlante cælum, niti uideretur. erat denique hic omnium sermo. Est tamen reip. magnum firmumq; subsidium. habeo, quem opponam labi illi, atque cæno. uultu mediusfidius collegæ sui libidinem, leuitatemq; frangat. habebit senatus, in hunc annum quem sequatur: non deerit auctor, & dux bonis. mihi denique homines præcipue gratulabantur, quòd habiturus essem contra tribu-

tribunum pl. furiosum, & audacem cum
amicum, & affinem, tum etiam fortem &
grauem consulem. atque eorum alter fe-
fellit neminem. quis enim clauum tanti
imperii tenere, & gubernacula reip. tra-
ctare in maximo cursu ac fluctibus posse
arbitraretur hominem emersum subito
ex diuturnis tenebris lustrorum, ac stu-
porum, uino, ganeis, lenociniis, adul-
teriisq; confectum, cum is præter spem
in altissimo gradu alienis opibus positus
esset, qui non modo tempestatem intueri
impendentem temulētus, sed ne lucem qui-
dem insolitam aspicere posset?

COMMENTARIUS.

Quàm teter: *Gabinus* & nitenti uultu, cerussa-
tisq; buccis, ut est in oratione in *Pisonem*, & coma
in *cincinnos* intorta significare nequitiam & leui-
tatem uidebatur: *Piso* contra tristi obscuraq; fa-
cie, horrido capillo, seueritatem illam ueterem,
& constantiam præseferibat. *Gabinus*, quod
uultus indicabat, id præstitit: fuit enim nequissi-
mus, atque improbissimus consul. *Piso* longe ali-
ter, quàm homines opinabantur, consulatum
gessit, nefarie scilicet, maximeq; contra repu-
blicam. itaque paulo post, *Alter*, inquit, fefel-
lit neminem: alter multos plane in omnes partes
fefellit. Teter opponitur claro: unde illud de *M.*
Marcello in epistola *Ser. Sulpicii*: *Vir clarissi-*
mus

COMMENTARIVS
mus ab homine teterrimo est interfectus. Ex
barbatis illis: qui olim rempublicam summa
cum laude administrarunt. Sic pro Caelio: Ali-
quis mihi ab inferis excitandus est ex barbatis il-
lis, non hac barbula, qua ista delectatur, sed illa
horrida, quam in statuis antiquis, & imaginibus
uidemus. barbas alere ante minoris Africani
tempora Romani consueuerunt. is radi primus
instituit: itaque post inualuit consuetudo, ut, qui
non raderentur, quasi lasciui homines; nimiumq;
delicati, non optime audirent. itaque cum pro-
bro scripsit illud Cicero ad Atticum lib. I. Con-
cursabant barbatuli iuuenes, totus ille Catilinæ
grex, duce filiola Curionis. Nostra hac pur-
pura plebeia, ac pene fusca: tunica, & to-
ga Romani utebantur, tunica carnem tegente, to-
ga tunicae superinducta. tunica solis erat senatori-
bus purpurea, cum lato clauo: toga quò quisque
colore uellet, solis magistratibus purpureo præ-
texta limbo. nostra igitur, qua nos senatores uti-
mur. plebeia, ac pene fusca, alterum de tunica
prauitate dixit, alterum de colore. nam neque filo
erat tunica Pisonis, ut reliquæ tunicae senatoriæ,
subtili, ac diligenter contexto; sed plebeiis tunicis,
crasso filo satis temere factis, admodum similis:
& quod ad colorem attinet, ita longe aberat à
purpureo, ut ad fuscum accedere uideretur.
Imaginis formandæ causâ duuinuiratum
gerebat: colonijs duuinuiri, & ex ipsa colonia,
G

& ex ordine decurionum creati; municipijs qua-
 tuorui, ex ipsis municipijs; præfecturis missi à
 populo, aut prætore, ut ait Festus, ciues Romani,
 præerant. quid autem differrent inter se ciues Ro-
 mani, coloni, municipes, & ij, qui conuentus
 in præfecturis dicebantur, alio loco docebimus.
 Colonia, Capuam C. Cæsare consule deductæ, crea-
 ti sunt duumuii L. Piso, & Cn. Pompeius Ma-
 gnus, ille socer, hic gener C. Cæsaris. de Pisonem
 cum hic, tum in oratione in ipsum, & in ea post
 reditum in senatu satis constat. de Pompeio in ora-
 tione post reditum in senatu, & in ea pro Milone,
 aperta mentio est: etiam in ea de prouincijs consu-
 laribus, in Pisonem, pro domo sua, significatur.
 Imaginis formandæ: ut fingeret, ac com-
 poneret uultum ad illam seueritatem, quam in
 urbe postea consul præ se ferre meditaretur.
 Seplasia: platea fuit Capuæ, in qua unguen-
 ta uenibant. at Piso ita capillo erat horrido, ut o-
 disse unguenta uideretur, ideoq; de tollenda ab eo
 Seplasia pro ea potestate, quam Capuæ duumuir
 habebat, argute Cicero comminiscitur. de Sepla-
 sia in oratione in Pisonem, & Pedianus, & in a-
 graria § 11. Pignus reip. à fœneratoribus tran-
 stulit: quod, ut hi, accepto pignore, pecunias
 suas putant se tuto committere; sic respublica Pi-
 soni, cui se commiserat, supercilio, tanquam pi-
 gnore, confidere, optimeq; sperare uidebatur.
 Grauitas in oculo: uel, oculo, pro oculis di-
 xit,

COMMENTARIVS

xit, quòd Pisonis oculi non temere mobiles, sed stabiles; & attenti significationem quandam optime mentis hominibus afferrent; sicuti contra, quibus arguti, & ut ita dicam, uolucres oculi sunt, leues homines minimeq; sapientes plerique reperiuntur: uel, quod facile suspicor, in alterum Pisonis oculum, aliquo uitio deprauatum, tacite ludit. nam & in oratione in ipsum, Sex. Claudium, inquit, qui nunquam antea pretextatus fuisset, ludos facere, & pretextatum uolitare passus es, hominem impurum, atque non modo facie, sed etià oculo tuo dignissimum. quasi dixerit: hominē ita turpi uita, ut tibi turpis facies, turpisq; oculus est. ecce aliud exemplum, quod eodem, ut opinor, spectat, in oratione post reditum in senatu, L. Piso, tu ne ausus es isto oculo, non dicam isto animo; ista fronte, non uita; tanto supercilio. & cetera. Amicum & affinem: amicum ita, ut suis comitijs primum custodem prerogatiue Ciceronem praefecerit. de quo in oratione in ipsum his uerbis: Tu non modo ad eum Ciceronem, (mitto enim domestica, quae negari non possunt: haec commemoro, quae sunt palam) non modo, inquam, ad eum, cui primam comitijs tuis dederas tabulā prerogatiue, quem in sententiam rogabas tertium. nunquam aspirasti, sed omnibus consilijs, quae ad me opprimendum parabantur, non interfuisti solum, uerum etiam crudelissime praefuisti. & in ea post reditum

tum in senatu . Tu misericors me affinem tuum,
 quem comitiis prærogatiuæ primum custodem præ
 feceras , quem kalendis Ian. tertio loco senten-
 tiam rogaras , constrictum inimicis reipub. tradi-
 disti . Affinem : ob Tulliam C. Pisoni Fru-
 gi , L. Pisonis propinquo , in matrimonium collo-
 catam . post reditum in senatu , Alienis opi-
 bus : Pompeius Magnus A. Gabinium ,
 quem hic Cicero significat , neque sua uirtute , ne-
 que maiorum commendatione insignem , suis opi-
 bus ad consulatum produxit . Insolitam : quia
 lustrorum ac stuprorum in tenebris diu latuerat .
 subitam autem post tenebras lucem oculi non su-
 stinent . & est præclara à mari ad rempublicam
 translatio : quam ita regere ac tueri debet con-
 sul in periculo constitutam , ut gubernator nauem
 in mari fluctuantem .

O R A T I O .

AL TER multos plane in omnes partes fe-
 fellit : erat enim hominum opinioni nobi-
 litate ipsa , blanda conciliatricula , com-
 mendatus . omnes boni semper nobilita-
 ti fauemus , & quia utile est reip. nobiles
 homines esse dignos maioribus suis , &
 quia ualet apud nos clarorum hominum
 & bene de rep. meritorum memoria e-
 tiam mortuorum . quia tristem semper ,
 quia taciturnum , quia subhorridum at-
 que incultum uidebant ; & quòd erat eo
 nomine ,

CO M M E N T A R I V S

nomine, ut ingenerata familiæ frugalitas uideretur; fauebant, gaudebant, & ad integritatem maiorum spe sua hominē uocabant, materni generis obliti. ego autem (uere hoc dicam iudices) tantum esse in homine sceleris, audaciæ, crudelitatis, quantum ipse cum rep. sensi, nunquam putauī: nequam esse hominem, & leuem, & falsa opinione, errore hominū, ab adolescentia commendatum sciebam. etenim animus eius uultu, flagitia parietibus tangebātur. sed hæc obstructio nec diuturna est, nec obducta, ita ut curiosis oculis perspicere non possit. uidebamus genus uitæ, desidiā, inertiam; inclusas eius libidines, qui paulo propius accesserant, intuebantur. denique etiam sermonis ansas dabat, quibus reconditos eius sensus tenere possemus, laudabat homo doctus philosophos nescio quos: neque eorum tamen nomina poterat dicere: sed eos tamen laudabat maxime, qui dicuntur præter ceteros esse auctores, & laudatores uoluptatis: cuius, & quo tempore, & quo modo, non quærebat: uerbum ipsum omnibus modis animi, & corporis deuorabat: eosdemq; præclare dicere aiebat, sapientes omnia sua causa facere, remp. capessere hominem bene sanum nō oportere,

tere, nihil esse præstabilius ociosa uita, & plena, & conferta uoluptatibus: eos autem, qui dicerent dignitati esse seruiendum, reip. consulendum, officii rationem in omni uita, non commodi, esse ducendam, subeunda pro patria pericula, uulnera excipienda, mortem oppetendam, uaticinari atque insanire dicebat.

COMMENTARIUS.

Nobilitate ipsa: non quòd esset patricius Piso, sed quia maioribus ortus clarissimis. nam nobilissimos homines etiam eos, qui plebeijs familijs nati erant, appellatos esse animaduerti. Blanda conciliatricula. ut ad conciliandum amorem aptæ sunt blanditiæ, sic ad opinionem hominũ excitandam nobilitas ualet plurimum. Eo nomine: nomen pro familia ueteres usurpabant, ut ab exemplis planum fit: hic tamen pro cognomine dictum uidetur. ut cognomen Frugi, quo Pisones appellabantur, intellexerit potius Cicero, quàm Calpurniæ gentis nomen. quò spectant ea, quæ proxime sequuntur, uerba: Vt ingenerata familiæ frugalitas uideretur. præterea nostram sententiam confirmat illud in oratione in ipsum Pisonem: Quod minimum specimen in te ingenii, ingenii autem? immo ingenui hominis, ac liberi? qui colore ipso patriam aspernaris, oratione genus, moribus nomen. quo in loco non pro familia, sed pro

E cogno-

COMMENTARIUS

cognomine nomen esse positum; Pedianus interpres significat his uerbis. Tametsi hæc oratio inscribitur, in L. Pisonem: tamen non puto uos ignorare, hunc Pisonem ex ea familia esse, quæ Frugi appellata sit. & ideo dicit aspernari eum moribus nomen. Frugalitas: ob cognomen. sunt autem frugi homines, ut in re domestica, sic in republica continentes, & temperati, ideoq; præter ceteros iusti. Piso igitur, qui publicam rem pessime curauit, degenerasse à suo cognomine uidetur. Materni generis obliti: L. Piso matrem habuit, non Romanam, sed homine Gallo natam: qui cum Placentiæ consedisset, in eam ciuitatem ascitus, postea Romam uenit, & Pisoni Cæsonino, eius Pisonis filio, quem ab Heluetiis interfectum Cæsar scribit, filiam collocauit. hinc illa in Pisonem; O familiæ non dicam Calpurniæ, sed Caluentiæ, neque huius urbis, sed Placentini municipii, neque paterni generis, sed brachatiæ cognationis dedecus. Hoc autem ideo dixit, quòd Piso ex materno genere cognatos haberet homines brachatos, hoc est Gallos transalpinos, qui brachis utebantur. & in eadem oratione: O tenebræ, ò lutum, o sordes, ò paterni generis oblite, materni uix memor. & in ea post reditum in senatu: Is non me (quanquam equidem non cognoram eum propter Pisonum affinitatem, quem longe hinc ab hoc genere cognatio materna transalpini sanguinis abstulisset) sed

uos

uos populumq; R. non consilio, neque eloquentia, quod in multis saepe accidit, sed rugis, supercilioq; decepit. Is autem, qui patris huius Pisonis socer fuit, Caluentius est appellatus. Peditanus. Vultu: quia tristis, taciturnus, subhorridus, incultus, quod proxime dixit. Desidiam, inertiam: plus inertia uituperationis habet, quam desidia. desidem enim appellamus, qui nihil agat, quasi desidentem: inertem autem, qui etiam agendi arte, non modo uoluntate, careat. ergo in desidia uoluntas, in inertia simul cum uoluntate notatur inscitia. hoc paulo clarius ostenditur in epistola ad Cornificium, his uerbis. Quod si, ut es, cessabis; laceffam: ne tua ignauia etiam inertiam afferat: id est, ne, dū nihil unquam scribis, etiam scribere dediscas, & scribendi artem obliuiscare. Paulo propius: in ades ipsius. dixit enim iam: Flagitia parietibus tegebantur. et infra: Videbam, quibus cum hominibus in interiore ædium parte uiueret. Tenere: apte uerbum cum nomine cōiunxit: nam ansa est, quam in uasē manu apprehendimus. Neque eorū nomina poterat dicere: satis plane indicat, non doctrina, sed uoluntate, quia scilicet uoluptatē diligeret, Pisonem fuisse Epicureum. qui enim eorum nomina, quorum sectam sequebatur, ignoraret, ex hominum sermonibus, & ex naturali quadam propensione potius, quam ex libris, genus illud philosophiæ cognouisse putandus est. Est.

E 2 igitur

COMMENTARIUS

igitur & Epicureus Piso, id est non admodum laudanda philosophiae studiosus; & indoctus tamen Epicureus. aperta enim ironia in proximis uerbis: Laudabat homo doctus. quod infra quoque patet, cum subiungit: cuius, & quo tempore, & quo modo, non querebat. non enim libros legebat Epicureorum: in quibus uoluptas quidem una ante omnes res, non omnis tamen, nec omni tempore, aut modo, laudabatur. Omnibus modis: contra quam reliqui Epicurei, qui, doctrina à libris accepta, non omnibus modis amplectendam uoluptatem existimabant. Omnia sua causa facere: hoc quoque, et quæ continuo sequuntur, ad Epicureos referenda. congruit autem cum hoc loco locus in epistola ad Trebatium, in qua scripsit hæc. Indicauit mihi Pansa meus Epicureum te esse factum. sed quonam modo ius ciuile defendes, cum omnia tua causa facias, non ciuium? & paulo post ibidem: Quid fiet populo Vlubrano, si tu statueris πολιτὰ εἶδαι nō oportere? Eos autem: philosophos ab Epicuro dissentientes, Stoicos, Academicos, Peripateticos, qui honestatem uel unā, uel maxime expetendam affirmabant. Varietari: non est hic, diuinare, sed, allucinari, errare, ut in epistola ad Caelium: Sed ego fortasse uaticinor, & hæc omnia meliores habebūt exitus.

ORATIO.

Ex his assiduis eius quotidianisq; sermonibus, & quòd uidebam, quibus cum hominibus

nibus in interiore ædium parte uiueret, & quòd ita domus ipsa fumabat, ut multa eius sermonis indicia redoleret, statuebam sic, boni nihil ab illis nugis expectandum, mali quidem certe nihil pertimescendum. sed ita est iudices. ut, si gladium paruo puero, aut si imbecillo seni, aut debili dederis, ipse impetu suo nemini noceat; sin ad nudum uel fortissimi uiri corpus accesserit, possit acie ipsa & ferri uiribus uulnerare: ita, cum hominibus eneruatis, atque exanguibus consulatus, tanquam gladius, esset datus; qui per se pungere neminem unquam potuissent, hi, summi imperii nomine armati, rempublicam contrucidauerunt: fœdus fecerunt cum tribuno pl. palam, ut ab eo provincias acciperent, quas ipsi uellent; exercitum, & pecuniam, quantam uellent, ea lege, si ipsi prius tribuno pl. afflictam rep. tradidissent: id autem fœdus meo sanguine ictum sanciri posse dicebant. qua re patefacta, (neque enim dissimulari tantum scelus poterat, nec latere) promulgantur uno eodemq; tempore rogationes ab eodem tribuno de mea pernicie, & de prouinciis consulum nominatim.

COMMENTARIVS.

MALI nihil: cum se Piso totum gulæ, uentri, crapulæ dedisse uideretur, nihil de perturbanda rep. cogitare. Imbecillo seni, aut debili: quasi, non modo imbecillo, sed debili quoque: ut maior sit in imbecillo infirmitas, quàm in debili. Cum tribuno pl. P. Clodio. Pro- uincias acciperent, quas ipsi uellent: non enim in eo legum ratio habita est: quia Gabinus Syriam accepit, cum ei iam Cilicia data esset: Pi- so autem Achaïam, Thessaliam, cunctam Gra- ciam, quos populos Cæsar, eius gener, sua lege liberos esse iusserat. de quo sic in oratione pro do- mo sua: Quis prouinciam homini post homi- nes natos turpissimo, sceleratissimo, contamina- tissimo, quis illam opimam fertilemq; Syriam, quis bellum pacatissimis gentibus, quis pecuniam ad emendos agros constitutam, eieptam ui ex Cæ- saris rebus actis, quis imperium infinitum dedit? cui quidem cum Ciliciam dedisses, mutasti pa- trionem, & Ciliciam ad prætorem item extra or- dinem transtulisti: Gabinio, pretio amplificato, Syriam nominatim dedisti. quid? homini teter- rimo, crudelissimo, fallacissimo, omnium scele- rum libidinumq; maculis notatissimo, L. Pisoni non ne nominatim populos liberos, multis S.C. e- tiam recenti lege soceri ipsius liberatos, uinctos, constrictos tradidisti? Quo in loco manifestum in omnes impressos libros irrepsit mendum. nō enim, lege

legē soceri, legendum est, sed, lege generi: quia C. Cæsar, Pisonis gener, in consulatu eam legem tulerat. quod in oratione in Pisonem declarant illa uerba: Obtinuisti prouinciā consularem finibus iis, quos lex cupiditatis tuæ, non quos lex generi tui pepigerat. nam lege Cæsaris, iustissima, atque optima, populi liberi plane, & uere erant liberi: lege autem ea, quam nemo legem præter te, & collegam tuum putauit, omnis erat tibi Achaia, Thessalia, Athenæ, cuncta Græcia addita. Et in ea de prouincijs consularibus. Emisti à seditiosissimo tribuno pl. tum in illo naufragio huius urbis, cum tu idem, qui gubernare debueras, euerteres; tum, inquam, emisti grandi pecunia, ut tibi de pecunijs creditis ius in liberos populos cōtra S. C. & contra legem generi tui dicere liceret. Pecuniam quantam uellent: quam deinde cum iis Clodius partitus est. unde infra, Omitto, inquit, gratulationes, epulas, partitionem ærarij. Et pro domo sua, & in Pisonem. Afflictam rempublicam: consulum præsidio nudatam, minimeq; ualentem. De mea perniciē, & de prouincijs consulum nominatim: non, nominatim de mea perniciē, sed, nominatim de prouincijs consulum. nā lex Clodij, ut in Dione, Vel leio, et epistola quadam ad Atticum legimus, Ciceronem non nominabat, sed in eos generaliter scripta erat, si qui ciues Romanos indicta causa condemnassent. in quo tamen præcipuum Ciceronis

COM MENTARIVS

factum notabatur, qui coniuratos sine populi iudicio damnauerat. prouincias autem consulum in ea lege nominatas esse, indicant illa, quæ proxime recitauimus ex oratione pro domo sua. Vos equites: præsentēs iudices. nam ex tribus ordinibus iudicia constabant senatorio, equestri, plebeio. Summo imperio: ipsis consulibus. paulo ante: Hi, summi imperij nomine armati, remp. contrucidandam putauerunt.

O R A T I O.

Hic tum senatus sollicitus, uos equites excitati, Italia cuncta permota, omnes denique omnium generum, atque ordinum ciues summæ reip. à consulibus, atque à summo imperio petendum esse auxilium arbitrabantur; cum illi soli essent, præter furiosum illum tribunum, duo reip. turbines, qui non modo præcipitanti patriæ non subuenirent, sed etiam nimium tarde concidere mœrerent. flagitabatur ab his quotidie cum querelis bonorum omnium, tum etiam precibus senatus, ut meam causam susciperent, agerent aliquid, denique ad senatum referrent. hi non modo negando, sed etiam irridendo, amplissimum quenque illius ordinis insequabantur. hic subito, cum incredibilis in Capitolium multitudo ex tota urbe, cunctaq; Italia conuenisset, uestem mutant

dam omnes, meq; etiam omni ratione
 priuato consilio (quoniam publicis duci-
 bus resp. careret) defendendum puta-
 runt. erat eodem tempore senatus in æde
 Concordiæ, quod ipsum templum repræ-
 sentabat memoriam cōsulatus mei, cum
 flens uniuersus ordo cincinnatum consu-
 lem orabat. nam alter ille horridus, & se-
 uerus consulto se domi continebat. qua-
 tum superbia cœnum illud, ac labes, am-
 plissimi ordinis preces, & clarissimorum
 ciuium lacrymas repudiavit? me ipsum
 ut contempsit helluo patriæ? nam quid e-
 go, patrimonii, dicam? quod ille, cum
 quasi quæstum faceret, amisit. cum ue-
 nisset ad senatum, uos, uos, inquam, e-
 quites R. & omnes boni, ueste mutata,
 uos pro meo capite ad pedes lenonis im-
 purissimi proiecistis, cum, uestris preci-
 bus à latrone illo repudiatis, uir incredibi-
 li fide, magnitudine animi, constantia, L.
 Mummius ad senatum de rep. retulit, se-
 natusq; frequens uestem pro mea salute
 mutandam censuit:

COMMENTARIUS.

In æde Concordiæ: qua in æde factum est Cice-
 rone consule senatus consultum de coniuratis occi-
 dendis. ideo subiicit: Quod ipsum templum repræ-
 sentabat memoriam consulatus mei. qua de re in
 Phi -

COMMENTARIUS

Philippica v. In hac, inquit, cella Concordiæ, (ò dij immortales) in qua me consule salutare sententiæ dictæ sunt, quibus ad hanc diem uiximus, cum gladiis homines collocati stant. Cincinnatum consulem: ad contemptum: quòd amplissimus ordo nequissimum consulem, qui sibi calamistroni comam in cincinnos interqueret, cum lacrymis oraret. Consulto se domi continebat: dissimulat causam, qua Piso domo non exhibat. non enim consulto se domi continuit, ut hic Cicero ad creandam inuidiam fingit; sed aduersa uale tudine impeditus: quod in Dionis historia legimus lib. 38. idemq; ex oratione in ipsum facile cognoscitur. Quod ille, cum quasi quæstum faceret, amisit: false simul & acerbe. mirum enim, qui quasi meretrix diuulgato corpore quæstum faciat, eum patrimonium amittere. notat impudicitiam, & nequitiam Gabinij. L. Mummius: tribunus pl. qui deinde retulit ad senatum de reditu Ciceronis, ut est infra. Vestem mutandam: non modo senatui, ut hic Cicero uidetur significare, sed populo quoque Mummius persuasit, ut, tanquam in aliqua publica calamitate, pro salute Ciceronis uestem mutaret. Dio lib. 38.

ORATIO.

O' diem illum, iudices, funestum senatui bonisq; omnibus, reip. luctuosum, mihi ad domesticum mœrorem grauem, ad posteritatis

ritatis memoriam gloriosum. quid enim
 quisquam potest ex omni memoria su-
 mere illustrius, quàm, pro uno ciue & bo-
 nos omnes priuato consensu, & uniuersum
 senatum publico consilio mutasse ue-
 stem? quæ quidem tum mutatio non de-
 precationis causa est facta, sed luctus.
 quem enim deprecarentur, cum omnes
 essent sordidati? cumq; hoc satis esset si-
 gni esse improbum, qui mutata ueste non
 esset? hac mutatione uestis facta, tanto in
 luctu ciuitatis, (omitto, quid ille tribu-
 nus, omnium rerum diuinarum humana-
 rumq; prædo, fecerit, qui adesse nobilif-
 simos adolescētes, honestissimos equites
 R. deprecatores salutis meæ, iusserit, eosq;
 operarum suarū gladiis, & lapidibus obie-
 cerit: de consulibus loquor, quorum fide
 resp. niti debuit) exanimatus euolat ex se-
 natu, nō minus perturbato animo, atque
 uultu, quàm si ante annis paucis in credi-
 torum conuentum incidisset: aduocat cō-
 cionem: habet orationem talem consul,
 qualem nunquam Catilina uictor habuif-
 set: errare homines, si etiam tum sena-
 tum aliquid in rep. posse arbitrarentur:
 equites uero R. daturus illius dies pœ-
 nas, quo, me consule, cum gladiis in cliuo
 Capitolino fuissent: uenisse tempus iis,
 qui

COMMENTARIVS

qui in timore fuissent, (coniuratos uidelicet dicebat) ulciscendi se. si dixisset hoc solum, omni supplicio esset dignus; nam oratio ipsa cōsulis pernicioſa potest rēp. labefactare: quid fecerit, uidete. L. Lamiam, qui cum me ipsum pro summa familiaritate, quæ mihi cum fratre, cum patre eius erat, unice diligebat, tum pro rep. uel mortem oppetere cupiebat, in concione relegauit, edixitq; ut ab urbe abesset millia passuum ducenta, quòd esset ausus pro ciue, pro bene merito ciue, pro amico, pro rep. deprecari.

COMMENTARIVS.

Bonos omnes: *hominum uiginti millia pro salute Ciceronis uestem mutarunt. Rerum diuinarum: potissimum ob uiolata sacra Bonæ deæ. historia satis nota. Adeste: cum legem perferre uellent. erat enim consuetudo, ut, ante quàm ferretur lex, prodirent, qui uellent, ad suadendum, aut dissuadendum. de quo satis multa diximus in lib. de comitijs. Gladiis, & lapidibus: hac ipsa de re in oratione pro domo sua his uerbis: Cum eos, qui in conuentu uirorum bonorum uerba de salute mea fecerant, adeste iussisti, eorumq; aduocationem manibus, ferro, lapidibus discussisti, tum profecto ostendisti uim tibi maxime displicere. In creditorum conuentum: æris alieni plurimum habuisse Gabinium, supra diximus.*
Illius

Illius dies : dies , hoc loco , non diei , legendum
 esse , admonet Gellius libro I X. In cliuo Ca-
 pitolino : circa templum Concordiæ , in cliuo
 Capitolino , cum in eo templo de coniuratis consul
 Cicero ad senatum retulisset , armati equites R.
 præsidij causa circumsteterant . de quibus in ora-
 tione I. in Catilinam . Illi , inquit , equites R. ho-
 nestissimi atque optimi uiri , ceteriq; fortissimi ci-
 ues , qui circumstant senatum , quorum tu & fre-
 quentiam uidere , & studia perspicere , & uoces
 paulo ante exaudire potuisti . quorum ego uix abs-
 te iamdiu manus ac tela contineo , eosdem facile
 adducam , ut te hæc , quæ iampridem uastare stu-
 des , relinquentem usque ad portas prosequantur.
 & hac ipsa de re in ea post reditum in senatu his
 uerbis . In concionem ascendit , ea quæ dixit , quæ ,
 si eius uir Catilina reuixisset , dicere non esset au-
 sus : nonarum Dec. quæ me consulem fuissent ,
 cliuiq; Capitolini pœnas ab equitibus R. esse repe-
 titurum : neque solum id dixit , sed , quos ei com-
 modum fuit , compellauit : L. uero Lamiam , equi-
 tem R. præstanti dignitate hominē , & saluti meæ
 pro familiaritate , reip. pro fortunis suis amiciissi-
 mum , consul imperiosus exire urbe iussit . Quod
 autem de cliuo Capitolino , ut inique factum Ga-
 binus accusabat , idem & M. Antonius Ciceroni
 multis post annis obiecit : in quem illa sunt in Phi-
 lippica I I. At etiam ausus es , (quid autem
 est , quod tu non audeas ?) cliuum Capitolinum ,
 dicere ,

COMMENTARIUS

dicere, me consule, plenum seruorum armatorum fuisse. ut illa, credo, nefaria senatus consultum fierent, uim afferebam senatui. ò miserum, siue tibi illa nota non sunt; nihil enim boni nosti; siue sunt, qui apud tales uiros tam impudenter loquere. quis enim eques R. quis præter te adolescens nobilis, quis ullius ordinis, qui se ciuem meminisset, cum senatus in hoc templo esset, in cluiuo Capitolino non fuit? Vere, quod enim Cicero tuendi senatus causa fecerat, id, quasi contra leges regio more commissum, Gabinius & Antonius accusarunt. Quod autem dixit, Illius dies: intellige illum diem, quo senatus consultum de necandis coniuratis, referente Cicerone, factum est. quanquam non illo tantum die cum gladiis in cluiuo Capitolino equites R. fuisse, satis constat ex iis uerbis, quæ ex oratione I. in Catilinam recitauimus: quæ habita est aliquot diebus ante illum diem, quem hic Cicero significat.

ORATIO.

QVID hoc homine facias? aut quò ciuem tam importunum, aut quò potius hostem tam sceleratum reserues? qui, ut omitteram cetera, quæ sunt ei cum collega immanis impuroq; coniuncta atque communia, hoc unum habet proprium, ut expulerit ex urbe, relegarit, non dico equitem R. non ornatisimum, atque optimum uirum, non amicissimum reip. ciuem, nò illo

illo ipso tempore una cum senatu, & cum bonis omnibus casum amici reiꝑ; pub. lu gentem, sed ciuem R. sine ullo iudicio aut edicto ex patria consul eiecerit. nihil acerbius socii Latini ferre soliti sunt, quàm id, quod perraro accidit, ex urbe exire à consulibus iuberi. atque illis tum erat reditus in suas ciuitates, ad suos lares familiares: & in illo communi incommodo nulla in quenquam propria ignominia nominatim cadebat. hoc uero quid est? exterminabit ciues R. edicto cōsul à suis diis penatibus? expellet à patria? deliget quē uolet, damnabit, atque eiiciet nominatim? hic, si unquam uos eos, qui nunc estis in rep. fore putasset; si denique imaginem iudiciorum, aut simulacrum aliquod futurum in ciuitate reliquum credidisset; unquam ausus esset senatum de rep. tollere, equitum R. preces aspernari, ciuium denique omnium, nouis, & in auditis edictis, ius, libertatemq; peruertere?

COMMENTARIUS.

Quid hoc homine facias? antiqua locutio, huic nostro satis usitata: quam & à comicis usurpata inuenimus. subaudiri uidetur, de. huic autem loco simillimus est ille ex primo accusationis: Quid hoc homine faciat? aut quam ad spem tam perfidiosum, tam importunum animal reſeruetis?
nec

COMMENTARIUS

nec dissimile illud in epistola ad Terentiam: Quid Tulliola mea fiet? Sine ullo iudicio, aut edicto: quo modo, sine edicto, cum infra pateat, edicto Gabinij pulsum esse Lamiam? Exterminabit, inquit, ciues R. edicto consul à suis dijs penatibus? & paulo ante edixisse Gabinium dixit, ut ab urbe abesset Lamia millia passuum ducenta. aut igitur pro, aut, legerem suo; ut ad grauiore inuidiam excitandam dixerit, sine ullo iudicio magistratus, uel populi, suo edicto consul ciuem R. eiecit ex patria: aut omnino ipsam particulam, aut, quasi superuacaneam tollerem. de quo tamē ut antiqui libri consulantur, statuo. Socii Latini: dicebant ueteres, socij Latini, & socij & Latini, item socij Latini nominis, socij & Latini nominis; cum tamen de solis Latinis intelligerent. exempla sunt & apud hunc nostrum, & apud Liuium quamplurima. Id quod perraro accidit: bis omnino; quod quidem ego legendo obseruauerim; primum, edicto Proculi Virginij consulis, cū Sp. Cassium Viscellinum collegam haberet, anno ab urbe condita CCLXVII. qua de re scriptum est apud Dionysium Halicarnasseum lib. VIII. his uerbis: Επιστημάναντος δὲ τοῦ πλείους ὡς τὰ κράτιστα ὑποδεμένῳ, καὶ καταλύειν ἐκ τῆ νόμου τὸ ποιῶν διχοστασίαν μέρος, ἀξιοῦντος, ἀπορῶν ὅτι χρηρᾶται ὁ Κασίος, καὶ οὔτε ἀναθέσθαι τὴν γνώμην προαιρούμενος, οὔτε μένειν ἐπ' αὐτῆς, ἀντιπραθέντων τῶν δημάρχων, διατάμενος, τότε μὲν διέ-
λυσε

IN ORAT. PRO SEXTIO. 41

λυσε τὴν ἐκκλησίαν : ταῖς δὲ ἐξῆς ἡμέραις ἀρρώστιαν
 σκηπόμενος, ἐκέτι κατέβαινε εἰς τὴν ἀγορὰν, ἀλλ'
 ὑπομένων ἐνδον ἐπραγματεύετο βία, καὶ χειροκρα-
 τία κυρῶσαι τὸν νόμον. καὶ μετεπέμπετο Λατίνων-
 τε, καὶ ἐρνίκων ὅσους ἐδύατο πλείους ἐπὶ τὴν ψη-
 φηφορίαν. οἱ δὲ σωήεσαν ἄνδρες. καὶ δι' ὀλίγου με-
 σὴ ξένων ἦν ἡ πόλις. ταῦτα μαθὼν Οὐεργίνιος κηρύτ-
 τειν ἐκέλευσε κατὰ τοὺς στενωποὺς, ἀπιέναι τοὺς μὴ
 κατοικούντας ἐν τῇ πόλει, χρόνον ὀρίσας ἔσχατον. ὁ δὲ
 Κάσιος τὰναντία ἐκέλευε κηρύττειν, παραμένειν τῶς
 μετέχοντας τῆς ἰσοπολιτείας, ἕως ἂν ἐπικυρωθῇ ὁ νό-
 μος. *deinde anno post v. C. DCXXXI, cū C. Fan-
 nius cos. uocatos à C. Graccho ad suffragiū feren-
 dum Latinos, eodem die exire urbe iussit, qua de
 re Appianum aperte, nec obscure admodum Cice-
 ro in Bruto. Eos, qui nunc estis: magna præ-
 ditos auctoritate, et cum potestate iudicandi. spe-
 ravit enim fore, ut boni iacerent, improbi domi-
 narentur. Imaginem iudiciorum: si iudicia,
 aut omnino imaginem, aut simulacrum ullum iu-
 dicioῦ fore credidisset; in remp. non tam nefarie
 peccasset. peccauit autem, quia credidit, extin-
 ctis iudicijs, pœnam delinquentibus nullam futu-
 ram. Ius libertatemq;: ius & libertatem Ga-
 binus eripuit ciuibus, cum eos, suum dolorem ue-
 ste mutata significantes, ad uestitum, quem de-
 posuerant, redire iussit.*

ORATIO.

Εἰς με attentissimis animis summa cum
 F beni-

COMMENTARIVS

benignitate auditis iudices : tamen ue-
 reor, ne quis forte uestrum miretur, quid
 hæc mea oratio tam longa, ac tã alte re-
 petita uelit, aut quid ad P. Sextii causam,
 eorum, qui ante huius tribunatum remp.
 uexarunt, delicta pertineant. Mihi autem
 hoc propositum est ostendere, omnia cõ-
 filia P. Sextii, mentemq; totius tribuna-
 tus hanc fuisse, ut afflicta, & perditæ reip.
 quantum posset, mederetur. ac si in ex-
 ponendis uulneribus illis de me ipso plu-
 ra dicere uidebor, ignoscitote. nam & il-
 lam meam cladem uos, & omnes boni ma-
 ximum esse reip. uulnus iudicastis : & P.
 Sextius est reus non suo, sed meo nomi-
 ne : qui cum omnem uim sui tribunatus
 in mea salute consumpserit; necesse est
 meam causam præteriti tēporis cum hu-
 ius præsentis defensione esse coniunctam.
 Erat igitur in luctu senatus : squalibat ci-
 uitas, publico consilio mutata ueste: nul-
 lum erat Italiæ municipium, nulla colo-
 nia, nulla præfectura, nulla Romæ socie-
 tas uectigalium, nullum collegium, aut
 concilium, aut omnino aliquod commu-
 ne consilium, quod tum non honorificen-
 tissime decreuisset de mea salute : cum su-
 bito edicunt duo consules, ut ad suum ue-
 situm senatores redirent. quis unquam
 consul

cōsul senatum ipsius decretis parere prohibuit? quis tyrannus miseros lugere uult? parum ne est Piso, (ut omittam Gabinium) quòd tantum homines fefellisti, ut negligeres auctoritatem senatus? optimi cuiusque consilia contemneres? reip. proderes? consulare nomen affligeres? etiam ne edicere audeas, ne mæreret homines meam, suam, reip. calamitatem? ne ue hunc suum dolorem ueste mutata significarent? nam, siue illa uestis mutatio ad luctum ipsorum, siue ad deprecandum ualeat; quis unquam tã crudelis fuit, qui prohiberet quenquam aut sibi mære-
re, aut ceteris supplicare?

COMMENTARIUS.

Ante huius tribunatum: quia Gabinius anno ante, quàm Sextius tribunus pl. fuit, consulatum gessit. Illam meam cladem: iniuriam iniquissima Clodii lege illatam. Non suo, sed meo nomine: non quòd ipse deliquerit, sed quòd me inique pulsum restituerit. Necesse est meam causam &c. necesse, inquit, est, cum Sextium defendo, de me ipso dicere: quia & multas defensionis meae partes ab illius tribunatu cogor petere; & tribunatus in mea salute totus est consumptus. Reus non suo, sed meo nomine: accusatur enim à meis inimicis, non quòd ipse contra leges aliquid commiserit, sed quòd in tribuna-

COM M E N T A R I V S

tu de mea salute laborarit. Municipium: inter municipium, coloniam, & praefecturam, quid intersit, dictum est in libro de ciuitate Romana. Societas uestigalium: societates eorum, qui uestigalia redimebant, equitum R. omnes erant. Collegium: de collegiis paulo infra dicemus. Concilium: conuentus hominum, ad aliquid agendum institutus. Ad luctum ipsorum: siue, inquit, uestem mutauerant, ut meam pariter & suam lugerent calamitatem, siue ut meam salutem deprecarentur; neutram ob causam facere id, quod fecisti, æquum fuit: cum nemo unquã tam crudelis fuerit, qui prohiberet quenquam aut merere in suo dolore, aut ceteris in amici periculo supplicare.

O R A T I O.

QU I D? sua sponte homines in amicorum periculis uestitũ mutare non solent? pro te ipso Piso nemo ne mutauit? ne isti quidem, quos legatos, nõ modo nullo S. C. sed etiam repugnante senatu, tute tibi legasti? ergo hominis desperati, & proditoris reip. casum lugerunt fortasse, qui uolent: ciuis florentissimi beneuolentia bonorum, & optime de salute patriæ meriti periculum coniunctum cum periculo ciuitatis lugere senatui non licebit? lidẽ cõsules (si appellandi sunt cõsules, quos, nemo est, qui non modo ex memoria, sed

ex

ex fastis euellendos non putet) pacto iam
 fœdere prouinciarum, producti in circo
 Flaminio in concionem ab illa furia, ac
 peste patriæ, maximo cū gemitu uestro,
 omnia, quæ tum contra me, contraq;
 remp. dixerant, uoce ac sententia sua cō-
 probauerunt. Iisdem consulibus seden-
 tibus, atque inspectantibus, lata lex est,
 ne auspicia ualerent, ne quis obnuncia-
 ret, ne quis legi intercederet, ut omni-
 bus festis diebus legem ferri liceret, ut
 lex Aelia, lex Fusia ne ualeret. qua una ro-
 gatione, quis est, qui non intelligat, uni-
 uersam remp. esse deletam? Iisdem consu-
 libus inspectantibus, seruorum delectus
 habebatur pro tribunali Aurelio, nomi-
 ne collegiorum, cum uicatim homines
 conscriberentur, decuriarentur, ad uim,
 ad manus, ad cædem, ad direptionem in-
 citarentur.

COMMENTARIUS.

PRO te ipso: apostrophe ad Pisonem absentem.
 nam hoc tempore Macedoniam proconsulari im-
 perio administrabat. quod significant illa uerba:
 Cum sciat, illa duo reip. pene fata, Gabinium, &
 Pisonem, alterum haurire quotidie ex pacatissi-
 mis atque opulentissimis Syriæ gazis innumerabi-
 le pondus auri. & quæ sequuntur. ut illam ratio-
 nem omittam; quòd hæc oratio pro Sextio habita

F 3 . est

COMMENTARIVS.

est Marcellino & Philippo cos. Piso autem sequen-
ti anno, Pompeio & Crasso cos. rediit e prouin-
cia: quod in argumento orationis in ipsum Pedia-
nus probat. Apparet autem in hoc loco, Piso-
nem ante consulatum reum fuisse: quo crimine,
incertum est. loquitur enim Cicero de iis, quorum
in periculis amici uestitum mutare solent. Nul-
lo s. c. cum antea, qui in prouincias ibant, le-
gatos, quos secum adducerent, à senatu petere
consueissent: quam consuetudinem primus negle-
xit P. Vatinius, & post eum anno proximo Piso
& Gabinius, legis, ut opinor, Clodiae priuilegio.
sunt enim in ea in Vatinium hæc uerba. Quis le-
gatos unquam audiuit sine S. C? ante te nemo, post
continuo fecit idem in duobus prodigiis reipublicæ
Clodius. Idem in hac ipsa pro Sextio significatur.
Quis, inquit, prouinciam, quis pecuniam, quis
legationem ab senatu petebat? Hominis de-
sperati: qui ut recte agat, aut sentiat, sperari
non potest. eodem sensu dicebant, homo perditus:
quasi, qui rectam mentem prorsus amisisset. Lu-
gebunt fortasse: addidit, fortasse, ut dubita-
ri posse indicet, an aliquis omnino in hominis despe-
rati & proditoris reipublicæ casu lacrymas datu-
rus sit. Ex fastis: libris, in quibus consulum
nomina scribebantur. ad Atticum lib. 1111.
Pactum iam fœdere prouinciarum: ut pro-
uincias acciperent à Clodio tribuno pl. quas uel-
lent, ea lege, si ipsi prius ei permitterent, ut, que
uellet

uellet, in reip. perficeret, hoc est ut leges reipubli-
 cae perniciosissimas perferre posset. Circo Fla-
 minio: tres fuere Romæ circi, Maximus, Fla-
 minius, qui & Apollinaris dictus est; item cir-
 cus Neronis. Tum contra me &c. confert,
 opinor, in duos consules, quod ad unum Gabinium
 pertinebat. à quo consule talem orationem habi-
 tam esse, iam dixit, qualem nunquam Catilina
 uictor habuisset. sic infra, quod unius erat, utri-
 que consul adscripsit. Cum, inquit, equester or-
 do à consulibus citaretur. Lata lex est: qua-
 tuor leges reip. perniciosas tulit P. Clodius in tri-
 bunatu pl. de annonâ, ut populo frumentum, quod
 antea semissibus & trientibus dabatur, gratis da-
 retur: alteram; ut collegia restituerentur: ter-
 tiam, ut infirma censorum potestas esset: quar-
 tam hanc, de qua hic Cicero loquitur. uide infra
 in Pisonem, Pedianum 74: Dionem lib. 38. Ne
 auspicia ualerent: significat Dio lib. 38. au-
 spiciorum duo fuisse genera, unum sine obnuncia-
 tione, alterum cum obnunciatione. utroque ge-
 nere potestas agendi cum populo tollebatur: pri-
 mo, uel si nulla omnino signa de cælo monstra-
 rentur, nec obnunciaretur quidquam: altero,
 cum, cælesti aliquo signo uiso, quod publicam ca-
 lamitatem portendere uideretur, obnunciaret is,
 qui auspicabatur, ei, qui agere cum populo uel-
 let. utrunque genus hic attigit Cicero, cum ait,
 Ne auspicia ualerent, ne quis obnunciaret. Ne

COM MENTARIVS

quis legi intercederet: hoc erat, tribuniciâ potestatem tollere. nam nouem tribunis pl. legem ferentibus unius obsistebat intercessio. sed quia senatus causa ius intercedendi comparatum erat, ut esset quo tribuniciæ rogationes impediri possent: Clodius, optimatibus infensus, amator nouitatis, liberam & solutam in ferenda lege tribunorum potestatem esse uoluit. itaque intercessionem lege lata sustulit, non tamen omnem intercessionem, sed tantum cum intercederetur legi. nam præterea, & senatus consultis, & iudicijs tribuni pl. intercedebant. in quo ius tribunicium immiui Clodius noluit: quia totum ad impediendam senatus & optimatum uoluntatem pertinebat.

Omnibus festis: non dubito, quin, fastis, legendum sit. nam, cum diebus fastis omnibus quidem lege agere, non omnibus tamen cum populo agere liceret: Clodius fastos omnes comitiales esse iussit, hoc est, ut, quod quibusdam fastis licebat, id omnibus liceret. item in ea de prouincijs consularibus, Vobis, inquit, statuendum, legem Aeliam manere, legem Fusiam non esse abrogatam, non omnibus fastis legem ferri licere; cum lex feratur, de cælo seruari, obnunciari, intercedi licere.

Lex Aelia & Fusia ne ualeret: dicit idem, quod proxime. nam lex Aelia & Fusia de auspicijs & obnuntiatione erat. sed legem nominat, ut inuidiam in Clodium augeat. Nomine collegiorum: collegia, hoc est infimorum hominum, cer-

certas artes pariter exercentium, conuentus, iam inde à Numa rege esse instituta, in Plinii naturali historia, & in Plutarcho scriptum est. postea, cum horum collegiorum numerus esset auctus; omnia, præter pauca atque certa, ut fabrorum fictorumq; , quæ ciuitatis utilitas desiderabat, pluribus legibus sublata sunt, neque solum legibus, sed etiam senatus consultis, ut L. Cæcilio Q. Marcio cos. nec enim hominum humilium coitiones in ciuitate satis tutæ uidebantur. Clodius autem, ut inopem plebem, quæ paruo negotio ad facinus impellitur, sibi conciliaret, utpote qui nouitatem & uim meditaretur; collegia non solum uetera restituit, sed etiam noua innumerabilia constituit. de quo & in hac ipsa oratione infra, & in Pisonem Cicero meminit. præterea Dio libro 38. Peditanus in commentario Cornelianæ. Hæc autem collegia non è solis peregrinis, aut è seruis, sed è peregrinis, qui postea ciues fiebant; è nouis ciuibus, ex ueteribus Romanis inopia laborantibus, è seruis constabant. est enim ridiculum, eos putare fuisse peregrinos, quorum patres & maiores multis ante annis artem aliquam sedentariam administrassent. peregrini quidem & erant, & dicebantur, ante quàm essent censi: sed, cū Romæ domicilium iam per aliquot annos habuissent, professi apud prætorem, ciuium Romanorum iura consequuebantur; & uel easdem, quas antea, artes administrabant, uel in militiam proficisciebantur. in
qua

COMMENTARIVS

qua cum non nulli fortem fidelemq; operam reipublicæ nauassent; equestris loci dignitatem, si modo HS quadringenta millia possiderent, consequentur, uel tribuni militum fiebant: ex quo postea tribuni pl. facile creabantur: unde ad alios magistratus erat ascensus. Romanos autem ciues, alios magistratibus, alios militia, alios mechanicis artibus operam dedisse, facile mihi & Plinius persuadet, qui de collegiis arariorum fabrum, & figulorum, à Numa rege institutis, mentionem facit; & L. Florus idem aperte demonstrat: cuius hæc sunt uerba: A Ser. Tullio rege populus Romanus relatus in censum, digestus in classes, decurijs atque collegiis distributus: summaq; regis solertia ita est ordinata respublica, ut omnia patrimonij, dignitatis, ætatis, artium, officiorumq; discrimina in tabulas referrentur, ac si maxima ciuitas minimæ domus diligentia contineretur. Collegia nominat, & artes: quæ duæ diætiones manifesto declarant, contra quàm Dionysius Halicarnasseus quodam in loco affirmat, artes illas, quæ in officinis tractantur, etiam ab ijs, qui multis ante annis iure ciuium Romanorum uterentur, esse cultas. hoc & Cicero demonstrat in oratione pro domo sua: ait enim sic: Nullum est in hac urbe collegium, nulli pagani, aut montani, (quoniam plebi quoque urbanae maiores conuenticula, & quasi concilia quedam esse uoluerunt) qui non amplissime non modo de salute mea, sed etiam de

*Edi*gnitate decreuerint. Et in eadem, non ita
 multo post: Quem tu populum, nisi clausis ta-
 bernis, frequentare non poteris. Præterea libro
 vi. epist. ad Att. iudicem esse Romæ significat
 Turpionem sutorium. quid autem? Pedianus,
 qui fuit antiquitatum Romanarum bene peritus,
 non ne in orationis pro Milone commentario &
 concionem, & populum nominat, cum de ijs, qui
 mechanicas artes tractarēt, manifeste loquatur?
 nam cum exponit illud, Contra hesternam con-
 cionem illam; subiungit hæc: Idem T. Munatius
 Plancus, ut sæpe diximus, post audita & obsi-
 gnata testium uerba, dimissosq; interim iudices,
 uocata concione cohortatus erat populum, ut, clau-
 sis tabernis, postero die ad iudicium adesset, nec
 pateretur elabi Milonem. At M. Aemilii Scau-
 ri pater, quamuis patricius, negocium carbona-
 rium, ut in libello de uiris illustribus narratur,
 ob paupertatem exercuit: & C. Terentii Varro-
 nis, qui ad Cannas male pugnavit, patrem laniū
 fuisse ferunt. quo quid sordidius? Erant igitur
 opificum collegia ex quatuor hominū generibus;
 è seruis, ex inopi ueterum ciuium Romanorum
 plebe, ex nouis ciuibus, ex iis, qui cum proxime
 in urbem uenissent, censi nondum erant. sed illa,
 quæ P. Clodius restituit, qui etiam, ut ait Cicero
 in Pisonem, noua quædam è seruitiorum facie con-
 stituit, Dio historiæ suæ lib. 34. τὰ ἐταίρικὰ κολ-
 λήγια nominat: quòd nihil aliud essent, quàm o-
 pificum

COMMENTARIVS

opificum sodalitates: quales *Venetis* uidemus esse
 quamplurimas. quod etsi ita sit: ad aliam tamen
 sententiam conuertendum est illud, quod in libro
 de senectute ex persona *Catonis* *Cicero* pronun-
 ciat: Sodalitates paulo ante me quaestorem con-
 stitutæ sunt. non enim de collegiis *opificum* est in-
 telligendum, sed de sodalitatibus honestorum ci-
 uium, animi causa constitutis. & , quemadmo-
 dum sodalitates, item collegia non semper de ar-
 tificum cætibus dicuntur. non enim, quod lib. II.
 ad *Quinctum* fratrem scriptum est, *M. Furium*
Flaccum, equitem Romanum, *Capitolini* &
Mercuriales de collegio eiecerunt; sic exponendū
 est, ut de collegio eorum, qui mechanicas artes
 exercere nt, sed de collegio aliquo sacerdotum e-
 iectum esse *Flaccum* intelligamus. non enim su-
 spicari aliter possumus; cū eques Romanus esset;
 artes autem quaestuariæ ab infima plebe tracta-
 rentur, argentaria tamen excepta; quam à *Q.*
Cæcilio, equite Romano, *Póponii Attici* aum-
 culo, esse administratam, libro I. ad *Atticum*
Cicero significat: si modo fænerator, & argenta-
 rius idem fuit. erat igitur inter quaesturias artes
 paulo honestior, uel, ut dicam uerius, paulo mi-
 nus turpis argentaria: cui tamen operam dare,
 probro ducebatur. itaque *Oëtanio*, qui postea
 est *Augustus* appellatus, aum argentarium *M.*
Antonius & *Cassius Parmensis* exprobrare so-
 liti sunt. Pro tribunali *Aurelio*: in tribu-
 nali

nali Aurelio. nam, pro, et ante significat, et in :
ante ut in Philippica II. Hasta posita pro æde Io-
uis Statoris : In, ut apud Salustium in Iugurthi-
no : Numidæ pro muris dies noctesq; agitare. Fe-
stus etiam ueteres ita locutos auctor est : ait enim
sic : Pro significat in, ut pro Rostris, pro æde, pro
tribunali. Quòd si quis, cur in hoc loco, pro, po-
tius pro in accipiam, quàm pro ante, causam
querit : illa fuit, quòd in oratione post reditum
ad Quirites eadem de re sic est scriptum : Ego,
cum homines in tribunali Aurelio palam conscri-
bi, centuriariq; uidiſsem. Et pro domo sua : Cum
in tribunali Aurelio conscribebas palam non
modo liberos, sed etiam seruos ex omnibus uicis
concitatos. Fuit autem hoc tribunal in foro : quod
ex oratione cognouimus in Pisonem : in qua hæc
notauiſmus : Cum seruorum delectus haberetur
in foro, arma in templum Castoris luce et palam
comportarentur. Vicatim : quòd per uicos fa-
cinorosum quenque legeret. Decuriarentur : lo-
quitur de iis, qui collegiorum nomine uicatim cõ-
scribebantur. nam, decuriare, commune uerbum
est de iis, qui quamlibet ob causam ita congre-
gantur, ut eorum ordo quidam, & descriptio sit.
& quanquam, cum decuria, uel decuriare dici-
tur, certus numerus, hoc est decem, significari
uidetur : de plurimis tamen, & hic à Cicerone,
& alibi cum ab ipso, tum ab aliis usurpatum esse
constat. dixit igitur, decuriarentur, pro, in col-
legia

COMMENTARIUS

legia conscriberentur, in ordines cogerentur. sic
in oratione pro domo sua: Cum desperatis ducibus
decuriatos ac descriptos haberes exercitus perdi-
torum. libro autem I I. ad Quintiū fratrem, cū
non de his collegiis, sed de ambitiosa hominum co-
itione intelligat, Eodem, inquit, die senatus con-
sultum factum est, ut sodalitates, decuriatq; di-
scederent.

ORATIO.

I I S D E M consulibus arma in templum
Castoris palam cōportabantur; gradus
eiusdem templi tollebantur; armati ho-
mines forum, & conciones tenebāt; cæ-
des, lapidationes fiebant; nullus erat se-
natus, nihil reliqui magistratus; unus om-
nem omnium potestatem armis, & latro-
ciniis possidebat, non aliqua ui sua, sed
cum duos consules à rep. prouinciarum
fœdere retraxisset: insultabat, domina-
batur, aliis pollicebatur, terrore, ac me-
tu multos, plures etiam spe, & promissis
tenebat. quæ cū essent eiusmodi iudices;
cū senatus duces nullos, ac pro ducibus
proditores, aut potius apertos hostes
haberet; equester ordo reus à cōsulibus
citaretur; Italiæ totius auctoritas repu-
diaretur: alii nominatim relegarentur;
alii metu, ac periculo terrentur; arma
essent in templis, armati in foro; eaq; nō
silentio

silentio consulum dissimularentur, sed et
 uoce, & sententia comprobarentur; cū
 omnes urbem nondum excisam, & euer-
 sam, sed iam captam, atque oppressam
 uideremus: tamen his tantis malis, tanto
 bonorum studio, iudices, restitissimus:
 sed me alii metus, atque aliæ curæ, suspi-
 cionesq; mouerunt. exponam enim ho-
 dierno die, iudices, omnem rationem fa-
 cti, & consilii mei; neque huic uestro tan-
 to studio audiendi, neque uero huic rāta
 multitudini, quanta mea memoria nun-
 quā ullo in iudicio fuit, deero. Nā si ego
 in caussa tā bona, tanto studio senatus, cō-
 sensu tam incredibili bonorum omnium,
 tam parato, tota denique Italia ad om-
 nem contētionem expedita, cessi tribu-
 ni pl. despiciatissimi hominis, furori, con-
 temptissimorum cōsulum leuitatem, au-
 daciamq; pertimui; nimium me timidū,
 nullius animi, nullius consilii fuisse con-
 fiteor.

COMMENTARIUS.

*In templum Castoris: hinc apparet, leges in
 templis latas esse. nam in Castoris templum
 propterea comportabantur arma, ut legem
 Clodius, si quis intercedere aut impedire uellet,
 ui perferret. cognoscitur maxime ex ea pro do-
 mo sua, et in Pisonem. Reus à consulibus ci-
 taretur;*

COM M E N T A R I V S

taretur: significat illud, quod in concione Gabinius consul dixerat: Equites R. daturos illius dies pœnas, quo Cicerone consule cum gladiis in clivo Capitolino fuissent. Reus igitur, præclarissimifac̃ti. Italiæ totius: quæ meâ caus̃sam suis decretis suscep̃erat. Nominatim relegarentur: patet L. Lamiam significari. In templis: de templo Castoris proxime dixit. Alii metus, aliæ curæ: quæ sunt hæc? illa, de quibus infra, quòd Clodius ea, quæ contra Ciceronem faceret, se facere auct̃nribus Pompeio, Crasso, Cæsare, in concionibus clamabat, qui cum tacerent, confiteri uidebantur. his igitur, inquit, cessi, nō, homini despiciatissimo, Clodio, non contemptissimis consulibus, Pisoni, & Gabinio. Ad omnem contentionem expedita: quod ex decretis poterat intelligi.

O R A T I O.

Q V I D enim simile fuit in Q. Metello? cuius caus̃sam, etsi omnes boni probabant, tamen neque senatus publice, neque ullus ordo proprie, neque suis decretis Italia tota suscep̃erat. ad suam enim magis quandam ille gloriam, quàm ad perspicuâ salutem reip. spectarat, cum unus in legē per uim latam iurare noluerat. denique uidebatur ea conditione tam fortis fuisse, ut cum patriæ caritate constantiæ gloriam commutaret. erat autem ei res cū exercitu

exercitu C. Marii inuicto: habebat inimi-
cum C. Marium, conseruatorem patriæ,
sextum iam illum consulatum gerentem:
res erat cum L. Saturnino iterum tribu-
no pl. uigilante homine, & in causa popu-
lari si nō moderate, at certe populariter
abstinēterq; uersato. cessit; ne aut uictus
à fortibus uiris cum dedecore caderet,
aut uictor multis & fortibus ciuibus rēp.
orbaret, meam causam senatus palam, e-
quester ordo acerrime, cuncta Italia pu-
blice, omnes boni proprie enixeq; susce-
perant. eas res gesseram, quarū non unus
auctor, sed dux omnium uoluntatis fui-
sem, quæq; non modo ad singularem me-
am gloriam, sed ad salutem communem
omnium ciuium, & prope gentium per-
tinerent; ea conditione gesseram, ut me-
um factū semper omnes præstare tueriq;
deberent. erat autem mihi contentio nō
cum uictore exercitu, sed cū operis con-
ductis, & ad diripiendam urbem concita-
tis. habebam inimicum non C. Marium,
terrorem hostium, spem, subsidiumq; pa-
triæ, sed duo importuna prodigia, quos
egestas, quos æris alieni magnitudo, quos
lenitas, quos improbitas tribuno pl. con-
strictos addixerat.

G C O M-

Quid enim simile fuit in Q. Metello? discendum, inquit, fuit Q. Metello illi Numidico: quòd eius causam nõ senatus publice suscepit: quòd ei res esset cum exercitu C. Marii inuictò, cum ipso C. Mario, conseruatore patriæ, sextum consule, cum L. Saturnino iterum tribuno pl. homine uigilante: quòd, si pugnare uellet, aut ipsius interitum ex inimicorum uictoria, aut, si ipse uinceret, magnam reip. calamitatem è fortissimorum uirorum cæde prospiceret. mea ratio fuit alia. cum enim & meam causam senatus, equester ordo, cuncta Italia publice suscepisset; & mihi res esset, non cum C. Mario, sed cum duobus contemptissimis consulibus, non cum L. Saturnino, sed cum tribuno pl. P. Clodio, omnium hominum nequissimo, atque turpissimo; quos homines si occiderem, nemo neque meum factum reprehenderet, neque illorum morte mæreret: hæc cū ita essent, ualde me timidum, atque imprudentem confiteri fuisse, si horum hominum metu discessissem. cur igitur cessi? mouerunt me illa, quæ de Pompeio, Crasso, Cæsare Clodius prædicabat: quæ illi tacendo confiteri uidebantur. Neque ullus ordo: non modo equester, qui meam causam suscepit, sed nullus omnino. Salutem reip. non enim in eo seruabatur respublica, si unus Metellus in legem, quam Saturninus, Mario gratificans, per uim ferret, iurare nollet. nihilo enim minus, ipso non iurante, lata lex est. Appianus lib. I.

lib. 1. Plutarchus in Mario. Vt cum patriæ caritate: patriæ caritas postulat, ut ab ea ne discedamus. at Metellus uoluntarium in exilium abiit; quia suam gloriam pluris, quàm patriæ caritatem, fecit. poterat enim aliquis obijcere. magna laus Metello debetur, qui de patria maluit, quàm de sententia, decedere. uerum, inquit Cicero, cum aspectu patriæ carissimo se priuauit, constantiæ laudem quæsiuit, patriæq; amissionem gloriæ fructu compensare uisus est. cessit igitur Metellus, non quòd in eo sitam esse reipublicæ salutem intelligeret, sed quòd ei carior constantiæ gloria, quàm aspectus patriæ, fuit. Inuicto: semper enim Marius ex hostibus reipublicæ uictoriam retulerat, Numidis, Germanis, Italis. Plutarchus, Velleius, Appianus. Inimicum C. Marium: iam inde à bello Iugurthino, cuius gloriam, multis præclaris factis Metello debitam, Marius interceptit. nam cum senatus Numidiam Metello, in qua bellum iam gerebat, derrenisset; Marius consul designatus effecit, ut eam sibi prouinciam populus mandaret; cum Metellum, hominem inanem, imperio nimis gaudentem, bellum de industria ducere criminaretur. erat autem in mandanda prouincia maior populi potestas, quàm senatus. Conseruatorem patriæ: in eo potissimum, quòd innumerabiles Cimbrorum Teutonumq; copias cecidit. de legibus quoque

lib. 11. duos ex Arpinati municipio reipublicæ

G 2 con-

conseruatores à Cn. Pompeio uocatos significat, ipsum, & C. Marium. sunt etiam in epitome Liuii hæc uerba: Primores ciuitates, qui aliquantulum ut nouo homini ad tantos honores euecto inuiderant, conseruatam ab eo rempublicam fatebantur. Sextum illum consulatum: oppressis Glaucia & Saturnino insignem. primo consulatu Iugurthā debellauit: secundi primo die, id est kalendis Ianuarii, de eo triumphans urbem ingressus est: tertium in apparatu belli Cimbrici consumpsit: quarto trans alpes circa aquas Sextias cum Cimbris, quæ Germanorum genus fuit, prospera fortuna conflixit: quinto citra alpes in campis Raudis eosdem uicit: sexto Glauciam prætorem, & Saturninum tribunum pl. perniciem reipublicæ molientes, occidit: septimo paucis post, quàm inierat, diebus uita decessit. Saturnino: Metelli inimico; quodd ab eo censore notatus erat. Appianus lib. 1. fuit è gente Appuleia, homo seditiosus: ideo Clodius Appuleia uocatur in epistola quadam ad Atticum, ob ingenii similitudinem: muliebri autem genere potius, quàm uirili, ob mollitiem & libidines. Plutarchus, Appianus, Velleius, epitome Liuiana. In causa populari: quia legem agrariam ferebat. Si non moderate: quodd A. Numium, tribunatum petentem, & C. Memmium, consulatus candidatum, Glauciæ competitorem, occidendos curauerat. Plutarchus, epitome Liuii, Ap.



Appianus, Cicero in IIII. in Catilinam. Florus. Populariter: populi cum gratia: quia nihil omisit, ut populi commodo consuleret. Abstinenterq;: hoc uerbo usus est, ut Saturnini, etsi non moderatum, tamen præ P. Clodio tolerabilem fuisse demonstraret. non enim ille, ut Clodius, alieni appetens, non testamentarius, non latro, non (ut hoc etiam ad libidines referatur) sororis adulter, stuprorum sacerdos. Ad salutem communem: cum Metellus ad suam magis gloriam, quam ad salutem reipublicæ, spectasset. Omnes præstare: quod eas res ex omnium uoluntate gessissem. præstare alienum factum dicitur is, qui alieni facti defensionem suscipit. præstare autem debet is, qui, ut fieret, auctor fuit. ideo se non unum earum rerum auctorem, sed duce[m] alienæ uoluntatis dixit fuisse. Egestas, æris alieni magnitudo: hæc ad Gabinium spectare facile cognoscet is, qui, quæ supra dicta sunt, meminerit. Leuitas: ad eundem refero, ob unguenta, cincinnos, choreas. Improbitas: de Pisone dictum: quem sceleratum, audacem, crudelem appellauit.

O R A T I O .

Nec mihi res erat cum Saturnino, qui, quod à se quæstore Ostiensi per ignominiam ad principem & senatus, & ciuitatis M. Scaurum rem frumentariam translata sciebat, dolorem suum magna cōtentio

G 3 ne

COM MENTARIVS

ne animi persequeretur; sed cum scurrarum locupletum scorto, cum sororis adultero, cum stuprorum sacerdote, cum uenefico, cum testamentario, cum sicario, cum latrone. quos homines si, id quod facile factu fuit, & quod fieri debuit, quodq; à me optimi & fortissimi ciues flagitabant, ui armisq; superassem: non uerebar, ne quis aut uim ui repulsam reprehenderet, aut perditorum ciuium, uel potius domesticorum hostium morte mæreret. sed me illa mouerunt. omnibus in concionibus illa furia clamabat, se, quæ faceret contra salutem meam, facere auctore Cn. Pompeio, clarissimo uiro, mihiq; & nunc, & quoad licuit, amicissimo. M. Crassus, quocū mihi erant omnes amicitiae necessitudines, uir fortissimus, ab eadem illa peste infestissimus esse meis fortunis prædicabatur. C. Cæsar, qui à me nullo meo merito alienus esse debebat, inimicissimus esse meæ saluti ab eodem quotidianis concionibus dicebatur. his se tribus auctoribus in consiliis capiendis, adiutoribus in re gerenda esse usurum dicebat: ex quibus unum habere exercitum maximum in Italia, duos, qui priuati tum essent, & præesse, & parare, si uellent, exercitum posse, idq; facturos esse

esse, dicebat. nec mihi ille iudicium populi, nec legitimam aliquam contentionem, nec disceptationem, aut causæ dictionem, sed uim, arma, exercitus, imperatores, castra denunciabat. quid ergo? inimici oratio, uana presertim, tam improbe in clarissimos uiros coniecta, me mouit? me uero non mouit illius oratio, sed eorum taciturnitas, in quos illa oratio tam improba conferebatur.

COMMENTARIVS.

Quæstore Ostiensi: recitanda sunt, quæ in oratione legimus de aruspicum responsis: pertinent enim ad hunc locum. Saturninum, inquit, quod in annonæ caritate quæstorem à sua frumentaria procuratore senatus amouit, eiq; rei M. Scaurum præfecit, scimus dolore factum esse popularem. Apparet ex utroque loco, eum, cui quæstura Ostiensis obtigisset, rei frumentariæ præfuisse: propterea quod, cum frumenta nauibus importarentur, omne nauigiorum genus, quibus ad urbem cursus esset, portus excipiebat Ostiensis. ideo in oratione pro Muræna, huic prouinciæ, cum sortitio fieret, quæstores acclamare solitos esse dicit: quia scilicet non tacitam esse, & quietam, sed negotiosam, molestamq; scirent. Paterculus etiam lib. II. hæc de Ti. Nerone scripsit: Quæstor maximam difficultatem annonæ, ac rei frumentariæ inopiam ita Ostiæ, atque in urbe moderatus est, ut

G 4 per

C O M M E N T A R I V S

per id, quod agebat, quantus euasurus esset, elu-
ceret. Principem senatus, & ciuitatis: sena-
tus, quòd cum in recitando senatu censores pri-
mum legissent: ciuitatis, ob summos honores exi-
mia cum laude administratos. erat autem fere,
qui princeps senatus, idem ciuitatis: quòd censo-
res principem eum legere solerent, cuius inter o-
mnes ciues dignitas emineret. M. Scaurum: è
patricia Aemiliorum gente, magni animi uirum,
& constantiae laude insignem. epist. fam. lib. I. et
Pedianus 68: Scurrarum: homines intempe-
rantes, nullam pudoris partem retinentes, scur-
ras à similitudine nominat: quòd scurræ impuden-
tes sunt, nec in facetijs modum seruant. Sororis
adultero: uxoris L. Luculli, qui Tigranem Mi-
thridatemq; acie uicit. pro Milone, Plutarchus in
Lucullo, Cesare, Cicerone. Velleius lib. II. Stu-
prorum sacerdote: iocose: quòd, ut Pompeià
C. Caesaris uxorem stupraret, ad aras Bonae deae
quasi sacerdos accessisset: ut, quemadmodum sa-
crorum sacerdotes sunt, sic ipse stuprorum sacer-
dos esset. simile illud libro I. ad Atticum 16: M.
Luculli uxore Memmius suis sacris initiauit. hi-
storiam hac de re nemo paulo humanior ignorat.
Testamentario; de corruptis aut suppositis à
Clodio testamentis nihil, quod cum hoc loco con-
sentiret, hactenus inuenimus; sed in eum, cuius
esset ad omne facinus immanis audacia, conueni-
re nefaria quaeque possunt. Quos homines:
Clodium,

Clodium, Pisonem, Gabinium. Optimi & fortissimi ciues: maxime L. Lucullus: ut in Plutarcho scriptum est. Quoad licuit: latenter excusat Pompeium, quod aliquando sibi officium amici non praestiterit, nec à Clodio inique oppugnatum defenderit. non enim ei per Caesarem socerum licuit: qui, ut ea, quae consul contra leges & auspicia gesserat, confirmarentur, alienare à se tribunum pl. popularem nolebat. infra, & proxime, et in Pisonem. Nullo meo merito: falsa fuisse, quae ab illo in Caesarem dicta certi homines detulerunt, & hic significat, & aperte ostendit in ea pro domo sua. Plutarchus autem non ideo insensum Ciceroni Caesarem fuisse dicit, quia Cicero contra eum locutus esset, sed quia cum eo legatus in Galliam ire, quod pollicitus iam erat, quasi de Clodio nihil timens recusasset. Velleius ait, quod inter x. viros diuidendo agro Campano esse uoluisset. ego eam causam, quam Cicero ipse ponit, quam & Suetonius confirmat, ueriores duabus reliquis existimo. In consiliis capiendis: de pernicie mea. In regerenda: in me eiciendo. Vnum: C. Caesarem: qui Galliam Cisalpinam, quae Italiae pars olim fuit, cum exercitu imperioque obtinebat. Exercitum maximum: legiones quatuor, praeter auxiliares. Plutarchus in Pompeio, Caesare, Catone. Duos: Cn. Pompeium, M. Crassum. Praesse: magistratus habere. Fastuos: ut ipsum

COMMENTARIVS

ipsum, si opus esset, adiuuarent in re gerenda. Iudicium populi: populum enim in causa capitali, centuriatim coactum, iudicem esse oportebat: idque & sacratis legibus, & XII. tabulis sancitum erat. quod infra patet, & libro de legibus III. Legitimam: si non ad populum, at ante aliquem magistratum, publicumue consilium. Disceputationem: propria uox ad explicandam inter litigantes contentionem. itaque in epistola ad Metellum, Nihil, inquit, illi tam propositum fuit, quam me non iudicio, ac disceputatione, sed ui, atque impressione euertere. et pro Plancio his uerbis: Erat non iure, non legibus, non disceptando decertandum. Causae dictionem: ciuem enim Romanum indicta causa condemnari, leges uetabant. quo nomine & ipse Cicero a P. Clodio tribuno pl. lege lata pulsus est. coniuratos enim, indicta causa, necari è s. c. iusserat. Vim, arma, exercitus, imperatores, castra: duo prima uerba ad ipsum Clodium, tria postrema ad Caesarem refero. Vana: quae nihil ueri contineret. Eorum taciturnitas: nam etsi, cum tacerent, quid sentirent, intelligi non poterat: mouebar tamen, quia tacendo loqui uidebantur, inficiando confiteri. pro Plancio,

ORATIO.

QVI quanquam ob aliam causam tacebant, tamen hominibus omnia timentibus tacendo loqui, non inficiando confiteri

teri uidebantur. illi autem aliquo tum ti
 more perterriti, quòd acta illa, atque o-
 mnes res superioris anni labefactari à præ-
 toribus, infirmari à senatu atque princi-
 pibus ciuitatis putabant, tribunum po-
 pularem à se alienare nolebant, suaq; si-
 bi propiora pericula esse, quàm mea, lo-
 quebantur. Sed tamen & Crassus à consu-
 libus meam causam suscipiendam esse di-
 cebat: & eorum fidem Pompeius implo-
 rabat, neque se priuatum causæ publice
 susceptæ defuturum esse dicebat. quem
 uirum, studiosum mei, cupidissimum reip.
 conseruandæ, domi meæ certi homines
 ad eam rem compositi monuerunt, ut es-
 set cautior; eiusq; uitæ à me insidias apud
 me domi positas esse dixerunt; atque hãc
 ei suspicionē alii litteris mittendis, alii
 nunciis, alii coram ipsi excitauerunt; ut
 ille, cum à me certe nihil timeret, ab illis,
 ne quid meo nomine molirentur, sibi ca-
 uendum putaret. Ipse autem Cæsar, quem
 maxime ignari homines ueritatis mihi es-
 se iratum putabant, erat ad portas, erat
 cum imperio: erat in Italia eius exerci-
 tus; inq; eo exercitu ipsius tribuni pl. ini-
 mici mei fratrem præfecerat. Hæc ego cū
 uiderem, (neque enim erant occulta) se-
 natum, sine quo ciuitas stare non posset,
 omnino

57. COMMENTARIUS
omnino de ciuitate esse sublatum; consules, qui publici consilii duces esse deberent, perfecisse, ut per ipsos publicum consilium funditus tolleretur; eos, qui plurimum possent, opponi omnibus concionibus, falso, sed formidolose tamen, auctores ad perniciem meam; conciones haberi quotidie contra me; uocem pro me, ac pro reip. neminem mittere; intenta signa legionum existimari ceruicibus ac bonis uestris, falso, sed putari tamen; coniuratorum ueteres copias, & effusam illam ac superatam Catilinæ manum importunam, nouo duce, & insperata commutatione rerum esse renouatam: hæc cum uiderem, quid agerem iudices? scio enim, tum non mihi uestrum studium, sed meum prope uestro defuisse.

COMMENTARIUS.
Obi aliam causam tacebant: hæc ad Cæsarem potius causa pertinebat, quàm aut ad Pompeium, aut ad Crassum. cum enim uehementer timeret Cæsar, ne, quæ anno superiore contra auspicia peregerat, ea non à consulibus Pisone & Gabinio, quorum alterum socerum, alterum suis partibus addictum habebat, sed à prætoribus infirmarentur: tribunum pl. P. Clodium alienare à se nolebat. is enim prætoribus, de tollendis Cæsare

ris actis rogationem ferentibus, uel intercessione poterat, quia tribunus pl. erat, uel, quia facinorosus & audax, etiā ui armisq; resistere. hanc igitur ob causam Cæsar tacebat. Crassus autem & Pompeius, quia Cæsari fauebant, alter amicitia & coitione in rempublicam facta, alter etiam afinitate deuinctus. Acta illa: ea, quæ proximo anno consul gesserat. qua de re in oratione in Pisonē his uerbis: Adducta res in certamen te consule putabatur, utrū, quæ superiore anno ille gessisset, manerent, an rescinderentur. Labefactari: rescindi; quod in legibus ferendis neque auspiciorum neque ueterum legum habita ratio esset. Prætoribus: C. Memmio L. Domitio Ahenobarbo: de quibus hæc in Suetonij Iulio scripta sunt: Functus consulatu, C. Memmio, L. Domitio prætoribus de superioris anni actis referentibus, cognitionem senatui detulit: nec illo suscipiente, tri-duoq; per irritas altercationes absumpto, in prouinciam abiit: & statim quæstor eius in præiudicium aliquot criminibus arreptus est. & in Nerone. Huius filius prætor Cæsarem abeuntem consulatu, quem aduersus auspicia legesq; gessisse existimabatur, ad disquisitionem senatus uocauit. Infirmari à senatu: si decerneret, leges omnes à Cæsare consule, aut à tribuno pl. illius satellite Vatinius contra auspicia esse latis: quod olim de legibus à tribuno pl. M. Liuius Drusus latis decretum erat. Padianus 56. Principibus ciuitatis: Cæsaris

COMMENTARIVS

Cæsaris inimicos intelligit, M. Bibulum, M. Catonem, L. Domitium; item alios, opinor, uiros bonos, ut L. Cottam, P. Seruiliu[m] Isauricum, Q. Hortensium, forte & duos Lucullos, Pompeii ob ereptam Mithridatici belli gloriam inimicos. Tribunum popularem: quia, cum à patriciis ad plebem transiit, magnam à populo gratiam inuit. Suaq[ue] sibi propiora esse pericula, quàm mea, loquebantur: hoc, ut proxima superiora, ad Cæsarem spectat: cuius erant illa acta, quorum causa timebat. itaque in Pisonem, Fuit, inquit de Cæsare, sibi amicior, quàm mihi. Publice susceptæ: à consulibus. in Pisonem. Compositi monuerunt: compositi, fraude & insidiis consulum: monuerunt, litteris, & nunciis ij, qui familiares non erant; coram autem ii, quibus iure familiaritatis hoc licebat: de quibus loquitur in ea in Pisonem. Meo nomine: ueritus est, ne illi ipsi, à quibus monebatur, aliquid in ipsum molirentur; quòd fore sperarent, ut homines id à Cicerone commissum existimarent, à quo insidias eius uitæ positas prædixerant. Ignari homines ueritatis: non ideo tacuisse Cæsarem significat, quia sibi esset inimicus, sed quia, ne acta sua rescinderentur à prætoribus, timeret. Erat ad portas: non enim prius ad bellum profectus est Cæsar, quàm Ciceronem Clodius Italia expulit. quod à Plutarcho scriptum est. Fratrem: Ap. Pulchrum, qui

qui legatus fuit in exercitu Cæsaris. Hæc ego cum uiderem: neque enim erant occultata: genus loquendi Græcis quoque usitatum. iisdem enim uerbis usus est Demosthenes in ea *περὶ τῆς Σεφάνης*: ταῦτα δὲ ὁρῶν ὁ φίλιππος: ἔχῃ ἢ νῦν ἀφανῆ. cuius in imitationem non de industria, ut opinor, sed casu, & ex legendi consuetudine Cicero incurrit: cum etiam in epistola ad Lentulum itidem locutus sit. Quæ cum uiderem: neque enim erant obscura. nec dissimiliter in agraria x i. Quæ cum ego non solum suspicarer, sed plane cernerem: neque enim obscure gerebantur. Publici consilii: senatus: quem diuersis nominibus appellat, senatum, publicum consilium, summum ordinem, amplissimum ordinem, principem ordinem. Eos, qui plurimum possent: tres illos, quos proxime nominauit. Legionum: Cæsaris. Meum prope uestro defuisse: quod iis, pro ipsius salute contra Clodium pugnare cupientibus, non permisit. ex quo sunt illa ad Lentulum: Meos ciues, & à me seruatos, & me seruare cupientes, armatis seruis obiici noluerim. Nec alibi semel idem gloriatur.

O R A T I O.

Contenderem contra tribunum pl. priuatis armis? uicissent improbos boni, fortes inertes: interfectus esset is, qui hac una medicina sola potuit à reip. peste depelli. quid deinde? quid reliquiarum restaret?
quid

COMMENTARIUS

quid denique? erat dubium, quin ille sanguis tribunicius, nullo presertim publico cōsilio profusus, consules, ultores, & defensores esset habiturus? cum quidem in concione dixisset, aut mihi semel pereundum, aut bis esse uincendum. quid erat, bis uincere? id profecto, ut, cum amentissimo tribuno pl. cum decertassem, cum consulibus, ceterisq; eius ultoribus dimicarem. ego uero, si mihi uni pereundum fuisset, ac non accipienda plaga, mihi insanibilis, illi mortifera, quam reip. imposuissem semel perire tamen, iudices, maluissem, quàm bis uincere. erat enim illa altera eiusmodi contentio ut neque uicti, neque uictores rep. tenere possemus. quid, si in prima contentione, ui tribunicia uictus, in foro cum multis bonis uiris concidissem? senatum consules, cerdo, uocassent, quem totum de ciuitate delerant: ad arma uocarent, qui ne uestita quidem defendi rep. siuissent: à tribuno pl. post interitum meum discedissent, qui eandem horam meæ pestis & suorum præmorum esse uoluissent.

COMMENTARIUS.

Hac una medicina: aduersus enim illius furorem non satis in iudiciis & legibus esse præsidii, sæpe
res

res docuerat. Sola: cum dixerit, *Hac una; uideatur abundare, sola. sed non est ita. nam, ut res augeatur, ita loqui Cicero solitus est. de quo infra, his uerbis: Vnus est solus inuentus, qui ab hac tam impensa uoluntate bonorum palam dissideret. & in ea in Pisonē, his uerbis: Cives Romani, qui in his locis negotiantur, te unum, solum, suum depeculatorem, uexatorem, prædonem, hostem uenisse senserunt. A reip. peste: ab ea peste, quam Clodius reipublicæ importabat. Accipienda plaga: locus obscuratur mendo: maximeq; corruptam suspicor dictionem, Illi.*

Quàm bis uincere: quandoquidem sine magna ciuium strage uincere non possem. Illa altera: cum consulibus. Neque uicti: quia, bonis ciuibus interfectis, respublica stare non poterat. qui enim superessent? non ad seruos res uenisset? quod ipse, quasi ad huius loci expositionem, infra dixit. Neque uictores: grauem enim plagam è cæde consulum accepisset respublica, pessimo exemplo in ciuitatem inducto.

Eandem horam: quia, ut ait infra, eodem die, atque etiam eadem hora leges duæ, altera de Ciceronis pernicië, altera de prouincijs consulum, latæ sunt.

O R A T I O.

Vnum enim mihi restabat illud, quod forsitan non nemo uir fortis, & acris animi magniq; dixerit: restitisses: repugnasses:

H mor-

COM MENTARIVS

mortem pugnans oppetisses: de quo te,
te, inquam; patria obtestor, & uos pena-
tes patriiq; dii; me uestrarum sedium
templorumq; causa, me propter salutem
meorum ciuiũ, quæ mihi semper fuit mea
carior uita; dimicationē eademq; fugisse.
etenim si mihi, in aliqua naue cū meis ami-
cis nauiganti, hoc, iudices, accidisset, ut
multi ex multis locis prædones clasibus
eam nauem se oppressuros minitarentur,
nisi me unū sibi dedidissent; si id uectores
negarent, ac mecum simul interire, quàm
me tradere hostibus, mallent: iēcissem
me ipse potius in profundum, ut ceteros
conseruarem; quàm illos mei tam cupi-
dos non modo ad certam mortem, sed
in magnum uitæ discrimen adducerem.
cum uero in hanc reip. nauem, ereptis se-
natui gubernaculis; fluitantem in alto
tempestatibus seditionum, ac discordia-
rum, armata tot classes, nisi ego unus de-
ditus essem; incursum uiderentur; cum
proscriptio, cædes, direptio denuncia-
rentur; cum alii me suspicione periculi
sui non defenderent, alii uetere odio bo-
norum incitarentur, alii inuiderent, alii
obstare sibi me arbitrarentur, alii ulcisci
dolorem suum aliquem uellent, alii rem
ipsam publicam, atque hunc bonorum
statum,

statum, ociumq; odissent, & ob hasce
causas, tot, tamq; uarias, me unum depo-
scerent: depugnarem potius cum sum-
mo, non dicam exitio, sed periculo cer-
te uestro, liberorumq; uestrorum, quam
non id, quod omnibus impendebat, unus
pro omnibus susciperem, ac subirem? ui-
cti essent improbi: at ciues, at ab eo pri-
uato, qui sine armis etiam remp. consul
conseruaret. sin uicti essent boni, qui su-
peressent? non ad seruos uidetis rem uen-
turam fuisse?

COMMENTARIVS.

De quo te, te, inquam, patria obtestor:
quod obiici nobis ab aduersario potest, id, præri-
pere, & aut argumento refellere, aut excusando
eleuare, oratoriae artis est. quare cum hoc loco
Cicero illa, quæ sibi exprobari posse intelligebat,
κατὰ τὴν πρωτοποσίαν induxisset, illa, inquam,
Restitisses, repugnasses, mortem pugnans oppe-
tisses: conuersus ad patriam, deosq; penates ac
patrios, ignominiam auertit iureiurando. quod
facere solemus, cum peccatum, aut infamiam in
nos coniectam redarguere testibus non licet. ita-
que & Virgilianus Aeneas, ueritus ne sibi uitio
daretur, quod extrema illa nocte, cum Achiuo-
rum manu Troia caderet, multis circa se uiris for-
tibus interfectis, ipse quoque mortem pugnans
non appetisset, ad ignauiae, timiditatisq; tollen-

H 2 dan

COMMENTARIVS

dam suspicionem illa prouinciat :

*Iliaci cineres , & flamma extrema meorum ,
Testor , in occasu uestro nec tela , nec ulla
Vitauisse uices Danaum ; & , si fata fuissent
Ut caderem , meruisse manu .*

*Vestrarum sedium , templorumq; caussa : ne
homines impij ac nefarij , è pugna ciuium occasio-
ne arrepta , uestris sedibus , ac templis sceleratas
faces inferrent . Si mihi in aliqua naue cum
meis amicis nauiganti : argumentum à mi-
nori : quoniam in naui minus est , quàm in re-
publica ; & in aliquot amicis , quàm in maximo
bonorum ciuium numero . Vectores : non nau-
tas , qui & uehunt nauem , & uehuntur ipsi ; sed
eos , qui uehuntur tantum , amicos uidelicet suos .
Cum uero in hanc reipublicæ nauem : nisi
ante iam de naue meminiſſet , haud satis uerecun-
da trallatio uideretur . non enim repente & cum
impetu irrumpt , sed pedetentim & placide in
orationem ingreditur metaphora , presertim ubi
paulo illustrior est , nec uno , aut altero uerbo ter-
minatur . quare non offenduntur nouitate au-
res nostræ , cum , in hanc reipublicæ nauem , au-
diunt : nihil enim ad illas accidit insolens , cum na-
uis mentionem proxime senserint . neque solum
non offenduntur , sed etiam , cum id , quod expe-
ctarunt , iis infunditur , delectantur , & uolupta-
tis quadam quasi titillatione perfruuntur . quan-
do autem expectare uidentur aures ? tum scilicet ,
cum*

cum is, qui metaphoram inducturus est, aditum sibi prius & uiam ad nouæ rei mentionem similitudine patefacit: ut hic: Etenim si mihi in aliqua naue cum meis amicis nauiganti: quasi dicat: Quemadmodum amicorum mecum nauigantium iutam libenter interitu meo conseruarem; sic ego uos discessu meo à dimicatione ac cæde liberaui: ut igitur amicis in illa naui consulere; sic in hac rei publicæ naue, hoc est in ipsa rep. tanquam naue periclitante, ciuibus consultum à me uolui. nec est prætermittendum, quod in illo suo pererudito, atque aureo libello Demetrius notauit, cum à principe ciuitatis ad gubernatorem nauis, aut ad aurigam apte metaphoram deducatur; propterea quod omnes hi rectores sunt; recte etiam, cum de ciuitate, aut de republica loquimur, à naui, aut etiam à curru metaphoram posse capi. Ereptis senatui gubernaculis: à consulibus destituito: qui senatus quasi quædam gubernacula sunt. Fluitantem: recte apposuit id, quod nauibus gubernaculo priuatis in tempestate solet accidere. fluitant enim, neque cursum tenent. Armatae tot classes: perditorum ciuium exercitus. Proscriptio: proscribuntur ij, quorum interfectoribus, proposita tabula, præmia promittuntur. quibus interfectis, eorum bona publicantur. ideo, cū dixisset Cicero, Proscriptio, recte subiunxit, cædes, direptio. hæc enim proscriptionem consequuntur. respexit ad Syllani tem-

COM M E N T A R I V S

poris proscriptionem . Suspicionem periculi
sui : bonos viros intelligit : qui cum eum defen-
sum omnes cuperent , metu tamen perterriti de-
seruerunt . Verere odio bonorum : impro-
borum ciuium duplex odium fuisse significat , in ho-
mines , & in statum ciuitatis : in homines , ut hic
ostendit : in statum ciuitatis , ut infra , cum ait ,
Alij rem ipsam publicam , atque hunc bonorum
statum , ociusq; odissent . Inuiderent : non e-
nim hominis gloriam uix ferebant . Obstare :
quia contra extraordinarias potentias libere lo-
queretur . Dolorem suum : ex aliqua Cicero-
nis iniuria susceptum . & hoc in C. Caesarem pra-
cipue coniectum uideri potest : qui etiam P. Clo-
dium , iracundia ac dolore percitus , ad plebem
traduxerat pro domo sua , Suetonius in Iulio .
Non dicam , exitio : poterat enim accidere , ut
uinceremus : sed erat admodum periculosa uicto-
ria . Impendebat : quid ? perniciēs , si uincere-
mur . Susciperem : uoluntario discessu , omisso
dimicandi consilio . Conseruauit : patefacta ,
& oppressa coniuratione .

O R A T I O .

An mihi ipsi , ut quidam putant , fuit mors
æquo animo oppetenda ? quid ? tum mor-
tem ne fugiebam ? an erat res ulla , quam
mihi magis optandam putarem ? aut , ego
illas res tantas in tanta improborum mul-
titudine cum gerebam , non mihi mors ,
non

IN ORAT. PRO SEXTIO. 60

non exilium ob oculos uersabantur? non
hæc denique à me tum, tanquam fata, in
ipsa re gerenda concinebantur? an erat
mihi in tanto luctu meorum, tanta disun-
ctione, tanta acerbitate, tãta spoliatione
omnium rerum, quas mihi aut natura, aut
fortuna dederat, uita retinenda? tã eram
rudis? tam ignarus rerum? tã expers con-
filii, aut ingenii? nihil audierã? nihil uide-
rã? nihil ipse legendo quærendoq; cogno-
ueram? nesciebam uitæ breuem esse cur-
sum, gloriæ sempiternum? cum esset o-
mnibus definita mors, optandum esse, ut
uita, quæ necessitati deberetur, patriæ
potius donata, quàm reseruata naturæ, ui-
deretur? nesciebam inter sapientissimos
homines hanc contentionem fuisse, ut
alii dicerent animos hominum sensusq;
morte restingui; alii autem, tum maxime
mentes sapientum ac fortium uirorum,
cum è corpore excessissent, sentire, ac ui-
gere? quorum alterum fugiendũ non esse,
carere sensu; alterum etiam optandum,
meliore esse sensu. Denique cũ omnia sem-
per ad dignitatem retulissem, nec sine ea
quidquam expetendum esse homini in ui-
ta putassem; mortem, quam etiam uir-
gines Athenis, regis, opinor, Erechthei
filix, pro patria contempsisse dicuntur,

H 4 ego,

COMMENTARIUS

ego, uir consularis, tantis rebus gestis, timerē? presertim cum eius essem ciuitatis, ex qua Q. Mucius solus in castra Porſenæ uenisset, eumq; interficere proposita sibi morte conatus esset: ex qua P. Decius primum pater, post aliquot annos patria uirtute præditus filius se, ac uitam suam instructa acie pro salute populi R. uictoriaq; deuouisset: ex qua innumerabiles alii, partim adipiscendæ laudis, partim uitandæ turpitudinis causa, mortē in uariis bellis æquisſimis animis oppetissent: in qua ciuitate ipse meminisset patrē huius M. Crassi, fortissimum uirum, ne uideret uictorem uiuus inimicum, eadem sibi manu uitam exhausisse, qua mortem sæpe hostibus obtulisset.

COMMENTARIUS.

Illas res tantas: *in consulatu gestas*. Hæc: *quæ sum perpeſſus*. Concinebantur: *ut à uate facta pronunciante. est enim canere uerbum de futura prædicentibus usurpatum. unde illud in Catilinam: Quæ ita nobis consulibus facta sunt, ut hæc, quæ nunc fiunt, canere dii immortales uiderentur. & Virgilius libro, ut opinor, secundo, Sola mihi tales casus Cassandra canebat. Aut natura, aut fortuna: liberos natura, rem fortuna dat. utrunque significat. Quærendoq;: percunetando à peritis. nam tum à libris,*
tum

tum à uina hominum uoce doctrina comparatur. Sapiientissimos homines: non puto Platonem & Aristotelem significari. quin, utrunque in animorum immortalitate consentire, Græci omnes interpretes, præter unum Alexandrum, existimant. ex una igitur parte Platonem, & opinor, Aristotelem, de animorum æternitate idē sentientes, posuit: ex altera Epicurum, quiq; & ante, & post in ea hæresi fuerunt. Regis Erechthei filia: de quibus apud Aristidem ita scriptum legimus ἐν τῷ παναθηναϊκῷ. Λέγεται γὰρ Ἐρεχθίδης μὲν ἐν τῷ πρὸς Ἄμολπον πολέμῳ τὴν θυγατέρα ὑπὲρ τῆς πόλεως ἐπιδύναι, τοῦ θεοῦ χηίσαντος, προσαγαγῶν δ' αὐτὴν κοσμήσασα ἡ μητὴρ ὥς περ εἰς Δεωρίαν πέμπουσα. quo in loco interpretes hac adscribit. τὴν θυγατέρα, τὴν ἄγλαυρον λέγει: περὶ ἧς Δημοθένης ἐν τῷ περὶ παραπρεσβείας: καὶ τῶν ἐφηβῶν τῆς ἀγλαύρου ὄρκον. αἱ δὲ ταύτης ἀδελφαὶ σωμανεῖλον ἑαυτὰς τῇ ἀδελφῇ, ἥ τε ἔρση, καὶ ἡ πανδρώση. ὄρκῳ γὰρ ἀλλήλας κατέκλεισαν κοινωεῖν ἐν ἅπασι πρὸς αὐτάς. ex utriusque uerbis, & quæ fuerint Erechthei filia, cognoscitur, et qua de causa mortem obierint. præterea hic ipse nosse in III. de natura deorum, In plerisque ciuitatibus, inquit, intelligi potest, augendæ uirtutis causa, quo libentius reipublicæ periculū adiret optimus quisque, uirorum fortium memoriam honore deorum immortalium consecratam. ob eam enim ipsam causam Erechtheus Athenis, filiaq; eius in numero

mero

mero deorum sunt. Tusculana autem quæstio-
ne prima, Repetunt, inquit, ab Erechtheo: cu-
ius etiam filia cupide mortem expetiuerunt pro
uita ciuium. Et de finibus lib. v. Quis urbis con-
seruatorem Codrū, quis Erechthei filias non ma-
xime laudat? Præterea in funebri oratione pro mi-
litibus Atheniensibus, quæ λόγος ἐπιτάφιος inscri-
bitur, ἡδεσαν ἅπαντες ἐρεχθεῖ δαί τὸν ἐπώνυμον αὐ-
τῶν ἐρεχθεῖα ἐνεκα τῆ σωσαι τὴν χώραν τὰς αὐτῆ παῖ-
δας, ἃς ὑακινθίδας καλεῖσιν, εἰς πρῶτον θάνατον
δόντα ἀγαλῶσαι. Q. Mucius: historia patet a-
pud Liniū lib. i i. Pater: qui se Latino bello in
armatas iecit hostium cateruas. Liniū lib. viii.
Post aliquot annos: Etrusco bello. Liniū
lib. x. tertium Decium hic omisit: qui & ipse,
patris auiq; exemplum secutus, Pyrrhi bello,
quod aduersus Romanos pro Tarentinis gessit,
mortem pro salute patriæ pugnans oppetiit, duos
etiam tantum nominat in i. Paradoxo. at lib. ii.
de finibus, tres commemorat. Patrem huius
M. Craffi: eius, qui periit in Parthis. Inimi-
cum: L. Cinnam. Illa audiuius, inquit, in
oratione pro Scauro, hoc uero meminimus, ac pe-
ne uidimus, eiusdem stirpis ac nominis P. Cras-
sum, ne in manus incideret inimicorum, se ipsum
interemisse. Et Pedianus hæc adiungit. Hic Cras-
sus fuit pater Craffi eius, qui æmulus potentiæ Cn.
Pompeij fuit. periit autem in dominatione L. Cin-
næ. In præmio autem lib. ii i. de oratore. Non,
inquit

inquit L. Crasso, propinquum suum, maximi ani-
mi uirum, suapte interfectum manu uidit. Idem
& in epitome Liuiana lib. LXXX.

O R A T I O.

HAE C ego, & multa alia cogitans, hoc ui-
debam; si caussam publicā mea mors pe-
remisset, neminem unquam fore, qui au-
deret suscipere contra improbos ciues
reip. salutem: itaque non solum si ui in-
terissem, sed etiam si morbo extinctus es-
sem, fore putabam, ut exemplum reip.
conseruandæ mecū simul interiret. quis
enim unquam, me à senatu populoq; Re-
tāto bonorum omnium studio restituto,
quod certe, si essem interfectus, accide-
re non potuisset, ullam reip. partem cum
sua minima inuidia auderet attingere?
seruaui igitur rēp. discessu meo, iudices:
cādem à uobis liberisq; uestris, uastita-
tem, incendia, rapinas meo dolore lu-
ctuq; depuli, & unus remp. seruaui, se-
mel gloria, iterum ærumna mea. neque
enim in hoc me hominem esse inficiabor
unquam, ut me optimo fratre, carissimis
liberis, fidissima coniuge, uestro conspe-
ctu, patria, hoc honoris gradu sine dolo-
re caruisse glorier. quod si fecissem; quod
à me beneficium haberetis, cum pro uo-
bis ea, quæ mihi essent uilia, reliquissem?
hoc,

COMMENTARIVS

hoc, meo quidem animo, summi in patriam amoris mei signum esse debet certissimum, quòd, cum abesse ab ea non possem sine summo dolore, hunc me perpeti, quàm illam labefactari ab improbis, malui.

COMMENTARIVS.

Cum sua minima inuidia: *quis non modo cum maxima, sed ne minima quidem sua cum inuidia, ullam reipublicæ partem suscipere ausus esset, cū discessum meum miserrimum luctuosumq; uidisset, reditum autem gloriosum, me ante extincto, uidere non potuisset? Vastitatem: uastare, non est rapere, sed rapere simul, & destuere. Semel gloria, iterum ærumna mea: gloriâ coniurationis oppressæ, ærumnam exilii sui significat. Me hominem esse: hoc totum, & in ea scriptum est pro domo sua. Hoc honoris gradu: nullum tunc administrabat magistratum: sed honorem & dignitatem illam dicit, qua post magistratus egregie gestos uiri præstantes in patria fruuntur. Labefactari: quod factum esset, si dimicare potius, quàm cedere maluisssem.*

ORATIO.

MEMINERAM, iudices, diuinum illum uirum, atque ex iisdem, quibus nos, radicibus natum ad salutē imperii huius, C. Marium, summa senectute, cum prope uim iustorum armorum profugisset, primo
senile

senile corpus paludibus occultasse demersum, deinde ad infimorum ac tenuissimorum hominum Minturnis misericordiam confugisse, inde nauigio perparuo, cum omnes portus, terrasq; fugeret, in oras Africae desertissimas peruenisse. atque ille uitam suam, ne inultus esset, ad incertissimam spem, & ad reip. statum re seruauit: ego, qui, (quemadmodum multi in senatu me absente dixerunt) periculo reip. uiuebam, quiq; ob eam causam consularium litteris de senatus sententia exteris nationibus commendabar, nonne, si meam uitam deseruissem, reimp. prodidisset? in quo quidem nunc, me restituto, uiuit mecum simul exemplum fidei publicae, exemplum reip. defendendae. quod si immortale retinetur, quis non intelligit immortalem hanc ciuitatem futuram? nam externa bella regum, gentium, nationum iampridem ita extincta sunt, ut praclare cum iis agatur, quos pacatos esse patiamur. denique ex bellica uictoria non fere quenquam est inuidia ciuium consecuta. domesticis malis, & audacium ciuium consiliis saepe est resistendum, eorumq; periculorum est in rep. retinenda medicina: quam omnem, iudices, perdidissetis, si meo interitu senatui populoq;

COMMENTARIVS

populoq; R. doloris sui de me. declarandi potestas esset erepta.

COMMENTARIVS.

Ex iisdem, quibus nos, radicibus: *uterque enim Arpini natus est. Summa senectute: hanc enim miseriam sustinuit Marius post v l. cōsulatū, anno ætatis suæ, si Velleio credimus 70. à quo dissentit Plutarchus: qui eum annū agentem 68. periisse tradit. Prope uim iustorum armorum: prope iusta uocat arma, quibus L. Sylla duodecim, ut ait Velleius, nouarum pessimarumq; rerum auctores, inter quos Marium cum filio, & P. Sulpicio tribuno pl. urbe exturbauit. nulla in ciues arma iusta sunt: sed illa prope iusta. Plutarchus, Velleius, Pedianus, epitome Liuii. Paludibus occultasse: historiam apud Plutarchum, Appianum, Velleium, Liuii epitomē licet uidere. Desertissimas: peruenit enim in ea loca, ubi æmula quondā Romane urbis Carthago fuerat, ibiq; uitam inopem in tugurio ruinarum Carthaginēsiū tolerauit. Velleius. Incertissimam spem: qui enim ab omni re tum nudus esset, eius incertissima spes, maximeq; dubia uidebatur. Ad reip. statum: ad id tempus, quo, mutatione rerū facta, alius, atque is, qui tunc erat, status reipublice uidetur esse. quod cum accidisset, Sylla ad Mithridaticum bellum profecto; ipse suam pristinam dignitatem recuperauit, interfectis ijs, qui Syllæ partes*

partes tuebantur. Periculo reip. cum in mea
 uita periculum adiret respublica, mecumq; simul
 periclitaretur: cum eadem utrique fortuna im-
 penderet: cum accidere mihi ad illa seiunctum ni-
 hil posse uideretur. Consularibus litteris:
 non consulum, sed eorum, qui consules fuerant:
 quorum apud exterarum nationes uigebat auctori-
 tas. Exemplum reip. defendendæ: non enim
 deerunt, qui exemplo meo excitati rempublicam
 defendant: cum, etsi me iniquorum fraude pul-
 sum, eundem tamen ab ipsa republica omnium
 ordinum hominumq; consensu restitutum memi-
 nerint. quod nisi factum esset; exemplum defen-
 dendæ reipublicæ mecum simul interisset. Re-
 tinenda medicina: quæ ita retinetur, si bonos
 & fortes uiros respublica fouet, & ab impetu in-
 sidiisq; tuetur improborum. nec alienum hoc à
 Sextii causa uidetur: cui propter ea, quæ in tribu-
 natu pl. pro Cicerone, hoc est pro rep. gesserat,
 excitatam accusationis procellam non semel si-
 gnificat.

O R A T I O.

Quare moneo uos adolescentes, atque hoc
 meo iure præcipio, qui dignitatem, qui
 remp. qui gloriâ spectatis, ne, si qua uos
 aliquando necessitas ad remp. contra im-
 probos ciues defendendam uocabit, se-
 gniores sitis, & recordatione mei casus à
 consiliis fortibus refugiatis. primum nō
 est periculum, ne qui unquam sint in ciui-
 tate

COMMENTARIVS

tate eiusmodi consules, presertim si erit
his id, quod debetur, persolutum: dein-
de nunquam iam, ut spero, quisquam im-
probus consilio & auxilio bonorum se op-
pugnare remp. dicet, illis tacentibus; nec
armati exercitus terrorem opponet to-
gatis; neque erit iusta causa ad portas se-
denti imperatori, quare terrorem suum
falso iactari opponi; patiatur. nunquam
enim erit tam oppressus senatus, ut ei ne
supplicandi quidem, ac lugendi sit pote-
stas; tam captus equester ordo, ut equi-
tes R. à consule relegentur. quæ cum om-
nia, atque etiam multo alia maiora,
quæ consulto prætereo, accidissent; ui-
detis me tamen in pristinam meam digni-
tatem, breui temporis dolore interie-
cto, reip. uoce esse reuocatum. Sed ut
reuertar ad illud, quod mihi in hac omni
est oratione propositum, omnibus malis
illo anno scelere consulum remp. esse
confectam: primum illo ipso die, qui mi-
hi funestus fuit, omnibus bonis luctuos-
us, cum ego me è complexu patriæ, con-
spectuq; uestro eripuisssem, &, metu pe-
riculi uestri, non mei, furori hominis,
sceleri, perfidiæ, telis, minisq; cessis-
sem; patriamq; , quæ mihi erat carissi-
ma, propter ipsius patriæ caritatem re-
liquisssem;

liquissem; cum meum illum casum tam horribilem, tam grauem, tam repentinum non solum homines, sed testæ urbis, ac templa lugerent, nemo uestrum forum, nemo curiam, nemo lucem aspiceret uellet; illo, inquam, ipso die, die dico? immo hora, atque etiam puncto temporis eodem mihi rei; pub. perniciēs, Gabinio & Pisoni prouincia rogata est.

COMMENTARIUS.

Meo iure præcipio: hoc enim ego præter ceteros posse uideor facere; cum omnium maxime, quàm grato animo respublica ciues optime meritos amplectatur, in me ipso sim expertus. Mei casus: cum eiectus sum. reditus enim gloria, non discessus calamitas, cogitanda uobis est. Per solutum: si, ut meriti sunt, ita punientur. Bonorum: bonos uocat, Casarem, Pompeium, Crassum: quos excusat, ut in consules & Clodium culpam conuertat uniuersam. iam enim, habendam sibi rationem oculi simul & dignitatis, malo doctus constituerat. itaque, quod eorum animos, qui plurimum poterant, possit offendere, nihil temere pronunciat. Imperatori: quis non uidet Casarem significari? Captus: impeditus, infirmus, nullo apud consules loco. spectat enim ad casum L. Lamie. Breui: quia per xvii. tantum menses patria caruit. discessit enim ab urbe mense Martio, rediit pridie

I

die

COM MENTARIVS

die nonas Septembris . Perfidia: quia , cum Pompeio saepe pollicitus esset , se nihil in tribu-
tu contra Ciceronem esse acturum , promisso non
stetit: de quo in epist.ad Att.lib.11. Rogata est:
nam & de me, hoc est de ipsa republica , & de
consulum prouincijs lata lex est .

O R A T I O .

Pro dii immortales , custodes , & conserua-
tores huius urbis , atque imperii , quæ-
nam illa in rep. monstra , quæ scelera ui-
distis? ciuis erat expulsus is , qui rep.
ex senatus auctoritate cum omnibus bo-
nis defenderat , & expulsus non alio ali-
quo , sed eo ipso crimine : erat autem ex-
pulsus sine iudicio , ui , lapidibus , ferro ,
seruitio denique concitato : lex erat lata
uasto ac relicto foro , & sicariis seruisq;
tradito , & ea lex , quæ ut ne ferretur , sena-
tus fuerat ueste mutata . Hac tanta per-
turbatione ciuitatis , ne noctem quidem
consules inter meum discrimen , & eorum
prædam interesse passi sunt . statim , me
perculso , ad meum sanguinem haurien-
dum , & spirante etiam rep. ad eius spo-
lia detrahenda aduolarunt . omitto gra-
tulationes , epulas , partitionem ararii ,
beneficia , spem , promissa , prædam , læti-
tiam paucorum in luctu omnium . uexa-
batur uxor mea : liberi ad necem quære-
bantur :

bantur: gener, & Piso gener, à Pisonis consulis pedibus supplex reiiciebatur: bona diripiebantur, eaq; ad consules deferiebantur: domus ardebat in Palatio: consules epulabantur. quòd si meis incommodis lætabantur, urbis tamen periculo commouerentur. sed ut à mea causa iam recedam; reliquas illius anni pestes recordemini. sic enim facillime perspicietis, quantam uim omnium remediorum à magistratibus proximis resp. desiderarit.

COMMENTARIUS.

Senatus auctoritate: quia senatus decreuerat, ut uiderent consules, ne quid respublica detrimendi pateretur. Sine iudicio: populi. Vastato: placet, & quidem maxime, optimi ac doctissimi uiri, & in emendandis libris eximia cum laude uersati, Gabrielis Phaerni coniectura. putat enim, pro, Vastato, legendum, Vasto. vastus enim locus dicitur is, ubi solitudo est: ut in I I. in Rullum genus agrorum uocat propter pestilentiam vastum, atque desertum. Statim me perculso: statim, lege de me lata, ad mea bona diripienda conuolarunt. post reditum in senatu. Sanguinem: trallationem continuat. sunt enim illa trallata: Me perculso, meum sanguinem hauriendum, spirante republica, spolia detrahenda. dicit autem, spirante re-

I 2 publica,

COMMENTARIUS

publica, cum de se ipso loquatur; quia rempublicam una cum ipso perculsam confectamq; esse uult existimari. itaque & proxime, Eadem, dixit, mihi rei; publicæ perniciēs rogata est. & in Pisonem non modo suum, sed etiam patriæ funus appellat. & alibi sapissime idem significat. Partitionem ærarii: cum Clodio: qui, lege lata de maximis pecuniis Pisoni & Gabinio dandis, quasi euntibus cum exercitu in provincias necessariae magnopere essent, eas deinde pecunias cum ipsis partibus est. supra, & pro domo sua. Vexabatur uxor mea: quippe quæ etiam ad tabulam Valeriam ducta sit. epist. fam. lib. 14. Piso gener: tres generos habuisse Ciceronem constat, L. Calpurnium Pisonem Frugi, Furium Crassipedem, P. Cornelium Lentulum Dolabellam. qua in re Pediani error deprehenditur, qui in oratione in Pisonem duos fuisse commemorat, Pisonem, & Dolabellam. Crassipedis prænomen ignoratur. Ad consules deferebantur: ad Gabinium uilla Tusculana, ad Pisonem Palatina domus. nam in oratione post reditum in senatu, Domus, inquit, mea diripiebatur, ardebat: bona ad uicinum consulem de Palatio, de Tusculano ad item uicinum alterum consulem deferebantur. & pro domo sua: Cum domus in Palatio, uilla in Tusculano, altera ad alterum consulem transferebatur: columnæ marmoreæ ex ædibus meis, inspectante populo Romano, ad so-

crum

crum consulis (sic enim ex oratione in Pisonem
& ex Pediano correxi) portabatur : in fundum
autem uicini consulis non instrumentum , aut fun-
damenta aulae , sed etiam arbores transfereban-
tur . In ea uero in Pisonem . At tu , inquit , illo
ipso tempore apud socrum tuam , cui domum
meam exhauriendam patefeceras , sedebas .

Urbis tamen periculo commouerentur :
uel quod ea simul cum salute Ciceronis pericli-
taretur : uel quod ob ea , quæ proxime com-
memorabit , proprium urbis periculum ageretur .

O R A T I O .

Legum multitudinem , cum earum , quæ la-
tæ sunt , tum uero , quæ promulgatæ fue-
runt , dicam ? nam latæ quidem sunt con-
sulis illis tacentibus , immo uero ap-
probantibus etiam : ut censoria notatio ,
& grauisimum iudicium sanctissimi ma-
gistratus de rep. tolleretur : ut collegia ,
non modo illa uetera , contra S. C. resti-
tuerentur , sed ab uno gladiatore innu-
merabilia alia noua conscriberentur : ut,
remissis semisibus & trientibus , quinta
prope pars uectigalium tolleretur : ut Ga-
binio pro illa sua Cilicia , quam sibi , si
remp. prodidisset , pactus erat , Syria da-
retur : ut uni helluoni bis de eadem re de-
liberandi , & , rogata lege , potestas fie-
ret prouinciæ commutandæ . Mitto eam

I 3 legem,

COM MENTARIVS

legem, quæ omnia iura religionum, auspici-
orum, potestatum, omnes leges,
quæ sunt de iure & de tempore legum ro-
gandarum, una rogatione deleuit. Mit-
to omnem domesticam labem. etiam
exterarum nationum illius anni furore con-
quassatas uidebamus. lege tribunicia Ma-
tris Magnæ Pesinuntius ille sacerdos ex-
pulsus, & spoliatus sacerdotio est; fa-
numq; sanctissimarum, atque antiquissi-
marum religionum uenditum pecunia
grandi Brogitaro, impuro homini, atque
indigno illa religione, presertim cum ea
sibi ille non colendi, sed uiolandi causa
appetisset: appellati reges à populo, qui
id nunquam ne à senatu quidem postula-
sent: reducti exules Byzantium condem-
nati, tum cum indemnati ciues è ciuita-
te eiiciebantur. Rex Ptolemæus, qui si
nondum erat ipse à senatu socius appella-
tus, erat tamen frater eius regis, qui,
cum esset in eadem causa, iam erat à se-
natu honorem istum consecutus; erat eo-
dem genere, iisdemq; maioribus, eadem
uetustate societatis; denique erat rex, si
nondum socius, at non hostis; pacatus,
quietus, fretus imperio populi R. regno
paterno atque auito, regali ocio per-
fruebatur.

Com-

Promulgata: aliquot igitur non perlata, tribuno
 pl. aliquo, ut opinor, intercedente. quod & in-
 fra patet, & pro domo sua. Dicam? non du-
 bitat, utrum dicat, an omittat; sed indicat, le-
 gum multitudinem oratione uix posse comprehen-
 di. Ut censoria notatio: hac de Clodij lege
 sic in oratione in Pisonem: Ab eodem homine,
 in stupris inauditis nefarijsq; uersato, uetus illa
 magistra pudoris & modestiae, censoria seueri-
 tas sublata est. Quem locum Pedianus sic expo-
 nit: Tulit P. Clodius tribunus pl. legem, ne quem
 censores in senatu legendo praeterirent, ne ue qua
 ignominia afficerent, nisi qui apud eos accusatus,
 & utriusque censoris sententia damnatus esset.
 Hac Pedianus. Dio autem libro XL. hanc legem
 à Scipione consule, Magni Pompeij socero, esse
 abrogatam tradit. Quod autem scriptum est,
 Censoria notatio, & grauiissimum iudicium; non
 dubito quin rectius sit, Censoria notio. non enim
 potest esse notatio ante iudicium: sed iudicabant
 prius censores, quam notarent. quare primum
 ipsa me ratio mouet, ut, notio pro notatio, re-
 ponendum putem: deinde habeo duo in duabus eius-
 dem orationibus exempla. nam in ea de prouin-
 ciis consularibus, in extremo fere, Statuendum,
 inquit, uobis est, legem Aeliam manere, legem
 Fusiam non esse abrogatam, non omnibus fastis
 legem ferri licere; cum lex feratur, de caelo ser-

COMMENTARIVS

uari, obnunciari, intercedi licere; censorium iudicium ac notionem, & illud morum seuerissimum magisterium non esse nefarijs legibus de ciuitate sublatum. In Pisonem autem: Centum prope annos legem Aeliam & Fusiam tenueramus, quadringentos iudicium notionemq; censoriam: quas leges ausus est non nemo improbus, potuit quidem nemo unquam conuellere. quam potestatem minuere, quo minus de minoribus nostris quinto quoque anno iudicaretur, nemo tam effuse petulans conatus est. Collegia; non sunt eadem iteranda. satis hac de lege, & de collegiorum nomine diximus supra. Vectigalium: lege enim lata, ut frumentum populo, quod antea semis æris, hoc est quadrante, ut uulgo nunc appellantur, cum dimidio, in singulos modios dabatur, gratis daretur, uectigalia quinta fere parte diminuebantur. hanc legem & Saturninus, & ante C. Gracchus tulerat. epitome Liuiana lib. LX. ad Herennium lib. I. & Pedianus. Vni helluoni: ipsi Vatinio; quod esset homo nequam, dissolutus, & intemperantia perditus. De eadem re: de prouincia. uide pro domo sua. Eam legem: quæ legem Aeliam & Fusiam euertit. uide supra. Religionum: nullam enim religionem, cum lex ferretur, impedimento esse uoluit. posuit autem primum genus, deinde speciem. nam inter religiones sunt auspicia, Auspiciorum: ne auspicia ualerent.

Pote-

Potestatum: ne quis intercederet. *supra*.
 De iure, & de tempore: de iure, hoc est de
auspiciis, erat *Aelia*: de tempore, *Fusia*. *Clodius* utranque sua lege deleuit. tulit enim, & ne
 quis per eos dies, quibus cum populo agi liceret,
 de caelo seruaret: & ut omnibus diebus fastis le-
 gem ferri liceret. *supra*. Omnem dome-
 sticam labem: leges de rebus urbanis à *Clodio* latas. & dixit, Omnem: quasi præter ea,
 quæ iam commemorauit, supersint multa. Tri-
 bunicia: *P. Clodii* tribuni pl. *Brogitaro*:
Gallo *græco*. de aruspicum responsis. Cum ea:
 uel *Ea*, quæ ad religionem pertinent, quæ illi
Clodius sua lege assignauit: uel, *Eam*, lege: ut
 ad religionem referatur. Ne à senatu qui-
 dem: non à populo, sed à senatu reges appella-
 bantur. primum igitur in eo peccat *Clodius*, quòd
 reges per populum, non per senatum appellat:
 deinde, quòd eos appellat, qui id nunquam, non
 modo à populo, sed ne à senatu quidem postu-
 larint. satis autem constat, hæc omnia signifi-
 cari à *Clodio* mercede & pretio esse facta. nam
 & in ea pro domo sua, Si tuus, inquit, scriptor
 in illo incendio ciuitatis non syngraphas cum *By-*
zantiis exulibus, & cum legatis regiis faceret. &
 proxime infra, Regum appellationes uenales erāt.
 Condemnati: nimis iniuste, nimis tyrannicæ
 agit *Clodius*: exules, legibus condemnatos, redu-
 cit; ciues eiicit indemnos. in quo se ipsum Cice-

COM MENTARIVS

ro significat . qua de re sæpe queritur & in oratione pro domo , & alibi . Ptolemæus : Cypri rex : qui , accepto de lege Clodia nuncio , quæ regnum uniuersamq; regiam gazam publicabat , ipse sibi , ueneno sumpto , mortem intulit . causam regni publicati scripsit Dio lib. XXXVIII . quod olim Clodium à piratis captum Cypri rex Ptolemæus redimere noluiſſet . hac de re & in ea pro domo sua bis . Eius regis : Alexandrini ; qui & ipse Ptolemæus uocabatur : de quo in libro epistolarum ad Lentulum . In eadem causa : cum meritis in populum Romanum fratri , Cyprio regi , non præstaret , sed pari cum eo conditione esset . Honorem istum : societatis . unde illa pro Rabirio Postumo : Non ei regi credit , qui alienus ab hoc imperio esset , sed ei , qui cum fœdus fieri in Capitolio uiderat . Eadem uetustate societatis : non dicit , socium fuisse cum fratre , uetusta societate : (iam enim hoc negauit) sed utrumque à maioribus ortum uetusta populo Romano societate coniunctis . nam inde ab eo tempore , cum Pyrrhus rex in Italiam transiit , populus Romanus cum Aegypti rege Ptolemæo societatem coierat .

O R A T I O .

DE hoc , nihil cogitante , nihil suspicante , eisdem operis suffragium ferentibus , est rogatum , ut sedens cum purpura , & sceptro , & illis insignibus regiis præconi publico

blico subiiceretur; &, imperante popu-
 lo R. qui etiam bello uictis regibus regna
 reddere consuevit, rex amicus, nulla in-
 iuria commemorata, nullis repetitis re-
 bus, cum bonis omnibus publicaretur.
 multa acerba, multa turpia, multa tur-
 bulenta habuit ille annus: tamen illi scele-
 ri, quod in me illorum immanitas edidit,
 haud scio an recte hoc proximum esse di-
 cam. Antiochum illum magnum maiores
 nostri, magna belli contentione terra ma-
 riq; superatum, intra montem Taurum
 regnare iusserunt: Asiam, qua illum mul-
 tarunt, Attalo, ut is regnaret in ea, con-
 donauerunt. cū Armeniorum rege Tigra-
 ne graue bellum perdiuturnumq; gessi-
 mus, cum ille, iniuriis in socios nostros
 inferendis, bello prope nos lacesisset. hic
 & ipse per se uehemens fuit; & acerrimū
 hostem huius imperii Mithridatem, pul-
 sum Ponto opibus suis regnoq; defendit;
 & à Lucullo, summo uiro, atque impera-
 tore, pulsus, animo tamen hostili cum re-
 liquis copiis suis in pristina mente per-
 mansit. hunc Cn. Pompeius, cum in suis
 castris supplicem abiectumq; uidisset, e-
 rexit; atque insigne regium, quod ille de
 suo capite abiecerat, reposuit; & impe-
 ratis certis rebus, regnare iussit; nec mi-
 nus

COMMENTARIVS

nus & sibi, & huic imperio gloriosum putauit, constitutum à se regem, quàm con-
* strictum uideri. Tulit gesfit, qui & ipse
hostis fuit populi R. & acerrimum hostem
in regnum recepit, qui confligit, qui si-
gna contulit, qui de imperio pene certa-
uit, regnat hodie, & amicitiae nomen, ac
societatis, quod armis uiolarat, id preci-
bus est consecutus. ille Cyprius miser,
qui semper socius, semper amicus fuit,
de quo nulla unquam suspicio durior aut
ad senatum, aut ad imperatores nostros
allata est, uiuus (ut aiunt) est, & uidens,
cum uictu ac uestitu suo publicatus.

COMMENTARIVS.

Eisdem operis: *quarum suffragio & alias ini-
quissimas leges Clodius pertulerat. Nulla iniu-
ria commemorata: nota consuetudinem po-
puli Romani: qui nemini, nisi ob acceptas iniu-
rias, aut ablatas res, bellum aut damnum infer-
re solitus erat. quod utrunque à Clodio neglectum
est. Illum magnum: Asiae regem: qui, cum
multi fuerint Antiochi reges, opibus & poten-
tia cunctis antecelluit, ideo, ut ab alijs distingua-
tur, apposuit, Illum magnum. Superatum:
à L. Scipione, Africani maioris fratre: qui ob
eam causam Asiatici cognomen est adeptus.
Bello prope: non enim bello Tigranes Roma-
nos lacecessit: sed, uexandis socijs, quasi bellum
inferre*

inferre uidebatur . non satis habet Cicero , popu-
 lum Romanum excusare , qui non laceffit bellum
 intulerit ; sed excusat etiam cum laude , quòd
 sociorum iniurias suas iniurias duxerit . Accerri-
 mum : qui bellum per annos quadraginta cum
 Romanis gesserit . A Lucullo : qui Mithrida-
 tem , atque etiam Tigranem ita iuuit , ut Pom-
 peio , qui successit , non difficiles belli reliquias tra-
 diderit . unde inimicitiarum inter eos origo fluxit :
 cum uterque eius belli gloriam ad se traheret . Plu-
 tarchus , & alij . Constitutum à se regem ,
 quam constrictum : iucunditatem in uocum
 similitudine quasiuit . nam constitutum & con-
 strictum & similiter incipiunt , & similiter desi-
 nunt . hanc figuram Græci παράσπασμα dicunt .
 Tullit gessit : apertum mendum . nec dubium
 est , quin Tigranes significetur . est enim argu-
 mentum à maiori . si Tigrani , inquit , qui hostis
 fuit populi Romani , regnum conseruastis : quanto
 magis Ptolomæo , qui semper socius , semper ami-
 cus fuit , conseruare debuistis ? postulat igitur sen-
 tentia , ut pro , tulit gessit , reponatur , Tigranes
 igitur , uel , igitur is . sed quoniam odi coniecturas ,
 quæ à litterarum similitudine discedunt ; opem
 ueterum librorum expectandam censeo . alioqui
 nihil tentandum . De imperio pene : non om-
 nino , sed pene actum esset de imperio populi Ro-
 mani , si , cum Tigranes signa contulit , uictoriam
 consecutus esset . alios enim exercitus parare ,
 iterum

COM M E N T A R I V S

iterumq; belli fortunam experiri nobis licuisset.
 Qui semper socius: non ad ipsum Ptolemaeum,
 sed ad maiores eius referendum est. nam ipse, cum
 Clodius legem tulit, nondum erat socius. dixit
 igitur, semper socius, pro, qui uetustam nobiscum
 societatem habebat: quod maiores eius socij nostri
 semper fuerint. Viuius, & uidens: sumpsit à
 Terentio: apud quem in Eunuchis ita loquitur
 Phædria: Prudens, sciens, uiuius uidensq; pereor.

O R A T I O.

E N, cur ceteri reges stabilem esse suam for-
 tunam arbitrentur; cum, hoc illius fune-
 sti anni perduto exemplo, uideant per tri-
 bunum aliquem, & sexcentas operas se
 fortunis spoliari, & regno omni posse nu-
 dari. At etiã eo negotio M. Catonis splen-
 dorem maculare uoluerunt, ignari, quid
 grauitas, quid integritas, quid magnitu-
 do animi, quid denique uirtus ualeret:
 quæ in tempestate sæua quieta est, & lucet
 in tenebris, & pulsa loco manet tamen,
 atque hæret in patria; splendetq; per se
 semper; neque alienis unquã sordibus ob-
 solescit. non illi ornandum M. Catonem,
 sed relegandum; nec illi committendum
 illud negotium, sed imponendum puta-
 uerunt; qui in concione palam dixerint,
 linguam se euellisse M. Catoni, quæ sem-
 per contra extraordinarias potestates li-
 bera

bera fuisset. sentient, ut spero, breui tē-
pore, manere libertatem illā, atque hoc
etiam, si fieri poterit, esse maiorē, quod
cum consulibus illis M. Cato, etiam cum
iam desperasset aliquid auctoritate sua
proficere posse, tamen uoce ipsa, ac do-
lore pugnavit, & post meum discessum iis
Pisonem uerbis, flens meū & reip. casum,
uexauit, ut illum, hominem perditissi-
mum, atque impudentissimum, pene iam
prouinciæ pœniteret. cur igitur rogatio
ni paruit? quasi uero ille non in alias quo-
que leges, quas iniuste rogatas putaret,
iam ante iuravit.

COMMENTARIUS.

*Maculare: nam regie gazæ uendendæ, & pecuniæ
deportandæ M. Catonem, lege lata, Clodius præ-
fecit; non ut Catonem ornaret; sed partim ut ui-
rum fortissimum, & improbis ciuibus insensum,
à republica remoueret; partim ut, si quis deinde
legem illam de Cypro publicatā uellet accusare,
socium, ac defensorem haberet M. Catonem, ut-
pote qui eius negocij particeps fuisset. quod sane
ita contigit. pro domo sua, de prouincijs consula-
ribus, Plutarchus, Velleius. Ignari, &c.
laudat uirtutem; ut Catoni, uiro innocentissimo,
et omni laude prædito, nullam ex illo negotio hæ-
rere infamiam potuisse constet. turpis quidem
Clodius, qui legem tulit: non tamen turpis Cato,
qui*

COMMENTARIVS

qui negocium, ea lege impositum, administravit. Imponendum: & rei, & hominis causa hoc uerbo usus est: ut hoc significet, & rem Catone indignam esse impositam, & impositam inuito. quod & Dio tradit libro xxxviii. Euellisse: sic & in ea pro domo sua, quo modo autem euellisse? quia Cato, suscepto & administrato negotio, contra leges à Clodio in tribunatu latas pro sua ueteri constantia, ac libertate loqui iam non posset: quandoquidem inter eas leges esset ea, de Cypro publicata: quæ si tolleretur, ea simul, quæ Cato in Cypro gesserat, tolli necesse erat. nec sane parum callide Clodius cogitauit. nam, quod fore putauit, id ipsum euenit; ut Cato, ne, quæ ipse in Cypro & Byzantijs egisset, infirmarentur, Clodii tribunatum contra Ciceronem defenderet. de quo in oratione de provinciis consularibus, et Plutarchus in Cicerone. Post meum discessum: errat igitur Plutarchus, qui Catonem ait ante Ciceronem à Clodio emissum. Prouinciæ pœniteret: cuius mercede, ac pactione inductus, cum Clodio de mea perniciæ cōsenserat. Paruit? quod in Cyprum iuit.

ORATIO.

NON offert se ille istis temeritatibus, ut, cum reip. nihil profit, se ciue remp. priuet. consule me, cum esset designatus tribunus pl. obtulit in discrimen uitam suā: dixit eam sententiam, cuius inuidiam capitis

pitis periculo sibi præstādā uidebat: dixit uehementer: egit acriter: ea, quæ sensit, præ se tulit: dux, auctor, actor rerum illarum fuit: non quo periculum suum non uideret: sed in tanta reip. tempestate nihil sibi, nisi de patriæ periculis, cogitandum putabat. consecutus est ipsius tribunatus. quid ego de singulari magnitudine animi eius, ac de incredibili uirtute dicam? meministis illum diem, cum, templo à collega occupato, nobis omnibus de uita eius uiri & ciuis timentibus, ipse animo fortissimo uenit in templum, & clamorem hominum auctoritate, impetum improborum uirtute sedauit. adiit tum periculum, sed adiit ob causam, quæ quanta fuerit, iam mihi dicere non est necesse. at, si isti Cypriæ rogationi sceleratissimæ non paruisset, hæreret illa nihilo minus in rep. turpitudine. regno enim iam publicato, de ipso Catone erat nominatim rogatū. quod ille si repudiasset; dubitatis, quin ei uis esset allata, cum omnia acta illius anni per illum unum labefactari uiderentur? atque etiam hoc uidebat: quoniam illa in rep. macula regni publicati maneret, quam nemo iam posset eluere; quod ex malis boni posset in rep. prouenire, id utilius esse per se conseruari,

K seruari,

COMMENTARIVS

seruari, quàm per alios amitti. atque ille, etiam si alia quapiam ui expelleretur illis temporibus ex hac urbe, facile pateretur. etenim qui superiore anno senatu caruisset; quò si tum ueniret, me tamen socium suorum in rep. consiliorum uidere posset: is æquo animo tum, me expulso, & meo nomine cū uniuerso senatu, tum sententia sua condemnata, in hac urbe esse posset? ille uero eidem tēpori, cui nos eidem furori, eisdem consulibus, eisdem minis, insidiis, periculis cecit. luctum nos hausimus maiorem; dolorem ille animi non minorem.

COMMENTARIVS.

Designatus tribunus pl. nonis Decembris: quem sæpe diem sibi gloriosum, reipublicæ salutarem Cicero nominat, de coniuratis in senatu dictæ sententiæ sunt: factòq; in Catonis sententiam senatus consulto, in carcere necati. hinc apparet, quod in Pediano legitur, falsum esse magistratum iniisse tribunos pl. nonis Decembribus. nam designatum hic apparet fuisse tribunum M. Catonem, quo die dictæ sententiæ sunt de coniuratis: quæ fuisse nonas Decēbris, ex ea pro Flacco, ex epistola M. Bruti, è Salustio, & Plutarcho non dubie constat, primus autem magistratus dies tribunis pl. fuit, IIII. idus Decembris. quod à Dionysio & Lirio cognouimus. Sibi præstandam:

dam: ita grauem sibi inuidiam uidebat impendere, ut eam subire sine uitæ periculo non posset. subit tamen, patria uitæ antelata. A' collega: Q. Metello Nepote, qui, ut iniquam legem ferret, templum occupauit. non tulit autem, Catone cum uitæ periculo resistēte. Plutarchus in eius uita. Adiititum periculum: cum designatus tribunus pl. de coniuratis sententiam dixit. non enim, tum refero ad illum diem, cum collega resistit: ob ea, quæ sequuntur, Adit ob causam, quæ quanta fuerit, iam mihi dicere non est necesse. quæ de coniuratione Catilinæ dicta esse, facile coniicio. Hæreret illa nihilo minus in rep. turpitudine: nihilo minus omnia regia bona præconi subiecta uenissent. cum enim, ut negotium illud Cyprium à Catone administraretur, lata lex est; iam regnum erat publicatum. Quod ex malis boni posset in rep. peruenire: malum fuit, insonti regi sine causa suum eripere: bonum, de bonis illius coactam pecuniam in ararium inferre. quod à Catone potius, integerrimo homine, quam à quouis alio fieri, è rep. fuit. Superiore anno: Cæsare consule. quo anno, cum nihil more maiorum gereretur, Cæsare leges & auspicia negligente; Cato desperatione quadam in senatu non uenit. Sententia sua: cum enim pulsus est Cicero, tum damnari, & senatus uisus est, sententia Catonis. pulsus enim est ob coniuratorum necem. illi autem è senatus consulto, Ca

COM MENTARIVS

*tonis in sententiam facto, necati sunt. Ceslit:
cum Cypriae rogationi paruit, & in Cyprum pro
fectus est.*

O R A T I O.

His de tot, tantisq; iniuriis in socios, in re-
ges, in liberas ciuitates consulum querela
esse debuit. in eius magistratus tutela re-
ges, atque exteræ nationes semper fue-
runt. ecquæ uox unquam est audita con-
sulum? quanquam quis auderet, si maxi-
me queri uellet? de Cyprio rege quere-
rentur, qui me ciuem, nullo meo crimi-
ne, patriæ nomine laborantem, non mo-
do stantem non defenderunt, sed ne iacen-
tem quidem protexerunt? cesseram, si a-
lienam à me plebem fuisse uultis, quæ non
fuit, inuidiæ; si commoueri omnia uide-
bantur, tempori; si uis suberat, armis;
si societas magistratuum, pactioni; si pe-
riculum ciuium, reip. cur, cum de capite
ciuis, (non disputo, cuiusmodi ciuis) &
de bonis proscriptio ferretur, cum & sa-
cratis legibus, & x i i tabulis sancitum
esset, ut neque priuilegium irrogari lice-
ret, neque de capite, nisi comitiis centu-
riatis, rogari, nulla uox est audita consu-
lum? constitutumq; illo anno est, quan-
tum in illis duabus huius imperii pestibus
fuit, iure posse per operas concitatas
quemuis

quemuis ciuem nominatim tribuni pl. consilio ex ciuitate exturbari? quæ uero promulgata illo anno fuerunt, quæ promissa multis, quæ conscripta, quæ sperata, quæ cogitata, quid dicam? qui locus orbis terræ iam nō erat alicui destinatus? cuius negotii publici cogitari, optari, fingi; procuratio potuit, quæ non esset attributa, atque descripta? quod genus imperii, quæ prouincia, quæ ratio aut aufere, aut confluendæ pecuniæ, non reperiatur? quæ regio, ora ue terrarum paulo erat latior, in qua non regnum ali- quod statueretur? quis autem rex, qui illo anno non aut emendum sibi, quod non habebat; aut redimendum, quod habebat, arbitraretur? quis prouinciam, quis pecuniam, quis legationem ab senatu petebat? damnatis de ui restitutio, consula tus petitio ipsis illi populari sacerdoti comparabatur.

COMMENTARIVS.

In socios, in reges, in liberas ciuitates: in Pessinuntem, in Ptolemæum, in Byzantium. supra. Quis auderet: transit à parte ad totum, hoc est à consulibus ad omnes ciues. quis, inquit, in ciuitate contra P. Clodium, facinorosum hominem, & audacem mittere uocem, si maxime uellet, auderet? rursus à toto ad partem,

K 3 hoc

C O M M E N T A R I V S

hoc est ad consules, orationem conuertit. mihi, inquit, quia patriam à coniuratorum scelere uindicaram, laboranti, non modo ante discessum meum, sed ne post discessum quidem auxilio fuerunt. & metaphora, quæ fit per oppositionem, quam Aristoteles laudat, usus est. nam, stantem & iacentem, cum trallata sunt, tum etiam antitheta. Societas magistratuum: inter consules & tribunum pl. ut illi de mea pernicië, cum lex rogaretur, conuiuerent; hic prouincias, quas uellent, sceleris mercedem daret. Sacratibus legibus: in Sacro monte latis, cum plebs à patribus secessit. Linius, Dionysius, Cicero ipse pro C. Cornelio, Pedianus 59. Priuilegium: legem aduersus unum ciuem. De capite: cum caput diminuitur, hoc est cum aliquis ciuitate, ac libertate priuatur. ideo sæpe caput & fortunas Cicero coniungit: propterea quòd, quibus in causis de capite, in iisdem fere de bonis agitur. Comitibus centuriatis: de his, & de omni comitiorum genere satis in libro de comitiis disputatum à nobis est. quod autem ad huius loci sententiam attinet: etsi, quid dicatur, apertum est; uerba tamen ex libro III. de legibus recitabo. Priuilegia, inquit, ne irroganto: de capite ciuis, nisi per maximum comitiatum, ne ferunto. & in eodem libro in extremo: Propterea quòd neque tributa capitis comitia rata esse possunt, neque ulla priuilegii. maximum comitiatum pro centuriatis comittis

mitiis posuit: quòd his & maiores magistratus
mandari, & summa quæque perfici solerent.
Conscripta: priuatim, & occulte, ut syngra-
pha illæ cum Byzantiis exulibus, & legatis regiis
factæ. pro domo sua. Descripta? unico uerbo
duas res significat: primum, procurationum, quæ
dabantur, multitudinem; ubi enim descriptio, ibi
ordo; & ubi ordo, ibi numerus: deinde, Clodii
infinitam licentiam, qui, quasi unus omnia tene-
ret, ita, quæ cuique uellet, pro sua libidine descri-
bebat. Quæ prouincia: ita omnes contrahen-
dæ pecuniæ uias peruestigabat, ut prouincias no-
uas faceret, easq; improbis hominibus admini-
strandas pretio traderet. huc illud spectat, quod
est in ea pro domo sua. Imperia scribebantur no-
ua iuuentuti. Regnum aliquod: ut nouas pro-
uincias, ita noua regna Clodius ad conflandam pe-
cuniam statuebat. Ab senatu petebat? à Clo-
dio petebant omnes, non, ut mos erat, à senatu.
pecunia enim, & legationes senatus consulto da-
bantur, prouincia uero primum senatus consulto,
deinde lege curiata: nisi si quis, cum perferri le-
gem curiatam non liceret, eo imperio, quod sena-
tus lege Cornelia dabat, contentus, suo sumptu in
prouinciam uellet ire. quod paucissimi fecerunt.
Damnatis de ui: quos restituere leges uetabant,
eos restituere Clodius cogitabat. & apparet, de
ui damnatos solum uertisse: cum dicat, Restitu-
tio. sed capitali de ui est intelligendum. nec enim

COM M E N T A R I V S

omnis uis capitalis fuit . quod in libro de legibus ostendimus . Consulatus petitio : forte hoc significat in oratione pro domo sua , cum ait : Imperia scribebantur noua iuuentuti . Populari sacerdoti : P . Clodio : qui , ut Plutarchus & alii prodiderunt , libidinis caussa ad aras Bonæ deæ , quasi sacerdos esset , penetrauit . ridiculum Cicero , quæsiuit in re turpi . quod ab iis , qui de arte rhetorica scripserunt , non modo conceditur , uerum etiam laudatur . πολλάκις , inquit Demetrius , καὶ τὰ μὲν πράγματα ἀτερπῆ ἐσι φύσει , καὶ συγνὰ , ὑπὸ δὲ τῆ λέγοντος γίνεται ἰαρά .

O R A T I O .

Hæc gemebant boni , sperabant improbi , agebat tribunus pl. consules adiuuabant . hic aliquando , serius quàm ipse uellet , Cn. Pompeius , inuitissimis iis , qui mentem optimi ac fortissimi uiri suis consiliis , ac fictis terroribus à defensione mæ salutis auerterant , excitauit illam suam non sopitam , sed suspitione aliqua retardatam consuetudinem reip. bene gerendæ . non est passus ille uir , qui sceleratissimos ciues , qui acerrimos hostes , qui maximas nationes , qui reges , qui gentes feras atque inauditas , qui prædonum infinitam manum , qui etiam seruitia uirtute , uictoriaq; domuisset , qui , omnibus bellis terra mariq; compressis , imperium populi

puli R. orbis terrarum terminis definisset, remp. euertere scelere paucorum, quam ipse non solum consiliis, sed etiam sanguine suo saepe seruasset: accessit ad causam publicam: restitit auctoritate sua reliquis rebus: de praeiudiciis quæstus est. fieri quædam ad meliorem spem inclinatio uisa est. decreuit senatus frequens de meo reditu kalendis Iun. dissentiente nullo, referente L. Mummio, cuius in mea causa nunquam fides uirtusq; contremuit. intercessit Ligus iste nescio qui, additamentum inimicorum meorum.

COMMENTARIUS.

Serius, quam ipse uellet: excusat Pompeium, quod à principio nefarijs Clodij consilijs & actis obuiam non ierit. uoluisset enim obsistere: sed, ut Casari satisfaceret, suorum actuum dissolutionem metuenti, hominem nefarium furere in Ciceronem atque in ipsam rempublicam passus est. Inuitissimis: maxime consules intelligi, possumus existimare. nam in Pisonem, Vestrae fraudes, inquit, uestrum scelus, uestrae criminationes insidiarum mearum, illius periculorum, nefarie factæ; &c. Non sopitam: non usque eò suam diligentiam & uigilantiam in tuenda republica Pompeius omisit, ut omnino publicæ causæ indormiret, sed ut paululum con-
niueret.

COMMENTARIVS

niueret . Sceleratissimos ciues : breui oratione omnes Pompeij laudes percurrit . sceleratissimos ciues appellat , Cn . Carbonem , Cn . Domitium , Q . Sertorium : quorum unum in Sicilia , alterum in Africa , tertium Pompeius in Hispania uicit . Marcum etiam Brutum , Brutum illius , qui C . Caesari manus intulit , in Gallia cisalpina occidit . quem ipsum cum tribus ijs , quos nominaui , fortasse Cicero significauit . Plutarchus , Valerius , epitome Liiij , alij . acerrimos autem hostes , & maximas nationes , non dubito quin intelligat Afros , Gallos , & Hispanos : qui odio quodam in populum Romanum impulsu , Carbonis & Sertorij partibus haeserunt . pro lege Manilia . Quod autem sequitur , Qui reges , qui gentes feras atque inauditas ; manifeste dictum apparet de Hiarba , Mithridate , Tigrane , deq; nationibus illis , quas , antea fama minus notas , Pompeius , dum fugientem Mithridatem persequitur , transitum negantes uicit , & ad populi Romani ditionem adiunxit . unde illud in epistola quadam ad Atticum : Sampsicera me quid dices ? uectigal te nobis in Antilibano constituisse , agri Campani abstulisse ? epitome Liiij , lib . 101 . Plutarchus . Praedonum : Pompeius bellum aduersus piratas , lege Gabinia sibi demandatum , unde quinquagesimo die felicissime confecit . pro lege Manilia , Plutarchus , & alij . Qui etiam seruitia : seruitia

tia re uera non Pompeius, sed M. Crassus deuicit. sed eam laudem Cicero saepe ad Pompeium conatur transferre; cum dicat, aduentante Pompeio seruilem manum timore consternatam, nullo labore à Crasso esse deuictam. Testis est, inquit pro lege Manilia, iterum, & saepius Italia: quæ cum seruili bello tetro periculosoq; premere tur, ab hoc auxilium absente expetiuit: quod bellum expectatione Pompeij attenuatum atque imminutum est, aduentu sublatum ac sepultum. & dixit, Etiam: quasi, contra quam uideatur: cum aliter homines existiment; quia seruile bellum duce Crasso confectum est. hinc illud libro I. ad Atticum de Crasso: Qui mihi laudem illam eo minus deberet, quod meis omnibus litteris in Pompeiana laude perstrictus esset. Virtute uictoriaq;: non, Virtute, seruili bello demonstrata; aut, Victoria, de seruis relata; sed, Virtute, quam superiore bello, aduersus Mithridatem & Tigranem gesto, iam ostenderat; Victoria, quam eo bello consecutus erat. cuius uirtutis uictoriaq; opinione ac fama fractos esse, ac perturbatos seruilis exercitus animos significat: ut deinde Crasso non difficilis uictoria fuerit. cur autem neque uirtutem sine uictoria, neque uictoriam sine uirtute posuit, sed alteram cum altera coniunxit? quia neque semper, qui uirtute præditi sunt imperatores, hostem uincunt: neque, qui uincunt, ij semper uirtute excellunt

COMMENTARIVS

cellunt . itaque cum uirtutem & uictoriam nominamus , summam & absolutam laudē exprimimus . alioqui neque uirtus imperatoris in bello sine fortuna , neque fortuna sine uirtute laudatur . Domuisset : caute , nec sine industria posuit hoc uerbum . non enim à Pompeio uicta seruitia , sed illius aduentu compressa debilitataque sunt . Vicisset , igitur , aut , Debellasset , perspicue falsa erant : Domuisset , ut falsum refelli non potest . Omnibus bellis : Africano , transalpino , Hispaniensi , Mithridatico . de tribus enim orbis partibus Pompeius triumphauit , uicto in Africa Carbone , in Hispania Sertorio , in Asia Mithridate . Orbis terrarum terminis : ὁπερβολικῶς : non enim uniuersus terrarum orbis , sed et maior , & nobilior pars imperio populi Romanitenebatur . Sanguine suo : cum , bello Sertoriano , Sucronensi prælio uulnus acceperit . Plutarchus in Sertorio , et Pōpeio . Appianus libro 1 . Auctoritate sua : nō dixit , potestate ; quia priuatus erat . est enim magistratus potestas , priuati uero hominis auctoritas . sic infra , Princeps , inquit , P . Lentulus auctoritate ac sententia sua causam suscepit : quia nondum consulatum inierat Lentulus , sed designatus erat . L . Mummio : tribuno pl . Nunquam : nam & , antequam Cicero iret in exilium , cum alia præstitit officia , tum populo persuasit , ut tanquam in publica calamitate uestem mutaret . hoc
apud

apud Dionem libro 38. scriptum est. idem
 Mummius uidetur & ad senatum de uestitu mu-
 tando retulisse. quod ex illis uerbis, quæ in hac
 ipsa oratione sunt, conijcio: Vir incredibili fide,
 magnitudine animi, constantia L. Mummius
 ad senatum de republica retuli; senatusq; fre-
 quens uestem pro mea salute mutandam censuit.
 Fides uirtusq;: Fides & uirtus, propterea di-
 cit; quia pro amico non satis est uelle, nisi au-
 deas; & multos, quibus animus non deest, fi-
 des & uoluntas deficit. Contremuit: in pe-
 riculis. poetice magis, quàm oratorie, dictum.
 nam hoc uerbum potius in animalia conuenit.
 quòd si dixisset, L. Mummius, quia fide, ac
 uirtute esset singulari, nunquam in sua causa con-
 tremuisse: proprie dixisset, nō tamē, ut græco uer-
 bo utar, ἐπερὶντικῶς. propriū igitur, quo re signifi-
 catur omisit: trāslatū quo significatur simul et au-
 getur, usurpauit. Ligus iste nescio qui: Ae-
 liū Ligurē significat: et in ambigua nominis signi-
 ficatione ludit. nam Ligus et gentis Aeliae cogno-
 men est: et hominē in Liguria natū demonstrat.
 notat igitur ignobilitatē, cū ait, Ligus iste nescio
 qui. et, Ligus, nō ut familie Romanæ cognomē,
 sed ut nationis nomen posuit. supra, et pro domo
 sua, de aruspicum responsis. Additamentum:
 quia cum nouem tribunos pl. ante discessum suum
 Cicero habuisset, post discessum Ligus iste ex eo
 numero defluxit, seq; ad Clodij partes addidit.

COMMENTARIVS

ORATIO.

Res erat & caussa nostra eo iam loci , ut
erigere oculos , & uiuere uideretur .
quisquis erat , qui aliquam partem in
meo luctu sceleris Clodiani attigisset ,
quocūque uenerat, quod iudiciū cunque
subierat, damnabatur . inueniebatur ne-
mo , qui se suffragium de me tulisse confi-
teretur . decesserat ex Asia frater meus
magno squalore , sed multo etiam maio-
re mærore . huic ad urbem uenienti tota
obuiā ciuitas cū lacrymis gemituq; pro-
cesserat : loquebatur liberius senatus : cō-
currebāt equites R. Piso ille, gener meus,
cui fructum pietatis suæ neque ex me , ne-
que à populo R. ferre licuit , à propin-
quo suo socerum suum flagitabat : omnia
senatus reiiciebat , nisi de me primum
consules retulissent . quæ cum res iam
manibus teneretur ; & cum consules pro-
uinciarum pactione libertatem omnem
perdidissent ; qui cum in senatu priua-
tim , ut de me sententias dicerent , flagi-
tabātur , legem illi se Clodiam timere di-
cebant : cum hæc non possent iam diu-
tius sustineri , initur consilium de interi-
tu Cn. Pompeii . quo patefacto , ferroq;
deprehenso , ille inclusus domi tam diu
fuit , quàm diu inimicus meus in tribuna
tu

tu. de meo reditu octo tribuni promulgarant. ex quo intellectum est, non mihi absenti creuisse amicos, in ea presertim fortuna, in qua non nulli etiam, quos esse putaueram, non erant, sed eos uoluntatem semper eandem, libertatem non eandem semper habuisse. nam ex nouem tribunis, quos tunc habueram, unus me absente defluxit, qui cognomen sibi ex Aeliorum imaginibus arripuit, quo magis nationis eius esse, quam generis, uideretur. hoc igitur anno, magistratibus nouis designatis, cum omnes boni omnem spem melioris status in eorum fidem conuertissent, princeps P. Lentulus auctoritate ac sententia sua, Pisone & Gabinio repugnantibus, causam suscepit; tribunisque pl. octo referentibus, præstantissimam de me sententiam dixit. qui cum ad gloriam suam, atque ad ampliissimi beneficii gratiam magis pertinere uideret, causam illam integram ad suum consulatum referuari; tamen rem talem per alios citius, quam per se tardius, confici malebat.

COMMENTARIUS.

Qui aliquam partem in meo luctu &c. qui de mea pernicie cum Clodio sensisset. Quod iudicium cunque: sic et Terentius disiuncte locutus

COM MENTARI V S

cutus est: Cum quibus erat cunque una, his, sese dedere. Damnabatur: deesse uerbum suspicor. nam cum duas res proposuerit, Quocunque uenerat, quod iudicium cunque subierat: quorum alterum de Clodianis candidatis, alterum de iisdem aut accusatoribus, aut reis dictum est: consentaneum erat, ut duobus item uerbis sententiam clauderet, sic, repudiabatur, & damnabatur: ut et repulsam, & damnationem demonstraret, in quo ne quis me inani coniectura ductum uaticinari & insanire putet: locū recitabo ex oratione pro domo sua, qui meam opinionem satis, ut opinor, comprobabit. sic igitur in ea scriptum est. Itaque cum tu florens ac potens per medium forum popularis uolitares: amici illi tui, te uno amico tecti et beati, qui se populo commiserant, ita repellabantur, ut etiam Palatinam tuam perderent: qui in iudicium uenerant, siue accusatores erant, siue rei, te deprecante damnabantur. Satis ne patet ex his uerbis, & de ijs, qui magistratum peterent, & de ijs, qui in iudicium uenirent; Ciceronem intelligere? ibidem, paucis interiectis uersibus, hæc sequuntur. De hac igitur lege dicimus, quæ iure rogata uideatur: cuius quam quisque partem tetigit, digito, uoce, præda, suffragio; quocunque uenit, repudiatus, conuictusq; discessit. Repudiatus, inquit, à populo; conuictus, in iudicio. non temere igitur mutilum esse locum suspicamar; et ante uerbum,

Damna-

IN ORAT. PRO SEXTIO 81

Damnabatur, scribendum, Repudiabatur, aut,
 Repellebatur. utroque enim uerbo eadem de re
 usum esse Ciceronem in ea pro domo sua, demon-
 stratum est. Inueniebatur nemo &c. cum
 enim Clodij amicos à populo repudiari, à iudiei-
 bus damnari uiderent; negabant omnes suffra-
 gium se tulisse in illa rogatione, quam de me Clo-
 dius tulerat. Ex Asia: minore: quam procon-
 sulari imperio per triennium rexerat. Squalo-
 re: colendi corporis curam omittimus in dolore.
 inde squalor, perculsi animi signum. Mærore:
 mærore hic pro animi solitudine manifeste po-
 suit. alibi mærorem in corpore, dolorem in ani-
 mo significat, ut ad Atticum in quadam episto-
 la: Mærorem minui: dolorem non potui, nec,
 si possem, uellem. Loquebatur liberius
 senatus: liberius, quàm ratio temporum, aut
 consulum uoluntas ferret. Cui fructum &c.
 quia periit ante reditum Ciceronis. Neque à
 populo R. quia, si uixisset, honores ei petenti
 populus R. memor pietatis in meo casu declara-
 tæ, studiosissime mandasset. A propinquo
 suo: Pisone consule. Iam manibus tene-
 retur: metaphora sumpta ab ijs, qui eos, quos
 fugientes insecuti erant, affecuti, manibus pre-
 hensos tenent. item, inquit, mea res cum in ma-
 nibus iam esset, cum à senatu & à bonis summo
 studio ageretur; initur consilium de interitu Cn.
 Pompeij. Priuatum: à priuatis senatoribus,

L de

COMMENTARIVS

de mea salute laborantibus . Legem Clodiam :
in qua caput hoc erat , ne quis de Ciceronis reditu
referret , ne quis decerneret , ne disputaret , ne
loqueretur , ne pedibus iret in sententiam , ne
scribendo adesset . post reditum in senatu , & ad
Att . Ferro deprehenso : in uestibulo sena-
tus , in templo Castoris . nam uestibulum templi
pars fuit . atque hoc aperte in oratione pro Milone
significatur his uerbis . Comprehensus est in tem-
plo Castoris seruus P . Clodij , quē ille ad Cn . Pom-
peium interficiendum collocarat . extorta est con-
fitei sica de manibus . caruit foro Pōpeius postea ,
caruit senatu , caruit publico ; ianua se ac parieti-
bus , non iure legum iudiciorumq̃ ; , textit . & in-
fra . Insidiator erat in foro collocatus , atque in ue-
stibulo ipso senatus . & in eadē infra : Quando il-
lius postea sica conquieuit ? hæc insidiata Pom-
peio est . Quem locum exponens Pedianus , Pifone ,
inquit , & Gabinio consulibus , pulso Cicerone in
exilium , cum III . idus Sextilis Pompeius in
senatum uenit , dicitur , seruo P . Clodij sicam
excidisse . eaq̃ ; ad Gabinium consulem delata , di-
ctum est , seruo imperatum à P . Clodio , ut
Pompeius occideretur . Pompeius statim domum
rediit . ex eo domi tenuit . Et in ea in Pifonē : De-
prehensus cum ferro ad senatum is , quem ad Cn .
Pompeium interimendum collocatum fuisse con-
stabat . Dixit , Ad senatum , quia deprehensus
erat in uestibulo senatus : ut in ea pro Milone . et
pro

pro domo sua, Cn. Pompeium, inquit, foro, curiaq; priuauit, domumq; coniecit. Ex quo intellectum est &c. si quis animum in sententiam diligenter intendat, deesse negatiuam particulam intelliget. nam quia de reditu Ciceronis octo tribuni pro mulgarunt, cum eorum antea ferenti legem Clodio intercessisset nemo; poterat aliquis, absenti Ciceroni creuisse amicos, existimare. quod falsum esse arguit. non, inquit, mihi amici creuerunt, sed, cum antea idem pro me uoluissent, non idem tamen ausi sunt. & ipse se exponit, cum infert. Nam ex nouem tribunis, quos tunc habueram, unus me absente defluxit. legendum igitur sic opinor. ex quo intellectum est, non mihi absenti creuisse amicos, &c. Ex Aeliorum imaginibus: imagines maiorum seruabantur, cum in inscriptione praenominis, nominis, cognominis. dicit igitur; Aelium, cum inscriptiones imaginum perlegisset, inde cognomen Liguris accepisse: quo gente Aeliam usam esse iam diximus. quod etsi ob eam causam fecit, ut ab illis Aelijs Liguribus, clarissimis uiris, originem uideretur ducere: tamen, contra quam ille putauerat, euenisse ait Cicero, ut ex illo cognomine potius ex Ligurina natione, quam ex Aelia gente, putaretur esse. Princeps P. Lentulus: consules enim designati primo loco sententia dicebant. qua de re in libro de senatu dictum est. Auctoritate: quam habebat,

COM M E N T A R I V S .

Et quia magistratus gesserat, et quia consul erat designatus. est enim in eo, qui magistratum gerit, potestas, in eo, qui gesturus est, auctoritas, itaque in oratione in Pisonem de Q. Metello consule designato dixit: Ille designatus consul, cum quidam tribunus pl. suo auxilio magistratos ludorum ludos contra senatus consultum facere iussisset, priuatus uetuit, atque id, quod nondum potestate poterat, obtinuit auctoritate.

O R A T I O .

Hoc interim tempore P. Sextius, iudices, designatus iter ad C. Cæsarem pro mea salute suscepit. quid egerit, quantū profecerit, nihil ad causam. equidem existimo, si ille, ut arbitror, æquus nobis fuerit, nihil ab hoc profectum; sin iratior, non multum. sed tamen sedulitatem, atque integritatem hominis uidetis. Ingredior iam in Sextii tribunatum. nam hoc primum iter designatus reip. causa suscepit. pertinere & ad concordiam ciuium putauit, & ad perficiendi facultatem, animum Cæsaris à causa non abhorre. Abiit ille annus. respirasse homines uidebantur, nondum re, sed spe reip. recuperandæ. exierunt malis ominibus, atque execrationibus duo uulturii paludati: quibus utinam ipsis euenissent ea, quæ tum homines precabantur; neque nos prouin-

prouinciam Macedoniam cum exercitu,
neque equitatum in Syria, & cohortes
optimas perdidissemus, ineunt magistra-
tum tribuni pl. qui omnes de me promul-
gatos confirmarant, ex his princeps
emitur ab inimicis meis is, quem homi-
nes in luctu irridentes Gracchum uoca-
bant: quoniam id etiam fatum ciuitatis
fuit, ut illa ex uepretulis extracta nitedu-
la remp. conaretur arrodere. alter uero,
non ille Serranus ab aratro, sed ex deser-
to Gaii Oleli horreo, calatis granis, in
* Calatinos ac Lelios insitus, subito, no-
minibus in tabulas relatis, nomen suum
de tabula sustulit.

COMMENTARIUS.

*Designatus: non paucis in libris manuscriptis le-
gitur, iudex designatus, sed mendose. nam Sex-
tium significat Cicero non iudicem designatum,
sed tribunum pl.: quod nemini, qui paulo sit hu-
manior, ignotum existimo: cum tribunus pl. fue-
rit Sextius eodem anno, quo P. Lentulus consul:
ut, eodem anno designatum utrumque fuisse, ne-
cesse sit, mendi causa fuit, quod, Designatus,
unica dictio posita est, magistratus nomine præ-
termisso. Equidem existimo: plus est in hac
periodo artificij, quam fortasse aliquis opinetur.
cum enim, ut Sextij beneficium in se maximum
ostenderet, quod quidem ab hac narratione, & ab*

L 3 ipsa

COMMENTARIUS

ipsa causa alienum non erat ; posset dicere , iter illius in Galliam ad Caesarem magnopere fructuosum fuisse : non dicit tamen , & de industria rem implicat , ut neque affirmet , neque neget : callide sane , & ingeniose . nam , si profecisse eo itinere affirmaret ; Caesarem sibi antea fuisse inimicum ostenderet : quod pugnaret cum illis verbis , quae supra posuit , cum dixit : Ipse autem Caesar , quem maxime ignari homines veritatis mihi esse iratum putabant , erat ad portas . Sin profecisse Sextium negaret , uel quod iratum Caesarem non inuenerit , uel quod ita iratum , ut placari non potuerit ; inanem , & inutilem illam profectionem significaret . cum igitur ad utranque partem offensionem uideret , quod incurere , uel si affirmaret , uel si negaret , cogeretur : ad artem confugit ; rationemque , ut neque affirmaret , neque negaret , iniuit , hanc scilicet , ut dubitatione , quae inter affirmationem & negationem media est , uteretur . dixit igitur , Equidem existimo , si ille , ut arbitror , aequus nobis fuerit , nihil ab hoc profectum ; sin iratior , non multum . Verum dubitabit aliquis : cur , cum Sextij profectionem Cicero neque fructuosam uelit ostendere , neque negare ; tamen potius in eam partem inclinat , ut neget , quam ut affirmet ? imminuit enim dubitationem , cum ait , ut arbitror . Respondeo . quia nihilo minus laudatur Sextius , etiam si nihil profecerit . uoluntas enim

enim ipsa, & sedulitas laudabilis est. Pendet autem potius Cicero in hanc partem, in qua ita Caesari gratificatur, cum sibi equum fuisse indicat, ut Sextij tamen laudem non imminuat; quam in eam, in qua, si Caesarem iratum fuisse significaret, Sextij quidem in se beneficium auget, utilitate profectionis illius demonstrata, verum Caesaris animum posset offendere: cum in amicitia praeteriti odij commemoratio displiceat. Sedulitatem: quod iuerit ad Caesarem. Integritatem: quod in Ciceronem, hoc est in ipsam rempublicam, optime fuerit animatus. laborem enim pro eo, quem non diligit, nemo fere suscipit. Concordiam ciuium: nam si cum Clodio consentiret Caesar, haud paulo plus in restituendo Cicerone contentionis fuisset. causam autem Ciceronis non aperte Caesar inuit, ne Clodium, hominem popularem, & factiosum, contra se irritaret: inuit tamen, ut illa uerba demonstrant in epistola ad Lentulum: Sese, quae de mea salute egisset, uoluntate Caesaris egisse, ipsum meum fratrem testatus est. Ille annus: quo Piso et Gabinius consules fuerunt. Exierunt: in provincias euntes, Piso in Macedoniam, Gabinius in Syriam. Vulturii: Vultures inter infasti ominis animalia numerantur. sic Piso, & Gabinius, quasi mali ominis aues, calamitatem reipublicae, quae consecuta est, portendere uidebantur. Neque nos: significat, non ipsis euenisse ea, quae ho-

COM M E N T A R I V S .

mines exeuntibus precabantur, sed reipublicæ,
de prouinciis consularibus, in Pisonem. Ineunt
magistratum: I I I I. Idus Decembris. Dio-
nysius, Linius. Gracchum uocabant: Grac-
chus & Quinctiæ gentis, & Sempronie cogno-
men fuit. hic Numerium Quinctium, de quo in-
fra mentio fit, significat: & cognomen Gracchi
ad irrisiōem transfert: quod in homine sibi ini-
mico, nec alioqui satis insigni, tam honorificum
cognomen non libenter agnoscat. forte autem il-
le, qui se Ti. Graccho natum simulabat, ex cogno-
mine occasionem arripuit, quod Gracchus uoca-
retur: quanquam non esset de Semproniiis, sed de
Quinctiis. appellat enim eum Quinctium scri-
ptor libri de uiris illustribus: & Valerius Maxi-
mus duobus libris, I I I. & I X. ter Equitiū nomi-
nat: etsi nō Valerii, sed librarii mendū puto fuisse:
cum, Quinctius, non Equitius, uideatur legen-
dum. eundem & Cicero in oratione pro C. Rabi-
rio perduellionis reo Gracchum uocat. Nitedu-
la: uenuste cum perpusillo animali nitedula Nu-
merium comparat, ut contemptissimum & infir-
mæ sortis hominem significet, qui rempublicam
tamen, fato quodam, laeserit. Alter: emitur.
Serranus: de Sex. Atilio Serrano loquitur.
quem ne putetis, inquit, Caio illi Serrano, quem
serentem dati honores inuenerunt, cui à seren-
do agro cognomen est inditum, præstantissimo
uro, similem esse. non hic ab illo Serrano, cuius
cognomen

cognomen refert, originem ducit: sed, cum Gaii cuiusdam Oleli filius esset, ab inopi ac uacuo patris horreo in Atiliam familiam per adoptionem transiit. quòd quasi iure quodam factum est. nam cum in deserto illo Gaii horreo ita pauca grana essent, ut calarentur, hoc est uoce numerarentur: (paucitas enim mensuram non requirebat:) merito hic eius filius à calatis granis in eam familiam, quæ Calatini cognomen habet, insitus est. fuisse autem è gente Atilia Calatinos, uetera monumenta declarant. Ac Lelios: Atilios, relius: è qua gente Calatini suere. Subito, nominibus in tabulas relatis: subito, dixit, quasi nemo ita fore existimasset: cum Atilia illustri gente Gaius, homo teterrimus ac turpissimus, minime dignus iudicaretur. uel, subito, quasi occulte, & fraude aliqua in Atiliam gentem irrepserit. In tabulas: quo in libro Gaii nomen, cum prænominem, & cognominem, fuerat; ex eo libro priora nomina sustulit; & reposuit, Sex. Atilius Serranus. nomina autem hic Cicero dixit, pro prænominem, nomine, cognomine. quo modo & Plutarchus tria nomina dixit esse, Marcus, Tullius, Cicero: quorum primum prænomen, alterum nomen, tertium cognomen proprie uocantur. alibi nomen usurpatur pro familia. Nomen suum: Gaius. uel, si nomen et hic prolixius accipias, Gaius Olelus cum eo prænominem, quo ante usus erat, de tabula sustulit.

O R A

VENIUNT kalendæ Ian. uos hæc melius
scire potestis : equidem audita dico : quæ
tum frequentia senatus , quæ expectatio
populi , qui concursus legatorum ex Ita-
lia cuncta , quæ uirtus , actio , grauitas P.
Lentuli consulis fuerit , quæ etiam colle-
gæ eius moderatio de me : qui cum inimi-
citas sibi mecum ex reip. dissensione su-
sceptas esse dixisset , eas se patribus con-
scriptis dixit , & temporibus , & reip. per-
missurum . tum princeps rogatus senten-
tiam L. Cotta , dixit id , quod dignissimū
rep. fuit ; nihil de me actum esse iure , nihil
more maiorum , nihil legibus : non posse
quenquam de ciuitate tolli sine iudicio :
de capite non modo ferri , sed ne iudica-
ri quidem posse , nisi comitiis centuria-
tis : uim fuisse illam , flammam quassatæ
reip. perturbatorumq; temporum , iure ,
iudiciisq; sublati : magna rerum permu-
tatione impendente declinasse me paulu-
lum , & spe reliquæ tranquillitatis præsen-
tes fluctus , tempestatemq; fugisse : qua-
re , cum absens rep. non minus magnis
periculis , quàm quodam tempore præ-
sens , liberaßem , non restitui me solum ,
sed etiam ornari à senatu decere . dispu-
tauit etiam multa prudenter : ita de me il-
lumi

lum amentissimum, & profligatissimum
hostē pudoris, & pudicitiae scripsisse, quæ
scripserat, iis uerbis, rebus, sententiis,
ut, etiam si iure esset rogatum, tamen
uim habere non posset: quare me, qui nul-
la lege abessem, non restitui lege, sed reuo-
cari senatus auctoritate oportere. hunc,
nemo erat, quin uerissime sentire dice-
ret. sed post eum rogatus Cn. Pompeius,
approbata laudatâq; Cottæ sententia, di-
xit, sese ocii mei causa, ut omni popula-
ri concitatione defungerer, censere, ut
ad senatus auctoritatem populi quoque
R. beneficium erga me adiungeretur.

COMMENTARIUS.

Kalendæ Ian. quo die magistratum consules inibāt.
Melius scire: nam ego tum aberant: nos affui-
stis. Frequentia senatus: cum eo die de Cice-
rone actum iri Lentulo consule non ignorarent.
Moderatio: cum enim Q. Metellus & P. Clo-
dij frater esset, & inimicitias cum Cicerone exer-
cuisset, qui etiā tribunus pl. consulatu abeuntem
cōcionis habendæ potestate priuaret: tamen, Len-
tulo referente, moderatione quadam usus, sese
continuit, inimiciis reipublicæ remissis. Et
temporibus, & reip. malim, & temporibus
reipublicæ: quod reipublicæ tempora ita ferrent.
aut, si lectionem impressam retinemus, additum,
Et reipublicæ, à Cicerone putandum est, ut quasi
exponeret

COMMENTARIUS.

exponeret illud, Et temporibus, quæ enim tempora, nisi reipublicæ, potuit intelligere? Princeps: non, quod esset & consularibus antiquissimus: nam triennio ante illum P. Servilius Isauricus consul fuerat: sed antiquissimus eorum consularium, qui tum erant in senatu. opinor enim, eo die Isauricum non affuisse, nondum autem designatos consules fuisse, qui sententias primi rogabantur, satis liquet, cum essent calendæ Ianuarij. Nihil de me &c, hoc scripsit & in oratione pro domo sua, & de legibus libro III. More maiorum: qui optimis reipublicæ temporibus ualuit ut lex. de legibus libro I I. Non modo ferri: si ferenda lex de capite; ferri centuriatis comitiis necesse fuit: sin non dico ferenda lex, sed, quod iustius uidetur, ante iudices de capite ciuis disceptandum; neminem, nisi populum Romanum centuriatim coactum, oportuit iudicare. dicuntur autem comitia non modo cum ad magistratus creandos, sed etiam cum ad legem sciendam, aut de ciue iudicandum populus conuenit. quod in libro de legibus demonstratum est. Flammam quassatæ reipublicæ: quid simile est inter, Flamma, et Quassatæ? uitium hic uidebitur imperitis: quia duorum generum in eadem periodo metaphoræ dammantur. uerum, non est uitium, sed est potius absolutæ metaphoræ lumen et ornamentum. tunc enim est perfecta metaphora, cum & causam simul, & quod ex causâ fit, comple-
Etitur:

Etitur: ut si dicas: Ex illo morbo languet respu-
 blica: fructus uberrimos ex his seminibus licet ex-
 pectare: in tempestate reipublicæ naufragium fe-
 cit. item hic, cum ex motu uehementi excitetur
 ignis, recte, & eleganter; quassata republica
 flammam illam, qua ipse perustus est, extitisse
 demonstrat. Impendente: pulcherrima tral-
 latio, Impendente, Declinasse, Tranquillitatis,
 Fluctus, Tempestatem. nam, Fugisse, neque
 cum hac una metaphora conuenit: dicimus enim
 &, flammam fugit illorum temporum; &
 communem ciuitatis pestem fugit: neque ad me-
 tum impendentis rei duntaxat, sed ad ea quoque,
 quæ æquo loco sunt, accommodatur. Absens:
 quia discessit, ne inter ciues cōtentio excitaretur.
 Præsens: cum in consulatu meo exortam & e-
 rumpentem coniurationem compressi, atque ex-
 tinxi. Verbis, rebus, sententiis: lex in-
 firmatur à se ipsa, cum in ea, quod non licet, scri-
 ptum est. in oratione pro domo sua. Etiam si
 iure: etiam si de mea pernicie iure rogaretur,
 ipsa tamen scriptione uim legis amitteret. Cn.
 Pompeius: secundo loco rogatus est dignitatis
 causa, non quòd esset post Cottam consularium
 uetustissimus. nam ante illum consulatum gesse-
 rant, qui tum uiuebant, M. Lucullus, & L. Gel-
 lius. nisi si, non eo die fuisse eos in senatu, ali-
 quis dixerit. Defungerer: liberarer: ne quis
 tribunus pl. aliquādo concitandi in me populi oc-
 casionem

COMMENTARIVS

*caſionem haberet, quia me, lege eiectum, ſine
lege reſtitui non potuiſſe diccret.*

O R A T I O.

C V M omnes certatim, aliusq; alio grauius,
atque ornatiſſe de mea ſalute dixiſſet, ſie-
retq; ſine ulla uarietate diſceſſio: ſurre-
xit, ut ſcitis, Atilius hic Gauianus: nec
auſus eſt, cum eſſet emptus, intercede-
re: noctem ſibi ad deliberandum poſtula-
uit. Clamor ſenatus, querelæ, preces, ſo-
cer ad pedes abiectus. ille ſe affirmare po-
ſtero die moram nullam eſſe facturũ. cre-
ditum eſt: diſceſſum eſt. illi interea delibe-
ratori merces, longa interpoſita nocte,
duplicata eſt. cõſecuti dies pauci omni-
no Ianuario mēſe, per quos ſenatum ha-
beriliceret: ſed tamen actum nihil, niſi
de me. cum omni mora, ludificatione,
calumnia, ſenatus auctoritas impedire-
tur, uenit cõſilii de me agendi dies, vii i.
kal. Febr. princeps rogationis, uir mihi
amiciffimus, Q. Fabricius templum ali-
quanto ante lucem occupauit. quietus
eo die Sextius, is qui eſt de ui reus. actor
hic deſenſorq; cauſæ meæ nihil progredi-
tur, conſilia expectat inimicorum meo-
rum. quid illi, quorũ conſilio P. Sextius
in iudicium uocatur, quo ſe pacto gerũt?
cum forum, Comitium, curiam multa de
nocte

nocte armatis hominibus, ac seruis ple-
risque occupauissent; impetum faciunt
in Fabricium; manus afferunt; occidunt
non nullos; uulnerant multos; ueniētem
in forum uirum optimum, & cōstantissi-
mum, M. Cispium, tribunum pl. ui depel-
lunt; cædem in foro maximam faciunt;
uniuersiq; districtis gladiis, & cruentis, in
omnibus fori partibus fratrem meum, uiuum
optimū, fortissimū, meiq; amantissimū,
oculis quærebant, uoce poscebant.

COMMENTARIVS.

Gravius, atque ornatius: *sententias*, et uerba
significat: quibus eloquentiam definimus. non
enim eloquens est, cuius in oratione aut sententia-
rum grauitas, aut uerborum elegantia desidera-
tur. Ut sciatis: uel, ut sciatis, in contemptum
Atilij: uel, ut scitis, lege: quia dixit iam, uos hæc
melius scire potestis. Gaiianus: uetus nomen
in anus producebant ij, qui adoptabantur. quod
alibi quoque docuimus. Socer: Cn. Oppius. post
reditum ad Quirites, & ad Atticum libro IIII.
Longa nocte: mense Decembri. Dies pauci:
quia nec à kalendis Ianuarii ad xviii. kal. Febr.
quotidie senatum haberi licet, propter dies comi-
tiales; nec unquam à xviii. kal. Febr. ad ka-
lendas Febr. propter legem Pupiam. epist. fam.
lib. I. ad Quinctum fratrem lib. II. Calumnia:
cum falsa quædam ad moram interponendam af-
ferrentur.

COM M E N T A R I V S .

ferrentur . sic epistola 1. ad Lentulum , Calum-
 niam religionis , dixit , cum falsam religionis in-
 ductionem significaret . Senatus auctoritas :
 alibi senatus auctoritas dicitur ea , quæ ne sena-
 tusconsultum esset , tribunorum pl. intercessione
 factum erat . de quo diximus in libro de senatu .
 hic , senatus auctoritas , est senatus summa uolun-
 tas : cum senatus consultum de Ciceronis reditu
 factum cunctus senatus magnopere uellet , impe-
 diebatur autem mora ; ut , cum Atilius noctem
 sibi ad deliberandū postulauit : ludificatione ; ut ,
 cum promisit se postero die moram nullam esse fa-
 cturum , nec tamen , quod promiserat , præstitit :
 calumnia ; ut , cum falsæ causæ differendi gratia
 pro ueris adducerentur . Venit consilii de me
 agendi dies : promulgata enim lege , expecta-
 uerat Fabricius , ut trinumidinum præteriret . nō
 enim ante legem ferre licebat . & , Consilii agen-
 di , dixit , pro populi conuocandi , ut promulgata
 lex ferretur . proprie enim de creādis magistrati-
 bus comitia dicuntur ; de sciscendis legibus , de ci-
 uibus indicandis , κατὰ χρευσικῶς : contraq̃ ; de le-
 gibus , & de ciuibus consilium proprie uocatur ;
 de magistratibus , non item . sic in ea post reditum
 in senatu , Legem , inquit , tribunus pl. tulit , ne
 auspiciis obtemperaretur ; ne obnunciare consilio ,
 aut comitiis , ne legi intercedere liceret . Tem-
 plum : augurata loca templa dicebantur : ob id
 puto hic templi nomine Rostra significari . quod

ne

ne nouum, & insolens uideatur, uerba subscribe-
 mus, quæ sunt in oratione in Vatinius: cum L.
 Vettium, ait, in concionem produxeris; indicem
 in Rostris, in illo, inquam, augurato templo, ac
 loco collocaris. Præterea in hac ipsa pro Sextio,
 tribunos pl. ferro è Rostris expulsos à Clodio, tra-
 dit: cum Q. Fabricium manifeste significet. Hic:
 non Sextius, sed Fabricius. cum enim dicat, Hic
 nihil progreditur: consilia expectat inimicorum
 meorum: hæc ad Fabricium pertinere, dubium
 non est: siquidem & de eodem paulo post illa uer-
 ba subiunguntur: Nullo uerbo facto, nulla con-
 cione aduocata, nulla lege, concitatam noctur-
 nam seditionem quis audiuit? Quid illi: de Clo-
 dianis dici manifestum est. accusatum enim à Mi-
 lone Cladium, quod cædem cum gladiatoribus in
 foro fecisset, Dio libro xxxix. scriptum reliquit
 & de gladiatoribus, quos Appius prætor Clodio
 fratri commodauit, infra bis significatur. M. Ci-
 spium: in oratione post reditum in senatu le-
 gitur, Mosopius: cum legendum sit, ut quidem ego
 arbitror, M. Cispus. & in oratione pro Plancio,
 pro, Crispio, non dubito quin reponendum sit,
 Cispio: primum, quod Crispian familiam inter
 Romanos nominatam non inueni: deinde, quod,
 cum in oratione pro Plancio bene de se meritum
 appellet, conuenire hoc in M. Cispium, qui tri-
 bunus pl. Ciceronis causam tutatus erat, merito
 uidetur: postremo, quod, cum in eadem pro Plan-
 cio,

COM MENTARIVS

cio, simulates eum, quas cum ipso habuerat, de-
posuisse dicat, suæq; salutis non modo non oppu-
gnatorem, sed etiam defensorem fuisse; hoc ipsum
quoque in Cispium optime quadrat: de quo sic in
ea post reditum in senatu: Quid M. Cispus? (sic
enim potius, ut dixi, quàm, Mosopius, lego) cui
ego ipsi, parenti, fratriq; eius sentio quantum de-
beam: qui, cum mea sententia uoluntas eorum in
priuato iudicio esset offensa, publici mei beneficii
memoria priuatam offensionem oblitterauerunt,

O R A T I O.

Q V O R V M ille telis libenter in tanto luctu,
ac desiderio mei, non depugnandi, sed
moriendi causa, corpus obtulisset suum,
nisi suam uitam ad spem mei reditus reser-
uasset. subiit tamen uim illā nefariā con-
sceleratorum latronum: & cū ad fratris
salutem à populo R. petendam deprecandamq;
uenisset, pulsus è Rostris, in Co-
mitio iacuit, seq; seruorū & libertorum
corporibus obtexit, uitamq; tum suam
noctis, & fugæ præsidio, non iuris, iudi-
ciumq; defendit. meministis tum iudi-
ces corporibus ciuium Tiberim comple-
ri, cloacas refeciri, è foro spongiis ef-
fingi sanguinem: ut omnes tantam illam
copiam, & tam magnificum apparatus
non priuatum, aut plebeium, sed patri-
cium, & prætorium esse arbitrarentur: ni-
hilq;

IN ORAT. PRO SEXTIO. 90

hilq; neque ante hoc tempus, neque hoc ipso turbulentissimo die criminationis esse in Sextium. atqui uis in foro uersata est. certe: quando enim maior? lapidationes sæpe uidimus; non ita sæpe, sed nimium tamen sæpe gladios; cædem uero tantam, tantos acervos corporum extructos, nisi forte illo Cinnano, atque Octauiano die, quis unquam in foro uidit? qua ex concertatione animorum? nam ex pertinacia, aut constantia intercessoris oritur sæpe seditio, culpa, atque improbitate latoris, commodo aliquo imperitis, aut largitione proposita; oritur ex concertatione magistratuum; oritur sensim ex clamore primum, deinde aliqua dissensione concionis; uix, sero, & raro ad manus peruenitur: nullo uero uerbo facto, nulla concione aduocata, nulla promulgata lege, concitatam nocturnam seditionem, quis audiuit? an uerisimile est, ut ciuis R. aut homo liber quisquam cum gladio in forum descendere ante lucem, ne de me ferri pateretur, præter eos, qui ab illo pestifero, ac perduto ciue iam pridem reip. sanguine faginantur?

COMMENTARIUS.

eruorum, & libertorum: *si ita legas, seruos &*

M 2 libertos

COMMENTARIVS

libertos de Clodiano exercitu accipiemus : quasi omnes aut serui , aut liberti fuerint . quod si probamus; apparebit , eos , qui cæsi sunt , quorum se Quinctus corporibus textit , Clodianos omnes fuisse . quod aperte falsum uidetur . non enim multi de Clodianis , sed ab ipsis multi sunt interfecti . itaque iam dixit , cædem in foro maximam faciunt ; uniuersiq; districtis gladiis & cruentis , in omnibus fori partibus fratrem meum oculis querebant , uoce poscebant . quo planum sit , non uictam esse Clodij manum , sed uictricem fuisse . quocirca , ut significetur , ex utraque parte caesorum in foro corpora iacuisse ; legendum crederem , seruorum , & liberorum : quod in ea dimicatione tum serui de Clodiana factione , tum liberi de bonorum parte sint occisi . Effingi : exprimi . corrigitur locus è Seruij Honorati in Virgilium commentario . nam antea pro effingi , effundi uulgaris in libris legebatur . eadem est eiusdem uerbi apud Afranium significatio . Accedo , inquit , ad te , ut tibi ceruicem fingam linteo . Tantam illam copiam : quãtam fuisse eam constat , quæ cædem in foro maximam fecit . copiam enim pro multitudine hominum posuit . Magnificum apparatus : non casu ad manus uentum esse significat , sed apparatu iam ante facto : quem magnificum appellat in Appium prætorem , Clodij fratrem , iocans : quod exiguus apparatus esse non posset , quem prætor adornasset . non à priuato,

uato, inquit, homine, aut plebeio, hoc est à P. Clodio, qui tum & priuatus, & plebeius erat, hæc armata manus est; sed à patricio, & pratorio, hoc est ab Appio Pulchro; qui & patriciæ gentis erat, & præturam eo anno gerebat. hic enim gladiatores eos, quos in funere Marci propinqui sui daturus erat, P. Clodio fratri suo commodauit. quod non obscure significatur infra; ubi hæc sunt: Gladiatores ex prætoris comitatu comprehensi, in senatum introducti, confessi, in uinacula coniecti à Milone, missi à Serrano. Sed clarissime hæc tota res narratur à Dione libro xxxix. Nimum tamen sæpe: ut Gracchanis primum, deinde Marianis temporibus. Cinnano: cum inter Cinnam & Octauium consules in urbe pugnatum est. Appianus libro ii. Peditanus 69: Concertatione: cædem illam tantam, quæ in foro facta est, qua ex concertatione natam uidimus? nulla scilicet. nullam enim aut Fabricius, aut Cispinus occasionem pugne committendæ præbuerunt. Pertinacia, aut constantia: pertinacia, cum interceditur salutari legi: constantia, cum perniciosæ. Nullo uerbo facto: hoc iam ostendit; cum dixit de Fabricio: Nihil progreditur: consilia expectat inimicorum meorum. Sanguine saginantur? simili metaphora de iisdem usus est in ea pro Milone. Vnum, inquit, genus est aduersum infestumq; nobis, eorum, quos P. Clodij furor rapi-

COMMENTARIVS

*nis, & incendijs, & omnibus exitijs publicis
pauit.*

ORATIO.

Hic iam de ipso accusatore quæro, qui P.
Sextium queritur cum multitudine in tri-
bunatu, & cum præsidio magno fuisse,
num illo die fuerit? certe non fuit. uicta
igitur est causa reip. & uicta non auspi-
ciis, non intercessione, non suffragiis,
sed ui, manu, ferro. nam si obnunciasset
Fabricio is tribunus pl. qui seruasse de cæ-
lo diceret: accepisset resp. plagam, sed
eam, quam acceptam gemere posset. si in-
tercessisset collega Fabricio, laxasset rep.
sed remp. iure laxasset. gladiatores tu no-
uitos, pro expectata ædilitate supposito-
tos, cum sicariis è carcere emis sis ante
lucem in forum immittas? magistratus
templo deiicias? cædem maximam fa-
cias? forum purges? & cum omnia ui &
armis egeris, accuses eum, qui se præsi-
dio munierit, non ut te oppugnaret, sed
ut uitam suam posset defendere? atqui ne
ex eo quidem tempore id egit Sextius, ut
à suis munitus, tuto in foro tum magi-
stratum gereret, remp. administraret.
itaque fretus sanctitate tribunatus, cum
se non modo contra uim, & ferrum, sed
etiam contra uerba, atque intercessio-
nem

nem legibus sacratis esse armatum putaret; uenit in templum Castoris, obnunciavit consuli: cum subito manus illa Clodiana, in eade ciuium saepe iam uictrix, exclamat, incitatur, inuadit: inermem atque imparatum tribunum alii gladiis adoriuntur, alii fragmentis septorum, & fustibus: à quibus hic multis uulneribus acceptis, ac debilitato corpore, & contrucidato, se abiectus exanimatus, neque ulla alia re ab se mortem, nisi opinione mortis, depulit.

COMMENTARIUS.

auspiciis: &c. lex enim uel auspicijs, & intercessione impeditur; uel suffragijs antiquatur: quæ in Fabricij lege facta non sunt. ui, manu, ferro acta res est. Obnunciasset: impediendæ legis duo genera sunt, obnuntiatio, & intercessio. utrunque ponit. Acceptam gemere posset: minorem, quàm accepit. minor enim est plaga, cum obnuntiatione, aut intercessione, quàm cum ui & armis res publica uincitur. ita graue uulnus, inquit, illatum est reipublicæ, ut ex eo statim occiderit, ut ne gemitum quidem edere potuerit. tralatio à uulnere ad damnum. Iure læsisset: non quòd iure intercessisset, sed quòd intercedens, legitimo & iusto impedimenti genere usus esset. Gladiatores nouitios: habuit igitur Clodius non eos modo gladiatores, quos ei frater Appius

M 4 dedit;

COMMENTARIUS

dedit; de quibus iam dictum est; sed eos etiam, quos ipse sibi adilitatis causa comparavit. ædiles enim ludos, & munera gladiatoria populo dabant. Suppositos: fraudem Clodii notat: qui gladiatores emit, non tam ut eos, quemadmodum simulabat, anno adilitatis suæ populo daret, quam ut ad cædem faciendam in forum immitteret. suppositos igitur, per fraudem inductos, malo consilio paratos: cum aliud Clodius in sermone ostenderet, aliud in animo cogitaret. Carcere emissis: à tribuno pl. P. Clodio. Magistratus: Fabricium intelligit, supra. & est artis oratoriae, numero multitudinis uti pro singulari. augetur enim quodam modo res. Aristoteles rhetoricorum lib.III. Purges? mendosa dictio, nā, purgare forum, infamiam non habet. quid si, Spurces, unius litteræ adiectione, legas? nam inter G & C, si, quo modo veteres scribebant, ut maiusculas consideres, minimum differt. spurcatum autem casorum hominum sanguine forum intelligemus: & ad illud, quod supra dictum est, optime referetur, Meministis è foro spongiis effingi sanguinem. Ne ex eo quidem tempore: tempus illud significat, de quo proxime dixit, cum Fabricius de templo deiectus. Cispinus depulsus, cædes facta maxima. Intercessionem: hoc falsum est: nam tribuno pl. intercedi à collega leges non uetabant. aut igitur, Intercessionem, exponendum est, non tribunorum pl. sed reliquorum

rum magistratum : quam tamen opinionem uix probari posse crediderim : quando enim tribuno pl. legem ferenti consulem , aut prætorem , aut ullum omnino magistratum , præter tribunum pl. intercessisse legimus ? aut correctione utendum ; ut aliquid à uetere scriptura non alienum excogitetur . certe , quod ad sententiam attinet , quam ego in emendandis locis potissimum soleo considerare , aliquid uidetur esse reponendum , quod & minus , quàm , uis , & plus , quàm , uerba , significet . Consuli : Metello , legem aliquam ferenti , quam Sextius minus è re publica iudicaret . non enim hoc ad Ciceronis causam pertinuit . contra quem nihil egisse Metellum in consulatu , satis constat . iam enim odium suum in Ciceronem reipublicæ largitus erat .

O R A T I O .

QVEM cum iacentem , & concisum plurimis uulneribus , extremo spiritu , exanguem , & confectu uiderent , defatigatione magis , & errore , quàm misericordia , & modo , aliquando cedere destiterunt . & causam dicit Sextius de ui ? quid ita ? quia uiuit . at id non sua culpa . plaga una illa extrema defuit : quæ si accessisset , reliquum spiritum exhausisset . accusa Lentidium : non percussit locum . male dicito Sabino , homini Reatino , cur tam temere exclamarit occisum . ipsum uero quid accusas ?

COM MENTARIVS

accusas? num defuit gladiis? num repugnauit? num, ut gladiatoribus imperari solet, ferrum non recepit? an hæc ipsa uis est, non posse emori? an illa, quòd tribunus pl. templum cruentauit? an, quòd, cum esset ablatus, primumq; resipuisset, non se referri iussit? ubi est crimen, quod reprehenditis? hic quæro iudices: si illo die gens ista Clodia, quod facere uoluit, effecisset; si P. Sextius, qui pro occiso relictus est, occisus esset; fuistis ne ad arma ituri? fuistis ne uos ad patrium illum animum, maiorumq; uirtutem excitaturi? fuistis ne aliquando remp. à funesto latrone repetituri? an etiam tum quiesceretis, cunctaremini, timeretis, cum remp. à facinorosissimis sicariis, & à seruis esse oppressam, atque occupatam uideretis? cuius igitur mortem ulcisceremini, si qui dem liberi esse, & habere remp. cogitaretis; de eius uirtute uiui quid uos loqui, quid sentire, quid cogitare, quid iudicare oporteat, dubitandum putatis?

COM MENTARIVS.

Errore: quia mortuum putarent. Locum: quem ad inferendam necem percuti oportuit. uel, Loco, ubi opus fuit. uetus enim locutio, loco dicere, loco insanire. Gladiatoribus: qui cum in arena pugnant populo non satisfecerint, lanista

nista eorum magister ceruicem dare iussos interfecit. Tribunus pl. Sextius. Templum: Castoris: in quo obnunciavit consuli.

O R A T I O.

AT uero ipsi paricidæ, quorum effrænatu furor alitur impunitate diuturna, adeo uim facinoris sui perhorruerant, ut, si paulo longior opinio mortis Sextii fuisset, Gracchum illum suum, transferendi in nos criminis causa, occidere cogitarent. sensit rusticulus non incautus (neque enim homines nequam tacere potuerunt) suum sanguinem quæri ad restinguendam inuidiam facinoris Clodiani: mulionicam penulam arripuit, cum qua primū Romam ad comitia uenerat: messoria se corbe contexit: cum quærerent alii Numerium, alii Quinctium, gemini nominis errore seruatus est. atque hoc scitis omnes, usque adeo hominē in periculo fuisse, quoad scitum sit Sextiū uiuere. quod nisi esset patefactum, paulo citius, quam uellem; non illi quidem morte mercenarii sui transferre potuissent inuidiam in quos putabant; sed acerbissimi sceleris infamiā grato quodā scelere minuissent. ac si tunc P. Sextius, iudices, in templo Castoris animam, quam uix retinuit, edidisset: non dubito, quin, si modo esset in rep.

COMMENTARIVS

rep. senatus, si maiestas populi R. reuixisset, aliquando statua huic ob remp. interfecto in foro statueretur. nec uero illorum quisquam, quos à maioribus nostris morte obita positos in illo loco, atque in Rostris collocatos uidetis, esset P. Sextio, aut acerbitate mortis, aut in rep. animo, praponendus, qui, cum causam, ciuis calamitosi, causam amici, causam bene de rep. meriti, causam senatus, causam Italiae, causam reip. suscepisset, cumq; auspiciis, religioniq; parens obnunciaret, quod senserat; luce, palam, à nefariis peccatis, in deorum hominumq; conspectu, esset occisus, sanctissimo in templo, sanctissima in causa, sanctissimo in magistratu.

COMMENTARIVS.

Gracchum: *Numerium Quinctium Gracchum, quem Clodiani occidere cogitarunt, ut à Sextianis interfectus putaretur. Transferendi criminis: ut ex tribuni pl. morte inuidiam in nos concitarent, eam, quam è Sextij morte ipsi metuebant. Ad comitia: ignobilem, & in agro educatum Numerium significat. Gemini nominis: & hic praenomen Numerii nomen appellat, ut supra. Acerbissimi sceleris: in occidendo Sextio commissum. Grato scelere: scelus esset, Numerium occidere, quia tribunus pl. erat: sed gratum ciuitati scelus, quia ciuis improbus.*

probus. Reuixisset: perijisse enim uidebatur,
 cum Clodij furor dominaretur. In Rostris col-
 locatos: apparet, plures statuas eorum, qui
 pro republica mortem obicrant, in Rostris fuisse:
 tamen in 1 x. Philippica unam Cn. Octauij nomi-
 nat. nam de quatuor legatis à Larte Tolumnio,
 Veientum rege, interfectis, cum ait, Quorum
 statuae in Rostris steterunt usque ad nostram me-
 moriam: non tum esse in Rostris eorum statuas,
 sed aliquot ante annis sublatas esse, uidetur indi-
 care. nec dubito, quin tempus supra consula-
 tum Marcellini & Philippi, quo anno Sextius est
 accusatus, illa uerba significant, Steterunt usque
 ad nostram memoriam. quid igitur existimabi-
 mus, unam ne an plures in Rostris statuas fuisse?
 plures omnino: quando hic de pluribus Cicero me-
 minit. & quanquam in Philippica unam me-
 morat, quae tum fuerit: tamen unico exemplo
 eum fuisse contentum, cum pluribus uti posset,
 credendum est. Morte obita: locutio poetis
 & oratoribus aequae communis. nam & ipse in ea,
 de qua proxime meminimus, oratione, & Lucre-
 tius, ac Ouidius ita locuti sunt. Obnunciaret:
 consuli Metello, legem ferenti. Senferat:
 cum in auspicijs de caelo seruaret. &, senferat,
 quòd de sensu iocularum dicatur, nouum non est.
 nam & Terentius in Hecyra, Voltum earum sen-
 si immutari omnium. est enim commune uerbum
 omnium sensuum: & quod generale est, idem
 conuenit

COMMENTARIVS

cōuenit in particulare: contra uero, non item, non enim, quod oculorum aut aurium proprium est uerbum, id reliquos ad sensus recte transferes. Luce, palam: ἐμφανίς, est in singulis ferre uerbis usque ad finem periodi. quod autem ait, Sanctissimo in templo, sanctissima in causa, sanctissimo in magistratu; satis patet, templum Castoris, causam reipublicæ, tribunatum pl. significari.

ORATIO.

EIVS igitur uitam quisquam spoliandam ornamentis esse dicet, cuius mortem ornandam monumento sempiterno putaretis? Homines, inquit, emisti, coegisti, parasti. Quid uti faceret? senatum obsideret? ciues indemnatos expelleret? bona diriperet? ædes incenderet? tecta disturbaret? templa deorum immortalium inflammaret? tribunos pl. ferro è Rostris expelleret? prouincias, quas uellet, quibus uellet, uenderet? reges appellaret? rerum capitalium condemnatos in liberas ciuitates per legatos nostros reduceret? principem ciuitatis ferro obsessum teneret? hæc ut efficere posset, quæ fieri nisi armis oppressa rep. nullo modo poterant; iccirco, credo, manū sibi P. Sextius & copias comparauit. At nondum erat maturum: nondum res ipsa ad eiusmodi præsidia

præsidia uiros bonos compellebat: pulsi
 nos eramus, non omnino ista manu sola,
 sed tamen non sine ista: uos taciti mære-
 bamini. captum erat forum anno supe-
 riore, æde Castoris, tanquam arce aliqua,
 à fugitiuis occupata: ferebatis. omnia
 hominum cum egestate, tum audacia per
 ditorum, clamore, concursu, ui, manu
 gerebantur: perferebatis. magistratus
 templis pellebantur: alii omnino aditu,
 ac foro prohibebantur: nemo resistebat.
 gladiatores, ex prætoris comitatu, com-
 prehensi, in senatum introducti, confes-
 si, in uincula coniecti à Milone, missi à
 Serrano: mentio nulla. forum corpori-
 bus ciuium R. cōstratum cæde nocturna:
 non modo nulla noua quæstio, sed etiam
 uetera iudicia sublata. tribunum pl. plus
 uiginti uulneribus acceptis iacentem,
 moribundumq; uidistis: alterius tribuni
 pl. diuini hominis, (dicam enim, quod sen-
 tio, & quod mecum sentiunt omnes) di-
 uini, insigni quadam, inaudita, noua ma-
 gnitudine animi, grauitate, fide præditi,
 domus est oppugnata, ferro, facibus,
 exercitu Clodiano.

COMMENTARIUS.

Homines emisti: hoc enim nomine reus erat Sex-
 tius, quòd in tribunatu magnam armatorum ma-
 num

COMMENTARIUS

num circa se habuerit. Quid uti faceret? non potest Cicero, quod obijcitur, inficiari: sed excusat, atque eleuat, cum dicat Sextium necessario fecisse, ut uitam suam præsidio muniret, quod ut ita esse credatur, à posterioribus arguit. multitudine usus est Sextius in tribunatu. factum. qua de causâ usus est? an, ut senatum obsideret? ciues indemnatos expelleret? aut aliquid eorum faceret, quæ Clodius commisit? nihil omnino fecit eiusmodi. non igitur malo consilio, sed necessario præsidium comparauit. Enumerat autem Cicero Clodii facinora; quia quodam modo rei causâ subleuatur, cum aduersariorum deprimitur. Senatum obsideret? obseßum à Clodio senatum significat in consulatu Pisonis & Gabinij; quia, ut apud Plutarchum in Ciceronis uita legimus, Clodius, cum armatis satellitibus curiam circumstans, omnia metu repleuerat. Ciues indemnatos: de ipso Cicerone dictum, usque ad illud; Tempia deorum. nam Clodius Ciceronem expulit indemnatum, bona diripuit, ædes incendit, tecta disturbauit. Tempia deorum: templum Nympharum significat: quod incendit Clodius, ut publicæ recensionis memoriam tolleret. pro Milone, & pro Cælio. Tribunos pl. de Q. Fabricio dicit. Prouincias: Macedoniam Pisoni, Syriam Gabinio, cum ei Ciliciam ante promississet, Clodius sua lege dedit. supra ter, & pro domo sua. Reges appella-

ret:

ret: & hoc à Clodio factum, iam dixit. Rerum capitalium: Byzantios exules, quos restituit Clodius, intelligit. Legatos: à Clodio missos, ut exules Byzantium populi Romani nomine reducerentur. Principem ciuitatis: Cn. Pompeium: quem Damio Clodij libertus obsedit. pro domo sua, & Pedianus. Nondum erat maturum: ut armis contra ciues improbos uiri boni uterentur. cur autem maturum nondum esset, causam subiungit. Non omnino ista manu sola: non à Clodianis tantum operis, sed & à consulibus ipsis. Taciti: tanquam oppressi, quibus ne queri quidem liceret, Clodiana arma, & consulum iniustam dominationem timentibus. uerum ita taciti, ut inclusum animo dolorem merente uultu significaretis. Mærebamini: passim dixit: quod infrequens admodum est. unicum Matij exemplum apud Varronem libro sexto de lingua latina adhuc inuenimus,

Corpora Graiorum mærebat mandier igni.

Anno superiore: cū tribunus pl. Clodius esset, Pifone & Gabinio cos. Aede castoris: hac tota de re satis plane supra dixit his uerbis. Iisdem consulibus arma in templum Castoris palam comportabantur, gradus eiusdem templi tollebantur, armati homines forum & conciones tenebant. idem in oratione in Pisonem, & in ea pro domo sua. Cum egestate, tum audacia:

N alios

COMMENTARIVS

alios enim rei familiaris inopia , alios audacia,
 & peccandi consuetudo ad facinus impellit . Ma-
 gistratus templis pellebantur : de Q. Fa-
 bricio tribuno pl. dicit . Alii omnino &c. M.
 Cispium tribunum pl. significat . Prætoris :
 Ap. Claudij Pulchri , P. Clodij fratris . A'
 Serrano : Sex. Attilio Serrano . tribunus enim
 pl. alterius tribuni acta poterat rescindere . Fo-
 rum corporibus : &c. intelligit id , quod su-
 pra narravit . Cæde nocturna : aliquanto enim
 ante lucem cades illa facta est , cū Q. Cicero ser-
 uatus est . Noua quæstio : noua quæstio est ,
 cum ob criminis atrocitatem , noua lege lata , de
 aliquo queritur . quod in caussa Milonis ob necem
 P. Clodij factum est . Vetera iudicia subla-
 ta : quia ne ueteribus quidem legibus de cæde in
 foro facta quæsitum est . iudicium enim interces-
 sio Serrani tribuni pl. impediēbat . Tribunum
 pl. manifestum est de P. Sextio dici . Alterius
 tribuni pl. Milonem significat . Domus
 est oppugnata : propterea de ui Clodium Milo
 accusauit . infra , & ad Atticum libro IIII .

ORATIO.

Et tu hoc loco laudas Milonem , & iure
 laudas . quem enim unquam uirum tam
 immortalī uirtute præditum uidimus ,
 qui , nullo præmio proposito , præter
 hoc , quod iam contritum & contem-
 ptum putatur , iudicium bonorum , om-
 nia

nia pericula, summos labores, grauis-
 mas contentiones, inimicitiasq; susce-
 pit? qui mihi unus ex omnibus ciuibus ui-
 detur re docuisse, non uerbis, quid oport-
 teret à prastatissimis uiris in rep. fieri, &
 quid necesse esset: oportere hominum au-
 dacium, euerforum reip. sceleri legibus
 & iudiciis resistere: si leges non ualerent,
 iudicia non essent, si resp. ui consensuq;
 audacium armis oppressa teneretur, præ-
 sidio & copiis defendi uitam & liberta-
 tem necesse esse. hoc sentire, prudentiæ
 est; facere, fortitudinis; & sentire uero,
 & facere, perfectæ cumulataq; uirtutis.
 Adiit ad remp. tribunus pl. Milo de cuius
 laude plura dicam: non quo aut ipse hæc
 dici, quàm existimari, malit; aut ego hūc
 laudis fructum præsentī libenter imper-
 tiam, presertim cū uerbis consequi non
 possim: sed quòd existimo, si Milonis cau-
 sam, accusatoris uoce collaudatam, pro-
 baro, uos in hoc crimine parem Sextii
 causam existimatuos. Adiit igitur T. An-
 nius ad causam reip. sic, ut ciuem patriæ
 recuperare uellet, reip. tum. simplex cau-
 sa, constans ratio, plena consensionis o-
 mnium, plena concordia. collegas adiu-
 tores habebat. consulis alterius summū
 studium, alterius animus pene placatus.

N 2 de

COM M E N T A R I V S

de prætōribus unus alienus, senatus incre-
dibilis uoluntas, equitum R. animi ad cau-
sam excitati, erecta Italia.

COM M E N T A R I V S.

Hoc loco: laudauerat, opinor, Milonem Sextij
accusator, quod oppugnata à Clodio domum de-
fendisset. Hoc loco, inquit, id est cum de oppu-
gnata domo mentio fit. & est imperfecta oratio.
deest enim, cum Sextium accusēs. quod absolute
dixit infra. Iam contritum: nemo enim, iu-
diciū bonorum tanti facit, ut hoc ad recte agen-
dum prēmio ducatur. Perfectæ cumulataq;
uirtutis: in agendo, & intelligendo perfecta uir-
tus est: cum multi recte agant sine recto sensu;
alii, qui recte sentiunt, metu tamen, aut alia de
caussa recte non agant. ideo fortitudinem cum
prudētia coniunctam, perfectam uirtutem ap-
pellauit. Adiit ad remp. cum ad restituendum
Ciceronem incubuit. Parē Sextii causam:
quia, si laudatur Milo, qui suam uitam ar-
mis tutatus est; non uideo, cur item Sextius non
laudetur, qui & ipse, uim iam expertus, præsidi-
o se munuit. Sic, ut ciuem: mendo locus ob-
scuratur, paululum tamen, ut in tenebris, elu-
cet sententia: eaq; postulare uidetur, ut ita corri-
gatur. Sic, ut ciuem patriæ recuperare uellet,
reipublicæ uirum. ut, quemadmodum cum pa-
tria ciuis, sic cum reipublica uir coniungatur. hæc
enim duo nomina usurpare solet Cicero, cum lau-
dat:

dat: ut infra: Cum omnibus Metellis, tum uero uni, uiro fortissimo, præstantissimo cui, gratissimum fratri suo fecit. & oratione 1. in Catilinam. Summi uiri, & clarissimi ciues Saturnini, & Gracchorum, & Flacci, & superiorum complurium sanguine non modo se non contaminauerunt, sed etiam honestauerunt. & ad Atticum libro 1111. O uirum, ò ciuem Memmium. & alibi sæpe. quod autem ait, Ciuem patriæ, de ipso, dici non obscurum est. Simplex causa: quia nihil in ea causa, nisi de ipsa republica, uidebatur agi. propterea, ut opinor, simplicem causam appellat. Constans ratio: in mala causa pertinacia dicitur, in bona constantia. laudem igitur constantiæ ferebat Milo, cum in optima causa tuenda perseveraret. Collegas: non tribunos pl. omnes, sed omnes, exceptis duobus, Numerio, Quintio, & Sex. Atilio Serrano. supra, pro Milone, & in Pisonem. in ea quoque post reditum in senatu tribunos pl. quorum opera & studio restitutus fuerit, octo commemorat, Milonem, Sextium, Cestilium, Cispium, Fadium, Curium, Messinium, Fabricium: omittit Numerium, & Serranum: qui etsi legi non intercesserunt, quòd tantum senatus omniumq; magistratuum consensum timerent; male tamen animatos in Ciceronem fuisse, & antea satis patuit, & tum maxime, quòd cum collegis in ferenda lege non consenserunt. Alterius sum-

N 3 mum

COMMENTARIVS

mum studium: P. Lentuli. Alterius animus pene placatus: Q. Metelli, qui cum nec aduersatus est, nec adiunxit, non omnino placatus esse uisus est. post autem etiam adiunxit, de quo sic in ea post reditum ad Quirites: Hoc duce, (Lentulum consulem dicit) collega autem eius, clementissimo atque optimo uiro, primo non aduersante, post etiam adiuvante, reliqui magistratus pene omnes fuerunt defensores salutis meae. Et in ea in senatu, & in Pisonem. Unus alienus: Appius P. Clodii frater: de quo plane in Pisonem. De me, inquit, cum omnes magistratus promulgassent, praeter unum praetorem, a quo non fuit postulandum, fratrem inimici mei, praeterque duos de lapide emptos tribunos pl. legem comitiis centuriatis tulit P. Lentulus consul de collega Q. Metelli sententia. nec dubito, quin, ubi scriptum est in oratione pro Milone, Septem praetores, recte scriptum sit, contra quam non nulli existimant, quibus, Nonem, reponendum uidetur. octo enim tum fuisse praetores, non decem, probauimus in commentario ad Quintum fratrem.

ORATIO.

Duo soli erant empti ad impediendum: qui si, homines despecti & contempti, tantam rem sustinere non potuissent, se causam, quam susceperat, nullo labore peracturum uidebat. agebat auctoritate: agebat

bat consilio: agebat per summum ordinem: agebat exemplo bonorum & fortium ciuium: quid rep. quid se dignum esset, quis ipse esset, quid sperare, quid maioribus suis reddere deberet, diligentissime cogitabat. huic grauitati hominis uidebat ille gladiator se, si moribus ageret, parem esse non posse: ad ferrum, ad faces, ad quotidianam cædem, incendia, rapinas se cum exercitu suo contulit: domum oppugnare, itineribus occurrere, ui lacerare, & terrere cæpit. non mouit hominem summa grauitate, summaq; constantia: sed, quanquam dolor animi, innata libertas, prompta excellensq; uirtus fortissimum uirum hortabantur, uiuim, oblatam presertim sæpius, ut frangeret, & refutaret, tanta moderatio fuit hominis, tantum consilium, ut contineret dolorem, neque eadem se re ulcisceretur, qua esset lacesitus; sed illum, tot iam funeribus reip. exultantem, ac tripudiantem, legum, si posset, laqueis constringeret. descendit ad accusandum: quis unquam tam proprie reip. causa? nullis inimicitiiis, nullis præmiis, nulla hominum postulatione, aut etiam opinione id unquam esse facturum. fracti erant animi hominis: hoc enim accusante, pristini illius

COM MENTARIVS

sui iudicii turpitudinem desperabat. ecce tibi consul, prætor, tribunus pl. noua noui generis edicta proponunt: ne reus adsit, ne citetur: ne quæratur: ne mentio nem omnino cuiquam iudicum, aut iudiciorum facere liceat.

COM MENTARIVS.

Duo soli: tribuni pl. Numerius & Serranus: qui tamen non intercesserunt. Sustinere: si consilium intercedendi omitterent, quòd contra uniuersum senatum omnesq; magistratus pugnare non auderent. quod sperare Miloni licebat: cum, homines despectos & contemptos in suscepto negotio fortes & constantes fore, non admodum uerisimile uideretur. Auctoritate: auctoritas est in iis, quorum extant in rempublicam præclare facta. qui deinde cum aliquid agunt, recte agere putantur, ob eam, quam de ipsis iam homines præceperunt, opinionem. Consilio: non temere, sed sapienter: cum in agendo nihil per imprudentiam committeret. Per summum ordinem: auctore senatu: qui est ordo in ciuitate princeps. Bonorum, & fortium ciuium: qui contra perditos ciues rempublicam fortiter defenderunt. ut Abala, Nasica, Opimius, Marius. pro Milone. Et bonos, ac fortes dixit; quia neque boni, si timidi sint, neque strenui, si non boni, reipublicæ rationibus utiles sunt. ideo supra, & sentire, & facere, perfectæ cumulatæq; uirtutis

tutis esse dixit. Quid rep. republica dignum erat, ut is, qui sceleratissimos ciues pro salute patriæ necarat, ab indignissima exiliij fortuna in patriam summa cum dignitate reduceretur. Quid se dignum esset: qui antea in rempublicâ multa beneficia contulisset, eius maxime partes uidebantur esse, ut optimum uirum, salutarem patriæ ciuem, ui pulsum, legibus restitueret. Quis ipse esset: erat enim is, qui & sperare summos honores posset, & egregia maiorum facta deberet imitari. Si moribus ageret: si more institutoq; omniū ei resisteret. sic in Cæcinam locutus est. Nisi forte, inquit, hoc rationis habuit, quoniam, si facta uis non esset, moribus superior in possessione retinenda non fuisset. Descendit ad accusandum: sic in Diuinatione locutus est: Subito nūc, mutata uoluntate, ad accusandum descendere. Habitant enim in collibus fere: & in foro, quod erat in planitie, iudicia fiebant. alibi, Descendere in campum. accusauit autem Clodiū Milo, quod cædem in foro cum gladiatoribus fecisset. Dio libro xxxix. Pristini illius sui iudicii: uidetur significare, Clodij accusatorem in aliquo iudicio, pecunia corruptum, præuicatum esse: cum dicat, hoc enim accusante. uerum, quo in iudicio id acciderit, compertum non habeo. nam, in iudicio de sacris Bonæ deæ uiolatis id factum non esse, declarant illa ad Atticum uerba libro 1. Cum accusator, tanquam censor bonus, homines

COMMENTARIVS

homines nequissimos reiceret. De insigni tamen, ac noto iudicio uidetur loqui, cum dicat, Illius sui iudicij. Consul, prætor, tribunus pl. Metellus, Appius, Serranus. Ne quæratur: ne res in iudicio cognoscatur. unde quæstio. Iudicium, aut iudiciorum: opinor, quia edixerat, ne iudicium ullum ante comitia fieret. uide hac de re Dionem libro xxxix.

ORATIO.

QV I D ageret uir ad uirtutem, dignitatem, gloriam natus, ui sceleratorum hominũ corroborata, legibus iudiciisq; sublati? ceruices tribunus pl. priuato, præstantissimus uir profligatissimo homini daret? an causam susceptam affligeret? an se domi contineret? & uinci turpe putauit, & *deterreri. etiam eripi reiecit: ut, quoniam sibi in illum legibus uti non liceret, illius uim neque in suo, neque in reip. periculo pertimesceret. Quo modo igitur in hoc genere præsidii comparati accusas Sextium, cum idem laudes Milonem? an qui sua tecta defendit, qui ab aris, focus ferrum, flammamq; depellit; qui sibi licere uult tuto esse in foro, in templo, in curia; qui uitæ præsidium cõparat; qui uulneribus, quæ cernit quotidie toto corpore, mouetur, ut aliquo præsidio caput, & ceruices, & ingulum, ac latera tutetur; hunc

hunc de ui accusandum putas? quis enim uestrum iudices ignorat, ita naturam rerum tulisse, ut quodam tēpore homines, nondum neque naturali, neque ciuili iure descripto, fusi per agros, ac dispersi uagarentur, tantumq; haberent, quantū manu, ac uiribus per cādem, ac uulnera aut eripere, aut retinere potuissent? qui igitur primi uirtute & consilio prāstanti extiterunt, ii, perspecto genere humanæ docilitatis, atque ingenii, dissipatos unum in locum congregarunt, eosq; ex feritate illa ad iustitiam, atque mansuetudinem traduxerunt. tum res communem utilitatem continentes, quas publicas appellamus; tum conuenticula hominum, quæ postea ciuitates nominatæ sunt; tum domicilia cōiuncta, quas urbes dicimus; inuento & diuino & humano iure, mœnibus sepserunt.

COMMENTARIUS.

Corroborata: ex impunitate: sublato enim iudiciorum metu, aucta est hominum improborum audacia. Sublatis: hoc totum licet uidere in oratione post reditum in senatu. etiam in epistola, Periucunda, ad Lentulum, hoc significat, cum ait: Qui, cum tribunus pl. pœnas a seditioso ciue per bonos uiros iudicio persequi uellet, exemplum præclarissimum in posterum uindicandæ seditio-
nis

COMMENTARIVS

nis de republica sustulerunt. Etiam eripi re-
iecit: mendum patet: nec est, unde tollatur. con-
sentiunt enim cum impressis libri, quos uiderim,
manuscripti. uideo sane tertium quiddam deside-
rari, quod referatur ad illud, *An causam susce-*
ptam affligeret? nam cum dixit, *Et uinci*, spe-
ctauit illud, *Ceruices daret: cum autem, Deter-*
reri, respondit ad illud, *Se domi contineret. ue-*
rum, etsi fortasse licet sententiam diuinare; qui-
bus tamen uerbis explicetur, apertum non est.
certe aliquid huiusmodi congrueret. Et caus-
sam affligere. Fecit, ut & c. uel, & causam a-
biicere. est tamen hæc ex eo genere coniectura,
quod ego minime soleo probare; cum inter men-
dum & correctionem similitudo & tanquam af-
finitas litterarum non est. An qui sua tecta
defendit: suspicor aliquid in hoc uerborum am-
bitu desiderari. nam cum illa conclusio, *Hunc de*
ui accusandum putas, ad Sextium manifeste per-
tineat: tamen hæc prima, *Qui sua tecta defendit*,
qui ab aris focis ferrum flammamq; depellit, ad
Milonem sine dubio referuntur. quare totum hoc,
ut ego sentio, apte quadraret hoc modo: *An*, qui
sua tecta defendit, qui ab aris focis ferrum flam-
mamq; depellit, eum laudas: qui autem sibi li-
cere uult tuto esse in foro, in templo, in curia,
qui uitæ præsidium comparat, qui uulneribus,
quæ cernit quotidie toto corpore, mouetur, ut a-
liquo præsidio caput, & ceruices, & ingulum,

ac

ac latera tutetur, hunc de ui accusandum putas? si sic legeretur, perfecta, ut opinor, sententia esset. sic autem legendum, cum ea, quæ à me dicta ratio est, declarat, tum ea uerba, quæ supra proxime scripta sunt: Quo modo igitur in hoc genere præsidii comparati accusas Sextium, cum idem laudes Milonem? Toto corpore: plus uiginti uulneribus acceptis. Neque Naturali, neque ciuili iure: ius naturæ, omnium gentium commune est; ius ciuile, particulare ciuitatum, ad loci rationem, aut ad hominum ingenia accommodatum. Descripto: quædam enim in legibus ex naturali iure scripta sunt, quædam ex eo iure, quod ciuium sententia comprobauit.

O R A T I O.

tque inter hanc uitam perpolitam humanitate, & illam immanem nihil tam interest, quàm ius, atque uis. horum utro uti nolimus, altero est utendum. uim uolumus extinguere: ius ualeat necesse est, id est iudicia, quibus omne ius continetur. iudicia displicent, aut nulla sunt, uis dominetur, necesse est. hæc uident: omnes, Milo & uidit, & fecit, ut ius experiretur, uim depelleret. altero uti uoluit, ut uirtus audaciam uinceret: altero usus necessario est, ne uirtus ab audacia uinceretur. eademq; ratio fuit P. Sextii, si minus in accusando, (neque enim per omnes

COMMENTARIVS

omnes fuit idem necesse fieri) at certe in
necesitate defendendæ salutis suæ, præ-
sidioq; contra uim & manum comparan-
do. ò dii immortales, quemnam osten-
ditis exitum nobis? quam spem reip. da-
tis? quotusquisque inuenietur tanta uir-
tute uir, qui optimam quanque causam
reip. amplectatur, qui bonis uiris defer-
uiat, qui solidam laudem, ueramq; qua-
rat? cum sciat, illa duo reip. pene fata,
Gabinium, & Pisonem, alterum haurire
quotidie ex pacatissimis, atque opulen-
tissimis Syriæ gazis innumerabile pondus
auri, bellum inferre quiescentibus, ut
eorum ueteres, illibatasq; diuitias in
profundissimum libidinum suarum gur-
gitem profundat; uillā ædificare in ocu-
lis omnium tantam, tugurium ut iam ui-
deatur esse illa uilla, quam ipse tribunus
pl. pictam olim in concionibus explica-
bat, quo fortissimum, ac summum ci-
uem in inuidiam homo castus, ac non
cupidus: uocaret alterum Thracibus,
ac Dardanis primum pacem maxima
pecunia uendidisse, deinde, ut illi pe-
cuniam conficere possent, uexandam his
Macedoniam & spoliandam tradidisse;
eundemq; bona creditorum ciuium R.
cum debitoribus Græcis diuississe: coge-
re

re pecunias maximas à Dyrrhachinis ?
 spoliare Thessalos , certam Achæis in an-
 nos singulos pecuniam imperauisse , ne-
 que tamen nullo in publico , aut religio-
 so loco signum , aut tabulam , aut orna-
 mentum reliquisse : hos sic illudere , qui-
 bus omne supplicium , atque omnis iure
 optimo pœna debetur ? reos esse hos
 duos , quos uidetis ?

COMMENTARIUS.

*isplicent : uel displicent ea , quæ sunt ; uel omni-
 no nō sunt . Ut uirtus audaciam uinceret :*

ut audacem uirtute præditus legibus puniret .

Necessario : illatam enim uim ui repellere co-

actus est . Si minus in accusando : non enim

in accusando Clodio Milonem est imitatus , sed in

salute sua defendenda . O' dii immortales :

cum ciues improbi summis honoribus & potesta-

tibus fruuntur , boni tanquam nocentes accusen-

tur ; quid sperandum est ? nihil scilicet nō triste .

Alterum haurire : Gabinium , qui Syriæ præ-

erat . Gurgitem : gurgis , quod inijcitur , ab-

sorbet : sic libidines Gabinij diuitias quamuis im-

mensas exhauriebant . Villā : in Tusculano : quā

Tusculanum montem uocat in oratione in Piso-

nem : quòd ob altitudinem monti similior , quàm

uillæ , uideretur . meminit etiam pro domo sua

bis . Tugurium : ut illa uilla , cuius nomine

summum ciuem olim in concione accusabat , tu-

gurium

COMMENTARIVS

guriū præ sua, quam extruit, esse uideatur. Tribunus pl. consilibus C. Calpurnio Pisone, & M. Acilio Glabrione tribunus pl. Gabinius fuit. quod è Plutarcho licet conicere. Fortissimum; ac summum ciuem: L. Lucullum puto significari, qui, ut in eius uita scripsit Plutarchus, uillam præclaram habuit in Tusculano: quam cum Gabinij uilla comparatam, tuguriū uideri Cicero nunc asserit. sunt etiam hæc libro de officiis II. quæ Luculli magnificentiā in edificando declarant. L. Luculli, summi uiri, uirtutem quis? quàm multi uillarum magnificentiā imitati sunt? præterea, Fortissimum, ac summum ciuem, optime conuenit in Lucullum; qui & bellica laude, & honoribus, atque opibus maxime inter ciues enituit. ut omittam eam rationem, quòd ob simultatem, quæ iam inde à Sylle testamento, ut indicat Plutarchus, inter Lucullum & Pompeium fuit. credibile est Gabinium Lucullo infensum fuisse. nam Pompeium Gabinius semper coluit atque obseruauit: qui etiam tribunus pl. legem tulerit de bello illi aduersus piratas demandando. Castus, ac non cupidus: alterum ad corpus, alterum ad animum pertinet. qui enim aliena neque attingit, neque appetit, is homo castus, ac non cupidus recte uocatur. ironia in Gabinium, qui omni intemperantia luxuq; dissolutus ac perditus, quæ in alijs uehementer accusauerat uitia, ijs ipse uehementer laborabat.

Alterum:

Alterum : Pisonē ; qui Macedoniam regebat .
 Vexandam Macedoniam : hoc est , quod ait
 in Pisonem : Macedonia condonata barbaris . In
 ea tamen de prouincijs consularibus nō ideo Thra-
 ces ait in Macedoniam impetum fecisse , ut pecu-
 nias , quas Pisoni pro emptā pace soluerent , ma-
 ximas cogerent , sed ut , pace antea magno pretio
 emptā , exhaustas domos replere possent . utro-
 que modo grauitē , & contumeliose in Pisonem .
 Ciuium R . cum enim Græci Romanis ciuibus
 magnas pecunias deberent , Pisoni lege Clodia
 permissum est , ut ius in liberos populos de credi-
 tis pecunijs diceret . deinde aut ius non dixit , aut
 ita dixit , ut bonis ciues R . euenteret . de prouin-
 cijs consul . pro domo sua , & in Pisonem . Diui-
 fuisse : Apolloniata CC talenta Pisoni Romæ de-
 derunt , ne creditas pecunias soluerent . in Piso-
 nem . de Dyrrhachinis autē , Theſſalis , Achæis ,
 magno auri pondere à Pifone multatis , aut dire-
 ptis , mentio fit in ea de prouincijs , & in Pifo-
 nem . Neque tamen ullo in publico , aut
 religioso loco : mirum uidetur , cum pecunias
 maximas cogeret , locis eum publicis , ac religio-
 sis non peperciſſe . Publica loca sunt , quò patet
 aditus unicuique , ut fora , theatra , basilicæ ,
 porticus : religiosa , dijs dicata . Hos duos :
 Sextium , & Milonem , de ui reos , Sextium ac-
 cusante M . Tullio Albinouano , ut partim ex e-
 pistola III . libri II . ad Quintum fratrem , par-

O tim

COM MENTARI V S

tim ex oratione in Vatiniū colligitur ; Milonem accusante P. Clodio ædile, ut & hic infra patet, & in oratione in Vatinius, et in Dione libro 39. utrunque tamen in eodem iudicio affuisse crediderim : cum dicat Cicero, Hos duos, quos uidetis.

O R A T I O.

Omitto iam Numerium, Serranum, Aelium, quisquilias seditionis Clodianæ, sed tamen hi quoque etiam nunc uolūt, ut uidetis : nec, dum uos de uobis aliquid timebitis, illi unquam de se pertimescent. Nam quid ego de ædile ipso loquar? qui etiam diem dixit, & accusauit de ui Milonem. neque hic tamen ulla unquam iniuria adducetur, ut eum tali uirtute, tantaq; firmitate animi se in remp. fuisse pœniteat : sed, qui hæc uident, adolēscētes quonam suas mentes cōferent? ille, qui monumenta publica, qui ædes sacras, qui domos inimicorum suorum oppugnauit, excidit, incendit, qui stipatus semper sicariis, septus armatis, munitus indicibus fuit, quorum hodie copia redundat, qui & peregrinam manum facinorosorum concitauit, & seruos ad cædem idoneos emit, & in tribunatu carcerem totum in forum effudit, uolūt ædilis, accusat eum, qui aliqua ex parte eius furorem exultantem represit : hic, qui se
est

est tutatus sic, ut in priuata re deos penas suos, in rep. iura tribunatus, auspiciaq; defenderet; accusare eum moderate, à quo ipse nefarie accusatur, per senatus auctoritatē non est situs. nimirum hoc illud est, quòd de me potissimum tu in accusatione quæstisti, quæ esset nostra ratio optimatum: sic enim dixisti. rem quæris præclarā iuuentuti ad discendum, nec mihi difficilem ad perdocendum. de qua pauca iudices dicam: et, ut arbitror, nec ab utilitate eorum, qui audient, nec ab officio nostro, nec ab ipsa caussa P. Sextii abhorrebit oratio mea.

COMMENTARIUS.

Numerium, Serranū, Aelium: *primi duo tribuni pl. fuerunt consulibus Lentulo & Metello, quo anno Cicero restitutus est: tertius anno superiore, cum Cicero pulsus est, consulibus Pisone et Gabinio. supra. Timebitis: tacite iudices hortatur ad puniendos Clodianorum scelerum satellites. nunquam, inquit, eorum arrogantia, atque audacia reprimetur, nisi uos, obiecto metu, fortiter in istam manum hominum perditorum irruentes, rempublicam à nefario dominatu uindictis. nunc, quia languetis, quòd fortasse uos mei casus memoria timidos reddit; isti uolitant, quasi ea, quæ improbe agendo meriti sunt, nihil extimescant. Aedile ipso: P. Clodio. hinc appa-*
O 2 ret,

COM MENTARIVS

ret, ut alia prætermittam, hanc orationem consulibus Marcellino & Philippo habitam esse. nã Clodius eo anno ædilis fuit, ut uel una de aruspicum responsis oratio demonstrat. Accusauit de ui: hic, Accusauit, infra uero, Accusat, dicit: quia & iam acta res erat, & in Quirinalia dilata fuerat, indeq; in nonas Maias. est enim accusatus Milo, ante quàm Sextius postularetur: & tamen, absoluto iam Sextio, reus adhuc fuit, re dilata: ut in libro II. ad Quincti fratrem epistola III. & IIII. scriptum est. accusatus autem est de ui: quòd eum bestiarijs obsedissem rempublicam dicebant. in Vatinius: Dio autem libro XXXIX. Clodium ait Miloni diem dixisse ijs de rebus, quas ipse commiserat. Monimenta publica: opinor intelligi porticum Catuli, de Cimbricis manubijs extructam: quam Clodius, quia cum Ciceronis domo coniungebatur, euertit. Aedes sacras: templum Nympharum; de quo iam diximus. Inimicorum: M. Tullij, Quincti fratris, Milonis. ad Atticũ lib. IIII. Indicibus: quorum corrupto indicio, bonos uiros in iudicium uocare consueuerat. Peregrinam manum: forte ex Etruria conductam. pro Milone. Carcerem totum: homines audacia perditos Clodius in tribunatu carceribus liberauit. quos significauit Cicero, cum dixit, Cum sicarijs è carcere emissis. Hic: Milo. Auspiciãq; cum tribunum pl. Milo-

Milonem Clodius ferro peteret, cōtemnere prorsus ea iura, eaq; auspicia uidebatur, quibus tribunatus pl. ab initio institutus erat. lege enim auspicato lata sancitum fuerat, ut sacrosancta essent corpora tribunorum. Per senatus auctoritatem: supra non à senatu prohibitum esse Milonem dixit, ne Clodium accusaret, sed à cōsule, prætore, tribuno pl. qui mentionem ullam iudicium aut iudiciorum à quoquam fieri, propositis edictis, uetuerunt. sed credendum est, edicta illa prius in senatu, sententijs dictis, esse comprobata. nam in epistola, Periuicundæ, ad Lentulum, cum ait, Impunitatem est eorum sententijs affecutus, qui, cum tribunus pl. pœnas à seditioso ciue per bonos uiros iudicio persequi uellet, exemplum præclarissimum in posterum uindicandæ seditionis de republica sustulerunt; non significat Clodium sententijs iudicium esse absolutum: non enim iudicium illud, quo Milo tribunus pl. Clodium de ui accusauit, factum est: sed senatorum sententijs esse decretum, ne causam prius diceret, quàm habita comitia essent. quibus cum edilis esset Clodius designatus, institutam accusationem Milo persequi noluit, opinor ne plebem offenderet, cum ei, cui magistratum ipsa mandasset, perniciem quærere uideretur. Nimirum hoc illud est: non satis patet, quo modo hoc ad superiora pertineat: & tamen disiunctum esse non potest: cum dicat Cicero, Hoc illud est. forte,

O 3 quia

COM M E N T A R I V S

quia Miloni Clodium accusare per senatus auctoritatem non licuerat, accusator Sextij, inde arrepta occasione, quæsiuit à Cicerone; qui essent optimates illi, quos ipse & Sextius iactarent; cum senatus, impedienda Milonis accusatione, suam in Clodium uoluntatem ac studium declarasset. Officio nostro: qui defendimus.

O R A T I O.

Duo genera semper in hac ciuitate fuerunt eorum, qui uersari in rep. atque in ea se excellentius gerere studuerunt: quibus ex generibus alteri se populares, alteri optimates & haberi, & esse uoluerunt. qui ea, quæ faciebant, quæq; dicebant, multitudini iucunda esse uolebant, populares: qui autem ita se gerebant, ut sua consilia optimo cuique probarentur, optimates habebantur. quis ergo iste optimus? quis? de numero si quæris, innumera- biles: neque enim aliter stare possemus. sunt principes cōsiliū publici: sunt, qui eorum sectam sequuntur: sunt maximorum ordinum homines, quibus patet curia: sunt municipales rusticiq; Romani: sunt negocia gerentes: sunt etiam libertini optimates. numerus, ut dixi, huius generis late & uarie diffusus est: sed genus uniuersum (ut tollatur error) breui circumscribi, & definiri potest. omnes opti-

optimates sunt, qui neque nocētes sunt, nec natura improbi, nec furiosi, nec malis domesticis impediti. esto igitur, ut hi sint, quam tu nationem appellasti. horū qui uoluntati, cōmodis, opinioni in gubernanda rep. seruiunt, defensores optimatum, ipsiq; optimates grauisissimi, & clarissimi ciues nominantur, & principes ciuitatis. quid est igitur propositum his reip. gubernatoribus, quod intueri, & quò cursum suum dirigere debeant? id, quod est praestantissimum, maximeq; optabile omnibus sanis, & bonis, & beatīs, cum dignitate ociū. hoc qui uolunt, omnes optimates; qui efficiunt, summi uiri, & conseruatores ciuitatis putantur. neque enim rerum gerendarum dignitate homines efferri ita conuenit, ut ocio nō prospiciant; neque ullum amplexari ociū, quod abhorreat à dignitate.

COMMENTARIUS.

Optimus iste? rectius opinor, optimas iste? cum de optimatibus sermo sit. Consilii publici: senatus. sic enim eum appellat in epistola quadam ad Ap. Pulchrum. Quibus patet curia: non enim omniū ordinum hominibus in senatum aditus est, sed ijs tantum, qui neque libertini sint, et

DCCC millia possideant. municipibus autem, et rusticis, et negocia gerentibus, de quibus pro-

Q 4 xime

COM MENTARIVS

xime loquitur, patere curiam non dicit: quia municipales in municipijs uiuunt, suisq; legibus utuntur; rustici senatorium censum non habent: negocia gerentes, quia quæstum aperte curant, non ualde honorati. maximorum igitur ordinum homines dixit, qui optima conditione sunt in ciuitate. sic infimi ordinis homo, qui obscuræ sortis est. Natura improbi: hos à nocentibus distinguit: quia multi peccant, et re nocentes sunt, cum natura tamen improbi non sint. Furiosi: auget uitium. qui enim et nocentes sunt, et natura improbi, possunt à furore abesse. addit igitur id, quo pessima fit improbitas. Malis domesticis: egestas enim facile homines ad facinus impellit. Impediti: maximum est ad præclare agendum impedimentum rei familiaris inopia. unde illud, Non facile emergunt, quorum uirtutibus obstat Res angusta domi.

Nationem: quo uerbo quasi per contemptum accusator usus erat. Appellasti: post hoc uerbū sequebantur hæc: Qui et integri sunt, & sani, et bene de rebus domesticis constituti. quæ non leguntur in libro manuscripto, nec, ut accuratius consideranti facile patebit, necessaria sunt. uidentur enim ex eo genere, quæ glossæmata appellatur quæ in ueterum libros quàm multa irrepserint, notum est. Gubernatoribus: gubernare de nauigantibus proprie dicitur, de rempublicam administrantibus μεταφωρισ. & est uerbum ad imducen-

ducendam metaphoram accommodatum: quia usu pene proprium factum est. hoc enim uerborum genere facile à proprijs ad translata deducimur: cum ad diuersa coniungenda medium quiddam requiratur. Sanis, & bonis, & beatis: tribus modis idem dixit, primum, Neque nocentes, nec natura improbi, nec furiosi, nec malis domesticis impediti: deinde, Sanis, & bonis, & beatis. solet enim eos beatos appellare, qui diuitijs abundant, extra egestatis incommoda constituti. Cum dignitate ocium: ut & magistratus consequantur, &, ne quid in re publica contra ueteres mores ac leges nouetur, diligenter animaduertant. Efficiunt: qui & recte sentiunt, &, quod sentiunt, re prestare possunt.

O R A T I O.

Huius autem ociosæ dignitatis hæc fundamenta sunt, hæc membra, quæ tuenda principibus, & uel capitis periculo defendenda sunt, religiones, auspicia, potestates magistratuum, senatus auctoritas, leges, mos maiorum, iudicia, iurisdictio, fides, prouinciæ, focii, imperii laus, res militaris, ærarium. harum rerum tot, atque tantarum esse defensorem, & patronum, magni animi est, magni ingenii, magnæq; constantiæ. etenim in tanto ciuium numero magna multitudo est eorum

COMMENTARIUS

eorum, qui aut propter metum pœnæ, peccatorum suorum conscii, novos motus cōuersionesq; reip. quærant; aut qui, propter insitum quendā animi furorem, discordiis ciuium, ac seditione pascantur; aut qui, propter implicationem rei familiaris, communi incendio malint, quàm suo, deflagrare. qui cum auctores sunt, & duces suorum studiorum, uitiorumq; nacti, in rep. fluctus excitantur: ut uigilandum sit iis, qui sibi gubernacula patriæ deposcerunt; enitendumq; omni scientia, ac diligentia, ut, cōseruatis iis, quæ ego paulo ante fundamēta, ac membra esse dixi, tenete cursum possint, & capere ocii illum portū, & dignitatis. hanc uiam, iudices, si aut asperam, atque arduam, aut plenam esse periculorum, aut insidiarum negem, mentiar; presertim cum id non modo intellexerim semper, sed etiam præter ceteros senserim.

COMMENTARIUS.

Religiones: ut ea, quæ ad deos pertinent, studiose seruentur. Auspicia: recte post religiones auspicia posuit. nam & ipsa deorum à uoluntate pendent: nec omitti & negligi possunt, quin simul religio deferatur. Potestates magistratuum: seruanda enim sunt iura magistratuum: ut tantum possint, quantum eis à legibus tribuitur.

tur. Fides: ne quid utilitatis causa præter fidem committamus. de officijs lib. 11. Socii: qui nobis tuendi sunt: etsi non à magistratibus nostris, sicuti provinciæ, regantur. Qui aut propter metum: in tres partes diuisa sententia est. prima nocentes significat, altera furiosos, tertia malis domesticis impeditos. quæ hominum genera ab optimatum numero iam exclusit. Implicationem rei familiaris: egestatem significat: in qua qui sunt, eos appellari latine & eleganter, malis domesticis impeditos, non bene de rebus domesticis constitutos, supra cognoscitur. hic autem, cum dicat, Implicationem rei familiaris, difficultatibus rei familiaris implicati, recte de eodem hominum genere dicemus. Tenere cursum: metaphoræ initium fecit in communi uerbo, Vigilandum: deinde subiunxit, gubernacula; quod est translatum illud quidem, usu tamen ita tritum, ut pene proprium uideatur: deinde, cum quasi uiam munisset, apertam translationem induxit.

O R A T I O.

Maioribus præidiis & copiis oppugnatur resp. quàm defenditur: propterea quòd audaces homines & perditu nutu impelluntur, & ipsi etiam sponte sua contra remp. incitantur: boni nescio quo modo tardiores sunt, &, principiis rerum neglectis, ad extremum ipsa denique necessitate

COM M E N T A R I V S

fitate excitantur : ita, ut non nunquā cun-
ctatione ac tarditate, dum ocium uolunt
etiam sine dignitate retinere, ipsi utrun-
que amittant. propugnatores autē reip.
qui esse uoluerunt, si leuiiores sunt, descen-
scunt; si timidiiores, desunt: permanent
illi soli, atque omnia reip. caussa perfe-
runt, qui sunt tales, qualis pater tuus M.
Scaure fuit; qui à C. Graccho usque ad C.
Marium seditiosis omnibus restitit; quē
nulla unquam uis, nullæ minæ, nulla inui-
dia labefecit; aut qualis Q. Metellus, pa-
truis matris tuæ: qui cum florentem ho-
minem in populari ratione L. Saturninū
censor notasset; cumq; insitium Grac-
chum contra uim multitudinis incitata
censu prohibuisset; cumq; in eam legem,
quam non iure rogatam iudicaret, iura-
re unus noluisset; de ciuitate maluit,
quā de sententia, dimoueri: aut, (ut ue-
tera exempla, quorum est copia digna hu-
ius imperii gloria, relinquam, ne ue eo-
rum aliquem, qui uiuūt, nominem) qua-
lis nuper Q. Catulus fuit: quem neque
periculi tempestas, neque honoris aura
potuit unquam de suo cursu, aut spe, aut
metu, dimouere. Hæc imitamini per de-
os immortales, qui dignitatem, qui lau-
dem, qui gloriam quæritis. hæc ampla
sunt,

sunt, hæc diuina, hæc immortalia : hæc fama celebrantur, monumentis annaliū mandantur, posteritati propagantur.

COMMENTARIUS.

Leuiiores: non admodum fortēs . Desciscunt: à reipublicæ causā: susceptam defensionem abiiciunt . Desunt: uolunt quidem, sed præ timore non aggrediuntur. Illi soli: tria facit hominum genera, de reipublica recte sentientiū: unum eorum, qui pro communi commodo labores & pericula subeunt; quia tamen uirtute non magna sunt, non permanent in incepto: alterum eorum, qui metu deterriti à contentione abstinent: tertium eorum, qui omnia pro salute reipublicæ & suscipiunt, et perferunt. Pater tuus: M. Scaurus, princeps senatus: cuius in tuenda reipublica constantiam declarat etiam in ea pro C. Rabirio, his uerbis. Cum armatus M. Aemilius, princeps senatus, in Comitio constitisset: qui cum ingredi uix posset; non ad insequendum sibi tarditatem pedum, sed ad fugiendum impedimento fore putabat. Eundem in ea pro Scauro, quæ integra non extat, custodem reipublicæ uocat. M. Scaure: apud hunc, ut opinor, prætorem Sextij causam Cicero agebat. nam et infra: Ex te igitur Scaure potissimum quero. Quod ad prætorē potius, quàm ad iudicem, uidetur esse dictum. præterea, si quis cum Pediano supputet, prætorem hoc anno fuisse reperiet. ait enim Pedianus, accusatum esse Scaurum

COM M E N T A R I V S

rum L. Domitio Abenobarbo & Ap. Claudio Pulchro cos. cum Sardiniam prouinciam pro præ tore anno proximo administrasset. annus autem, qui Domitij & Claudij consulatum proximus antecessit, fuit is, quo consules Pompeius & Crassus fuerunt. quod si statim post præturam iuit Scaurus in Sardiniam; quod & uerisimile est, et à Pediano uidetur indicari, cum ait, Ex prætura prouinciam Sardiniam obtinuit: necesse est prætorem fuisse Marcellino & Philippo cos. quo anno habita pro Sextio hæc oratio est. hi enim ante Pompeium & Crassum consulatum gesserunt. tribus igitur continentibus annis fuit Scaurus primo prætor, Marcellino & Philippo cos. secundo Sardiniae rector, Pompeio et Crasso; tertio reus, Abenobarbo & Pulchro. In hac satis explorata ratione quiddam tamen est, quo ualde conturbor. nam in hac ipsa oratione infra ludos à Scauro ædile datos Pisone & Gabinio cos. Cicero significat. et ab ædilitate biennio prætura distat. quod cum ita sit: qui potest his consulibus prætor Scaurus esse? Ad C. Marium: quem sextum consulatum gerentem hortatus est, ut contra Saturninum tribunum pl. et Glauciam prætorem libertatem legesq; manu defenderet: protinusq; arma sibi afferri iussit: quibus allatis, ultima senectute confectum corpus induit: spiculoq; innixus ante fores curiæ constitit. Q. Metellus: satis ostendunt ea, quæ sequuntur, de Numidico dici. patruus autem

tem fuit Scauri matris hoc modo. *M. Scaurus*,
 ille Senatus princeps, uxorem habuit *Cæciliam*
Metellam: è qua *Scaurum* hunc, quem appel-
 lat *Cicero*, filium suscepit. patet hoc ex *Plinij*
 libro XXXVII. cap. XV. hæc *L. Metel-*
li, pontificis maximi, filia fuit, ut à *Plutarcho*
 in *Sylla*, & à *Cicerone* ipso in oratione pro hoc
Scauro habita traditum est: quem *Numidici Me-*
telli fratrem fuisse, etiam si exemplis non pro-
 betur, hic tamen *Ciceronis* locus plane declarat.
 post obitum *Scauri*, nupsisse eam *L. Syllæ*, qui
 dictaturam, armis cepit, & sponte deposuit, tum
 ij, quos nominari, scriptum reliquere, tum e-
 tiam ex *Pediano* licet cognoscere. ait enim, *Scau-*
ro, quem de repetundis accusatum *Cicero* de-
 fendit, nitricum *Syllæ* fuisse, *Scauriq;* fratrem
 ex eadem matre faustum fuisse, eum, quem ci-
 uili *Cæsaris*, & *Pompeij* bello periisse *Suetonius*
 tradit. geminos enim peperit *Cæcilia*, *Fau-*
stum, de quo diximus, & *Faustam*, quæ *Mi-*
lonis uxor fuit. Censor notasset: notatum
 tamen alter censor, *Metelli* collega, restituit:
 non enim senatu moueri passus est. testis *Ap-*
pianus lib. I. collegam autem in censura *Q.*
Metelli *Numidici* opinor fuisse *C. Metellum*
Caprarium, *Metelli* *Macedonici* filium. hoc
 ex *Velleij* *Paterculi* uerbis coniicio: ait enim duos
Capiones fratres germanos censuram simul ges-
 sisse, duos autem postea *Metellos*, non germa-
 nos

COMMENTARIUS

nos fratres, sed patrueles. porro Numidicum, & Caprarium, fratres patrueles fuisse, antiquarum familiarum, de quibus librum institimus, observatio demonstrabit. de filiis autem Macedonici cur Caium potius, quam Quinctum, aut Lucium, aut Marcum, (quatuor enim fuere) cum Numidico censorem fuisse existimem. ea ratio facit, quod Quinctus, & Lucius, ille cum Geta, hic cum Ahenobarbo, ante Numidici censuram, censores fuere. Caium autem censorium fuisse, ex duabus Ciceronis post reditum orationibus plane cognoscitur. Insituum Gracchum: C. Quinctium Gracchum: qui se Ti. Gracchi filium simulabat esse. quo mendacio plebem usque eò decepit, atque induxit, ut tribunus pl. designatus sit: cum tamen è Firmo Piceno, obscurissima stirpe, atque adeo servili sanguine genitus esset. sic enim Cicero in ea pro C. Rabirio significat, cum ait: Armatus esset cum Saturnino C. Glaucia, C. Sauscius, etiam ille ex compedibus atque ergastulo Gracchus. & Valerius Maximus monstrum appellat libro IX. cap. ultimo. prænomen Caii tribuit illi Florus, nomen Quinctij auctor de uiris illustribus. In eam legem: L. Saturnini tribuni pl. de qua supra meminit. Q. Catulus: filius eius, qui cum C. Mario consul fuit. Nuper: periit enim post consulatum Ciceronis. post reditum in senatu. de hoc etiam Plutarchus, & alii.

Aut

Aut spe, aut metu: spe honorum, metu periculorum: quod iam dixit, Neque periculi tempestas, neque honoris aura. Propagantur: non breui temporis definiuntur spatio, sed ita producantur, ut ad posteritatem perueniant.

O R A T I O.

Est labor, non nego: pericula magna, fateor:

-Multæ insidiæ sunt bonis, uerissime dictum est:

Sed te id, quod multi inuideant, multiq; expetant,

Inscitia sit, inquit, postulare, si tu laborem summa cum cura efferas nullum. idem alio loco dixit, quod exciperent improbi ciues, Oderint, dum metuant. præclara enim illa præcepta dederat iuuentuti. sed tamen hæc uia, hæc ratio reip. capeffendæ olim erat magis pertimescenda, cum multis in rebus multitudinis studium ad populi commodum ab utilitate reip. discrepabat. tabellaria lex ab L. Cassio ferebatur: populus libertatem agi putabat suam: dissentiebant principes, & in salute optimatum temeritatem multitudinis, & tabellæ licentiam pertimescebant. agrariam Ti. Gracchus legem ferebat: grata erat populo: fortunæ constitui tenuiorum uidebantur. nitebantur

P contra

COMMENTARIVS

contra optimates , quòd ea discordiam excitari uidebant; & , cum locupletes possessionibus diuturnis mouerentur , spoliari remp. propugnatoribus arbitrabantur. frumentariam legem C. Gracchus ferebat : iucunda res plebi R. uictus enim suppeditabatur large sine labore : repugnabant boni , quòd & ab industria plebem ad desidiam auocari putabant , & arium exhauriri uidebatur. multa etiam nostra memoria , quæ còsulto pratero , fuerunt in ea contentione , ut popularis cupiditas à consilio principum disideret. nunc iam nihil est , quòd populus à delectis , principibusq; dissentiat : nec flagitat rem ullam , neque nouarum rerum est cupidus : & ocio suo , & dignitate optimi cuiusque , & uniuersæ reip. gloria dectatur . itaque homines seditiosi ac turbulenti , quia nulla iam largitione populum R. concitare possunt , quòd plebs perfuncta grauissimis seditionibus ac discordiis ocium malle uideatur , conductas habent conciones ; neque id agunt , ut ea dicant , aut ferant , quæ illi uelint audire , qui in còcione sunt ; sed pretio ac mercede perficiunt , ut , quicquid dicant , id illi uelle audire uideantur .

Co mo

Multæ insidiæ: Iouis filium, *Acacum* fortasse *Accius* poeta induxit suis liberis hæc præcipientem: quæ *Cicero* & hic, & in oratione pro *Planicio* ad suam sententiam accommodat. *Accij* uero ut hæc esse existimem, facit illud, quod sequitur, *Oderint, dum metuant*: quod *Cicero* eiusdem poetæ dicit esse. porro id ex *Accij* tragædia, *Atreo*, ut opinor, sumptum esse, ostendit *Anneius Seneca* libro de clementia 11. quod officiorum libro 1. plane cognoscitur. usurpantur & *Philippica* 1. Exciperent: improbi, cum pro eorum sensu ac uoluntate scriptum legunt, arripiunt, & memoria tenent, atque etiam imitatione usûq; comprobant. itaque, quod *Accius* de *Atreo* dixerat, ab improbis hominibus auide est exceptum. Præclara: excusat poetam, qui dixerit, *Oderint, dum metuant*: quod est ad confirmandas improborum ciuium mentes aptissimum dictum. scripsit, inquit, hoc, quia scripserat iam illa, *Multæ insidiæ sunt bonis, & quæ sequuntur*. non enim uerebatur, ut in eo, quod *Atreum* dicentem facit, iuuentuti noceret, quam utilissimis ac saluberrimis illis præceptis, ex *Aeci* persona prolatis, iam imbuerat. Ad populi commodum: ad suum ipsius commodum. populum enim hic usurpat *Cicero* pro ea multitudine, quæ senatui & optimatibus aduersatur. *Ta bellaria lex*: ut populus non, ut antea, uoce,

P 2 sed

COMMENTARIVS

sed per tabellas de ciuibus sententiam ferret. quatuor leges tabellariæ fuerunt, Gabinia, Cassia, Papiria, Cælia. libro III. de legibus. In salute optimatum: cum aliquis de numero optimatum à populo iudicaretur, cum de salute optimatum in iudicio ageretur. primus enim L. Cassius populo tabellam dedit in iudicio. dederat biennio ante Gabinus in creandis magistratibus. Licentiam: maior enim est licentia, ubi per tabellas sententiæ feruntur. Agrariam: ne quis ultra quingenta iugera possideret. quod aliquando lege Licinia cautum erat. Plutarchus, Appianus, Velleius, epitome Liuij: in qua pro, quingenta iugera, mendose legitur, decem iugera. errato causam præbuit antiquæ notæ De ignorantia. Mouerentur: quas enim possessiones contra legem Liciniam, quæ multis ante Tiberium annis quingentorum iugerum numerum definierat, locupletes homines tenebant, eas Tiberii lege tenuioribus tradere cgebantur. Frumentariam: ut frumentum semisse & triciente populo daretur. epitome Liuiana, Velleius, Plutarchus. hanc legem mox & L. Saturninus, & postea Ciceronis ætate P. Clodius tulit. supra. Sine labore: ut, etiam si plebs inerti ocio tempus consumeret, ei tamen, unde uiueret, non deesset. Aerarium exhauriri: cum frumentum publicum, cuius uenditione quotannis in ærarium magnæ pecuniæ inferebantur, plebi gratis dari lex Gracchi iuberet.

Nostra

Nostra memoria: Marij & Syllæ temporibus. nam deinde plebs à patribus aut non dissensit, aut sine seditioe dissensit. A' consilio principum: à senatu, ab optimatibus. A' delectis: à delectis in summum ordinem, à senatu: qui de uniuerſa ciuitate pro cuiusque uirtute ac meritis à censoribus legi solitus erat. Conductas: mercede coactas: quando sua sponte plebs ad eas conciones, quæ à turbulentis ac seditiosis tribunis pl. habentur, coire non uult.

O R A T I O.

Num uos existimatis, Gracchos, aut Saturninum, aut quenquam illorum ueterum, qui populares habebantur, ullum unquam in concione habuisse conductum? nemo habuit. ipsa enim largitio, & spes commodi propositi, sine mercede ulla multitudinem concitabat. itaque temporibus illis, qui populares erant, offende-
bant illi quidem apud graues & honestos homines, sed populi iudiciis, atque omni significatione florebant. his in theatro plaudebatur: hi suffragiis, quod contenderant, conſequebantur: horum homines nomen, orationem, uultum, incessum amabant. qui autem aduersabantur ei generi; graues & magni homines habebantur; sed ualebant in senatu multum, apud bonos uiros plurimum; multitudi-

P 3 ni

COMMENTARIVS

ni iucundi non erant ; suffragiis offende-
batur sæpe eorum uoluntas ; plausum ue-
ro etiam si quis eorum aliquando accepe-
rat, ne quid peccasset, pertimescebat. at-
tamen si qua res erat maior, idem ille po-
pulus horum auctoritate maxime com-
mouebatur. nunc, nisi me fallit, in eo sta-
tu ciuitas est, ut, si operas conductorum
remoueris, omnes idem de rep. sensuri es-
se uideantur. etenim tribus locis signifi-
cari maxime populi R. iudicium, ac uo-
luntas potest, concione, comitiis, ludo-
rum gladiatorumq; confessu. quæ concio
fuit per hos annos, quæ quidem esset non
conducta, sed uera, in qua populi R. con-
sensus perspicui posset? habitæ sunt mul-
tæ de me à gladiatore sceleratissimo :
ad quas nemo adibat incorruptus, ne-
mo integer : nemo illum fœdum uul-
tum aspicere, nemo furialem uocem bo-
nus audire poterat. erant, erant illæ con-
ciones perditorum hominum necessario
turbulentæ.

COMMENTARIVS.

Populi iudiciis : *iudicium suum in magistratu
mandando populus ostendit. Significatione:
cum in theatrum populares ciues ingrediebantur,
populus ad beneuolentiam significandam plau-
sum dabat. quod autem Cicero dixit, Iudicijs at-*
que

que omni significatione, proxime se ipse exponit, cum infert, His in theatro plaudebatur: hi suffragijs, quod contenderant, consequebantur. Apud bonos uiros: distinguit à senatu bonos uiros: ut ostendat, etiam in populo fuisse, qui recte de republica sentirent. Eorum uoluntas: cum aut ipsi, aut eorum propinqui, aut amici, magistratum petentes, repulsam ferebant. Ne quid peccasset: solidam letitiam ex eo plausu non capiebant, sed tenuem & suspitione diminutam. uerebantur enim, ne qua re antea populi uoluntatem offendissent. Tribus locis: in foro, in campo Martio, in theatro. in foro enim conciones habebantur, munus gladiatorium dabatur, ludi interdum fiebant: in campo comitia, & conciones, in theatro ludi. Gladiatores: P. Clodio. gladiatores enim homines audaces, & facinorosi: à quibus natura & factis Clodius minime differebat. Necesario: quia conducta concio erat hominum perditorum: qui cum pretium ac mercedem acceperant, concionanti de me Clodio assentiri cgebantur. erant igitur eæ conciones necessario turbulentiæ.

O R A T I O.

HABUIT de eodem me P. Lentulus consul concionem: concursus est populi R. factus: omnes ordines, rota in illa concione Italia constitit: egit causam summa cum grauitate copiaq; dicendi, tan-

COMMENTARIVS

to silentio, tanta appobatione omnium, nihil ut unquam uideretur tam popolare ad populi R. aures accidisse. productus est ab eo Cn. Pompeius, qui se non solum auctorem meae salutis, sed etiam supplicem populo R. exhibuit huius oratio & pergrauis, & grata concioni fuit. sic contendo, nunquam neque sententiam eius auctoritate, neque eloquentiam iucunditate fuisse maiorem. quo silentio sunt auditi de me ceteri principes ciuitatis? quos iccirco non appello hoc loco, ne mea oratio, si minus de aliquo dixero, ingrata; si fatis de omnibus, infinita esse uideatur. cedo nunc eiusdem illius inimici mei de me eodem ad uerum populum in campo Martio concionem. quis non modo approbavit, sed non indignissimum facinus putauit, illum, non dicam loqui, sed uiuere ac spirare? quis fuit, qui non eius uoce maculari remp. seq; si eum audiret, scelere astringi arbitraretur? Venio ad comitia, siue magistratum placet, siue legum. leges uidemus saepe ferri multas. omitto eas, quae feruntur ita, uix ut quini, & hi ex alia tribu, qui suffragium ferant, reperiantur. de me, quem tyrannum atque ereptorem libertatis esse dicebat, in illa ruina reip. dic

cir

cit se legem tulisse. quis est, qui se, contra me ferebatur, inisse suffragium confiteatur? cum autem de me eodem ex S. C. comitiis centuriatis ferebatur; quis est, qui non profiteatur se affuisse, & suffragium de salute mea tulisse?

COMMENTARIUS.

Productus est: quia priuatus tunc erat Pompeius: neque concionem habere cuiquam priuato licebat, nisi à magistratu produceretur. hoc in nostris antiquitatibus. Quis non modo approbavit: locutio Ciceroni usitata, pro eo, quod est, Quis, nō dico approbavit & c. Comititia: comitia, & de magistratibus, & de legibus dici, hic planum est. dicuntur & de iudicijs, ut in libro de comitijs demonstrauimus. Vix ut quini: plurimus in hoc est Cicero, ut probet, id, quod dixit; in eo statu esse ciuitatem, ut si conductorum remoueantur operæ, omnes idem de republica sentiant. probauit iam exemplo concionum. nunc idem & legibus nititur confirmare. Consideretur, inquit, ea lex, quæ de meo redit lata est. conferatur, non dico cum ijs legibus, quæ cum feruntur, ita infrequens populus adest, uix ut quini in tribu suffragium ferant; sed cum ea, quæ de mea pernicië Clodius tulit. quod autem adiungit, Et hi ex alia tribu, notat populi non modo infrequentiam, sed etiam confusionem. Ex s. c. comitiis centuriatis: lex Clodij neque ex S. C. neque comitiis

COMMENTARIVS

mitiis centuriatis lata erat, sed contra uoluntate
senatus, tributis comitiis, in foro: ea uero, quam
de reducendo Cicerone P. Lentulus consul tulit,
ex S. C. comitiis centuriatis, in campo Martio:
quam dissuasisse P. Clodium opinor ex eo, quod
dictum est proxime: Cedo nunc eiusdem illius ini-
mici mei de me eodem ad uerum populum in cam-
po Martio concionem. suadere enim & dissuade-
re leges, ante quam ferrentur, non modo magi-
stratibus, uerum etiam priuatis hominibus lice-
bat. quod in libro de legibus copiose ostendimus.

ORATIO.

VTRA igitur causa popularis debet uide-
ri; in qua omnes aetates ciuitatis, omnes
ordines una consentiunt; an in qua furiae
concitatae tanquam ad funus reip. con-
uolant? an, sicubi aderit Gellius, homo
& fratre indignus, uiro clarissimo, atque
optimo, & ordine equestri, cuius ille or-
dinis nomen retinet, ornamenta confe-
cit: id erit popolare? est enim homo iste
populo R. deditus. nihil uidi magis. qui,
cum eius adolescentia in amplissimis ho-
noribus summi uiri L. Philippi uitrici flo-
rere potuisset, usque eò non fuit popula-
ris, ut bona solus comesset. deinde ex im-
puro adolescente & petulante, postea-
quam rem paternam ab idiotarum diui-
tiis ad philosophorum regulam perduxit,
Græ-

Græculum se atque ociosum putari uoluit, studio litterarum se subito dedidit. * nihil sane à te iuuabatur, anagnostæ, libelli etiam pro uino sæpe oppignerabantur: manebat insaturabile abdomen, copix deficiebant: itaque semper uersabatur in spe rerum nouarum, ocio, & tranquillitate reip. consenescebat. ecquæ seditio unquam fuit, in qua non ille princeps? ecquis seditiosus, cui ille nō familiaris? ecquæ turbulenta concio, cuius ille non concitator? cui bene dixit unquam bono? bene dixit? immo, quē fortem & bonum ciuem non petulantissime est insectatus? qui ut credo non libidinis causa, sed ut plebicola uideretur, libertinā duxit uxorem. is de me suffragium tulit: is affluit: is interfuit epulis & gratulationibus paricidarum. in quo tamen est me ultus, cum illo ore inimicos est meos suauiatus: qui quasi mea culpa bona perdidit, ita ob eam ipsam causam est mihi inimicus, quia nihil habet.

COMMENTARIUS.

Vtra igitur causa: interpretis officium est, si modo, quas suscepit partes, eas cum laude sustinere uult, tria considerare, uerba, sententiā, sententiæ causam. hic, si uerba tantum consideres; & quid singula significant, & quam sententiam effi-

efficiant, omnibus intelligere facile est. *sin autē,*
quò sententia referatur, & quid Cicero spectare-
rit, indagamus: fortasse non eadem ratio est, nec
similiter omnes intelligunt. quare pro eorum cō-
modo, qui non admodum in litteris acute uident,
uisum est ut totam rem paulo latius explicarem.
Ciniū duo genera Cicero iam dixit esse, optima-
tes, & populares. de optimatium numero &
erat ipse, & haberi uolebat: Clodius popularis
putabatur. contendebat Clodius, se non esse mi-
nus optimatem, quàm Ciceronem: Cicero con-
tra, se popularem magis esse, quàm Clodium. ar-
gumento Clodius hoc utebatur, quòd Milo, qui ei
diem dixerat, accusationem persequi per senatus
auctoritatem prohibitus erat. itaque dixerat ac-
cusator Sextij: Quæ est ista uestra natio optima-
tium; cum senatus, in quo principes optimatium
sunt, Clodio contra Milonem studuerit? Cicero
nihil ad hoc respondit: quia neque id esse factum,
negare poterat; neque, iniuria esse factum, di-
cere: quòd in altero manifesta ueritas obstabat;
in altero senatum reprehendere nolebat. quoniam
igitur primum est in contentionibus iudiciarijs,
obiecta refellere; alterum, obijcere quod refelli
ab aduersario non possit: primum non attingit,
ob ea, quæ iam dixi: obijcit autē Clodio, ut quasi
parem gratiam referat, non esse populares eos,
quos operæ conductorum sequantur, sed eos, qui-
bus integer populus faueat. probat hoc quinque
argu

argumentis . primum sumit à concionibus , alterum à legibus , tertium à magistratibus , quartum à ludis , quintum à gladiatoribus . huius uniuersæ argumentationis duas partes iam absoluit , eam , quæ ad conciones , et eam , quæ ad leges pertinet . ad singula argumenta conclusionem non apponit : quia non ubique necesse est : cum ex ijs , quæ dicuntur , facile indices , quæ conclusio sequatur , ipsi per se possint intelligere . conclusiones tamen , quia uim quandam addunt orationi , tribus argumentis apponit , post leges , post magistratus , post gladiatores ; primam & secundam particulares , tertiam uniuersalem , quæ ad argumenta omnia , quæ quinque esse diximus , pariter spectet . uerum , quia declarandæ artis negotium suscepimus , non alienum est , in ipso conclusionum usu quæ ratio seruetur , ostendere . nihil enim est ad eloquentiam utilius , quam duorum perfectissimorum oratorum ingenia ex utriusque scriptis considerare ; eamque putare esse rectissimam diserte ornateque loquendi regulam , qua illi , siue naturæ præcipuo quodam munere , siue diligentia studioque adiuti , cum causas agerent , usi sunt . Concludit igitur Cicero primum interrogando , cum ait : *Vtra igitur causa popularis debet uideri ; in qua omnes ætates ciuitatis , omnes ordines una consentiunt ; an in qua furie concitatae tanquam ad funus rei publicæ conuolant ?* deinde affirmando , his uerbis : *Videtis igitur populum ipsum , ut ita dicam , iam*
non

COM MENTARIVS

non esse popularem; qui ita uehementer eos, qui populares habentur, respuat; eos autem, qui ei generi aduersantur, honore dignissimos iudicet. postremo interrogando, hoc modo: Videtis ne igitur, quantum inter populum Romanum & concionem intersit? dominos concionum omni odio populi notari; quibus autem consistere in operarum concionibus non liceat, eos, omni populi Romani significatione decorari? harum trium conclusionum primam uideo à sensu communi esse ductam. nam totum illud, Vtra igitur causa, & quæ sequuntur, ita dictum uidetur, quasi omnes homines popularem esse Ciceronis, non Clodij, causam iudicaturi sint. Alteram conclusionem, itemq; tertiam à persona iudicum sumptam esse constat. sed hoc inter eas differre iam ostēdi, quod secunda per affirmationem, tertia per interrogationem fit. placet enim, ut in pictura, sic in oratione uarietas. possumus igitur, si doctrinam ex observatione uolumus efficere, conclusionem tanquam genus in tres partes diuidere, in unam, quæ est à sensu communi; alteram, à persona iudicū; tertiam, à persona nostra. primæ duæ Ciceronis exemplis, proxime recitatis, manifestæ sunt. tertia testimonio non indiget. in eam enim uel sine artificio nostra sponte incidimus: ut, si quis, diuitiis cum uirtute comparatis, post argumenta in utranque partem allata, ita concludat: est igitur diuitiis uirtus anteponeunda. sed siue à sensu
cominu-

*communi, siue à persona iudicum, siue à nostra
 concludamus: orationem aut affirmatione, aut
 interrogatione, aut negatione terminari necesse
 est: affirmatione sic: Videtis igitur Clodium non
 esse popularē: interrogatione hoc modo, Videtis
 ne igitur Clodium non esse popularem? nega-
 tione sic: Non est igitur ut Clodium popula-
 rem esse possitis existimare. Pariterq; à sensu
 communi tribus modis concludemus: Facile igi-
 tur est omnibus intelligere, Clodium non esse
 popularem: Quis igitur Clodium esse popu-
 larem dixerit? Nemo igitur est, cui popu-
 larem esse Clodium liceat existimare. Et à
 persona nostra eadem ratio est: Clodius igitur
 popularis non est: Clodium igitur esse popularem
 putabo? Non igitur, popularem esse Clodium,
 existimabo. Atque hæc de conclusione satis sint.
 Honestates: Phaernus de mendo suspicatur: si-
 milia enim sunt, Honestates, & Omnes ætates:
 ut fortasse, cum à Cicerone scriptū fuisset, Omnes
 ætates, deinde librariorum culpa, duabus dictio-
 nibus corruptis, & in unum contractis, factum
 sit, Honestatis. placet opinio uiri optimi & inge-
 niosissimi: presertim cum, honestas, in hanc sen-
 tentiam nemo ex antiquis. quod quidem ex libris
 cognosci possit, usurpauerit. Tanquam ad fu-
 nus reip. significat, Clodii conciones esse fune-
 ra reipublicæ: quòd in iis nihil, nisi de interitu
 reipublicæ, agatur. & recte, furia conuolant:
 quòd*

DEI COMMENTARIUS
quòd uolare furias poetæ dicunt . recte etiam,
Concitata : nihil enim placidum aut temperatum
in Furiis cadit . rectissime uero , Furie ad funus
conuolant : quòd nihil iucundum aut letum furie di-
ligunt . operas igitur Clodianas , ad reipublice
perniciem libentissime coeuntes , uere & proprie
furias appellauit . Gellius : is , quem Cicero in
oratione in Vatinius nutricula seditionum no-
minat : quòd seditiones libenter foueret , atque
aleret . dixit & hic testimonium in Sextium .
Fratre : L. Gellio : qui cum Cn. Lentulo con-
sul , cum eodem censor fuit , & in censura C. An-
tonium , qui deinde consulatum cum Cicerone ges-
sit , senatu mouit . Pedianus in commentario ora-
tionis contra competitores . pro Cluentio . Opti-
mo consule : quem locum hic habet , consule ,
cum Gellius multis ante annis consul fuerit ? equi-
dem suspicor de mendo , eo magis , quòd antiquus
liber Caroli Sigonij , iuuenis eloquentie doctri-
naq; laude præstantis , has duas dictiones non ha-
bet . quæ si retinendæ sunt , alteram mutarem ,
& pro , Consule , reponerem , Cuius : ut , Viro , ad
res gestas ; Cuius , ad uoluntatem sensumq; de re-
publica referatur . & fere uirum & ciuem Cice-
ro in laude coniungit , ut libro 1111 . ad Atti-
cum , O uirum , o ciuem Memmium : post reditum
in senatu , Quid ego de præstantissimo uiro T.
Annio dicam ? aut quis de tali ciue satis digne un-
quam loquatur ? pro Plancio : Quid dicam ? C.
Virgilio ,

Virgilio, tali civi, & viro, benevolentiam in me, memoriam communium temporum, pietatem, humanitatem, fidem defuisse? Ordine equestri: qui eques R. erat, is si nondum in senatum pervenerat, ordinis equestris dicebatur esse: si senator factus erat, senatorii. erant igitur duo fratres Gellij, alter ex ordine equestri, quia nondum ampliorem ordinem erat assecutus: alter, etsi equum publicum haberet, à nobiliori tamen ordine, quem adeptus erat, hoc est à senatorio, nominabatur. non enim posterior ordo prioris auferebat insignia, sed ad equum publicum, & anulum, quæ equestris ordinis erant, addebat latum clauum, hoc est tunicam purpuream, qua soli senatores utebantur. itaque Claudium Neronem, & Liuium Salinatorem, cum non modo senatores, verum etiam censores essent, utrumque tamen habuisse publicum equum, eosq; alterum ab altero in censura esse priuatum, legimus apud Liuium lib. x. Ornamenta confecit: quadringenta millia nummum. hæc enim ad equestrem dignitatem ornandam necessaria erant. quòd si cui minus esset, eques esse non poterat. itaque Horatius:

*Si quadringentis sex septem millia defunt,
Plebs eris.*

& in epistola ad D. Brutum libro x. de equite Romano nescio quo; qui magna rei familiaris detrimenta passus, uix quadringenta millia possidebat:

Q bat:

COM MENTARIVS

bat : Equeſtrem , inquit , dignitatem uix ſuſtinet .
nec ad aliam ſententiam , ut quidem ego exiſtimo ,
ſpectat ille locus in oratione pro Plancio : Qui ne
equeſtrem quidem ſplendorem incolumem à cala-
mitate iudicii retinere potuiſſet . ſignificat enim ,
M. Seium , iudicio damnatum , non exiſtimatio-
nis modo iacturam feciſſe , uerum etiam ex ea
multa , quam ei iudices dixerant , de ſuis fortu-
nis tantum amiſiſſe , ut infra cenſum quadrin-
gentorum millium redactus ſit . Seium , inquit ,
cui , præter exiſtimationem , equeſtris quoque or-
dinis dignitatem iudicij calamitas abſtulit , po-
pulus tamen M. Piſoni , homini nobiliſſimo , in-
nocentiſſimo , eloquentiſſimo , in honoris peti-
tione præpoſuit . Quæritur autem hic , nec iniu-
ria : qui poteſt Gellius equeſtris ordinis nomen re-
tinere , ſi ornamenta confeſcit ? iam enim & ex
Horatio , & ex ipſo Cicerone probatum eſt ; qui
equeſtri cenſu non eſſet , hoc eſt qui quadringenta
millia non haberet , cum in equeſtri ordine locum
non habuiſſe . Ad hanc dubitationem ſuppedi-
tat facile , quod reſpondeam , antiquitatis obſer-
uatio . primum illud dicimus : equites equeſtri lo-
co à cenſore motos eſſe , uel ob tenuitatem , uel ob
culpam . Gellius ob tenuitatem mouendus erat :
ideo tamen moueri non potuerat , quia detrimen-
tum illud rei familiaris poſt conditum luſtrum ſe-
cerat : ut , etiam ſi quadringenta millia poſſidere
deſiſſet , in equeſtri tamen ordine eò uſque per-
manere

manere posset, donec censores creati cuiusque rem aestimarent, eque censu senatores, equites, iudices uel in ordine quenque suo ac loco retinerent, uel eiicerent. Iderit popolare? an, inquit, quia legem fereti, aut concionanti Clodio Gellius adest, propterea popularē legem, aut concionem dicemus? L. Philippi: hominis eloquentissimi, de quo in libro de claris oratoribus, in tertio de oratore, in oratione pro Quintio. Solus commisset: quo modo igitur popularis; cum hoc nomen in eos conueniat, qui benefici, ac liberales in populum sunt? Impuro, & petulante: ob libidines, & impudentiam. laudatur enim maxime in adolescente castitas, & pudor. Idiotarum: hominum imperitorum, qui uulgarem quādam, sine modo, uiuendi rationem sequuntur: quibus Cicero philosophos hic opponit; quod hi, a doctrina instructi ac temperati, exquisitum quoddam uitae genus accurate seruant. Diuitiis: cum, diuitijs consumptis, regulam philosophorum imitari cepisset. miror autem, cur diuitias & regulam quasi antitheta Cicero posuerit: quando & in diuitijs regula licet uti, nec alterum ab altero necessario seiungitur. praeterea, cur, Ab idiotarum diuitijs? non & sapientes multi, atque eruditi diuitijs abundant? mutationem in Gellio notat, & ait: uixit primum, ut idiotae solent; deinde, ut philosophi; hoc est, primum luxuriose, ac dissolute, deinde moderate, et parce. uelim igitur,

Q 2 tur,

COMMENTARIVS

tur, ut paria paribus respondeant, ita legi, sic ta-
men, si quid adiuuant libri manuscripti: Po-
stea quàm rem paternam ab idiotarum nequitia
ad philosophorum regulam perduxit. Græcu-
lum: græcarum litterarum studiosum, scientie
cupidum. omnis enim tunc à græcis litteris do-
ctrina petebatur: cum latina lingua nondum ex-
cultis disciplinis esset. Ociosum: qui enim se
ad litterarum studia contulerunt, ocio delectan-
tur. Subito: cum antea nihil eiusmodi cogi-
tasset. absumptis enim paternis bonis, à libidine,
ac nequitia subito se ad litteras conuertit. A te
iuuabatur: quid, si, Arte iuuabatur? nam
certe, A te, sincerum non est. erit autem, Ar-
te, ad quam se Gellius subito contulit, studio ui-
delicet litterarum. hanc enim quasi artem parsi-
monie cœpit colere, ne in luxu pergens ad ulti-
mam inopiam redigeretur. & tamen nihil ab ar-
te sua iuuabatur: nam exiguas rei paternæ reli-
quias quotidie perdebat. posset etiam ita corrigi:
Nihil sane adiuuabatur. ueritas autem à libris
antiquis petenda. nam nobis indicare corrupta
loca satis est. coniecturis neque plane confidi-
mus, neque omnino tamen diffidimus. sunt enim
non nullæ ita non dubiæ, ut, qui obtusa prorsus
ingenii acie non sit, in iis primo aspectu ueritatem
possit agnoscere. Spe rerum nouarum: res
nouas querunt, qui ueterem male perdiderunt:
ut, quando de suo non habent unde uiuant, de alie

no

no rapiant. Consenescebat: mature consene-
 scunt, quos animi curæ solitudinesq; macerant.
 inde consenescere dicimur ex iis rebus, quarum mo-
 lestissima cogitatio senilem nobis pallorum ac ma-
 ciem quotidie magis inducit. Non libidinis
 causa: ironia: nam plane libidinis causa liber-
 tinam ab eo uxorem esse ductam significat. Ple-
 bicola: quasi nobiles mulieres contempserit, stu-
 dio quodam in plebem. nam ex infima plebe li-
 bertini fuerunt, utpote qui libertatem paulo ante
 essent adepti. ideo in urbanis tribubus, quæ ignobi-
 liores erant, censebantur, In quo tamen: sua
 cuique tribuenda laus est. correxit hunc locum ex
 ingenio, quo excellit, multis adhuc annis Octa-
 vius Patagathus, homo eruditissimus, omniumq;
 integerrimus: quem ego nostræ ætatis Varroem
 soleo nominare: ita multas multarum rerum ac
 disciplinarum notitias mente scientiaq; compre-
 hendit. is igitur ita correxit, nulla litterarum mu-
 tatione, sententia restituta. In quo tamen est me-
 ultus, cum illo ore inimicos est meos suaviatus.
 præclare, nã in gratulationibus suaviari mos est:
 & Gellius nefandam libidinem ore exercere dice-
 batur: de quo est apud Catullum hoc epigramma.

Quid dicam, Gelli, quare rosea ista labella

Hiberna fiant candidiora niue;

Mane domo cum exis, & cum te octava quiete

E' molli longo suscitatur hora die?

Nescio quid certe est. an uere fama susurrat,

Q 3 Grandia

COM M E N T A R I V S

*Grandia te medii tenta uorare uiri :
Sic certe est. clamant Victoris nupta miselli
Ilia , demulso labra notata sero .
dicit igitur , Illo ore , impurissimo , ac fœdissimo ,
quo uirorum obscœna membra concipere solitus
est . Antea pro , Me ultus , multus , pro , ore ,
reo , legebatur in uulgatis libris .*

O R A T I O .

V T R V M , ego tibi patrimonium eripui,
Gelli, an tu comedisti ? quid ? tu meo pe-
riculo, gurges, ac uorago patrimonii, he-
luabare ; ut , si ego consul remp. contra
te & gregales tuos defendissem, in ciui-
tate esse me nolles ? te nemo tuorum ui-
dere uult : omnes aditum , sermonem ,
congressum tuum fugiunt : te sororis fi-
lius Postumius , adolescens grauis , senili
iudicio notauit , cum in magno nume-
ro tutorem liberis non instituit , sed ela-
tus odio , & meo & reip. nomine ; quo-
rum ille utri sit inimicior , nescio ; plura
dixi , quàm dicendum fuit , in furiosissi-
mum atque egentissimum ganeonem . Il-
luc reuertor : contra me cum sit actum ,
capta urbe atque oppressa , Gellium, Fir-
midium , Titium , eiusdem modi furias il-
lis mercenariis gregibus duces & aucto-
res fuisse ; cum ipse lator nihil ab horum
turpitudine , audacia , sordibus abhorre-
ret.

ret. at cum de dignitate mea ferebatur, nemo sibi nec uoletudinis excusationem, nec senectutis satis iustam putauit: nemo fuit, qui se non remp. mecum simul reuocare in suas sedes arbitraretur. Videamus nunc comitia magistratuum. Fuit collegium nuper tribunicium, in quo tres minime, uehementer duo populares existimabantur. ex iis, qui populares non habebantur, quibus in illo genere conductarum concionum consistendi potestas non erat, duo à populo R. prætores uideo esse factos: &, quantum sermonibus uulgi, & suffragiis intelligere potui, præ se populus R. ferebat, sibi illum in tribunatu Cn. Domitii animum constantem, & egregium, atque Q. Ancharii fidem, ac fortitudinem, etiam si nihil agere potuissent, tamen uoluntate ipsa gratum fuisse.

COMMENTARIVS.

Meo periculo heluabare: *inde enim mihi factus es inimicus. damnum igitur mihi ex heluatione illa tua parabatur. Si ego: hæc est caussa, cur Gellius eum in ciuitate esse noluerit; quòd rempublicam contra coniuratos defendisset. hoc enim nomine lege Clodia pulsus est. Ipse lator: P. Clodius, qui legem tulit. Nuper: biennio ante, Cæsare & Bibulo cos. fuit enim tribunus pl.*

Q 4 eo

COMMENTARIUS

eo anno P. Vatinius: de quo hic significari, paulo post ostendimus. Tres: Cn. Domitium, Q. Ancharium, C. Fannium: quos infra nominat. & Dio libro xxxviii. cum ait Bibulum consulem in agraria Caesaris lege impedienda tribus tribunis pl. usum esse, sine dubio Domitium, Ancharium, Fannium significat. de quibus ipsis & in oratione in Vatinium Cicero intelligit, cum ait: Collegas habuisti uiros nouem: ex his tres erant, quos tu quotidie sciebas seruare de caelo. Duo: Vatinius, & alter nescio quis. Duo: Domitium, & Ancharium. Praetores: praeturam hoc anno gerebant. nam in oratione in Vatinium, quae iisdem consulibus, quibus haec pro Sextio, habita est, cum ait, Duos praetextatos sedentes uides, Domitium & Ancharium sine dubio significat. erat autem praetexta magistratum toga. Et est animaduertendum, licuisse praeturam petere adilitate omissa. nam Domitius & Ancharius, qui tribuni pl. fuerant Caesare Bibulo consulibus, non uideo qui potuerint praeturam gerere consulibus Marcellino & Philippo si post tribunatum adilitatem gesserunt: cum à Caesare & Bibulo ad Marcellinum & Philippum duo tantum anni numerentur: quo spatio tria fieri non possunt, peti adilitas, geri, peti praetura: quae suum singula annum requirunt: ut omit tam, quod inter adilitatem & praeturam duo potius anni, quam unus, uidentur interfuisse. quod indi-

indicat epistola ad Furnium, sam. lib. x. Cn. Domitii: duobus tantum prænominibus, Cneo & Lucio, Domitios esse usos, apud Suetonium scriptum est. hunc opinor esse Cn. Domitium Calpurnum, qui deinde consul fuit cum M. Valerio Messalla. etsi Cæsarem in bellis civilibus secutus est. quod cum hoc loco pugnat. hic enim, & in oratione in Vatinius, eum contra Cæsarem in tribunatu sensisse, manifestum est. Sed, ut tempora, sic homines sæpe mutantur. Constantem: in tuenda contra Vatinius senatus causa. Ancharii: hic L. Pisoni in Macedoniam successit, prætorius consulari. in Pisonem. Fidem, ac fortitudinem: quia quod è republica duxit esse, id & uoluerit semper, & ausus sit. alterum enim sine altero infructuosum est. Nihil agere: quia, licet quotidie de calo seruarent, ut Vatinius leges ferenti impedimento essent; ille tamen, auspiciis neglectis, & multas, & reipublicæ exitiosas, pro Cæsaris potentia, pertulit. Gratum: an Domitii animum? non placet: quia nimis longe referetur. malo Gratum: ut ad Ancharii fidem ac fortitudinem pertineat. Grata, sane magis probarem: ut ad animum Domitii, fidemq; ac fortitudinem Ancharii æque spectaret: nisi me numerus impediret: in exametrum enim uersum desineret oratio.

O R A T I O.

I A M de C. Fannio quæ sit existimatio, uideamus:

COM M E N T A R I V S

demus: quod iudiciū populi R. in honoribus eius futurum sit, nemini dubium esse debet. quid populares illi duo, quid egerunt? alter, qui tamen se continuerat, tulerat nihil, senserat tantum de rep. aliud, atque homines expectabant, uir, & bonus, & innocens, & bonis uiris semper probatus, quod parum uidelicet intellexit in tribunatu, quid uero populo probaretur, & quod illum esse populum R. qui in concione erat, arbitrabatur, non tenuit eum locum, in quem, nisi popularis esse uoluisset, facillime peruenisset. alter, qui ita se in populari ratione iactarat, ut auspicia, legem Aeliam, senatus auctoritatem, consulem, collegas, bonorum iudicium nihil putaret, ædilitatem petiuit cum bonis uiris, & hominibus primis, sed non præstantissimis opibus, & gratia: tribum suam non tulit, Palatinam denique, per quam omnes illæ pestes uexare populum R. dicebantur, perdidit, nec quidquam illis comitiis, quod boni uiri uellent, nisi repulsam, tulit. Videtis igitur populum ipsum, ut ita dicam, iam non esse popularem; qui ita uehementer eos, qui populares habentur, respuat; eos autē qui ei generi aduersantur, honore dignissimos iudicet, Veniamus ad ludos: facit enim,

enim, iudices, uester iste in me animorū
oculorumq; contuitus, ut mihi iam lice-
re putem remissione uti genere dicendi.

COMMENTARIUS.

Quæ sit existimatio: quid homines opinentur.
consularem auctoritatem cum esse consecutum,
dicit in oratione in *Vatinium*. Quod iudiciū:
hoc dicit, non esse dubitandum, quin *C. Fannio*
magistratus eos, quos petet, populus studiose da-
turus sit. Tulerat nihil: legem quidem pro-
mulgauit, sed non tulit: quia seruantibus de celo
tribus tribunis *pl. Domitio, Anchario, Fannio*,
nemo ex toto collegio tribunicio, præter unum *Va-*
tinium, legem promulgatam ferre ausus est. quod
in oratione in *Vatinium* plane constat. quis au-
tem hic sit, quem *Cicero* popularem tribunum *pl.*
fuisse dicit, non satis liquet. certe, amicum fuisse
Ciceronis, inde conijcio, quòd, cum eius in tribu-
natu sententiam improbet, in eo tamē laudando,
& quasi excusando multus est. *C. Cosconium* pu-
tarem: de quo sic in ea in *Vatinium*: Omnes tri-
buni *pl. collegæ* tui habuerunt leges promulgatas,
in his multas meus necessarius, etiam de mea sen-
tentia, *C. Cosconius* iudex noster: quem, tu di-
rumperis, cum ædilicium uides. Sed rationes ad-
uersantur due, una, quòd, cum in *Sextij* causa
iudex fuerit, quod proxima, quæ recitari, uer-
ba declarant, non placet hæc de iudice dici: non
enim æquo animo audisset illa uerba, Non tenuit
eum

COM M E N T A R I V S

eum locum, in quem, nisi popularis esse uoluisset, facillime peruenisset. altera uero ratio est, quod manifeste significat eum in honoris petitione repulsam tulisse, cum ait: Non tenuit eum locum, quod in Cosconium conuenire non potest: quem hoc anno ædilem fuisse, ex oratione in Vatinius proxime demonstratum est. Non tenuit eum locum: non obtinuit ædilitatem, aut praturâ. est enim hic, tenere, obtinere: quod ex insequenti uerbo, Peruenisset, coniicitur. Auspicia: qui sunt in historia uersati, Vatinius significari facile sentiunt. is enim, seruantibus de calo tribus eius collegis, Domitio, Anchario, Fannio, de auspicijs nihil laborans leges, quas uoluit, pertulit. quod ipsius Ciceronis uerbis, quæ scripta sunt in oratione in Vatinius, ostendemus. Tribunus plebis, inquit, fuisti: collegas habuisti uiros fortes nouem: ex his tres erant, quos tu quotidie sciebas de calo seruare, quos irridebas, quos priuatos esse dicebas. & in eadem paulo post: Nisi quem post urbem conditam scias tribunum plebis egisse cum plebe, cum constaret seruatum esse de calo? Et infra: Eam rempublicam, quæ auspicijs inuētis constituta est, iisdem auspicijs sublatis peruertere conatus es. eundem significat in epistolis ad Atticum libro II. 28. cum ait: Orbis hic in rep. est conuersus, citius omnino, quàm potuit: id culpa Catonis: sed rursus improbitate istorum, qui auspicia, qui Aeliam legem, qui Iuniam,

*niam, & Liciniam, qui Cæciliam, & Didiam ne-
 glexerunt. Legem Aeliam: lex Aelia legem
 ferri, cum obnunciaretur, uetabat. Vatinius
 neglexit. in oratione in ipsum bis. Senatus au-
 thoritatem: qui, quid senatus uellet, nihil at-
 tendisti: leges tulisti, quas senatus improbabat.
 per populum enim, non per senatum, Cæsar con-
 sul, & Vatinius tribunus pl. egerunt. Consu-
 lem: M. Bibulum: quem Vatinius in carcerem
 duci iussit. in oratione in ipsum. Primis: non gra-
 tia populari, sed familiæ dignitate. quo magis pa-
 tuit, quàm non carus populo Vatinius esset, is,
 qui in tribunatu popularis maxime putabatur,
 cum ab hominibus non magnopere gratiosis tamē
 in ædilitatis petitione uictus sit. Tribum suam:
 Vatinij tribus fuit Sergia. id ex oratione in ipsum
 ex illis uerbis didici: Ob hæc omnes res scias te
 seuerissimorum hominum Sabinorum, fortissimo-
 rum uirorum Marforum, ac Pelignorum, tri-
 bulum tuorum, iudicio notatum, nec post Romā
 conditam, præter te, tribulem quenquam tribū
 Sergiam perdidisse? erat autem ignominia maxi-
 mæ, si quis candidatus in honoris petitione suam
 tribum non ferret. ideo in ea de aruspicum respon-
 sis hoc ipsum eidem Vatinio, non nominatim qui-
 dem, sed ijs tamen uerbis obijcit, ut illum notari
 manifestum sit. ait, enim. Quos ad omnia pro-
 gredientes, quos munera gladiatoria parantes,
 quos apertissime largientes, non solum alieni, sed
 etiam*

COM M E N T A R I V S

etiam sui, uicini, tribules, urbani, rustici repulerunt. & in oratione in ipsum. Palatinam: studiosam perditorum ciuium, ut hic apparet, maxime uero ex oratione pro domo sua: sic enim in ea scriptum est: Amici illi tui, te uno amico testati & beati, qui se populo commiserant, ita repellentur, ut etiam Palatinā tuam perderent. Non enim, in hac tribu censum esse Clodium, etsi, Tuam, Cicero dicat, credibile uidetur. tribum ueterem Claudiam, gentis Claudiae propriam, mutauerit: concedam: tamen in aliqua potius rustica tribu, quā in Palatina, quae urbana fuit, locum habuisset. nam cum, in urbanis tribubus non nisi libertinos fuisse, aut homines à re domestica pessime constitutos, planum exploratumque sit, qui potuerit in ea tribu censeri P. Clodius, qui neque libertinus erat, & ut Plutarchus in Caesare testatur, diuitijs abundabat, equidem non intelligo. an à censoribus ob flagitium è rustica tribu in urbanam reiectum dicemus? simile ueri non est. non enim id Cicero tacuisset. obieciisset omnino, ut alia multa, in aliqua oratione: cum illi saepe, collectis omnibus criminibus, acerbissime male dicat. quòd si census in Claudia non est: malim omnino in Arniensi, quā in Palatina: in qua & Claudium Neronem, qui cum Salinatore censuram gessit, esse censum, Liuius lib. ix. significat. Verum, qui translatus est à Claudia in Arniensem Nero? forte censoriū permissu, ex uetere

ueterem Ap. Claudij censoris instituto: qui mutationē tribuum omnibus non modo ingenuis, uerum libertinis quoque concessit, ut in qua quisque uellet tribu censeretur: quod in Diodoro Siculo legimus. puto etiam id ante Appium censorem licuisse, ex lege Quinia, de qua meminit Festus. Illæ pestes: homines nefarios multa, quæ populum Romanum excernerent, ualdeq; perturbarent, opera, ac studio Palatinæ tribus in concione et comitijs peregrisse significat. Opibus: de quo populus bene existimet, quæ ciuitas diligit, cui fauet, is ualere opibus recte et latine dicitur. opes enim est id, quo possamus: siue bona fama sit, siue diuitiæ, siue bellica copia, siue quiduis aliud.

O R A T I O.

COMITIORVM & concionum significationes interdum ueræ sunt, non nunquam uitiatæ, atque corruptæ: theatrales gladiatoriiq; confessus dicuntur omnino solere, leuitate non nullorum, emptos plausus & exiles & raros excitare: attamen facile est, cum id fit, quemadmodum, & à quibus fiat, & quid integra multitudo faciat, uidere. quid ego nunc dicam, quibus uiris, aut cui generi ciuium maxime applaudatur? neminem uestrum fallit. sit hoc sane leue: quod non ita est; quoniam optimo cuique impertitur: sed si est leue, homini graui leue est: ei uero, qui pendet à rebus

COMMENTARIVS

à rebus leuissimis, qui rumore, & ut ipsi loquuntur, fauore populi tenetur, & ducitur, plausum immortalitatem, sibilum mortē uideri necesse est. Ex te igitur Scaure potissimum quæro, qui ludos apparatusissimos magnificentissimosq; fecisti, ecquis istorum popularium tuos ludos aspexerit? ecquis se theatro, populoq; R. cōmiserit? ipse ille maxime ludius, non solum spectator, sed actor, & acroama, qui omnia sororis embolia nouit, qui in cætū mulierum pro psaltria adducitur, nec tuos ludos aspexit in illo ardenti tribunatu suo, nec ullos alios, nisi eos, à quibus uix uiuus effugit. semel, inquam, se ludis, homo popularis, commisit omnino, cum in templo Virtutis honos habitus esset uirtuti, C. q; Marii, conseruatoris huius imperii, monumētum municipi eius, & reip. defensori sedem ad salutem præbuisset. quo quidem tempore quid populus R. sentire se ostenderit, utroque in genere declaratum est: primo, cum, *audito S.C. ore ipsi atque absenti senatui plausus est ab uniuersis datus: deinde, cū senatoribus singulis, spectatum ē senatu redeuntibus. cum uero ipse, qui ludos faciebat, consul assedit; stantes, & manibus passis gratias agentes, & lacryman-
tes

tes gaudio, suam erga me beneuolentiam
ac misericordiam declararunt.

COMMENTARIUS.

Comitiorum, & concionum: ex comitijs,
inquit, & concionibus non ita cognoscitur popu-
li sensus, ut ex ludorum, gladiatorumq; consessu.
nam etsi non nunquam empti plausus in eo con-
sessu excitantur, tamen hi, quo minus populi sen-
sus appareat, non efficiunt. exiles enim sunt, &
rari; & a quibus dentur, quidq; integra mul-
tudo faciat, facile est uidere. quare ex ludis, et
gladiatoribus, quid de Clodio populus Romanus
sentiatur, optime cognoscemus. Theatrales, gla-
diorumq; consessus: ex his uerbis, ludos in
theatro, gladiatores in foro datos esse, satis pa-
tet. distinguuntur enim gladiatorij consessus à
theatralibus. infra quoque, cum de Scauri ludis
loquitur, Quis, inquit, se theatro comisit? Gla-
diatores autem in foro datos, tum in hac ipsa ora-
tione infra manifestum est: tum Pedianus in com-
mentario Diuinationis, ubi de Menia columna
meminit, idem tradit. Quibus uiris: bonis, et
publicam causam studiose tuentibus applaudi
maxime solebat: exempla sunt in epistolis, &
orationibus non pauca. Sit hoc sane leue: plau-
sum dari. sit plausus de minimis leuissimisq; re-
bus. Homini graui: ita que Cicero cum in qua-
dam epistola ad Atticum scripsisset, sibi theatrum
ingredienti plausum à populo magnum atque æ-

R. qua-

COM M E N T A R I V S

quabilem esse datum, subiunxit proxime: sed hoc ne curaris. ego, ineptus, qui scripserim. quasi, plausum curare, homini consulari turpe esset. Qui pendet: qualis est Clodius. quam enim rem maximi aestimat, ex ea ipsa re, hoc est ex populi plausu, argumento ducto, popularem non esse confirmat. Ut ipsi loquuntur: fauor, & urbanus, Ciceronis ætate noua fuisse, nec ante usitata, asserit Quintilianus libro v i i. cap. i i i. itaque Cicero, ut nouam dictionem uideatur agnoscere, quasi se excusans ait, Ut ipsi loquuntur, id scilicet, qui à rebus leuissimis pendent, qui populi gratiam quauis arte aucupantur. sic in epistola ad Ap. Pulchrum, usus noua dictione, Te, inquit, hominem, ut nunc loquuntur, urbanum. Fauor autem cur Ciceronis ætate noua dictio uisa sit, mirari aliquis possit, cum ea Lucretium multis ante annis usum esse constet. scripsit enim libro v i. - obuia rursum Quæ fuerant, sint placato conuersa fauore. Plausum immortalitatem, sibilum mortem: plausu populus amorem, sibilo odium indicabat. itaque cum M. Roscius Otho tribunus pl. legem tulisset, ut equites seiuncti à plebe, in quatuordecim gradibus sedentes, ludos spectarent; plebs irata, quod ignominiam quandam tulisse uideretur, ingredientem eum in theatrum sibilis excepit, cōtra uero plausu equester ordo. Plutarchus. scaure potissimum: qui prætor es. hoc enim
supra

supra in eo loco, *Qualis pater tuus M. Scaure fuit, probatū est. Ludos fecisti: in ædilitate. Plinius libro xxxvi. cap. xv. Pedianus, de officijs libro i i. Ecquis iltorum: cum enim se populares haberi uelint, tamen populi sibila metuentes ad ludos ire non sunt ausi. Ipse ille: P. Clodius. Ludius: ludios fuisse credo, ut ex oratione de aruspicum responsis conijcio, qui, dum agerentur ludi, in scena psallerent. ludium hic appellat credo P. Clodium, quòd ludis magnopere delectari solitus esset: qui tamen Scauri ludos noluit aspicere, cum populi clamores, & sibila metueret. Acroama: recitator. Sic enim expono, primum ex Cicerone in Verrem: Ne tanquam, inquit, festiuium acroama è conuiuio sine corollario discederet: deinde ex Macrobio: cuius hæc sunt lib. i i. Saturn. Delectatus inter cenam erat Augustus pueris symphoniacis Turo-nij Flacci mangonis, atque eos frumento donaue-rat, cum in alia acroamata fuisset liberalis num-mis. Alibi, ut in oratione pro Archia, satis cõ-stat, acroama etiam pro ipsa re, quæ recitatur, usurpari. Tribuit hic Cicero omnes partes Clo-dio, quæ in fabulam conueniunt: ludius, inquit, est, spectator, actor, recitator: nouit omnia so-roris embolia: adducitur pro psaltria in cætum mulierum: tamen ludos tuos aspicere noluit. Sed queritur. agebat ne Clodius, aut recitabat fabu-las in scena? Non hoc uere sentit Cicero, scd̃ io-*

R 2 catu,

COM MENTARIVS

catur in psaltriæ uestem, quam Clodius induerat, ut uniuersam quasi fabulam perageret, hoc est, Pompeia C. Cæsaris uxore potiretur. Sororis embolia: reconditas partes: cum sorore enim rem habuisse Clodius dicebatur. et, Embolia, dixit, ambigua significatione, ut et ingressum aditusq; ad sororem indicaret, (sicuti embolium est ingressus argumentumq; scenicum) & in ludorum similitudine persisteret: quod mirum uideri posset, Clodium, qui sororis embolia nosset, interesse ludicro spectaculo noluisse. Pro psaltria: horum uerborum sententiam historia patefacit. scribit enim Plutarchus in uita Ciceronis, P. Clodiu psaltriæ ueste indutum, ut Pompeiæ Cæsaris uxori stuprum inferret, ingressum esse eò, ubi sacra Bonæ deæ mulieres faciebant. spectauit igitur Cicerone ad illud flagitium: nec argute minus, quam contumeliose, dixit: quasi mirum uideretur eum, qui psaltriam simulare solitus esset, ludis abstinuisse, quibus fere psaltriæ, pretio conductæ, solerent interesse. eadem significatione dixit in ea de aruspicum responsis. P. Clodius à comâ, à mitra, à muliebribus soleis, purpureisq; fasciis, à strophio, à psaltrio, à flagitio, à stupro est factus repente popularis. nisi eum mulieres exornatum ita deprehendissent; nisi ex eo loco, quod eum adire fas non fuerat, ancillarum beneficio emissus esset: populari homine populus Romanus, respu-

respublica ciue tali careret. Ardenti tribuna-
 tu: fuit enim tanquam incendium reipublicæ:
 quandoquidem ueteres leges, maiorumq; præcla-
 ra instituta cōsumpsit. Vix uiuus effugit: quo
 die de Ciceronis reditu in templo Virtutis sena-
 tusconsultum factum est, eo die ludi fuerunt. quò
 P. Clodius, dimisso senatu, cum uenisset; uix se
 populus Romanus tenuit; uix homines odium
 suum à corpore eius impuro; atque nefando re-
 presserunt. placet enim in re demōstranda ipsius
 Ciceronis usurpare uerba. Honos habitus
 esset uirtuti: quòd in eo templo, in quo Virtus
 colebatur, de salute ciuis eius actum est, qui rem-
 publicam à coniuratorum scelere sua uirtute uin-
 dicarat. affuit igitur, & opem tulit uirtuti Vir-
 tus. Hic magna me dubitatio tenet, sic inquam;
 ut expedire me nō possim: cur senatusconsultum
 de suo reditu in templo Virtutis esse factum hic
 Cicero dicat: quod etiam infra, et in oratione pro
 Plancio, & de diuinatione libro I. & Valerius
 quoque Maximus confirmat: cum idem in hac ip-
 sa oratione, & in ea post reditum in senatu, &
 in ea pro domo sua factum esse illud senatuscon-
 sultum non in Virtutis, sed in Iouis templo cō-
 memoret. magna me in hoc loco torquet ἀπορία.
 nihil enim habeo, quod ipse mihi uidear ad tollen-
 dam huiusmodi dubitationem probabiliter posse
 dicere. non enim adduci possum, ut Virtutis &
 Honoris templum idem fuisse Iouis existimem;

R 3 quan-

COMMENTARIVS

quandoquidem, disiunctum fuisse, non obscure Festus ostendit, cum ait *Virtutis & Honoris eadem à C. Mario summissiorem alijs esse factam*, ne, si forte officeret auspicijs, augures eam demoliri cogerent. licet opinari, appendicem fuisse templi Iouis, reliquo templo, alijsq; item sacris ædibus summissiorem: uerum nec in hac penitus opinione animus acquiescit. Marii monumentum: quod extruxit de manubijs Cimbricis, & Teutonicis. inscriptio fuit hæc in eius arcu. De manubijs Cimbricis Teutonicis ædē Honori & Virtuti uictor ueste triumphali calceis puniceis. Alterum fuit Honoris & Virtutis templum, quod M. Marcellus, qui consul quinquies fuit, non longe ab Appia uia fecit. Pedianus, & alij. Municipi eius: Ciceroni: cui eadem, quæ C. Mario, patria fuit Arpinum. Reip. defensori: presertim in consulatu: iungit autem suam laudem cum Marij laude. nam illum Romani imperij conseruatorem, se reipublicæ defensorem nominat. Sedem ad salutem præbuisset: cum excepit eos, qui de Ciceronis salute decreuerunt. Vtroque in genere: amore erga senatum, odio in Clodium declarando. Ore: quis non uidet corruptam esse dictionem? Cōsuli, cum sententia quadraret: nec à scripto nimium recedit: si quis antiquam scribendi rationē teneat. Ipsi: qui retulerat ad senatum. Faciebat: extra ordinem, sumptu suo. ludos enim omnes

omnes solennes, publica impensa, ædiles curabant, præter Apollinares, qui à prætore urbano fiebant. Consul: P. Lentulus: nam huic potius, quàm Metello, gratias populum egisse, consentaneum est: quando is ad reducendum Ciceronem senatui dux & auctor fuerat. utrum autem de ludis anniuersarijs, an ex consulis uoluntate factis intelligendum sit, non apparet. sed si anniuersarij: cur ab altero potius consule, quàm ab utroque dati? nisi si, uel sorte, uel quòd eius muneris cura ad eum consulem pertinebat, qui prior loco creatus erat. Stantes: sedentes enim in theatri gradibus ludos spectabant. Passis: aperatis, diductis: à pando.

O R A T I O.

At cum ille furibundus incitata illa sua uerborum mente uenisset, uix se populus R. tenuit, uix homines odium suum à corpore eius impuro, atque infando represserunt; uoces quidem, & palmarum intentus, & maledictorum clamorem omnes profuderunt. sed quid ego populi R. animi uirtutemque; commemoro, libertatem iam ex diuturna seruitute respicientis, in eo homine, cui tum petenti iam ædilitatem ne histriones quidem coram sedenti pepercerunt? nam cum ageretur togata, simulans, ut opinor, caterna tota, clarissima concontentione, in ore impu-

R 4 ri ho-

COMMENTARIUS

ri hominis imminens concionata est,
Huic uitæ tuæ = & post,
= Principia atque exitus Vitiosæ uitæ.
sedebat exanimatus; & is, qui antea can-
torū conuicio conciones celebrare suas
solebat, cantorum ipsorū uocibus eiicie-
batur. Et quoniam facta mentio est ludo-
rum, ne illud quidem prætermittam, in
magna uarietate sententiarum nunquam
ullum fuisse locum, in quo aliquid à poe-
ta dictum cadere in tempus nostrum ui-
deretur, quod aut populum uniuersum
fugeret, aut non exprimeret ipse actor.
& quæso hoc loco, iudices, ne qua mele-
uitate ductum ad insolitum genus dicen-
di labi putetis, si de poetis, de histrioni-
bus, de ludis in iudicio loquar. non sum
tam ignarus, iudices causarum, non tam
insolens in dicendo, ut omni ex genere
orationem aucuper, & omnes undique
flosculos carpam, atque delibem. scio
quid grauitas uestra, quid hæc aduoca-
tio, quid illi conuentus, quid dignitas P.
Sextii, quid periculi magnitudo, quid æ-
tas, quid honos meus postulet. sed mihi
sumpsi hoc loco doctrinam quandā iuue-
tuti, qui essent optimates. in ea explican-
da demonstrandum est, non esse popula-
res omnes eos, qui putentur. id facilli-
me

IN ORAT. PRO SEXTIO. 133
me cōsequar, si uniuersi populi iudiciū
uerū & incorruptum, & si intimos sen-
sus ciuitatis expressero.

COMMENTARIVS.

Venisset: è senatu in theatrum. fuit enim senator
P. Clodius, idq; non modo consulibus Lentulo &
Metello, gesto iam tribunatu, uerum etiam ante
quàm tribunatum gereret, atque adeo ante
quàm plebeius fieret. patet ex oratione pro domo
sua, in qua sunt hæc: Quæ maior calumnia est,
quàm uenire imberbem adolescentulum, bene ua-
lentem, ac maritum; dicere, filium senatorem
populi Romani sibi uelle adoptare? Diuturna
seruitute: quam per biennium pertulerat, con-
sulibus Casare & Bibulo, Pisone & Gabinio.
Tum: eo die, quo, senatusconsulto de me factò,
in theatrum uenit. Petenti iam: particula,
iam, non, ante legitimum tempus adilitatem pe-
tijisse Clodium, significat: anno enim, qui tribu-
natum primus sequebatur, adilitatem petere lice-
bat: sed ei, etsi iam peteret adilitatem, histrion-
es tamen coram sedenti non pepercisse. To-
gata: comædia, quæ Romanum habet argumen-
tum, à togatis personis acta. Simulans: potest
esse togatæ nomen. potest etiam ad cateruam re-
ferri, hoc sensu. non casu, sed consulto, et simu-
latione caterua omnis histrionum, imminens in
ore Clodij, uersus illos poetæ ueteris pronunciauit,
Huic uitæ tuæ etc. Concentione: histriones
olim,

COMMENTARIUS

olim, cum fabulas agerent, numeroso cantu recitasse, uel hic locus argumento esse potest. Concionata: uoce clarissima: qualis eorum solet esse, qui in populo concionantur. Cantorum conuicio: etsi locus uocare mendo non uidetur: tamen, hoc opinor, Cicero significat. adhibere Claudius cantores ad suas conciones antea solebat, quo libentius populus audiret, eorum modulatis uocibus, quæ concionantis uocem subsequiebantur, de lenitus. tunc autem cantorum ipsorum uocibus quibus alios congregarat, ipse eiciebatur. hæc, nisi fallor, est horum uerborum sententia. uerum, quid sibi uellit, dictio, conuicio, & quem hic locum habeat, non dispicio. nisi si, conuicio, pro multis uocibus à Cicerone dictum uelis, quasi, concuicio. qua significatione accipitur & ab Ulpiano iuriconsulto. Celebrare: frequentare: cum ad eas frequens populus conueniret. sic per oppositionem dicimus, loco celebri, loco deserto. & infra de gladiatoribus, Id, inquit, spectaculi genus omni frequentia, atque omni genere hominum celebratur. Sententiarum: in togata. Fugeret: quod populus uniuersus non intelligeret in meam fortunam conuenire. Actor: is, qui primas in togata partes agebat: quem fuisse Aesopum, infra patet. is autem in agendis fabulis grauius animo commouebatur: ut eius personæ, quam agebat ingenium plane referre uideretur. tradit Plutarchus; cum is Atreum representaret, de Thyestis

Thyestis supplicio deliberantem, ita esse rei argumento affectum, ut ministrum quendam, quia non satis mature aduenisset, sceptro percussum occiderit. Aduocatio: ij, qui suam praesentiam (ut Pediani uerbis utar) commodant reo. Ille conuentus: populus, qui ad iudicium conuenerat: quã in oratione pro Milone coronam uocat: quod populi circa stantis frequentia, quasi corona quadam, iudicum subsellia cingerentur.

O R A T I O.

Quid fuit illud, quod, recenti nuncio de illo S. C. quod factum est in templo Virtutis, ad ludos scenamq; perlato, confessu maximo, summus artifex, & mehercule semper partium in rep. tanquam in scena, optimatum, flens, & recenti lætitia, & mixto dolore, ac desiderio mei, egit aperte multo grauioribus uerbis meã causam, quã egomet de me agere potuissem? summi enim poetæ ingenium non solum arte sua, sed etiam dolore exprimebat. Quã enim certo animo, - qui rep. adiuuerit, Steterit cum Achiuis. uobiscum me stetisse dicebat, uestros ordines demonstrabat. reuocabatur ab uniuersis. - re dubia, Nec dubitarit uitam offerre, nec capiti pepercerit. hæc quantis ab illo clamoribus agebantur? cum iam, omisso gestu, uerbis poetæ, & studio

COMMENTARIVS

dio actoris, & expectationi nostræ plauderetur.

Summum amicum summo in bello.
nam illud ipse actor adiungebat amico animo: et fortassis homines propter aliquod desiderium approbabant: - summo ingenio præditum. tum illa quanto cum gemitu populi R. ab eodem paulo post in eadē fabula sunt acta? O pater.

COMMENTARIVS.

Optimatum: *optimarum*, non dubito quin rectius sit: ut cum rep. & cum scena pariter congruat. partes, inquit, optimas, ut in scena, sic in rep. tuetur. Summi poetæ: qui fabulam, quæ agebatur, composuerat. Sed etiam dolore: cum enim poetæ uersus meum casum referentes pronunciaret, ad eorum sententiam non modo corporis motum, et uocem, et uultum, uerum etiam animū, intimosq; sensus accommodabat. summo enim cum dolore, multisq; cum lacrymis agebat. Stererit cum Achiuis: cum hæc ab homine græco dici facile conijciam, qui post multa in Achiuos collata beneficia uitam in exilio misere ducat: fortasse, Telamonem hunc esse, Aiacis & Teucris patrem, non absurde putabimus: de quo hæc Cicero libro III. Tusculanarum. Huius ne uitæ propositio & cogitatio aut Thyestem leuare poterit, aut Aetam, aut Telamonem pulsum patria, exulantem atque egentem?
in quo

in quo hæc admiratio fiebat : deinde subiunxit trochaicos quadratos catalecticos .

Hicine est Telamon ille, modo quem gloria ad cælum extulit ,

Quem aspectabant , cuius ob os Graij ora obuerte bant sua ?

nec dubito , quin ij duo uersus ex eadem fabula sint , ex qua hi , quos in oratione Cicero commemorat . etenim illud ,

Exulare finitis , sistis pelli , pulsum patimini , aptissime ad Telamonem referuntur . fabulam autem fuisse opinor Accij Andromacham . nam illa quæ sequuntur ,

O pater ,

Hæc omnia uidi inflammari ;

quæ Cicero ex eadem fabula esse dicit ; ex Accij Andromacha sumpta esse , plane constat in I I I .

Tusculana . utrunque autem in eadem fabula ,

Telamonem & Andronacham , suam miseriam deplorantem esse inductum , primum hic licet conijcere : deinde ex ea , de qua memini Tusculana ,

possum suspicari . nam ex una parte Telamonem , ex altera Andromacha , suam calamitatem misere conquerentes , uidetur Accius collocasse : cum

Cicero , tribus uersibus de Telamone recitatis ,

Pol mihi fortuna magis nunc desit , quàm genus : Nanque regnum suppetebat mihi : ut scias , quan

to è loco ,

Quantis opibus , quibus de rebus lapsa fortuna occi dat :

COMMENTARIVS

dat: subiungat,
Ex opibus summis, opis egens Hector tuæ;
Quid petam præfidi, aut exequar? quo ue nunc
auxilio, aut fuga,

Freta sim? -

Et quæ sequuntur: quæ sunt ex *Andromachæ*,
Hectoris uxoris, persona. Vestros ordines.
senatum, equites, plebem: quos à me ordines de-
fensos esse demonstrabat. Reuocabatur: coge-
bat populus histriones, quæ semel dicta placue-
rant, sæpius eadem iterare. Clamoribus:
non actoris, sed populi. Omissio gestu: non
iam populus gestu, sed plausu significabat, quid
de poeta sentiret, qui illa scripserat; quid de actor-
re, qui tantum studium, animiq; affectionem in
agendo declarabat; quid de nobis, quorum redi-
tus expectabatur. Summo in bello: opinor,
in priore bello Troiano; in quo ab *Hercule* & *Te-
lamone* euersa Troia est. Adiungebat: de suo,
non à poeta scriptum. nam, Summo ingenio præ-
ditum, non ita conueniebat in hominem milita-
rem, de quo proxima superiora dicta sunt; ut in
Ciceronem, qui inter omnes ciues ingenij laude
scientiaq; eminebat. O pater: *Andromachæ*
uerba apud *Accium*, suam fortunam euersa Tro-
ia deplorantis. et est ad patrem *Eetionem*, quem
Thebis in *Asia* regnantem *Achilles* occiderat, mi-
serabilis inuocatio. integer uersus est,
O pater, ò patria, ò Priami domus:

cuius

IN ORAT. PRO SEXTIO. 136
*cuius et in III. libro Tusculanarum, et in III.
de oratore mentio fit.*

ORATIO.

ME, me ille absentem, ut patrem, deplorandum putabat, quem Q. Catulus, quem multi alii sæpe in senatu patrem patriæ nominarant. quãto cum fletu de illis nostris incendiis, ac ruinis? cum patrem pulsum, patriam afflictam deploraret, do mum incensam euersamq; , sic egit, ut, demonstrata pristina fortuna, cum se conuertisset,

Hæc omnia uidi inflammari, fletum etiam inimicis, atque innidis excitaret. pro dii immortales, quid illa, quæadmodum dixit idem? quæ mihi quidem ita & acta, & scripta uidentur esse, ut uel à Catulo, si reuixisset, præclare posse dici uiderentur: (is enim libere reprehendere & accusare populi nonnunquam temeritatem solebat, aut errorem senatus) O ingraticuli Argiui, inanes Graii, immemores benefici. nō erat illud quidem uerum: nō enim ingrati, sed miseri, quibus reddere salutem, à quo acceperant, non liceret: nec unus in quenquam unquam gratior, quàm in me uniuersi. sed tamen illud scripsit disertissimus poeta pro me, egit fortissimus actor, non solum optimus,

COM M ENTARIVS

mus, de me. cum omnes ordines demon-
straret, senatum, equites R. uniuersum
populum R. accusaret, Exulare finitis,
sistis pelli, pulsum patimini: quæ tum si-
gnificatio fuerit omnium, quæ declara-
tio uoluntatis ab uniuerso populo R.
in causa hominis popularis, equidem au-
diebamus: existimare facilius possunt,
qui affuerunt, & quoniam huc me proue-
xit oratio, histrio casum meum toties col-
lacrymauit, cum ita dolenter ageret cau-
sam meam, ut uox eius illa præclara la-
crymis impediretur. neque poetæ, quo-
rum ego semper ingenia dilexi, tempori
meo defuerunt: eaquæ; populus R. non so-
lum plausu, sed etiam gemitu suo cõpro-
bavit. utrum igitur hæc Aesopum potius
pro me, aut Accium dicere oportuit, si
populus R. liber esset, an principes ciui-
tatis? nominatim sum appellatus in Bru-
to Tullius: Qui libertatem ciuibus stabi-
liuerat: millies reuocatum est. parum ne
uidebatur; populum R. iudicare id à me,
& à senatu esse constitutum, quod perdit
ciues sublatum per nos criminabantur?

COM M ENTARIVS.

Patrem pulsum: *cum diceret histrio, ò pater, ò
patria, ò Priami domus, me, patrem patrie,
pulsum, patriam affluctam, domum incensam &
euerfam,*

*enerſam, cum lacrymis ſignificabat. Priſtia
 fortuna: cum enim aëtor illa pronunciaſſet,
 O' pater, ò patria, ò Priami domus,
 Septum altiſono cardine templum,
 Vidi ego te, aſtante ope barbarica,
 Teëtis calatis, laqueatis,
 Auro, ebore inſtructam magnifice,
 ſubiunxit ea, quæ idem poeta proxime ſcripſit:
 quæ in III. Tuſculana notauimus:*

Hæc omnia uidi inflammari,

Priamo ui uitam euitari,

Iouis aram ſanguine turpari.

*de quibus uerſibus primum duntaxat hic Cicero
 ponit; cum tamen omnes hiſtrio in ſcena recitarit.
 primus enim ad repræſentanda ædium ſuarum in-
 cendia pertinebat: duo reliqui in fortunam illius
 non cadebant. Si reuixiſſet: perierat inter Cice-
 ronis conſulatum, & exilium. Pro me: ut in
 me multis poſt annis conuenirent, ut in eum tem-
 pus cadere poſſent. quod non poetæ conſilio, ſed
 caſu ita factum eſt. Fortiſſimus: quia libere
 egerit, ſuumq; mei deſiderium, nullo metu per-
 territus, aperte demonſtrarit. De me: ſen-
 tiunt proſecto neſcio quid aures, quo inuentur,
 cum duo proxima καὶ αἰς iſdem audiunt ſyllabis
 terminari: ut hic: Scripſit diſertiffimus poeta pro
 me, egit fortiſſimus aëtor, non ſolum optimus, de
 me: ἐμοὶ τελέειν τοῦ Græci uocant. Fletum e-
 tiam inimicis: hoc dixit, uel quia re uera fa-*

S Etum

COM MENTARIVS

etum erat; uel quòd, graues calamitates cum si-
gnificamus, miserabiles etiam inimicis appellare
consueuimus. sic apud Sophoclem Tecmiffa de
Aiace, sua ipsius manu interfecto:

ὦ δύσμορ' Αἴας, οἷός ὢν οἷός ἔχεις,
ὥς καὶ παρ' ἐχθροῖς ἄξιός θρήνων τυχεῖν.

Et apud eundem nuncius in tyranno:

— θέαμα δ' εἰσόψαι τάχα

τοιοῦτον, οἷον, καὶ συγοῦντα ἐποικτίσαι.

Hominis non popularis: se ipsum intelligit:

qui etsi nomine popularis non erat, summam ta-
men erga se populi uoluntatem cognouisse dicit.

Equidem audiebamus: sic libro I I I. de
finibus: Equidem, diligentius sepiusq; ista loque-
mur inter nos. Et ad Atticum lib. I I I. Ad-

huc equidem ualde me pœnitet. Toties: in om-
nibus à me recitatis uersibus. Impediretur:

debilitatur enim fletu uox. pro Cælio, et pro Mi-
lone. Poetæ: qui quasi diuinantes illa pro me

scripserunt. Aesopum: histrionem, Cicero-
nis familiarem: qui, ut Roscius in comædijs, sic

ipse primas in tragædijs ferebat. epistola ad Ma-
rium, fam. libro V I I. reliquit filium ditissimum,

Et nequissimum. Plinius. In Bruto: Accij
tragædia, de qua libro I. de diuinatione, Et
apud Varronem de lingua latina lib. I I I I. men-
tio fit. Tullius: cum enim Brutum Aesopus

nominare deberet, Tullium nominabit: quòd
ut Brutus, Tarquinio rege pulso, sic Cicero, con-
iuratione

iuratione oppressa, libertatē ciuibus stabiliuerat. Reuocatum est: à populo. sic in epistola quadam ad Atticum lib. 11. de Diphilo tragædo: Millies coactus est dicere eadem. Id à me constitutum: libertatem. Criminabantur: propterea Clodius ex euersa Ciceronis domo templum Libertatis exædificauit: quasi, eo pulso, qui tyrannidem in suo consulatu exercuisset, restituta libertas uideretur. Munus: de gladiatoribus quidem, sed proprie de uenationibus usurpatur, ut indicat Lactantius libro v 1. distinguuntur autem à ludis munera: nec satis intelligenter fecerunt, qui illud in Verrem, Vllum munus ædilitatis, de ludis dictum existimarunt, suaq; in scripta retulerunt.

O R A T I O.

MAXIMUM uero populi R. iudicium uniuerso confesso gladiatorio declaratum est: erat enim munus Scipionis, dignum & eo ipso, & illo Q. Metello, cui dabatur. id autem spectaculi genus erat, quod omni frequentia atque omni genere hominum celebratur, quo multitudo maxime delectatur. in hunc confessum P. Sextius trib. pl. cum ageret nihil aliud in eo magistratu, nisi meam causam, uenit, & se populo dedit, non plausus cupiditate, sed ut ipsi inimici nostri uoluntatem uniuersi populi uiderent. uenit, ut scitis, ad

S 2 colum-

COMMENTARIVS

columnam Mænam . tantus est ex omnibus spectaculis usque à Capitolio, tantus ex fori cancellis plausus excitatus, ut nunquam maior consensio, aut apertior populi R. uniuersi fuisse ulla in causa diceretur . ubi erant tum illi concionum moderatores, legum domini, ciuium expulsores? alius ne est aliquis improbis ciuibus peculiaris populus, cui nos offensi inuisiq; fuerimus? equidem existimo, nullum tempus esse frequentioris populi, quàm illud gladiatorium; neque concionis ullius, neque uero ullorum comitiorum. hæc igitur innumerabilis hominum multitudo, hæc populi R. tanta significatio sine ulla uarietate uniuersi, cum illis ipsis diebus de me actum iri putaretur, quid declarauit, nisi optimorum ciuium salutem & dignitatem populo R. caram esse uniuerso?

COMMENTARIVS.

Q. Metello : Pio, Numidici filio : cuius memorie P. Scipio, is, qui postea Pompeij Magni socer fuit, gladiatores dedit. erat enim, ut scripsit Dio, ab eo adoptatus : ideoq; & Metellum, & Scipionem appellari in epistolis Ciceronis, atque etiam in antiquis nummis, licet animaduertere. opinor autem & hunc Scipionem, & duos Luculos fratres, & Seruilium Isauricum Metelli Pij amita,

amita, Numidici sorore natos. nam Metellarum sororum filios Lucullos, Seruilios, Scipiones uideo in duobus orationibus post reditum nominari. & Plutarchus, L. Lucillum Metelli Numidici sorore genitum esse, plane narrat. Dabatur: non statim post obitum: nam aliquot ante annis Cicerone consule Metellum Pium uita excessisse, Dio libro XXXVII. declarat. sic & Q. Gallium patri mortuo munus gladiatorium anno post dedisse, apud Pedianum obseruauimus. Columnam Mæniæ: è qua gladiatorum pugna in foro spectabatur. quod ex Pediano satis constat. Ex fori cancellis: ergo in foro gladiatores dabantur. quod et Pedianus ait, & Plutarchus in Gracchorum uita confirmat.

O R A T I O.

AT uero & ille tribunus pl. qui de me non patris, aui, proau, maiorum denique suorum omnium, sed Græculorum instituto concionem interrogare solebat, uellet ne me redire; & cum erat reclamatum semiuiuis mercenariorum uocibus, populum R. negare dicebat: is, cum quotidie gladiatores spectaret, nunquam est conspectus, cum ueniret: emergebat subito, cum sub tabulas subreperat, ut,
Mater te appello,
dicturus uideretur. itaque illa uia late-
s 3 brosa,

brofa, qua spectatum ille ueniebat, Appia iam uocabatur, qui tamen quoquo tempore conspectus erat, non modo gladiatores, sed equi ipsi gladiatorum repentinis sibilis extimescebant. Videtis ne igitur, quantum inter populum R. & concionem intersit? dominos concionum omni odio populi notari; quibus autem consistere in operarum concionibus non liceat, eos omni populi R. significatione decorari? Tu mihi etiam M. Atilium Regulum commemoras, qui redire ipse Carthaginem sua uoluntate ad supplicium, quam sine iis captiuis, à quibus ad senatum missus erat, Romæ manere maluerit? & mihi negas optandum redditum fuisse per familias comparatas, & homines armatos? uim scilicet ego desiderauit: qui, dum uis fuit, nihil egi; & quem, si uis non fuisset, nulla res labefactare potuisset. hunc ego redditum repudiarem? qui ita florens fuit, ut uerear, ne quis me studio gloriæ putet idcirco exisse, ut ita redirem. quem enim unquam senatus ciuem, nisi me, nationibus exteris commendauit? cuius unquam propter salutem, nisi meam, senatus publice sociis populi R. gratias egit?

COM-

Ille tribunus pl. ex omnibus, qui *Lentulo & Metello* cos. tribuni pl. fuerunt, duos duntaxat inimicos *Ciceroni* fuisse, *Numerium Quinctium*, & *Sex. Atilium Serranum*, supra cognouimus. sed acrior aduersarius *Atilius*: qui etiam, ne kalendis Ian. res conficeretur, impedierit; idemq; post reditum *Ciceronis*, ut est libro I I I I. epist. ad *Atticum*, senatusconsulto, quod de restituenda *Ciceronis* domo in *Marcellini* consulis designati sententiam fiebat, intercesserit. quare hic eum potius intelligi, quam *Numerium*, existimo. Patris: non significat patrem *Atilij* naturalem: nam is *Gaius* quidam fuit, homo ignobilis, à re domestica male paratus: cuius horreum *Cicero* desertum supra uocauit. significat igitur *Atilium* patrem adoptiuum: qui & ipse, & pater, & maiores clari uiri fuerant, optimeq; de bonis ciuibus, deq; republica senserant, quorum dissimilis *Gaius* *Atilius*, *Ciceronem*, bene de patria meritum, uehementer oppugnabat. Græculorum: qui se omnia scire profitentur, quorum nomina solet *Cicero* diminuere, ut indicet, non esse re uera tales, quales ipsi se esse prædicent. solebant enim ex *Gorgiæ Leontini* uetere instituto multis astantibus interrogare, Num quis aliquid quæreret: & ad omnia quæsitæ respondebant. quorum inanem ostentationem & alibi *Cicero* deridet. eorum igitur consuetudinem *Atilius* uide-

COMMENTARIUS

batur imitari, cum interrogaret in concione, *Vel-
lent ne me redire. Cum ueniret: non conspe-
ctus est, cum in forum ad spectandos gladiatores
ueniret: sub eas enim tabulas, quæ spectaculi caus-
sa temporariæ compinguntur, occulte subrepe-
bat; cum populi sibila metueret, qui tamen, po-
stea quàm confederat, à populo conspectus, ita
exsibilabatur, ut repentino sonitu non modo gla-
diatores, sed ipsi gladiatorum equi perturbaren-
tur. Ut, mater te appello: ut Memnoni,
Auroræ filio, similis uideretur: cuius imago in-
terfecti & insepulti per quietem matri apparens
ita fatur:*

*Mater te appello, quæ curam somno suspensam
leuas,*

*Neque te meū miseret. surge, & sepeli natum.
sunt enim hi uersus Tusculanarum quæstionum
lib. I. quemadmodum igitur Memnonis umbra
de terra subito existit, & ad matrem illa pro-
nunciat: sic Atilius, cum sub tabulas subrepse-
rat, emergebat subito, ut, quasi Memnon, Ma-
ter te appello, dicturus uideretur. Latebro-
sa: celebres enim uias fugiebat, ut occulte ueni-
ret. Appia: nisi me coniectura fallit; Atilia,
rectius legetur, quàm Appia: ut ab Atilii tri-
buni pl. nomine uia illa, qua spectatum ueniebat,
à ridiculis ac facetis hominibus Atilia diceretur.
Equi gladiatorum: ex equis gladiatores pu-
gnasse, nisi me locus hic monuisset, non putassem.
cetera*

cetera exempla, quod meminerim, de peditibus æquo solo sunt. Notari: Vatinium in comitijs, Clodium in ludis, Atiliū in munere gladiatorio. Decorari: Lentulum in concionibus & ludis, Domitium & Ancharium in comitijs, Sextium, in gladiatorio consensu. Tu mihi etiam: accusator Sextij M. Tullius Albinouanus obiecerat Ciceroni, quod per seruos & homines armatos in patriam reuertisset: exemplumq; Reguli protulerat; qui redire Carthaginem ad supplicium, ut reipublicæ consuleret, quàm Romæ manere maluisset. nota historia est ex Polybio, Gellio, ipso Cicerone libro IIII. de officijs. Nihil egi: quid enim facerem, cum uis & arma intentarentur? discessi è patria, ne ui contra uim uterer. Nullares: nam neque leges, neque iudicia, neque omnino res ulla eam mihi calamitatem inuexisset, quam uis intulit, Sociis: qui eum, patria pulsum, comiter exceperant, benigneq; tractarant.

O R A T I O.

DE me uno patres conscripti decreuerunt, ut qui provincias cum imperio obtinerent, qui quaestores legatiq; essent, salutē & uitam meam custodirent. in mea una causa post Romam conditam factum est, ut litteris consularibus ex S. C. cuncta ex Italia omnes, qui remp. saluam uellent, conuocarentur. quod nunquam senatus
in

in uniuersæ reip. periculo decreuit, id in
 unius meæ salute conseruanda decernen-
 dum putauit. quem curia magis requisi-
 uit? quem forum luxit? quem æque ipsa
 tribunalia desiderauerunt? omnia disces-
 su meo deserta, horrida, muta, plena lu-
 ctus & mæroris fuerunt, quis est Italiæ lo-
 cus, in quo non fixum sit in publicis mo-
 nimentis studium salutis meæ; testimo-
 nium dignitatis? nam quid ego illa de me
 diuina S. C. commemorem? uel quod in
 templo Iouis optimi maximi factum est,
 cum uir is, qui tripartitas orbis terra-
 rum oras, atque regiones tribus trium-
 phis adiunctas huic imperio notauit, de
 scripto sententia dicta, mihi uni testimo-
 nium patriæ conseruatæ dedit: cuius sen-
 tentiam ita frequentissimus senatus secu-
 tus est, ut unus dissentiret hostis, idq; ip-
 sum tabulis publicis mādaretur ad memo-
 riam posterī temporis sempiternam: uel
 quod est postridie decretum in curia, po-
 puli ipsius R. & eorum, qui ex municipiis
 conuenerant, admonitu; ne quis de cæ-
 lo seruaret; ne quis morā ullam afferret.
 si quis aliter fecisset, eum plane euerso-
 rem reip. fore, idq; senatum grauisimela-
 turum; & ut statim de eius facto referre-
 tur. qua grauitate sua cum frequens se-
 natus

natus non nullorum scelus audaciamq;
tardasset, tum illud addidit: nisi diebus
quinque, quibus agi de me potuisset, es-
set actum, redirem in patriam dignitate
omni recuperata, decreuit eodem tem-
pore senatus, ut iis, qui ex tota Italia sa-
lutis meæ causa conuenerant, agerentur
gratiæ; atque ut iidem ad res redeuntes,
ut uenirent, rogarentur.

COM MENTARIVS.

Cum imperio: qui pro consulibus, et qui pro præ-
toribus erant. nam quæstores, & legati imperiū
in prouincijs non habebant. ideo eos separatim
Cicero nominat. Cuncta ex Italia: ὑπερβολι-
κῶς. non enim Italia cuncta suffragium ferebat.
porro non nisi ad ferendum de Cicerone suffragiū
conuocabantur. dixit igitur, cuncta ex Italia, rei
exagerandæ causæ, pro, cunctis ex municipiis.
quod locus in ea post reditum in senatu declarat,
his uerbis: Quid? ut agerentur gratiæ ijs, qui è
municipiis uenissent? quid? ut iidem, ad res cum
rediissent, rogarentur ut pari studio conuenirent?
Diuina S. C. quatuor de Cicerone restituendo
S. C. esse facta, & hic, & in ea post reditum in
senatu planum fit: unum, ut ab omni Italia, qui
remp. saluam uellent, ad Ciceronem restituendū
& defendendum Romā uenirent: alterum, quod
utroque consule referente, in Capitolio, Iouis in
templo, de renocando Cicerone factum est: ter-
tium,

COMMENTARIUS

tium, quod in curia; ne quis ad impediendam legem de caelo seruaret; ne quis morā ullam afferret: quartum, ut ijs, qui ex municipijs uenerant, agerentur gratiæ, atque ut ijdem ad res redeuntes, ut uenirent, rogarentur. postea, centuriatis comitijs, à P. Lentulo consule, magistratibusq; cunctis, præter unum prætorem, Ap. Claudium, P. Clodij fratrem, & duos tribunos pl. Sex. Attiliū Serranum, & Numerium Quinctium, pridie nonas Sext. lata lex est. Vir is: Cn. Pompeius: qui, uictis in Africa Carbone, in Hispania Sertorio, in Asia Mithridate, de tribus orbis terrarum patribus triumphauit. Unus dissentiret hostis: et unus de plurimis, et hostis: nam ne unus quidem, nisi hostis esset, dissensisset. manifestum est, P. Clodium designari: de quo sic in ea post reditū in senatu: Quo quidē die cū ccccx. senatores essetis, magistratusq; omnes adessent; dissensit unus, qui sua lege coniuratos etiam ab inferis excitandos putarat. Ibi enim Clodium significari, declarant in eadem oratione illa uerba: Meus inimicus promulgauit, ut, si reuixissent ij, qui hæc pene delerent, tum ego redirem. & pro domo sua sic: Cum de mea dignitate in templo Iouis optimi maximi senatus frequentissimus, uno isto dissentiente, decreuisset. De caelo seruaret: cum lex de me feretur, agere enim cum plebe, cum de caelo seruaretur, non licebat. supra, & in Vatiniū. miror autem, cur senatus

tus ita decerni necessarium putarit : cum , ne seruari de celo liceret , cum lex ferretur , lege P. Clodij sancitum iam esset . non enim suspicari possumus eam legem , quæ auspicia tollebat , ab insequentis anni tribunis pl. in consulatu Lentuli , & Metelli esse abrogatam . siquidem illa uerba , quæ sunt in oratione de prouincijs cōsularibus in extremo , eam adhuc ualere significant , cum essent consules Marcellinus & Philippus . Aut uobis , inquit , statuendum est , legem Aeliam manere , legem Fusiam non esse abrogatam ; non omnibus fas est legem ferri licere ; cum lex ferretur , de celo seruari , obnunciari , intercedi solere . & quæ sequuntur . quid igitur dicendum est ? an hoc ? senatum , etsi leges Clodii ualere intelligeret , quia tamen improbas iudicaret , ita decreuisse , quasi eæ in republica non essent . non enim aduersus Clodij legem faciebat senatus , sed cum ea potius consentire uidebatur , cum decernebat , ne quis de celo seruaret , cum de Ciceronis reditu lex ferretur . quod de omnibus legibus Clodii lege cautum erat . Referretur : in senatu : ut , quid agendum in illum esset , decerneretur . de Serrani tribuni pl. intercessione relatū esse , legimus in epistolis ad Atticum 54 : sic etiam de tribunorum pl. facto , qui senatus consulto de Galliis intercesserant , relatū esse , Cæsar his uerbis libro 1. de bello civili scriptum reliquit . Refertur confestim de intercessione tribunorum , dicuntur sententiæ graues . ut quisque

COMMENTARIVS

quisque acerbissime crudelissimeq; dixit, ita quā-
maxime ab inimicis Caesaris collaudatur. hac to-
ta de re meminit Cicero & in ea post reditum in
senatu. Diebus quinque: comitialibus: qui-
bus agi cum populo licebat. non enim dicit, quin-
que continentibus diebus, sed, quinque, qui-
bus agi potuisset. Ex tota Italia: uerius,
ex omnibus Italiae municipiis: quod iam osten-
di. Ad res: ad sua negocia. in oratione post
reditum in senatu. Quid? inquit, ut agerentur
gratiae, qui è municipiis uenissent. quid? ut, ad
illam diem res cum redisset, rogarentur ut pari
studio conuenirent. dicit idem, quod in hac pro
Sextio, sed ita corruptis uerbis, ut, nisi locus lo-
co illustraretur, facile sententia lateret in men-
do. correctio desideratur huiusmodi fere: Quid?
ut iidem, ad res cum redissent, rogarentur ut pa-
ri studio conuenirent?

ORATIO.

HAE C erat studiorum in mea salute con-
tentio, ut ii, qui à senatu de me rogaban-
tur, iidem senatui pro me supplicarent.
atque ita in his rebus unus est solus inuen-
tus, qui ab hac tam impensa uolūtate bo-
norum palam disideret; ut etiam. Q. Me-
tellus consul, qui mihi uel maxime ex ma-
gnis cōtentionibus reip. fuisset inimicus,
de mea salute retulerit. qui excitatus
summa cum auctoritate P. Seruillii, qua-
dam

dam grauitate dicendi , cum ille omnes
 prope ab inferis euocasset Metellos, &
 ad illius generis , quod sibi cum eo com-
 mune esset, dignitatē propinqui sui mentē
 à Clodianis latrociniis reflexisset; cumq;
 eum ad domestici exempli memoriam, &
 ad Numidici illius Metelli casum uel glo-
 riosum, uel grauem conuertisset: colla-
 crymauit uir egregius, ac uere Metellus,
 totumq; se P. Seruilio dicenti etiam tum
 tradidit, nec illam diuinam grauitatem,
 plenam antiquitatis, diutius homo eius-
 dem sanguinis potuit sustinere, & mecum
 absens summo suo beneficio rediit in gra-
 tiam. quod certe, si est aliquis sensus in
 morte præclarorum uirorum, cum om-
 nibus Metellis, tum uero uni, uiro for-
 tissimo, præstantissimo ciui, gratisimū
 fratri suo fecit, socio laborum, pericu-
 lorum, consoliorum meorum. Reditus
 uero meus qui fuerit, quis ignorat? quē-
 admodum mihi aduenienti tanquam to-
 tius Italiæ, atque ipsius patriæ dexteram
 porrexerint Brundusini; cum ipsis nonis
 Sext. idem dies aduentus mei fuisset, qui
 natalis idem carissimæ filiæ, quam ex gra-
 uissimo tum primum desiderio luctuq; cō-
 spexi; idem etiam ipsius coloniæ Brun-
 dusinæ; idem Salutis; cumq; me domus
 eadem

COMMENTARIVS
eadem optimorum & doctissimorum ui-
rorū, Lenii Flacci, & patris, & fratris eius,
latissima accepisset, quæ proximo anno
mærens receperat, & suo præsidio peri-
culoq; defenderat; cumq; itinere toto ur-
bes Italiæ festos dies agere aduentus mei
uidebantur, uia multitudinem legatorum
undique missorum celebrabantur: ad ur-
bem accessus incredibili hominum multi-
tudine & gratulatione florebat: iter à
porta, in Capitolium ascensus, domum
reditus erat eiusmodi, ut summa in lati-
tia illud dolerem, ciuitatem tam gratam,
tam miseram, atque oppressam fuisse.

COMMENTARIVS.
Vnus: P. Clodius. sic post reditum in senatu:
Dissensit unus, is, qui sua lege coniuratos etiam
ab inferis excitandos putarat. Idem pro domo
sua. Auctoritate P. Seruili: Isaurici, uiri
consularis, triumphalis, Censorii. Isauros in Ci-
licia domuerat: ex quo Isaurici cognomen accepit.
epitome Lii libro XCIII. Velleius lib. II. Ci-
cero lib. III. in Verrem, & Pedianus, & Flo-
rus in bello piratico. Retulerit: in eo S. C. quod
in templo Iouis factum est. post reditum in sena-
tu, de provinciis cons. Quadam grauitate di-
cendi: non placet, ita dici. non enim, cum lau-
damus, ita loquimur, quædam uirtus, quædam
eloquentia, sed, summa quædam uirtus, eximia
quædam

quædam eloquentia. quare, cum auctoritatem
 Seruili summam dixerit; uelim, ut ad eiusdem
 grauitatem dicendi adiiciatur item aliquid, quod
 augeat. præterea particula, Cum, aliam parti-
 culâ, quæ respondeat, deesse demonstrat, nempe,
 tum. sic igitur legerem: Excitatus summa cum
 auctoritate P. Seruili, tum incredibili quadam
 grauitate: uel, Tum diuina quadam grauitate di-
 cendi. utrunque enim æque probo; Incredibili, ex
 oratione de prouinciis cõsularibus, ubi hanc ipsam
 Metelli reconciliationem Cicero commemorans
 ita loquitur. Quid? Q. Metellus Nepos non ne
 consul in templo Iouis opt. max. permotus cum
 auctoritate uestra, tum illius P. Seruili incredi-
 bili grauitate dicendi, absens mecum summo suo
 beneficio rediit in gratiam? Placet etiam, Diui-
 na quadam grauitate dicendi, ob exemplum eius-
 dem rei in oratione post reditum in senatu: quod
 est huiusmodi: Q. Metellus, & inimicus, & fra-
 ter inimici, per spectâ uestra uoluntate, omnia pri-
 uata odia deposuit: quem P. Seruilius, uir cum
 clarissimus, tum uero optimus, mihiq; amicissi-
 mus, & auctoritatis, et orationis suæ diuina qua-
 dam grauitate ad sui generis, communisq; sangui-
 nis facta uirtutesq; reuocauit. Etiam in oratione
 de aruspicum resp. P. Seruili grauitatem in dicen-
 do singularem, ac pene diuinam appellat. Ab
 inferis: induxit enim uiuentes, Metellumq;
 hortantes ad res præclaras Metellos omnes, cla-

T ros

COMMENTARIVS

vos viros, qui iam obierant. *προσωποποιῖα* dicitur, oratoribus ad animos audientium commouendos familiaris. sic in ea post reditum in senatu: ut haberet in consilio & fratrem ab inferis, socium rerum mearum, & omnes Metellos, praestantissimos ciues, pene ex Acheronte excitatos. Sibi cum eo commune: quia Metellus hic & Seruilius à Metello Macedonico originem ducebant, Metellus ex patre, Seruilius ex matre. nam ex Macedonico Balearicus, ex Balearico Nepos, ex Nepote Nepos hic natus est, qui cum P. Lentulo consulatum gessit. hoc cum aliis argumentis, tum Pediani uerbis probare possum. is enim in commentario orationis pro Cornelio ita scriptum reliquit. Fuere tunc plures Q. Metelli: ex quibus duo consulares, Pius, & Creticus; duo adulescentes, Nepos, & Celer: ex quibus nunc Nepotem significat. eius enim patrem Q. Metellum Nepotem, Balearici filium, Macedonici filium, qui consul fuit cum T. Didio, Curio is, de quo loquitur, accusauit. Ex his uerbis plane constat, hunc Metellum Macedonici pronepotem fuisse. eiusdem autem Macedonici nepotem ex filia fuisse Isauricum Seruilium, Cicero demonstrat in ea pro domo sua, cum ait: C. Atinius patrum memoria bona Q. Metelli, qui cum è senatu censor elegerat, aui tui Q. Metelle, & tui P. Seruili, & proaui tui P. Scipio consecrauit. Loquitur enim in eo loco Cicero de Metello Macedonico:

quod

quod *Liuiana epitome lib. LIX. & Plinius libro VII. declarant. sed in Plinio mendose, Catinius pro C. Atinius, legitur. Ad unum dicto citius Metelli casum: optima est non modo interpretandi ratio, uerum etiam corrigendi, cum similia similibus conferuntur. uidebam in tribus illis dictionibus, Vnum dicto citius, latere mendum: nec tamen aut ex libris manuscriptis, aut ex ingenio sinceram lectionem assequebar. recurri ad similem locum in oratione post reditum in senatu. legi: continuo ueritas illuxit. intellexi enim, ubi nunc est in omnibus impressis libris, Ad unum dicto citius Metelli casum, reponendum esse, Ad Numidici illius Metelli casum. quod ut alijs quoque ita uideatur, uerba subscribam, quae sunt in oratione post reditum. Vt haberet in consilio & fratrem ab inferis socium rerum mearum, & omnes Metellos, praestantissimos ciues, ex Acheronte excitatos, in quibus Numidicum illum Metellum, cuius quondam de patria discessus honestus ipsi, bonis omnibus luctuosus uisus est. Solet autem Cicero, cum de Numidico Metello mentionem facit, eum hoc praenomine, ille, insignire, ut pote Metellorum omnium praestantissimum. sic in oratione pro Archia: Erat temporibus illis iucundus Q. Metello illi Numidico, & eius Pio filio. Vere Metellus: quia Metellorum familia, etsi plebeia, honoribus tamen, & dignitatibus erat nobilissima.*

COM M E N T A R I V S

& intra XII. ferme annos aut consules fuisse, aut censores, aut triumphasse amplius XII. Metellos, Velleius Paterculus memoriae tradidit. unde illud Næuij, quod Cicero in oratione I F. in Verrem significauit,

Fato Metelli Romæ fiunt consules.

Plenā antiquitatis: erat enim Seruilius admodum senex, ut qui consulatum XXII. annis ante cum Ap. Claudio, P. Clodij patre, gessisset.

Beneficio: uel addendum, uel subaudiendum, suo: sed addi malim, quàm subaudiri: ut hoc modo legatur: Mecum absens, suo beneficio, redijt in gratiam. nam & in ea de prouincijs consularibus, Metellus, inquit, Nepos, permotus cum auctoritate uestra, tum illius P. Seruiliij incredibili grauitate dicendi, absens mecum, summo suo beneficio, redijt in gratiam. beneficium autem in Ciceronem illud fuit, quòd ad senatum una cum Lentulo collega de reducendo Cicerone retulit. quod in orationibus, ad Quirites post reditum, & in senatu, & pro domo. Fratri suo: Q. Metello Celeri, Q. Metelli Celeris filio, qui tribunus pl. fuit cum Q. Vario, C. Curione, C. Carbone, Cn. Pomponio: ut est apud Ciceronem in Bruto. Hic cum Nepotis frater fuerit; de Macedonici stirpe fluxerit, necesse est. nec tamen huius plane cognationis rationem inire adhuc potui. nisi si Celeris & Nepotis patres fratres fuere. quod uix uidetur posse fieri: cum uterque

Quin-

Quinti prænomen habuerit. tametsi duos Ap. Claudios nominat Pedianus in commentario orationis pro Milone. recte autem fortissimum virum Cicero eum appellat. consul enim cum esset; P. Clodium, fratrem suum, à patribus ad plebem transire conantem, sua se manu interfecturum audiente senatu dixit. pro Cælio, & de aruspicum resp. Socio: coniurationis tempore: fuit enim prætor Cicerone consule: officiumq; inter eos ita dispersitum fuisse legimus, ut Metellus Italiam ab armis & ab occulta coniuratione, Cicero urbem à domesticis insidijs & ab intestino scelere defenderet. iccirco & in ea post reditum in senatu socium rerum suarum nominat. Dexteram porrexerint: primi enim cum aduenientem Brundisini exceperunt. Tum primum: Brundisium usque patri redeunti Tulliola obuiam iuit. quod officium Terentia obire neglexit. Plutarchus. Ipsius colonix: quæ nonis Sext. quo ego die in Italiam appuli, Brundisium deducta fuerat. Idem ut scitis: epistola prima libri I I I I. ad Atticum huius loci correctionem demonstrat. eadem enim ibi narrantur, quæ hic, de nonis Sext. corrigendum autem sic: Idem & Salutis: ut significetur, templum Salutis, quod fuit in colle Quirinali, nonis Sext. esse dedicatum. Et patris, & fratris eius: duos fratres Lenios & in ea pro Plancio commemorat. Periculoq;: propter legem Clodiam, quæ pœnam

T 3 irro-

COMMENTARIVS

irrogabat ijs, qui Ciceronem exulem intra quadringenta millia passuum tecto excepissent. quade re sic in oratione pro Plancio. In hortos me M. Lenij Flacci contuli. cui cum omnis metus, publicatio bonorum, exilium, mors proponeretur; hæc perpeti, si acciderent, maluit, quam custodiam mei capitis dimittere. Etiam in epistolis, quæ familiares uocantur, lib. XIII. de Leniorum hospitio, & de legis Clodia pæna meminit. In Capitolium: primum enim ad agendas Ioui optimo maximo gratias iuit, quod se patriæ compotem fecisset: deinde ad suos penates à Capitolio reuertit. ad Atticum lib. IIII. 53. Domum: non Palatinam; in qua euersa Clodius templum Libertatis exadificauerat; sed eam, opinor, quam habebat in Ceramio: de qua libro ad Atticum IIII. 56.

ORATIO.

HABES igitur, quod ex me quæsisisti, qui essent optimates. non est natio, ut dixisti: quod ego uerbum agnouī: est enim illius, à quo uno maxime P. Sextius se oppugnari uidet, hominis eius, qui hanc nationem deleri & concidi cupiuit, qui C. Cæsarem, mitem hominem & à cæde abhorrentem, sæpe increpuit, sæpe accusauit, cum affirmaret illum nunquam, dum hæc natio uiueret, sine cura futurum. nihil profecit de uniuersis: de me agere

agere non destitit: me oppugnauit primum per indicem Vectium, quem in concione de me, & de clarissimis uiris interrogauit: in quo tamen eos ciues coniunxit eodem periculo & crimine, ut à me inierit gratiam, quòd me cum amplissimis & fortissimis uiris congregauit. sed postea mihi nullo meo merito, nisi quòd bonis placere cupiebam, omnes est insidias sceleratissime machinatus. ille ad eos, à quibus audiebatur, quotidie aliquid defecti afferebat: ille hominem mihi amicissimum Cn. Pompeium monebat, ut meam domum metueret, atque à me ipso caueret, ille se sic cum inimico meo copularat, ut illum meæ proscriptionis, quam adiuuabat Sex. Clodius, homo iis dignissimus, quibuscum uiuit, tabulam esse, se scriptorem diceret: ille unus ordinis nostri, discessu meo, luctu uestro palam exultauit.

COMMENTARIUS.

Agnoui: intellexi cuius sit, à quo usurpaueris. est enim Vatini, qui Sextium maxime oppugnat, in quem etiam testimonium dixit. unde in illum Ciceronis oratio: quam appellat interrogationem in epistola, Periucundæ, ad Lentulum: quia perpetua eum interrogatione accusat. Increpuit: cum tribunus pl. ipse, consul Cæsar esset. De

T 4 uni-

COM MENTARIVS

uniuersis: non obtinuit à Cæsare, ut in uniuer-
sam optimatum nationem ui & armis irrueret.
De me: dixi iam, in hac oratione, atque omnino
in omnibus orationibus, quas post exilii sui cala-
mitatem habuit, diligenter cauisse Ciceronem, ne
C. Cæsaris animum offenderet: uel quòd Pom-
peiù socer esset, cuius maxime opera se esse resti-
tutum intelligebat: uel quòd, malo doctus, pu-
gnare cum potentibus deinde nollet; sibiq; non,
ut antea, dignitatis solum, sed salutis cum digni-
tate rationem esse habendam existimaret. quo
consilio præteritas in se Cæsaris iniurias partim
filet, partim excusat. Hic, cum dixisset, Nihil
profecit de uniuersis, locus postulabat, ut adiunge-
ret de se ipso, quid apud Cæsarem profecisset Va-
tinius, & traductionem illam Clodij ad plebem,
cuius auctor atque actor in consulatu Cæsar fuit,
ex Vatinii sermone consilioq; manasse criminare-
tur, uerum, ne uideatur ea meminisse, quæ ut
ex animo deleantur, gratiæ reconciliatio requi-
rit; odiosam commemorationem callide præter-
mittit, & orationem ad ea traducit, quæ propria
Vatinii sunt, non cum Cæsare communia. In-
dicem Vectium: indicauit L. Vectius, nego-
cium sibi à clarissimis uiris esse commissum, ut
Cn. Pompeium occideret. id à Vatinio tribuno pl.
& Cæsare consule fictum, suspicio fuit: quia, cum
indicis falsitas manifestis signis argueretur, Ve-
ctius in carcere occulte strangulatus est: de quo
sic

sic in oratione in *Vatinium* : Promulgaris ne, impuriſſime & perditiffime hostis, quaestione de tot ampliffimis & talibus uiris, indici *Veetio* praemia ampliffima? quibus rebus omnium mortalium non uoluntate, sed conuicio repudiatis, fregeris ne in carcere ceruices ipsi illi *Veetio*, ne quod indicium corrupti indicii extaret, eiusq; sceleris in te ipsum quaestio flagitaretur? Et *Suetonius* in *Iulio Veetium* ueneno sublatum significat, auctore, ut creditum est, *Cesare*; cuius cum *Vatinio* communia consilia erant. De me: an ego *Veetio* auctor atque impulsor ad necem *Pompei* fuissem. Clariffimis uiris: *M. Bibulo*, tum consule; *L. Lucullo*, consulari, & triumphali; *C. Curione*, consulari, & triumphali; *L. Domitio Ahenobarbo*, qui tum praetura petebat; *L. Lentulo*, qui consulatum petebat; *L. Aemilio Paulo*, qui tum quaestor *Macedoniam* obtinebat; aliis priuatis, quos enumerat in epistola ad *Atticum* penultima libri II. & in *Vatinium*. Aliquid defecti: non agnosco latinam uocem: & apparet mendum. tribus modis corrigi potest, Aliquid fidei, Aliquid effidei, aliquid de me fidei. ex his correctionibus, quia non differunt in sententia, eam probari maxime uelim, quam libri manuscripti comprobabunt, aut cum qua minimum dissentient. Afferebat: forte querelam attulit *Ciceronis* in iudicio *C. Antonii*. unde pro domo sua. Monebat: de *Vatinio* igitur
 supra

COMMENTARIVS

supra intellexit, cum dixit: Quem, domi meæ, certi homines, ad eam rem compositi, monuerunt, ut esset cautior: eiusq; uitæ à me insidias apud me domi positas esse dixerunt. & in Pisonem, cum ait: Qui familiaritatis licentia, suorum improbissimorum sermonum domicilium in auribus eius impulsu uestro collocauerunt, Vatinium potuit significare. Meæ proscriptionis: legem qua pulsus est, proscriptionem appellat; quia, cum contra leges, moremq; maiorum esset rogata, lex esse non posset. est autem proscriptionis odiosum nomen: quod eas facere consueuerunt ii, quorum potentia supra leges est, qualis L. Sylla fuerat. eadem sententia dixit supra, Cum proscriptio denunciaretur. & post, Cum de capite ciuis, & de bonis proscriptio ferretur. Adiuuabat Sex. Clodius: homo seditiosissimus; qui P. Clodii interfecti corpus in forum detulit, populoq; concitato cremauit. quo incendio & curiam, & basilicam Aemiliam conflagrasse, eoq; deinde crimine Sex. Clodium esse damnatum, Pedianus in suis commentariis tradidit: & M. Antonii consulis extat epistola, Cicronem rogantis, ut Sex. Clodium restitui patiatur. hic leges Clodii sua scriptione adiuuabat. itaque in ea pro Milone, Exhibe quaeso, inquit, librarium illud legum uestrarum. in ea uero pro domo sua: Hanc tibi legem Clodius scripsit spurcior lingua sua, ut interdictum sit, cui non sit inter-

interdictum? Sexte noster, bona uenia dic: quoniam iam dialecticus es, & hoc quoque liguris: quod factum non est, ut sit factum, ferri ad populum, aut uerbis ullis sanciri, aut suffragiis confirmari potest? hoc tu scriptore, hoc consiliario, hoc ministro rempublicam perdististi. Hic scriptorem eius legis Vatinius uidetur agnoscere, scriptoris autem adiutorem & participem Sex. Clodium: oratorum more; qui res ad personas uarie solent, ut caussa fert, accommodare. Quibuscum uiuit: uiuebat maxime cum P. Clodio, cumque nefariis ac seditiosis hominibus: de quo sic in oratione pro Caelio: Quem uos per biennium aut ministrum seditionis aut, ducem uidistis, hominem sine re, sine fide, sine spe, sine fortunis, ore, lingua, manu, uita omni inquinatum. Ordinis nostri: senatorii.

O R A T I O.

DE quo ego, cum quotidie rueret, uerbum feci iudices nunquam: neque putauī, cum omnibus machinis, ac tormētis, ui, exercitu, copiis oppugnarer, de uno sagittario me queri conuenire. Acta mea illi displicere, quis nescit? qui legem contemnat, quæ dilucide uerat gladiatores biennio, quo quis petierit, aut petiturus sit, dare. in quo eius temeritatem satis mirari iudices non queo. facit apertissime contra legem; facit is, qui neque elabi ex iudicio

COMMENTARIUS

iudicio iucūditate sua, neque emittigra-
tia potest, neque opibus, & potentia le-
ges, ac iudicia perfringere. quæ res homi-
nem impellit, ut sit tam intemperans? ista
nimia gloriæ cupiditate familiam gladia-
toriam, credo, nactus est speciosam, no-
bilem, gloriosam: norat studia populi: ui-
debat clamores & concursus futuros. hac
expectatione elatus homo flagrans cupi-
ditate gloriæ, tenere se non potuit quin
hos gladiatores induceret, quorum esset
ipse pulcherrimus. si ob eam causam pec-
caret, pro recenti populi R. in se benefi-
cio, populari studio elatus: tamen igno-
sceret nemo. cum uero ne de uenalibus
quidem homines electos, sed ex ergastu-
lis emptos, nominibus gladiatoriiis orna-
rit, & sortito alios Samnites, alios Pro-
uocatores fecerit: tanta licentia, tanta
legum contemptione non habitura sit
exitum, pertimescit: sed habet defensio-
nes duas: primum, do, inquit, bestiarios:
lex est scripta de gladiatoribus. Festiue.
accipite aliquid etiam acutius. Dicit se
non gladiatores, sed unum gladiatorem
dare, & totam ædilitatem in munus hoc
translulisse. præclaca ædilitas, unus leo,
ducenti bestiarii.

COM-

Rueret: aliquid furiosè faceret. feruntur enim homines improbi ad facinus eo impetu, ut ruere uideantur. Vi, exercitu, copiis: ui Clodij, exercitu Caesaris, copijs improborum ciuium. Saggittario: Vatinio. pulcherrima cōcluditur hoc extremo uerbo metaphora, à similitudine urbis oppugnate. Acta mea: pro republica. Legem: à Cicerone consule rogatam. Contemnat: quia, cum ædilitatem & petierit anno proximo, & hoc ipso anno præturam petat, gladiatores tamen dare uult. in Vatinium. Vetat: recte: ne populus, aut præteritæ uoluptatis memoria, aut futuræ spe delentus, indignis honores mādēt. Elabi ex iudicio: si quia contra legem fecerit, accusabitur. Iucunditate: non est enim iucunditas in homine turpissimo. deformem autē Vatinium paulo post significat, cum ait, Hos gladiatores induxit, quorum esset ipse pulcherrimus. & strumis affectum, notatumq; fuisse, patet infra, & in oratione in ipsum, & ad Atticum. Gratia: quem sui tribules, nedum alij, respuunt. uide supra, & in oratione in ipsum. Opibus, & potentia: de quo nemo bene existimat, cui ne Caesar quidem ipse fauet. in oratione in ipsum. Pulcherrimus: ergo turpissimi omnium gladiatores: siquidem Vatinus, deformitate insignis, præijs pulcherrimus uidebatur. Ob eam causam: quòd, familiam gladiatoriam speciosam, nobilem, gloriosam

COMMENTARIVS

gloriosam nactus, tenere se non potuerit homo flagrans cupiditate gloriae, quin eam induceret. Beneficio: si populus R. adilitatem Vatinio, quam denegauit, dedisset. est in his uerbis tacita repulsa significatio. quasi dicat: certe populari studio efferrī non debuit, cum populum sui minime studiosum in adilitatis petitione cognouerit. Sortito: ut fors cuique obtigit, alios, Samnites, alios Prouocatores fecit. Samnites, plura gladiatorum erant genera, Samnites, Prouocatores, Retiarii, Mirmillones. ex his oppositi in pugnis Samnites, & Prouocatores: quod hic Ciceronis locus ostendit: Retiarii, & Mirmillones, quod Valerius Maximus libro I. Quinctilianus lib. VI. declarat. Samnites ad pugnandum primo lenti: Prouocatores ex se nomen sumpserunt, quia certaminis initio prouocare aduersario solerent, unde Horatius in epistola quadam,
Lento Samnites ad limina prima duello.
Mirmillones, & Secutores dicebantur: quod, si quis Festum, & Quinctilianum lib. VI. & Suetonium in Caligula legerit, facile poterit coniicere. de Secutoribus meminit et Cicero li. VII. ad Atticum, & Iuuenalis sat. VIII. Habet defensiones duas: totum hoc eò pertinet, ut ostendat Vatinium populo uerba dare, qui bestiarios gladiatorum nomine sit inducturus. refert autem ad Vatinii defensionem, quia quod per irrisionem obijcitur aduersario; incunditatem parit, neque
tamen

tamen uim amittit. Bestiarios: seruos, qui cum bestijs pugnabant. Vnum gladiatorem: significat ex iis, quos Vatinus gladiatores nominabat, unum re uera gladiatorem esse, reliquos omnes bestiarios. duplex igitur est defensio, à genere hominum, & à numero. non enim gladiatores, sed bestiarios; non plures, sed unum modo gladiatorem dare se dicit. lex autem, cum gladiatores, dari uetat; de gladiatoribus, non de bestiariis intelligit; nec unum gladiatorem, sed plures dari uetat. Totam ædilitatem: ædilitatem gerere Vatinium non existimabit qui meminerit illa, quæ supra dicta sunt: Aedilitatem petiuit: tribum suam non tulit: Palatinam perdidit: nec quidquam illis comitiis, quod boni uiri uellent, nisi repulsam tulit. & qui legerit illa, quæ sunt in oratione in ipsum: de quibus duos prætextatos sedentes uides, te ædiliam prætextam togam, quæ confecerat, uendidisse. Fingit igitur Vatinium dicentem, se quos ludos, quæ munera Vatinus, si ædilis creatus esset, populo daturus erat, id omne nunc dare. fingit autem propterea, ut significet, quàm non magnifica, quàm tenuis, ac sordida futura fuerit illius ædilitas, qui tantum unum leonem, ducentos bestiarios dare cogitabat. Vnus leo: quem conficerent ducenti bestiarij. esset autem præclara ædilitas, & spectaculum iucundum, si, quod leones, tot bestiarij pugnarent. & uideatur Vatinus eodem munere daturus, qui certarent

COM M E N T A R I V S

rent tanquam gladiatores, etiam si non gladiatores, sed bestiarum essent; & qui cum uno leone congrederentur. alterum patet ex eo quod dixit: Cum ex ergastulis emptos nominibus gladiatorum ornarit, & sortito alios Samnites, alios Prouocatores fecerit. alterum ex his uerbis cognoscitur, Vnus leo, ducenti bestiarum.

O R A T I O.

V E R V M utatur hac defensione: cupio eum suae causae confidere: solet enim tribunos pl. appellare, & ui iudicium disturbare, cum diffidit. quae non tam admiror, quod meam legem contemnat, hominis inimici, quam quod se statuit omnino consularem legem nullam putare. Aciliam, Didiam, Liciniam, Iuniam contempsit: etiam ne eius, quem sua lege, & suo beneficio ornatum, munitum, armatum solet gloriari, C. Caesaris legem de pecuniis repetundis non putat esse legem? & aiunt alios esse, qui acta Caesaris rescindant, cum haec optima lex & ab illo socero eius, & hoc affecula negligatur? & cohortari ausus est accusator in hac causa uos iudices, ut aliquando effectis seueri? aliquando medicinam adhiberetis reip.? non est ea medicina, cum sanae parti corporis scalpellum adhibetur, atque integra: carnificina est ista, & crudelitas. ii medentur reip. qui execant pestem

stem aliquam, tanquam strumam, ciuitatis. Sed, ut extremum habeat aliquid oratio mea, & ut ego ante dicendi finē faciam, quā uos me tam attente audienti; concludam illud de optimatibus, eorumq; principibus, ac reip. defensoribus: uosq; adolescentes, & qui nobiles estis, ad maiorum uestrorum imitationem excitabo; & qui ingenio, & uirtute nobilitatem potestis consequi, ad eam rationē, in qua multi homines noui & honore, & gloria floruerunt, cohortabor.

COMMENTARIUS.

Solet enim tribunos pl. appellare: quid significet, apertū est in oratione Vatiniū. ait enim sic. Quæro etiam illud ex te, postulatus ne sis lege Licinia & Iunia? edixerit ne C. Memmius prætor ex ea lege, ut adesses die tricesimo? cum is dies uenisset, feceris ne, quod in hac rep. non modo factum ante nunquam est, sed in omni memoria sit inauditum? appellaris ne tribunos pl. ne causam diceres? Vi iudicium disturbare: & hoc eiusdem Ciceronis uerbis in eadem oratione exponam. Quæro, inquit, ex te Vatini, num quis in hac ciuitate post urbem conditam tribunos pl. appellarit, ne causam diceret? num quis reus in tribunal sui quæstoris ascenderit, eumq; ui deturbari? subsellia, urnas deleuerit? eas denique omnes res in iudicio disturbando commiserit, qua

V rum

COM MENTARIVS

rum rerum caussa iudicia sunt cōstituta? Quod
se statuit: omnino prænomen, Se, latine lin-
guæ ratio postulat ut tollatur: sed, nisi uetera cō-
sentiant exemplaria, mutandum nihil statuo.
Aciliam, Didiam: malim Cæciliam, Didiam:
quam consules tulerunt Q. Metellus T. Didius,
anno ab urbe condita DCLV. de qua libro ad
Atticum II. 28. & in Philippica V. ubi hanc
legem cum Iunia Licinia uideo coniungi: quæ tri-
nundinum in lege seruari, iuebant: sed pœnam
grauiore Iunia Licinia irrogabat. illa uero Cæci-
lia Didia, de qua in oratione pro domo sua scri-
ptum est, ab iisdem quidem consulibus, alia ta-
men de re lata est, nempe de hac: ne unam in le-
gem diuersa capita inculcarentur; ne populo ne-
cesse esset, in coniunctis rebus compluribus aut
id, quod nollet, accipere, aut id, quod uellet, re-
pudiare. Liciniam, Iuniam: nullam uideo
causam esse, cur duas esse leges existimem. sed
quemadmodum una lex est Cæcilia Didia, de qua
proxime dixit, à duobus consulibus lata: sic, ut
una sit Licinia Iunia, à duobus item consulibus la-
ta, consentaneum uidetur. mouet etiam me non
nihil illa ratio, quòd in oratione in Vatinius cum
dixisset Cicero, Quæro etiam illud ex te, postula-
tus ne sis lege Licinia & Iunia? Subiunxit, edixe-
rit ne C. Memmius prætor ex ea lege, ut adesses
die tricesimo? Liciniam, & Iuniam cum nomi-
nasset, intulit, ex ea lege. fecerat autem contra
legem

legem Liciniam & Iuniam Vatinius, quia trinundinum in legibus ferendis non seruasset. quod ne fieret, lege Licinia cautum esse, aperte in oratione pro domo sua, & in v. in Antonium Cicero docet. ea uero Licinia, qua de meminit in i i. agraria, & pro domo sua, diuersa fuit ab hac, qua cum Cacilia Didia semper à Cicerone coniungitur. hac enim, ut dixit, de spatio legis promulgatae fuit: ea uero de legum latoribus sanxit, ut, qui legem ferret, is non modo sibi, sed nec collegis, cognatis, affinibus potestatem ullam curationem ue mandaret. omitto, quòd Iuniam Liciniā proximis annis latam uidetur Cicero significare in v. in Antonium his uerbis: Vbi lex Cacilia & Didia? ubi promulgatio trinundinum? ubi pæne recenti lege Iunia Licinia? at uero alteram Liciniam non recentem, sed ueterem in i i. agraria dicit fuisse: eamq; non cum Iunia, sed cum Aebutia nominat. Solet gloriari: uere gloriabatur. nam ei Galliam cisalpinam cum Illyrio in quinquennium lege lata dederat. Suetonius, Plutarchus, Paterculus, Dio. Rescindant: quòd ab eo consule nihil saluis auspicijs actum esse dicant. supra, de prouincijs, in Pisonem, pro domo sua, Suetonius. Socero: L. Pisone, Macedoniam obtinente, cuius filiam Calpurniam Cæsar in consulatu duxit uxorem, suamq; filiam Iuliam Pompeio collocauit, ut suam potentiam nouis affinitatibus augetet. quod cuenit. hac de lege à Pisone

V 2 negle

COMMENTARIUS

neglecta, quia de creditis pecunijs ius in liberos
populos dixit, mentio fit in oratione de provincijs,
& in Pisonem, & pro domo sua: ubi, Soceri,
pro Generi, mendose legitur. Hoc affecla: Va-
tinius enim in tribunatu pecunias iniquissime coe-
git, contra legem de repetundis eo ipso anno à Cæ-
sare consule rogatam, qua de re hæc sunt uerba in
oratione in Vatinius: Quæro ex te, sis ne ex pau-
perimo diues factus illo ipso anno, quo lex lata
est de pecunijs repetundis acerrima? ut omnes in-
telligere possent, à te non modo nostra acta, quos
tu tyrannos uocas, sed etiam amicissimi tui legem
esse contemptam. Sanæ parti; significat, ut in
corpore sanam partem, sic P. Sextium, uirum
bonum, atque innocentem, esse conseruandum.
Tanquam strumam: Vatinius, qui strumis
laborabat, de republica tollendum, quasi pestem
aliquam, intelligit. Plutarchus in Cicerone, &
in Vatinius. & ad Atticum libro II.: Va-
tinijs strumã, inquit, διστάζω uestiant. Vosque
adolescentes: totum hoc, quod sequitur, usque
ad illud, sed me repente, de moribus oratio est:
quam ἡδικοὺν λόγον Græci nominant: & maxime
illam quidem in dialogo & epistola, sed in omni
etiam sermone conuenire, Demetrius tradidit.
oratoris enim imago quedam et index animi est
oratio.

ORATIO.

HÆC est una uia, mihi credite, & laudis,
&

& dignitatis, & honoris, à bonis uiris, sapientibus, & bene natura constitutis laudari, & diligere; nosse descriptionem ciuitatis à maioribus nostris sapientissime constitutam: qui cum regum potestatem non tulissent, ita magistratus annuos creauerunt, ut consilium senatus reip. præponerent sempiternum, deligerentur autem in id cōsiliū ab uniuerso populo, aditusq; in illum summum ordinem omnium ciuiū uirū industria, a cuius uirtuti pateret. senatum reip. custodem, præsidem, propugnato-rem collocauerunt. huius ordinis auctoritate uti magistratus, & quasi ministros grauisissimi consilii, esse: senatum autem ipsum proximorum ordinum splendore confirmari, plebis libertatem, & cōmoda tueri, atque augere uoluerunt. hæc qui pro uirili parte defendunt, optimates sunt, cuiuscunque sint ordinis: qui autem præcipue suis ceruicibus tanta munia, atque remp. sustinent, ii semper habiti sunt optimatum principes, auctores & conseruatores ciuitatis. uic hominū generi fateor, ut ante dixi, multos aduersarios, inimicos, inuidos esse, multa proponi pericula, multas inferri iniurias, magnos esse experiundos, & subeundos labores: sed mihi omnis ratio est cum uir

V ; tute,

COMMENTARIVS

tute , non cum desidia ; cum dignitate , non cum uoluptate ; cū iis , qui se patriæ , qui suis ciuibus , qui laudi , qui gloriæ , nō qui sommo , & conuiuiis , & delectationi natos arbitrantur . nam si qui uoluptatibus ducuntur , & se uitiorum illecebris , & cupiditatum lenociniis dediderūt ; miseros faciant honores ; ne attingant remp. patiantur uiros fortes , laborum patientes , frui . qui autem bonam famam bonorū , quæ sola uere gloria nominari potest , expetunt ; aliis ocium quærere debent , & uoluptates , nō sibi . sudandum est his pro communibus commodis , ad eundæ inimicitia , subeundæ sæpe pro rep. tempestates , cum multis audacibus , improbis , non nunquam etiam potentibus dimicandum .

COMMENTARIVS .

Ab uniuerso populo : ante creatos censores . nam deinde non à populo , sed à censoribus senatores lecti sunt . à populo autem deligebantur consule nominante . Proximorum ordinum : intelligit eos , qui senatoribus dignitate proximi sunt , ut equites & iudices . Cuiuscunque sint ordinis : siue senatores , siue equites , siue municipales , siue rustici , siue negocia gerentes , siue etiam libertini . sic enim optimates definiunt . Mihi omnis ratio : non hæc , inquit , propono
ijs,

ijs, qui desidia languent, sed ijs, quorum animos uirtutis cupiditas excitat. ignauorum et inertium hominum in hac mea cohortatione rationem non habeo: strenuis, & fortibus, & uirtutem diligētibus hæc dico. Laborum patientes, frui: soleo mirari & hic, & quibusdam in locis, unde factum sit, ut impressi libri, ut appellantur, à manuscriptis tam ualde dissentiant. hic omnes impressi, Labore se ocio suo perfrui. omnes antiqui, Laborum patientes frui. ego, cur ab utrisque dissentiam, habeo: quid ipse asseram de meo, non habeo. facilius enim possum, quid displiceat, iudicare, quàm inuenire quod placeat. non grauate relinquo, in quo aliorum exerceri possit industria.

O R A T I O.

HÆC audiuius de clarissimorum uiro-
rum consiliis, & factis, hæc accepimus,
hæc legimus. neque eos in laude positos
uidemus, qui incitarunt aliquando popu-
li animos ad seditionem, aut qui largitio-
ne cæcarunt mentes imperiorum, aut qui
fortes, & claros uiros, & bene de rep.
meritos in inuidiam aliquam uocauerūt:
leues hoc semper nostri homines, & auda-
ces, & malos, & perniciosos ciues puta-
uerunt. at uero, qui horum impetus, &
conatus reprefferūt, qui auctoritate, qui
fide, qui constantia, qui magnitudine a-

✓ 4 nimi

COM M E N T A R I V S

nimi consiliis audacium restiterunt ; ii
 graues , ii principes , ii duces , ii auctores
 huius dignitatis , atque imperii semper
 habiti sunt . Ac ne quis ex nostro , aut ali-
 quorum præterea casu hanc uitæ uia per-
 timescat : unus in hac ciuitate , quem qui-
 dem ego possum dicere , præclare uir de
 rep. meritis , L. Opimius indignissime cō-
 cidit . cuius monimentum celeberrimum
 in foro , sepulcrum desertissimum in lito-
 re Dyrrhachino relictum est . atque hūc ta-
 men , flagrantem inuidia propter inter-
 tum C. Gracchi , semper ipse populus R.
 periculo liberauit . alia quædam ciuem e-
 gregiū iniqui iudicii procella peruertit .
 ceteri uero , aut repentina ui percussī , ac
 tempestate populari , per populum tamen
 ipsum recreati sunt , atque reuocati ; aut
 omnino inuulnerati , inuiolatiq̃ uixerūt .
 at uero ii , qui senatus consilium , qui au-
 ctoritatem bonorum , qui instituta maio-
 rum neglexerunt , & imperitæ aut concia-
 tatæ multitudini iucundi esse uoluerunt ,
 omnes fere reip. pœnas aut præsentī mor-
 te , aut turpi exilio pependerunt .

COM M E N T A R I V S .

*Hæc audiuius : uiros clarissimos sudasse pro com-
 munibus commodis , adiisse inimicitias , subiisse
 tempestates , cum audacibus , improbis , poten-
 tibus*

tibus dimicasse. & , Audiuimus , ab iis , qui ipsi uiderunt : Accepimus , ab iis , qui ab aliis audierunt : Legimus in libris , antiqua referentibus . ascendit enim à propinquis rebus quasi per gradus ad ea , quæ longe distant . Consiliis , & factis : qui ea , quæ proposui , & iudicarunt , & fecerunt . Incitarunt : ut aliquid in republica nouarent . Cæcarunt : ut honores consequerentur . In inuidiam aliquam uocauerunt : aliquo crimine accusarunt . Leues , & audaces , & malos , & perniciosos : leues , & audaces eos intelligit , qui incitarunt aliquando populi animos ad seditionem . & alterum ad uoluntatem , alterum ad actiones refertur . nam , mutationem in republica cogitare , leuitatis est ; aggredi uero , & conari ea , unde mutatio fit , audaciæ . Malos uocat eos , qui ambitu sibi uiam ad honores muniunt : perniciosos , qui fortes & claros uiros , & bene de republica meritos insectantur . quos grauiore , quàm alios , nomine appellat , partim quidem quòd ita sentiret , (quid enim hoc ciuium genere detestabilius ?) deinde etiam sua ipsius causa , quòd ab his indignissime pulsus erat . L. Opimius : qui consul C. Gracchum , & una cum eo circiter tria millia ciuium Romanorum occidit . Monimentum : templum Concordiæ ; quod ab eo factum esse Plutarchus tradit : aut basilicam Opimiam ; de qua meminit Varro lib. I I I I , de lingua lat . & forte
de

COMMENTARIVS

de basilica potius, quàm de templo, intelligen-
dum. nam cum, celeberrimum, & desertissi-
mum, tanquam antitheta, Cicero posuerit; &
in altero solitudinem, in altero frequentiam ho-
minum significauerit: rectissime de basilica di-
ctum possumus coniicere. ubi enim maior homi-
nium frequentia, quàm in basilicis? in quibus
iudicia fiebant. quod à Vitruuio didicimus.
Semper ipse populus R. apparet, non à po-
pulo Romano, sed à pratore & iudicibus Opi-
mum esse damnatum. quod & Cicero in Bruto
significat his uerbis: Inuidiosa Manilia quæstio-
ne C. Galbam sacerdotem, & quatuor consula-
res, L. Bestiam, C. Catonem, Sp. Albinum, ci-
uemq; præstantissimum L. Opimium, Gracchi
interfectorem, à populo absolutum, cum is con-
tra populi studium stetisset, Gracchani iudices
sustulerunt. Damnatus autem est Opimius, ut
ait Plutarchus in uita Gracchorum, quòd lega-
tus ad Iugurtham Numidie regem missus, pecu-
nias ab eo accepisset. Pedianus tamen in com-
mentario orationis in Pisonem, in extremo, Opi-
mum ob inuidiam, quæ illum ex interitu M. Ful-
uij Flacci consularis, & L. Gracchi tribunicij se-
cuta est, iudicio circumuentum, & in exilium
actum esse narrat. sed Plutarchus, quasi Grac-
chorum studiosus, & Opimio, quòd in consulatu
primus dictatoris potestatem exercuisset, insen-
sus, affirmat eum à Iugurtha esse corruptam.

Pedianus

Pedianus infontem eo crimine significat, & ob ea damnatum, quæ in consulatu fortiter egisset. idem Cicero declarat; quia, Ciuem egregium, ait, iniqui iudicii procella peruertit: quod & in oratione pro Plancio confirmat. ergo, quod ad Opimij damnationem attinet, ita statuemus; uocatum esse in iudicium pecuniæ nomine, à Iugurtha contra leges acceptæ, damnatum non eo, quo accusabatur, crimine, quandoquidem culpa uocabat; sed quòd regia potestate in ciues Romanos usus esset. Liberauit: in iis iudiciis, in quibus ipse de Opimio iudicauit. &, cum dicat Cicero, Semper liberauit; apparet, populum Romanum de Opimio, ob C. Gracchi aliorumq; necem accusato, non semel iudicem fuisse. ego tamen unius tantum accusationis mentionem inuenio, cum P. Decius tribunus pl. Opimio, proximo post eius consulatum anno, ad populum diem dixit. quod in epitome Liuiana, in libello de uiris illustribus, in Ciceronis partitionibus, in II. de oratore, in Bruto obseruauimus. Perculsi: ab irato populo damnati. quos intelligat, cognoscitur ex eâ pro domo sua: in qua ita scriptum est. At uero, ut annales populi Romani, & monumenta uetustatis loquuntur, censor ille Quinctius, & M. Furius Camillus, & M. Seruilius, cum essent optime de republica meriti, tamen populi incitati uim iracundiamq; subierunt: damnatiq; comitijs centuriatis, cum in exilium profugissent, rur-

sus

COM MENTARIVS

sus ab eodem populo placato sunt in suam pristinam dignitatem restituti . quo in loco , ut aliud ex alio , duo menda , alterum manifeste uideo , in ditione censor , alterum suspicor esse in prænominē Seruiliij Censorem quidem Quinctium esse damnatum , nulli annales populi Romani , quos habemus , loquuntur : cum tamen de homine notissimo significare Cicero uideatur , prænominē usus , ille ; quod ad eximie cuiusdam atque extraordinaria rei , aut excellentis & insignis maxime hominis significationem usurpatur . Sequor igitur primum , ut soleo , cum aliquid corrigo , similitudinem litterarum , deinde historiae testimonium ; & ex utrisque , pro censor , repono Ceso : ut Ceso ille Quinctius intelligatur , quem saepe pro patribus contra plebem certasse , eoq; nomine accusatum in exilium , non expectata iudicii die , abiisse , T. Linius historiarum suarum libro III. scriptum reliquit . quod & Dionysius Halicarnassensis libro x. tradidit . Alterum esse mendum opinor in prænominē Seruiliij . nemo enim de M. Seruilio scripsit , optime de republica merito , à populo damnato . utrumque autem uideo conuenire in C. Seruiliū Abalam : qui et Sp. Melium sua manu occidit , de tyrannide cogitantem ; & praeclari facti pœnas iniquissimo exilio pependit . de Melio Linius , Plutarchus , hic noster saepe morant : de exilio unus , quod sciam , Valerius Maximus memoriae prodidit . Inuulnerati : ut ,
exempli

exempli causa, Ap. Claudius Sabinus: qui cum senatus atque optimatum causam constantissime tueretur, plebi uero acerrimus esset aduersarius, tranquillam tamen atque honoratam in patria uitam duxit, nec ab infenso populo iniuriam ullam tulit. Præsenti morte: ut Sp. Melius, M. Manlius Capitolinus, duo, Gracchi L. Appuleius Saturninus, P. Sulpicius. Turpi exilio: hos necesse est non à populo, ut Cesonem, Camillum, Seruilium, sed à senatu esse damnatos. agitur enim hic de iis, qui populares esse uoluerunt. hi qui fuerint, in historijs, quæ nunc extant, non satis apparet. M. tamen Lepidi, eius, qui cum Q. Catulo consul fuit, in epitome, Floro, & alijs mentio fit. is, quia Syllæ acta rescindere conatus esset, hostis indicatus, exul in Sardinia decessit.

O R A T I O.

Q V O D si apud Athenienses, homines Græcos, longe à nostrorum hominum gravitate disunctos, non deerant, qui remp. contra populi temeritatē defenderent, cum omnes, qui ita fecerant, è ciuitate eiicerentur; si Themistoclem illum, conservatorem patriæ, non deterruit à rep. defendenda nec Milciadis calamitas, qui illam ciuitatē populo ante seruarat, nec Aristidis fuga, qui unus omnium iustissimus fuisse traditur; si postea summi eiusdem

dem ciuitatis uiri, quos nominatim appellari non est necesse, propositis tot exēplis iracundiæ, leuitatisq; popularis, tamen suam remp. illam defenderunt: quid nos tandem facere debemus? primum in ea ciuitate nati, unde orta mihi grauitas, & magnitudo animi uidetur; tum in tanta gloria insistentes, ut omnia humana leuiora uideri debeant; deinde ad eam remp. tuendam aggressi, quæ tanta dignitate est, ut eam defendentem occidere non aliud sit, quàm oppugnantem rerum potiri. homines Græci, quos antea nominaui, inique à suis ciuibus damnati, atque expulsi, tamen, quia bene sunt de suis ciuitatibus meriti, tãta hodie gloria sunt non in Græcia solum, sed etiam apud nos, atque in ceteris terris, ut eos, à quibus illi oppressi sunt, nemo nominet, horum calamitatem dominationi illorum omnes anteponant. quis Carthaginensium plaris fuit Annibale consilio, uirtute, rebus gestis, qui unus cum tot imperatoribus nostris per tot annos de imperio, & de gloria decertauit? hunc sui ciues è ciuitate eiecerūt: nos etiam hostem litteris nostris & memoria uidemus esse celebratū.

COM MENTARIVS.

Conseruatorem patriæ: bello Xerxis Persarum

rum

rum regis. Calamitas: accusatus enim proditi-
 tionis, quòd, cum parum expugnare posset, à
 rege Persarum corruptus infectis rebus à pugna
 discessisset, capitis quidem absolutus est, pecu-
 nia uero tanta multatus, quantam cum soluere
 non posset, in uincula publica coniectus, miserrima
 atque indignissima morte diem obiit. Ser-
 uarat: Marathonica pugna, cæso & fugato Da-
 rij Persarum regis, Xerxis patris, exercitu. Fu-
 ga: res augetur nomine: ut Themistoclis animi
 magnitudo, & constantia clarius indicetur. di-
 cimus enim, Abiit in exilium, &, In exilium
 profugit: cum utrunque idem sit. pro discessu igitur
 Aristidis ab urbe in exilium proficiscentis,
 fugam Cicero dixit. damnatum opera Themisto-
 clis, decem annorum exilio, quasi nimiam in li-
 bera ciuitate potentiam haberet, Aemilius Pro-
 bus, & Plutarchustradiderunt. uterque tamen
 ab ipsa ciuitate reuocatum commemorat. Vnus
 omnium: uni enim contigit, ut iustus appella-
 retur. Aemilius Probus. Tot exemplis:
 nam quicumque uel generis nobilitate, uel elo-
 quentia, uel rerum gestarum gloria, uel omnino
 aliqua re ceteros anteiret, hunc Athenienses, qui
 ciuium æqualitatem in republica uellent, testula
 damnatum eiiciebant: ut etiam Damonem, Pe-
 riclis præceptorem, quòd nimium sapere uideretur,
 in exilium miserint. Tot imperatori-
 bus: P. Cornelio Scipione, Africani maioris
 patre,

COM MENTARIVS

patre , Ti. Sempronio Longo , C. Flaminio , C. Centenio , C. Terentio Varrone , L. Aemilio Paullo , Q. Fabio Maximo , Ti. Sempronio Graccho , M. Claudio Marcello , P. Scipione , eius filio , quem primum apud Rhodanum , iterum apud Padum , tertio apud Trebiam fugauerat. Tot annos : sexdecim . Eiecerunt : non eietum esse , sed ipsum profugisse , ne Romanis dederetur , Aemilius Probus in eius uita memoria mandauit .

O R A T I O .

QVARE imitemur nostros Brutos , Camillos , Ahalas , Decios , Curios , Fabricios , Maximos , Scipiones , Lentulos , Aemilios , innumerabiles alios , qui hanc remp. stabiliuerunt ; quos equidem in deorum immortalium cœtu , ac numero repono : amemus patriam ; pareamus senatui ; consulamus bonis ; præsentis fructus negligamus ; posteritati & gloriæ seruiamus ; id esse optimum putemus , quod erit rectissimum ; speremus , quæ uolumus , sed , quod acciderit , feramus ; cogitemus denique , corpus uirorum fortium , magnorumq; hominum esse mortale , animi uero motus & uirtutis gloriam sempiternam ; neque , hanc opinionem si in illo sanctissimo Hercule consecratam uidemus , cuius corpore ambusto uitam eius , & uirtutem

tutem immortalitas excepisse dicitur, minus existimemus eos, qui hanc tantam remp. suis consiliis, aut laboribus aut auxerint, aut defenderint, aut seruarint, esse immortalem gloriam consecuturos. Sed me repente iudices, de fortissimorum, & clarissimorum ciuium dignitate, & gloria dicentem, & plura etiam dicere parantem, horum affectus in ipso cursu orationis represit. uideo P. Sextium, meæ salutis, uestre auctoritatis, publicæ causæ defensorem, propugnatorem, auctorem, reum; uideo hunc prætextatum eius filium oculis lacrymantibus me intuentem: uideo Milonem, uindictam uestre libertatis, custodem salutis meæ, subsidiū afflictæ reip. extinctorem domestici latrocinii, repressorem cædis quotidianæ, defensorem templorum atque tectorum, præsidium curiæ, sordidatum & reum: uideo P. Lentulum, cuius ego patrem deū, ac parentem statuo fortunæ, ac nominis mei, & fratris, rerumq; nostrarum, in hoc misero squalore & sordibus; cui superior annus idem & uirilem patris, & prætextam populi iudicio togam dederit, hunc hoc anno in hac toga rogationis iniustissimæ subitam acerbitatem pro patre fortissimo, & clarissimo ciue deprecantem-

X COM.

COMMENTARIUS.

Brutos: L. Iunium Brutum, qui Tarquinium regem eiecit. Camillos: M. Furium Camillum, qui Veios cepit, urbem Romam à Gallis liberauit, alia pro patria præclarissima gessit. Ahallas: C. Seruilius Ahalam, qui Sp. Melium, male de patria cogitantem, magister equitum interemit. Decios: patrem, & filium: de quibus supra. Curios: Man. Curium, qui ter triumphauit, de Pyrrho Epirotarum rege, de Samnitibus, de Lucanis. Fabricios: C. Fabricium Luscinum, qui cum Pyrrho rege pugnauit. Maximos: Q. Fabium Maximum, qui Annibalis uictoris impetus arte, & patientia retardauit. Scipiones: duos Africanos. Lentulos: eum fortasse, qui senatus princeps fuit: quem saepe Cicero commemorat. sed hic aetate post Aemilium fuit. ut fortasse, Catones, uerius fuerit. sed litteræ nimium differunt. uide de nat. deo. lib. I. ubi non Lentulum nominat, sed Catonem. Aemilios: L. Aemilium Paullum, qui Macedonia regnum, Perse rege capto, in populi Romani potestatem redegit. Consecratam: Herculem dicit in deorum numerum relatum esse, quod ea fuerit opinione, quam præscripsit: ut consultur bonis: presentes fructus negligantur: & reliqua. Corpore ambugo: in monte Oeta. Tusculana II. Vestra auctoritatis: uestra enim uoluntas & auctoritas in me restituendo Sextium adiu-

adiutorem, defensoremq; habuit. Publica causa: quod in mea re publica res agebatur. bonis enim iacentibus, iacere simul ipsa res publica uideatur. Defensorem, propugnatorem: ociosa esse multa in Cicerone imperiti putant. non ita est. nam, quae superuacanea uideri possunt, ad augendum inducenda sunt. sed homines inepti, uel quia Romanae linguae uim, et propriam significationem ignorant, uel quia diligenter singula non examinant, optima fastidiunt, ac respuunt. Defendere, & propugnare, idem sunt, aliquis dixerit. idem, sed idem in genere, non idem omnino. est enim quiddam, quo alterum ab altero differat. defendere, non plane est propugnare: at propugnare, est defendere. defendimus etiam leuiter: propugnamus acriter, & cum actione uehementi: ut quasi pugnam, unde uerbum propugnare deductum est, referre uideamur. quare non solum defendisse Sextium publicam causam Cicero significat, sed ita defendisse, ut ualde contenderit, quippe qui etiam uulnera ab ijs, qui eam oppugnabāt, plurima grauissimaq; acceperit. augetur igitur res, & demonstratur maxime nominibus multiplicatis, idq; translatis potius, quam propriis. nam propria non possunt esse unius rei multa, sed unū tantum cuiusque rei proprium est: translata uero eidem rei multa possunt inservire, nec ex uno tantum, sed ex diuerso genere sumpta, modo sint è frequenti usu ita nota, ac familiaria, ut cū pro-

X 2 priis,

COMMENTARIUS

prijs, quasi peregrini cum ciuibus, facile conso-
 cientur. quod autem augeri rem, & demonstra-
 ri multiplicatis nominibus dixi, idq; maxime
 translatis: utrunque accipi & intelligi absolute
 nolo. Alterum enim semper fit alterum non illud
 quidem semper, sed plerunque tamen. semper
 translatione res demonstratur: quia semper à re-
 bus notissimis translatio fit. plerunque res auge-
 tur: quia id, unde transfertur, cum eo quò trans-
 fertur, comparatum, plerunque maius est. Au-
 ctorem: defensorem, ac propugnatorem eius-
 modi, ut præcipuas in eo munere partes sustine-
 ret. Auctor enim dicitur is, qui alios sua aucto-
 ritate, suo ue exemplo ad aliquam rem excitat.
 Reum: quod in sententia magis ualet ad mouen-
 dum, id oratores in extremo collocare consue-
 runt. quæ enim ad animum extrema perueniunt, ea
 firmitus, ac diutius inhaerent. quo consilio & illa
 in sequentibus periodis ultima Cicero constituit,
 Me intuentem, Sordidatum, & reum, in squa-
 lore, & sordibus, Pro patre deprecantem, Pro-
 pter unum me. Prætextatum: prætexta ue-
 ste utebantur usque ad annum ætatis xvi.
 Vestræ libertatis: quia P. Clodij furorem
 exultantem represit; ne ue ille, quod cogitabat,
 omnia ui teneret, effecit. Latrocinii: Clodiani.
 Templorum, atque tectorum: templa pu-
 blica, quibus iniicere flammam Clodius solitus
 erat: tecta Milonis, quæ idem Clodius oppugna-
 uerat,

uerat, intellige. utrumque cognoscitur supra.
 Sordidatum: ad eliciendam misericordiam inculti et sordida ueste induti ad iudicium rei ueniebant. Reum: de ui, accusante P. Clodio adile.
 P. Lentulum: cuius pater anno proximo consul Ciceronem ab exilio restituerat, hic ob eam causam erat in squalore, & sordibus, quia C. Cato tribunus pl. legem promulgauerat, ut P. Lentulo eius patri, Ciliciam administranti, imperium abrogaretur. ex quo filius uestitum mutauit: quod in maximis calamitatibus factum esse notum est. de hac in Lentulū rogatione meminit Cicero epist. fam. libro I. & ad Q. fratrem libro II. epistola III. in qua iisdem fere diebus & Milonem à Clodio, & Sextium à M. Tullio Albinouano esse accusatos, & legem à Catone promulgatam, licet cognoscere. Superior annus: anno superiore, & uirilem togam sumpserat, à patre datam; & prætextam. (sic enim lego, non, ut antea, Prætextatam) hoc est honorē aliquem à populo acceperat. nam prætexta magistratum, aut honorē aliquem indicat. de magistratu non est ut existimemus: cum adolescentulus adhuc esset Lentulus, annum agens xvii. quo anno uirilis toga sumebatur. honore, hoc est de sacerdotio, possumus intelligere. nam Lentulum hunc patre consule, hoc est anno superiore, in augurum collegium esse cooptatum, in Dionis historia legimus, libro xxxi. dicit autem, populi iudicio: quia populus

COMMENTARIVS

pulus hoc tempore sacerdotia mandabat ex lege,
quam T. Atius Labienus tribunus pl. tulerat. quae
de re scripsit idem Dio lib. XXXVII. ante Labie-
ni legem sacerdotes à pontificum collegio creaban-
tur. hoc in libro de legibus copiose demonstraui-
mus. Prætextam: prætexta quatuor hominum
genera utebantur, pueri ad usque tirocinii diem,
hoc est ad annū ætatis XVI. magistratus omnes
urbani: quod utrumque nemo, ut opinor, paulo hu-
manior ignorat: præterea, quod obseruatum non
ita uulgo credimus, magistri collegiorum, dum
ludos compitalicios faciebant; & senatores om-
nes, cum deorum festos celebrabant dies. de ma-
gistris collegiorum docuit me locus in oratione in
Pisonem, quo in loco sunt hæc. Q. Metellus, de-
signatus consul, cum quidam tribunus pl. suo au-
xilio magistros ludorum ludos facere iussisset, pri-
uatus fieri uetuit. tu, cum in kalendas Ian. com-
pitaliciorum dies incidissent, Sex. Clodium, qui
nunquam antea prætextatus fuisset, ludos facere,
& prætextatum uolitare passus es. Quibus uerbis
Pedianus hæc subiungit. Solebant magistri colle-
giorū ludos facere. faciebāt compitalicios prætex-
tati. Erat autem satis turpe mendum in his uer-
bis, magistros ludorum ludos facere. nam legitur
in omnibus, qui ad hanc diem impressi leguntur,
libris, Magnos ludos facere. cum loquatur Cice-
ro non de magnis ludis, sed de compitaliciis. ut
omittam duo argumenta, unum, quod illud, Fa-
cere

cere iussisset, aliquid omnino desiderabat: quem enim tribunus ille ludos facere iussisset? alterum, quod Pedianus ita loquitur, ut significet magistrorum in oratione fieri mentionem. quàm facile autem ex, magistris, fieri potuerit, magnos, litterarum declarat similitudo, presertim si, magistris, paucioribus litteris, apice superimposito, scribatur. De senatoribus autem ex iis uerbis, quæ sunt oratione II. in Antonium, conieci: Nescis, heri quartum in circo diem ludorum Romanorū fuisse? te autem ipsum ad populum tulisse, ut quintus præterea dies Cæsari tribueretur? cur non sumus prætextati? cur honorem Cæsaris, tua lege datum, deserui patimur?

O R A T I O .

A T Q V E hic tot & talium ciuium squalor, hic luctus, hæ sordes susceptæ sunt propter unum me, quia me defenderūt; quia meum casum, luctumq; doluerunt; quia me lugenti patriæ, flagitanti senatui, poscenti Italiæ, uobis omnibus orantibus reddiderunt. Quod tantum est in me scelus? quid tantopere deliqui illo, illo die, cum ad uos indicia, litteras, confessiones communis exitii detuli? cum parui uobis? Ac, si scelestū est amare patriam, pertuli pœnarum satis: euersa domus est, fortunæ uexatæ, dissipati liberi, raptata coniux: frater optimus, incredibili pie-

X 4 tate,

COM M E N T A R I V S

tate, amore inaudito, maximo in squalore uolutatus est ad pedes inimicissimorum: ego pulsus aris, focus, diis penatibus, distractus à meis, carui patria, quam uti leuissime dicam: certe texeram: pertuli crudelitatem inimicorum, scelus infidelium, fraudem inuidorum. si hoc non est satis, quòd hæc omnia deleta uidentur reditu meo: multo mihi, multo, inquam iudices præstat, in eandem illam recidere fortunam, quàm tantam importare meis defensoribus, & conseruatoribus calamitatem. an ego in hac urbe esse possum his pulsus, qui me huius urbis compotem fecerunt? non ero, non potero esse iudices: neque hic unquam puer, qui his lacrymis, qua sit pietate, declarat, amisso patre suo propter me, me ipsum incolumen uidebit; nec, quotiescunque mi uiderit, ingemiscet, ac pestem suam, & patris sui sese dicet uidere. ego uero uos in omni fortuna, quæcunque erit oblata, complectar; nec me ab iis, quos meo nomine sordidatos uidetis, unquam uila fortuna diuellet; neque eæ nationes, quibus me senatus commendauit, quibus de me gratias egit, hunc exulem propter me, sine me uidebunt. sed hæc dii immortales, qui me suis templis aduenientem receperunt,

runt, stipatum ab his uiris, & P. Lentulus consul, atque ipsa resp. qua nihil est sanctius, uestre potestati iudices commiserunt. uos hoc iudicio omnium bonorum mentes confirmare, improborum reprimere potestis: uos his ciuibus uti optimis, uos me reficere, & renouare remp. potestis. quare uos obtestor atque obsecro, ut, si me saluum esse uoluistis, eos conseruetis, per quos me recu-
rauistis.

COMMENTARIUS.

Quod tantum est in me scelus? ubi aliquid exposuimus factum; statim, quasi nos commouerit indignitas rei, erumpimus uel in interrogationem, uel in ironiam, uel in exclamationem. in interrogationis exemplum est hoc, & huic simillimum, ac pene idem, in oratione pro Milone: in qua sunt hæc in extremo. Quid respondebo liberis meis, qui te parentem alterum putant? quid tibi Quinte frater qui nunc abes, consorti mecum temporum illorum? me non potuisse Milonis salutem tueri per eosdem per quos nostram ille seruasset? at in qua causa non potuisse? quæ est grata gentibus. à quibus non potuisse? ab iis, qui maxime P. Clodii morte acquerunt. quo deprecante? me. quodnam concepi tantum scelus, aut quod in me tantum facinus admisi iudices, cū illa iudicia communis exitii indagaui, patefeci, protuli, extinxi?
omnes

COMMENTARIUS

Omnes in me meosq; redundant ex illo fonte dolores. Ironia est illa in hac pro Sextio. En, cur ceteri reges stabilem esse suam fortunam arbitrentur. Et illa apud Virgilium libro IIII.

Egregiam uero laudem, & spolia ampla refertis
Tuq; puerq; tuus: magnum et memorabile nume,
Vna dolo diuum si fœmina uicta duorum est.

Exclamatio post iniustæ rei mentionē est illa pro Balbo: Vtrum, inscientē uultis Cn. Pompeiū contra fœdera fecisse, an scientem? si scientem, ò nomen nostri imperij, ò populi Romani excellens dignitas, ò Cn. Pōpeij sic late longe q; diffusa laus, ut eius gloriæ domicilium communis imperij finibus terminetur; ò nationes, urbes, populi, reges, tetrarchæ, tyranni, testes Cn. Pompeij non solum uirtutis in bello, sed etiā religionis in pace. Communis exitii: de coniuratione dici, satis constat. Parui uobis: mihi enim S.C. mandastis, ut coniuratos carnifici necandos traderem. Texerā: plus esset, Conseruaram: quod alibi dixit: sed Texeram, modestiæ causa maluit. Crudelitatem inimicorum: apte nominibus Cicero nomina coniungit, ex eo, quod cuiusque natura fert. oritur enim ex inimicijs crudelitas, ex infidelitate scelus, ex inuidia fraus. sic in Diuinatione, Quas res, inquit, luxuries in flagitijs, crudelitas in supplicijs, auaritia in rapinis, superbia in contumelijs efficere potuisset, eas omnes sese hoc uno pratore per triennium pertulisse. Simile & illud est in oratione pro Cælio,

Caelio, Cum tristibus senere, cum remissis iucunde, cum senibus grauter, cum iuuentute comiter, cum facinorosis audacter, cum libidinosi luxuriose. Deleta: uidentur hæc non fuisse, quia rediui: & in me nouæ calamitates, noua iniuriarum genera comparantur. Ego uero uos: & orationem, & uultum ad eos, qui sordidati aderant, conuertit. cum uero subiungit, Nec me ab ijs, quos meo nomine sordidatos uidetis, unquam ulla fortuna diuellet, à sordidatis ad iudices uultum, & actionem refert. Receperunt: cum enim ab exilio rediit, à porta Capena in Capitolium ad agendas Ioui opt. max. gratias, quod se patriæ compotem fecisset, recta profectus est. inde suos lares petiit. epistola I. libri IIII. ad Atticum, & pro domo sua. Ab his uiris: qui nunc in squalore, sordibusq; sunt. P. Lentulus: qui cum me consul restituit, commisit hæc uestre potestati: ut possitis id, quod uobis hoc iudicio licet, uel me cum meis defensoribus & conseruatoribus perdere, uel mecum simul eos seruare, sine quibus in hac urbe esse non possum. nam nisi ille me restituisset, non hac in uestra potestate nunc essent. His ciuibz uti: quos sordidatos uidetis: quos si eiicietis, uti uobis eorum opera in tuenda republica non licebit. Reficere: tot malis afflictum.

F I N I S.

SERIES LITTERARVM.
A B C D E F G H I K L M N O P Q R S T V X.

Omnes sunt quaterniones.

V E N E T I I S, M. D. LIX.

Apud Paulum Manutium,
Aldi F.

5818184

